



B.N.C.F.

MAGL. 5.6.199.



CF005270808


~~5.6.199~~

Prig. sen. 2.6

5 L. 6.



by Google





V I T A E
ITALORUM

DOCTRINA EXCELLENTIUM

QUI SAECULIS XVII. ET XVIII. FLORUERUNT.

VOLUMEN VIII.

AUCTORE

ANGELO FABRONIO

ACADEMIAE PISANAE CURATORE



P I S I S MDCCLXXXI.

EXCUDEBAT JOSEPH GIOVANNELLIUS

~~~~~  
SUPERIORIBUS ANNUENTIBUS



FERDINANDO  
AUSTRIACO  
LEOPOLDI MAGNI ETRURIAE  
DUCIS F.

ANGELUS FABRONIUS.

**G**Ratulor Etruriae & saeculo,  
quod omnes in illud consenserint  
elogium, nihil Te, CELSISSIME PRIN-  
CEPS REGIE, fieri posse amabilius,

nihil humanius, nihil ingeniosius,  
Teque ad omnem virtutem & bonas artes non modo provchendas, verum etiam excolendas natum factumque videri. Porro vereretur, ne mihi verba deessent, si isthaec laudandi materies deesset. Nam praecipere qualis debeat esse Princeps, pulchrum quidem, sed difficile ac prope superbum: laudare vero optimum Principem, quamvis e pueritia minime excesserit, ac per hoc ei stimulos addere ad iter, quod gloriose instituit, conficiendum, ceterisque adolescentibus veluti e specula lumen, quod sequantur, ostendere, plurimum utilitatis habere potest, arrogantiae nihil. Quod vero facile ac benigne annueris hunc qualemcumque librum Tibi inscribi, mihi ne tributum hono-

rem putem an litteris ? Litteris  
malo, quod hae patrocinio Tuo di-  
gnae videantur, & quod nihil ma-  
gis earum intersit, quam inveniri  
scriptores, qui historiae monumen-  
tis commendent hominum docto-  
rum praeclara facta, & Principes  
extare, qui eorum industriae glo-  
riaeque faveant.

1. The first part of the paper is devoted to a discussion of the various methods which have been proposed for the determination of the rate of reaction of a substance with oxygen. The methods are classified into two groups: (a) direct methods, and (b) indirect methods. The direct methods are those in which the rate of reaction is measured directly, while the indirect methods are those in which the rate of reaction is measured indirectly, by measuring the change in some property of the system.

## INDEX VITARUM

### QUAE IN HOC VOLUMINE CONTINENTUR

|                             |         |
|-----------------------------|---------|
| Benedictus Averanius        | pag. 8. |
| Alexander Politus           | 41.     |
| Eduardus Corfinius          | 76.     |
| Ramirus Rampinellius        | 143.    |
| Guido Grandius              | 186.    |
| Jacobus Philippus Maraldius | 295.    |
| Alexius Symmachus Mazochius | 330.    |

1. The first part of the paper

is devoted to the

study of the

properties of the

operator  $T$ .

It is shown that

the operator  $T$

is bounded and

its norm is equal to



# VITAE ITALORUM

DOCTRINA EXCELLENTIUM

QUI SAECULIS XVII. ET XVIII. FLORUERUNT.

---

ANGELUS FABRONIUS  
JOANNI BOTTARIO  
S. P. D.

**Q**uoniam ingressi sumus litteris mandare Latinis doctorum Itatorum facta, juvat, clarissime Bottari, institutum iter prosequi ea libertate, quae historicum decet, qui nihil temere narrare, nihil astute atque assentatorie praeterire debet. At non satis est consulere diligentiae ac veritati: sunt enim quidam ingenio adeo delicati ut ne honestam quidem, & quasi propriam historici libertatem ferre possint; quorum ego fastidium atque insulstatem adeo non moror, ut vel eorum vocibus in suscepto consilio confirmetur. Nam si illae valerent quam auctoritatem, aut quam fidem habere possent historica

Tom. VIII.

A

monumenta, quis amplius vereretur historiam ut humanarum actionum judicem, quis ab ea requireret exempla virtutum, quis ipsam amplius praedicare auderet uti veritatis lucem, magistram vitae, omnisque vetustatis incorruptam nuntiam? Bene hercle faciunt (atque illorum exemplum nos sequi gloriamur) qui nulli diligentiae parcant in inveniando vero, inventumque sic exponunt, ut dum veritati unice serviunt, ab omni tamen absint arrogantia atque contumelia. Itaque ii, quos obrectandi maledicendique libido tenet, quorum hominum genus ne summis quidem defuit scriptoribus, accusent me licet ut rudem, ut impositum, certe ut mendacem, ut adulationis sordibus infuscatum, ut injuriosum nunquam accusabunt. Tantum porro absumus ab impedienda inelegantis scriptoris accusatione ut ingenue fateri minime dubitemus saepe evenire ut cum haec nostra in manus sumimus nobis ipsis displiceamus. Quam ob rem non semel consilium suscepimus hujusce operis abjiciendi, nosque ad aliud studium (nunquam enim mens fuit socordia atque desidia bonum otium conterere) transferendi. Sed ab incepto ne desisterem fecit non tam amicorum cohortatio, quam publicae utilitatis amor, cum

plurimum intersit scire clarorum hominum facta , quibus tanquam stimulis laboris & industriae utamur ad eadem vel assequenda vel superanda . Memoriae proditum est Thucydidem collacrimasse cum adolescentulus mirabilia praedicari de Herodoto , huncque ipsum historiam a se scriptam recitantem audisset ; tantoque studio atque ardore inflammatum fuisse , ut non prius conquieverit , quam maiorem aut saltem parem in scribendo gloriam sibi comparaverit . Pergam igitur , mi Botiari , nudo & simplici orationis genere , quale veritatis proprium esse ait Euripides , illustrium Italorum vias exponere , & ex fastis Academiae Pisanae eos nunc potissimum seligam , qui eloquentiae laude floruerunt . Sunt ii quidem immortalitate dignissimi , & quod omne studium industriamque ad adolescentium utilitatem contulerunt , & quod artem excoluerunt , quae ingenii lumen , & omnium rerum regina jure meritoque appellatur . Nihil enim praestabilius videtur quam posse dicendo tenere hominum coetus , mentes allicere , voluntates impellere quo volumus , unde etiam velimus deducere . Praeter quam quod quid tam proprium hominis , quid tam jucundum cognitu atque auditu , quam sapientibus sententiis , grā-

vibus elegantibusque verbis ornata oratio & perpoluta? Scio equidem remoto foro, concionibus, judiciis, senatu, vix locum eloquentiae relictum esse videri; sed habet nunc etiam illa suos campos, angustiores quidem, in quibus triumphare possit; quare nulli fere laudis cupidi adolescentes non sibi ad dicendum studio omni enitendum putant. Hi fortasse in eo errant quod aut praeceptis, aut magistris, aut exercitationibus, quibus utuntur omnes, se id, quod expetunt, consequi posse confidunt. Nam quamvis artem ab eloquentia scungere minime debeamus, in eaque multum valeat, maxima tamen vis erit ingenii & naturae ad dicendum; ex quo fit ut vel homines omnis doctrinae expertes interdum sic eloquentia polleant, ut ad illam non nati, sed a Deo facti videantur. Requirit enim haec ars celeres quosdam animi & ingenii motus, qui & ad excogitandum acui, & ad explicandum ornandumque sint uberes, & ad memoriam firmi, quique subditis veluti ignibus & effervescent per se, ceterosque valeant inflammare. Mitto alia naturae bona, quae ad actionem pertinent, quae adeo in dicendo potest, ut non sine causa huic Demosthenes & primas, & secundas, & tertias

tribuerit. Omnino ea nobis fingenda est eloquentiae imago, quae sit plena ornamentorum magis natura quam arte quaesitorum; & cum huius unius sit tractare animos omnique ratione permovere, huius modo perfringere, modo irrepere in sensus, huius inferere novas opiniones, eveliere insitas, illam quidem suspicient omnes, omnes admirabuntur, pauci se assequi posse confident. Qui nihil potest nisi tranquille, nihil nisi leniter, qui omnia pariter, definite, distincte, callide dicit, omnesque ancipites incertosque dicendi casus extimescit, qui de omni verbo sollicitus est, nec novit quid interdum etiam possit quaedam diligens negligentia, nec maximus, nec magnus unquam erit orator. E philosophorum scholis tales fere evadunt, qui cum mentis acie polleant ad intelligendum, cor tamen non habere videntur, nullaque posse animi vehementi affectione commoveri. Non prius conatus sum, aiebat Cicero, misericordiam aliis commovere, quam misericordia sum ipse captus, quare saepe non modo lacrimulas, sed multas lacrimas & fletum cum singultu videre in auditoribus suis ipse potuit. O sane spectaculum oratori jucundum, cum L. Flacci puerum infantem in manibus tenens, vel cum in alia causa, excitato reo nobili, sublato etiam filio parvo,

tanto plangore & lamentatione complevit forum, ut orationem abrumpere coactus fuerit! Sed qui haec possunt nulla eos ingenii, sed magna vis animi inflamat, vix ut se ipsos teneant. Verum haec vis, quam quaerimas, quanta sit suspicemur, quoniam exempla ante oculos habere non possumus, aut si exempla a veteribus sumimus, meminisse debemus carere libris spiritu illo, propter quem majora eadem illa cum aguntur, quam cum leguntur videri solent. Ad rem haec pertinere puto cum de Averanio sim dicturus, qui cum conceptam animo & comprehensam haberet formam perfectae eloquentiae, non satis hanc cognosci & excoli ab Italis ingeniis vehementer dolebat, ejusque causam cum ageret, non dubitabat offensionem & invidiam suscipere, cum eos deferendos affirmaret, qui ad nobilissimam artem fauricem naturam minime attulissent. Utinam vero ipse, qua fuit mentis acie parem suae virtuti campum invenisset, & excitasset eundem ad eloquentiam, ut priscos illos viros, magnitudo, & varietas multitudoque causarum, & illustria praemia vel ad gratiam, vel ad opes, vel ad dignitatem. Par enim summis oratoribus esse potuisset. Non me fugit vitio illi verti quod non omnia semper expendere & seligeret, utereturque inter-

dum imprudenter copia argumentorum , atque eruditionis . Nihil enim est feracius ingeniis , quae plurimis disciplinis exculta sunt , & quemadmodum segetes foecundae & uberes non solum fruges , verum etiam herbas effundunt inimicissimas frugibus , sic interdum ex illis locis aut levia quaedam , aut rei aliena , aut non utilia gignuntur , quorum ab oratoris iudicio delectus magnus est adhibendus . Sed ad exponendam ipsius Averanii vitam veniamus , quam sic leges , ut tuo iudicio permulta & addenda , & demenda , & mutanda , & corrigenda a nobis sint . Quod si pictores olim , & ii qui signa fabricabantur , quamvis in sua arte perfecti , suum tamen opus a vulgo considerari volebant , ut si quid reprehensum esset a pluribus , id corrigerent , eo magis nos , qui ne mediocriter quidem docti sumus , exquirere debemus ab intelligentibus viris quid ipsi sentiant , qua in re peccavimus , quidque deceat . Non dubito autem , quin te facilem , mi Bottari , praebiturus sis in accipiendis postulatis meis non tam mea , quam Averanii causa , qui te adolescentulum ad summa quaeque properantem adeo suspexit , adeoque dilexit , ut in te uno conquiescere videretur . Vale .

Pisis Kal. Decemb. MDCCLXX.

## BENEDICTUS AVERANIUS.

**T**Res e Joanne Francisco Averanio & Margarita Sacchettinia civibus Florentinis nati sunt filii Benedictus, Josephus & Nicolaus, qui adeo doctrina & virtute praestiterunt, ut ex ipsius Sapientiae stirpe generati esse viderentur. Horum natu maximus Benedictus, de quo nunc scribendum suscepimus, postquam Josephi vitam superiori in volumine explicavimus, lucem aspexit Florentiae an. reparatae salutis MDCXLV. XIV. Kal. Sextiles. Multa is vel a prima pueritia indicia praebuit probitatis & ingenii, discendique amor ipsi cum aetate crescebat. Nemo illum vidisset in eo aetatis flore nisi aut cum castissimis parentibus, aut cum libris versantem, videbaturque horrere omnia oblectamenta puerorum. In rhetorica praeceptorum habuit Vincentium Glaream e S. J. hominem, ut illis temporibus, satis Latinis literis doctum; sed brevi eo pervenit, ut sine cortice in hac mitiorum litterarum aquila nare posset, & ipse sibi consulere. In quo



quidem tanta felicitate usus est, ut non solum aequalium nemo ei par poneretur, sed vel ipse Praeceptor ab illo se fuisse superatum ingenue profiteretur. Nec quidquam Benedictus habuit antiquius quam ut optimos scriptores tum Italicos tum Latinos nunquam de manibus deponeret; quodque initio non mediocre tempus consumpserat in poetis praesertim epicis evolvendis, totum jam se dandum Ciceronis & Historicorum lectioni existimavit. A rhetorum spatiis ad philosophorum campos traductus adiit statim fontes illos, unde universum sapientiae flumen erumpit; nec quidquam erat retrusum adeo atque abditum in Platonis & Aristotelis, eorumque interpretum & sectatorum libris, quo ipse, suo acerrimo ingenio duce, non penetraret. Platonem praesertim sequebatur, quod longe omnibus ingenio & doctrinae copia illum praestare dicebat; quapropter minime esse mirandum omnes eos, qui in aliqua disciplina principatum tenuissent, quorum in numero Ciceronem, Virgilium, & S. Augustinum ponebat, Platonicos fuisse. Eadem mentis acie, qua rerum omnium vim, naturam causasque

videre satagebat Benedictus in philosophorum scriptis, illa quoque aspiciebat quae ad eloquentiam, cuius incredibili quodam studio flagrabat, quoquo modo pertinebant. Saepe enim memoria repetebat illa Ciceronis: *fateor me oratorem, si modo sim, aut etiam quicumque sim, non ex Rhetorum officinis, sed ex Academiae spatii extitisse: illa enim sunt curricula multiplicium variorumque sermonum, in quibus Platonis primum impressa sunt vestigia; sed & hujus & aliorum philosophorum disputationibus & exagitatus maxime Orator est & adjutus: omnis enim ubertas, & quasi silva dicendi ducta ab illis est.* In his occupationibus Benedictus renovabat interdum exercitationes poeticas, & quod finitima eloquentiae poesis est, illamque non parum adjuvat, quodque ad hanc factus a natura esset. Composuit autem, ut patri obsequeretur, Latinum poema de S. Thomae Aquinatis laudibus, in quo omnes admirabantur adolescentuli fingulare ingenium, qui cum ne primoribus quidem labris rerum divinarum scientiam attigisset, de Trinitatis mysterio ita distincte, eleganter & illuminate versibus dixisset, ut fortasse melius a summo

theologo, solutaque oratione id fieri minime potuisset. Periiit autem hoc poema cum multis aliis Auctoris carminibus, quod ea negligentissime (non enim is erat, ut sua eum maxime delectarent) asservabat. Ceterum quae sunt in manibus hominum Benedicti carmina, quorum pleraque in pueritia condidit, satis ostendunt potuisse illum ad summi poetae laudem pervenire, si omisiss gravioribus studiis huic arti sedulam operam navare voluisset. Sunt enim lita ingenii luminibus, & naturali venustate atque lepore condita. Sed praesertim in elegia excelluit, in qua Tibullum sibi ad imitandum proposuit. His ille rebus instructus a patre missus est ad Academiam Pisanam ea mente, ut sibi juris prudentiae unice studeret. *Quoniam vero, ut ait ille, minime interdictum est aut a rerum natura, aut a lege aliqua atque more, ut singulis hominibus ne amplius quam singulas artes nosse liceat*, ita Averanius, postquam diligentissime satisfecisset juris praeceptoribus, alias facultates sibi assumebat, in quibus industriam suam collocaret. Veterum philosophia minime contentus curiose investigabat quidquid recentiores phi-

loſophi inveniffent , cum prius geometriae ſubſidium ipſe ſibi comparaffet. Plurimum quoque ſe exercuit in mechanica & aſtronomia, aliasque attigit diſciplinās, quas conducere putavit ad dicendi facultatem, quae niſi aſperſa atque diſtincta ſit multarum doctrinarum jucunda varietate, vix eloquentiae nomen meretur. Graecam vero linguam, Graecasque litteras avide arripuit, quaſi ardentem ſitim explere optaſſet. Multi etiam ſudoris erant quotidianae ſcriptiones ad acuendum ſtilum, qui vere perfectior dicendi & magiſter appellatur. Nec Latine ſolum, ſed etiam Graece ſcribebat, cum convertiſſet in Graecum Saluſtium, & Celſum, aliaque Latina. Extant & ejus Graecae elegiae, quarum una, quae laudes celebrat formosae cujuſdam puellae, cum in manus perveniſſet hominis Galli, qui ſane teretes aures habebat intelligensque judicium, ab antiquo poeta ipſam ſcriptam judicavit. Ut vero Averanii eſſe audivit, mirari non ceſſabat hunc poſſe tantum in Graeca poeſi, eundemque tanta negligentia eſſe in adnotandis, ut vocant, ſpiritibus & accentibus, aliisque orthographiae legibus obſervandis, quaſi haec

nullius essent momenti. Is quidem erat Averanius, ut hujusmodi quaesitores vituperaret, & in eo quodammodo gloriari videretur, se, dum grandia spectaret unice, minuta contemnere. Quidquid eidem vacabat temporis, ab academicis studiis solitus erat in patria consumere, ubi ne otium quidem illi erat otiosum. Creatus Princeps Academiae *Apathistarum* veniebat in illam frequens: solebat vero ex instituto ejusdem Academiae ea ponere in percunctando, tantaque eruditionis copia quaesita ab aliis tractare, ut nihil ei esse novum, nihil non cognitum videretur. Quaecum audisset communi fama atque sermone Leopoldus Mediceus Cardinalis, cui nihil tam cordi erat quam favere litteris, & laudi honorique Academiae Pisanae patrocinio suo commendatae, affirmavit Benedicto si pergeret porro tenere illam viam, quam instituerat, se ei munus delaturum docendi humaniores litteras in eadem Academia. Qua spe erectus, decoratusque jam laurea ceterisque doctrinae insignibus, totum se in easdem litteras abdidit. At priusquam Leopoldus datam fidem liberaret, e vivis excessit; cui cum

essent iusta persolvenda in Florentina Basilica S. Laurentii, Benedictus mandatum accepit componendi Latina epigrammata ( fecerat hoc idem paullo ante in exequiis Claudiae Augustae ) quae appendi debebant in eadem Basilica ad mortui laudem atque memoriam. Plausisse homines his epigrammatibus ex eo conjici potest, quod renovata postea hujusmodi mandata fuerunt in funeribus Victoriae Roboreae Magni Ducis Ferdinandi conjugis, & Leopoldi Caesaris. Cum Leopoldi Cardinalis vita omnes spes suas extinctas putabat Benedictus; sed illas brevi reviviscere vidit, quod ejus doctrina Cosmo, III. Magno. Duci satis cognita erat. Nam omnes mirabiliter de illo & sentiebant & loquebantur. Itaque anno MDCLXXVI. munus longo tempore vacuum tradendi in Pisano Lyceo Graecas litteras illi assignatum fuit, quod auspicatus est a splendida sane & magnifica oratione, qua probavit Graecas litteras magno esse ad omnem sapientiam comparandam adjumento. Cum inflammati jam essent eloquentissimis Averanii vocibus plures adolescentes ad eas discendas litteras, ex quibus omnis humanitas;

omnisque doctrina profluxit, illi se se informandos dederunt. Domi is tradebat elementa Graecae linguae, Graecosque scriptores ita interpretabatur, ut singulorum verborum vim, naturam, originem explicare, & verbum pro verbo reddere curaret. In scholae autem luce magno opere sibi enitendum putabat, ut omnem exemplorum copiam, omnemque antiquitatis memoriam auditorum oculis ornate eleganterque subjiceret. Ad quam rem obtinendam Anthologiam illustrandam suscepit, quod, cum haec multa millia epigrammatum elegantissimorum contineat, sperabat inde posse decerpere non flores modo, sed & fructus uberrimos multiplicis eruditionis. Consumpsit in Anthologia Dissertationes sex supra octoginta, quas memoriter dicere solebat. Ad Thucydidem & Euripidem deinde se convertit, quibus totidem fere concessit Dissertationes, in quibus omnibus inest quidem silva atque infinita propemodum materies eruditionis, sed ea saepe confusa seque nimium profundens. Si acri, quo pollebat judicio, uti voluisset Averanius, fortasse in his ceterisque illius Dissertationibus haberemus aut plures

auctorum locos castigatos suppletosque, aut celebriores tum historicas, tum chronologicas controversias diremptas, aut rariores inscriptiones atque numismata explicata, aut nonnulla, quae antea jacebant in antiquitatis tenebris, ad lucem revocata. Sed haec ille visus est neglexisse, satis gloriae putans se posse colligere, si memoriae suae, in qua quidquid legebat firmissime haerebat, imensos thesauros referasset. Et quidem ejus schola floruit semper studiosorum adolescentium celebritate; nec deerant quoque docti viri, & in his Henricus Norisius, qui illam frequentarent. Habebat etiam Benedictus domesticos convivores Josephum & Nicolaum fratres suos carissimos, quos erudiret non in litteris solum Graecis, sed & in geometria, aliisque reconditioribus facultatibus. Quam longe ii processerint in omni pene libero homine digna doctrina, intelligi potest ex oratione, quam Benedictus habuit, dum eos jurisconsultorum ornamenti insigniret. In multis scholae occupationibus satis tamen Benedictus reperiebat temporis (nemo enim & studio acriore, & labore & industria superiore quam ille fuit) quod



quod operi prorsus magno & arduo concederet. Noverat eam esse Almagesti obscuritatem, ut ab eo legendo omnes fere rejicerentur: quare ne hujus libri utilitas astronomiae studiosis doceret, transferre in Latinum aggressus est non tam ille, quod minus recte factum fuerat a Trapezuntio propter astronomiae inscitiam, quam Theonis in illum ipsum luculentissimos commentarios. Ad hanc autem Theonis interpretationem conficiendam mirificum ei usum assererat singularis prorsus illius scriptoris codex, qui in bibliotheca Laurentiana asservatur. Etenim illius ope non solum corrigi poterant plurimae menda, quae in editos libros irreperant, sed etiam multa, quae deerant, suppleri, cum idem codex habeat tertium Theonis librum a quodam Nicolao Cabasilla, & quintum & sextum a Pappo Alexandrino additos. In hoc labore cum dies ac noctes se exerceret, idque aestivis praesertim temporibus, quibus Florentiae esse solebat, audiit a Vincentio Viviano se quondam dono accepisse a Leopoldo Cardinali eosdem Theonis commentarios Latinos factos a quodam Theophilo Urbinate, hosque ami-

co in Galliam redeunti ea lege dedisse, ut typis committeret. Questus est graviter Benedictus, & quidem jure, haec antea sibi occultasse Vivianum; & ne actum ageret, quod vetatur veteri proverbio, ab incepto opere destitit. Verum si passus fuisset apud se valere voces Josephi fratris, perrexisset quidem conficere iter reliquum; sicque minime doleamus utraque nos carere interpretatione, cum Gallus ille datam amico fidem edendi Theophilianam interpretationem nunquam solverit. Sexennium tradiderat Averanius Graecas litteras, probata omnibus, maximeque Ferranti Capponio Academiae Pisanae Curatori doctrina industriaque sua, cum ad altiorem gradum ascendit doctoris humaniorum litterarum. Audacter ingressus est ad hoc munus, quod succedebat Jacobo Gronovio homini multis sane litteris praedito, sed in eloquentia & in Latine scribendi elegantia parum exercitato, ac pene rudi; qui cum non minus moribus, quam oratione durus & asper esset, tantum in se odium collegarum concitavit, ut Academia cedere, postquam illi non integrum annum operam suam praestitisset, coactus fue-

rit. Sed ad Benedictum revertor, cui gloriosissimum erat, quod ejus schola & domus tanquam officina eloquentiae, omnisque polioris humanitatis celebrarentur. Certe quidem nemo Academicorum iis temporibus scribendi barbariem, quae passim & foede dominabatur, exuit, nemo mansuetiores musas amplexus est, qui hoc, Averanio auctore, hortatore & adjutore, non fecerit. Principio illustrandum suscepit T. Livium, mox Virgilium, ac denique libros Ciceronis de Oratore. In Livium unam & triginta, in Virgilium quadraginta quinque, in Ciceronem duas supra nonaginta Dissertationes reliquit, quae omnes sunt in manibus hominum. Quoniam vero annotare praetermiserat aut auctores, aut horum locos, quibus non modo ornaverant, sed & refererat easdem Dissertationes, Antonius Maria Salvini, Nicolaus Averanius, & praeter ceteros Joannes Bottarius hanc rem incredibili labore perfecerunt. Nec mediocrem in eo afferebat Benedictus utilitatem discipulis suis, quod ad confirmandos illorum animos ne a Latinis unquam Graeca sejungerent, solitus erat sic comparare inter

se Homerum & Virgilium, Demosthenem & Ciceronem, Thucydidem & Sallustium, Herodotum & Livium, Xenophontem & Caesarem, ut singulorum virtutes non enumeraret modo, sed prope in conspectu poneret. Quotannis etiam ex instituto Academiae in solemnibus studiorum instauratione Latinam habebat orationem ad acuendam Academicorum industriam, accendendumque magis illorum amorem in liberales disciplinas. Harum orationum triginta extant, in quibus sunt profecto verborum & sententiarum lumina, mirabilis exemplorum omniumque rerum copia, dicendique genus fufum, nitidum & sanum. Omnino tria illa, quae efficere debet orator, ut doceat, ut delectet, ut moveat, consecutus esse videtur Benedictus. Si is vero cuipiam nimis redundans, &, ut de illo dicere solebat Alexander Politus, pampinosus interdum videbitur, circumcidat hic & amputet quantum libet; illud tamen tenebo non omnes modo illius aetatis, sed plerosque etiam superioris, qui Latinae eloquentiae gloria floruerunt, Benedictum fuisse. In vita Iosephi Averanii iudicium gravissimum protulimus Jo. Vincentii Gravinæ,

qui M. Antonio Mureto Benedictum praeferre non dubitabat. Quam laudem sibi quoque Benedictus tribuebat, minime extimesceus in veritate crimen arrogantiae. Ex omnibus ejusdem orationibus duae illae omnium optimae nobis videntur, quae sunt de laudibus Mediceorum Principum, & de victoriis Christianorum. Quam postremam si quis conferet cum Muretiana illa omnium nobilissima, quae in simili versatur argumento, facile apparebit quantum Mureto Averanius antistat rerum copia, sententiarum varietate, & magnifico quodam & splendido eloquentiae genere, aliisque oratoriis ornamentis, non tamen ordine & perpetuo dicendi lepore & venustate, in quibus virtutibus profecto malim me Mureto, quam Averanio similem esse. Nec minus quam poleret Averanius eloquentia ex ceteris illius orationibus perspicui potest. Quam singularia illa de Livio in secunda oratione! Quam magnifica illa, quibus in fortunae inconstantiam alibi invehitur! Sed non est necesse illustriores Averanii orationum locos singillatim commemorare, cum in universum omnia in iis splendeant eloquentiae luminibus. Haud scio an

Idem Italicam eloquentiam unquam tractaverit, in qua non secus ac in Latina excellens esse potuisset. Optime enim Italice scribebat, ut indicant plures editae jam illius *Lectiones* (libet usitato vocabulo uti) quas recitavit tum in Academia Etrusci sermonis custode & moderatrice, tum in illa, quae *Apathistarum* nominatur; quanquam in his scriptionibus non multum ille elaboravit. Nihil enim aliud afferre voluisse videtur nisi elegans & aequabile orationis genus, & ornamenta multorum sapienter dictorum factorumque ex antiquitatis monumentis conquisita. Est quidem haec res praeclara, si modo & ordine fiat, quod interdum in Averanio desiderari posse videtur. Idem in adolescentia Italicam excoluit poesim, dignusque existimatus est a Mario Crescimbenio, qui inter illius restitutores (vix enim esse potuit poesis in tanta superioris saeculi barbarie) adnumeraretur. Plura Averanii Italica carmina Romae asservantur in tabulario Arcadum, quorum invitatu eadem condidit. Nam illorum Academiae vel a prima hujus origine Corilaei Nassii nomine adscriptus fuerat. Ex iis autem carminibus unum

elegit Crescimbenius, retulitque in III. volumen suorum *Commentariorum de Italicae Poësis historia*, ut esset indicium ceterorum & exemplum ad imitandum. Profecto nunquam fatis laudari possunt sapientes illi viri, qui poësim, ut castam virginem, ab impudentium procorum impetu liberandam susceperunt: sed plerique eorum dum illam nimis verecundantem, nimis paventem esse voluerunt, tenuem fortasse & inopem effecere. Haec, quae retulimus, Averanii opera famam ei conciliarunt litteratissimi viri, ut vere de illo praedicatum esse videatur ab Auctore *Bibliothecae Italicae* (\*) ipsum inter ornamenta & lumina saeculi XVII adnumerandum, omninoque fuisse eruditionis thesaurum: quae vero de ejusdem moribus proferemus, sic ei omnium benevolentiam conciliarunt, ut principibus & infimis, senibus adolescentibusque aequae esset carissimus. Fuit ille vir, si quis unquam alius, religiosus, integer, fide summa, & constantia prope singulari; in eoque nihil erat nisi simplex, sincerum & apertum. Hoc esse sapientis maxime

B 4

(\*) Vol. VIII. pag 133.

proprium dicebat, se gerere simpliciter, fideliter, societatique hominum amice. Nec in moribus solum simplicitatem amavit, sed etiam in victu cultuque usque eo ut munditiam negligeret. Delectabatur amicitiiis doctorum praesertim hominum, iisque magis quam sibi servire videbatur. Ad easdem vero conciliandas plurimum poterat opinio probitatis, prudentiae & doctrinae, quam apud omnes vel in malevola & invida civitate habebat. Extant nonnullae ejus familiares epistolae Latine scriptae, ex quibus ejusdem benignitas & comitas perlucet, minime vero festivum quoddam & dulce scribendi genus. Si forte res non suppetebat qua opis suae indigenti subveniret, benefica saltem voluntate illum demereri studebat. Tanta naturae bonitas, qua Benedictus praeditus erat, horrere illum cogeat vel minimum ingrati animi crimen, habebatque saepe in ore illud P. Syri:

*Dixeris maledicta cuncta ingratum cum hominem dixeris.*

Congressus, societatemque amicorum, qua una re fessum animum studiis relaxare videbatur,



cupide requirebat, seminarum vero cane pejus & angue fugiebat. Tantum tribuebat amicitiae Benedictus, ut saepe quereretur illam posthaberi propinquitati: malle se facultates suas optimis & benemeritis amicis relinquere, quam non probis & immerentibus propinquis. Summa gravitas conjungebatur ab eo cum singulari comitate, ejusque sermo, quamvis rarus, concinnus tamen & festivus erat, ac saepe etiam urbanis salibus aspersus. Omnino non audiendos illos esse dicebat, qui virtutem duram, rigidamque, & quasi ferream esse volunt: quapropter quod ipse sibi non concessisset, aliis facile indulgebat. Proclivis ad iram in disputando (& frequentes quidem erant iis temporibus in Academia Pisana pleinae concertationum disputationes) facile exandefcebat. Sed ubi primus ille impetus deferbuiſſet, placide ſedateque colloquebatur. Patriae & Academiae Piſanae amans adeo fuit, ut ne ampliffimis quidem propofitis praemiis, maximaque ſpe, divelli ab iis potuerit. Nam mortuo an. MDCLXXXII. Octavio Ferrario, Academiae Patavinae Moderatores ad profittendas in hac humanas litteras illum invita-

rant, idque ipsum praestitit etiam non multo post Summus Pontifex Innocentius XI., cupiens tantum virum Archigymnasio Romano adjungere. Absuit semper ab ostentatione gloriosa; neque hoc mediocre modesti animi signum fuit, quod vix diuturnis & quotidianis amicorum exhortationibus adduci potuit ad edendum (effecit hoc an. MDCLXXXVIII.) primum suarum orationum librum; quodque editum exteris nationibus ad eloquentiae suae famam propagandam deferri minime curavit. Profecto si gloriae stimulus acriter illum pupugisset, praeclara multa, quae latuerunt in thesauris suis, excudere potuisset. Quis enim illo in veterum Scriptorum lectione exercitior, quis ingenio, memoria & industria superior? Nihil illi erat incognitum, quod in litteris Graecis & Latinis esset inclusum; Platonem, Ciceronem, & Livium saepius legerat; Virgilium & Tibullum omnino, alios vero Latinos poetas magna ex parte memoria tenebat; in rebus divinis, in communi civium hominum, & gentium jure, in omni re, quae ad geometriam pertineret, in astronomia, in recentiori philosophia, aliisque reconditis

in doctrinis erat versatus. Erat & intelligens existimator picturae, architecturae, & sculpturae, aliarumque minorum artium. Adeo vero industrius, ut ab opere cessare non posse videretur, suoque exemplo confirmaret praeclarum illud Aristotelis dictum; *hominem ad duas res, intelligendum & agendum esse natum, quasi mortalem Deum*. Cum autem & legeret & meditaretur, adeo animum desigebat atque intendebat, ut non modo rerum, quae extra se essent, sed sui ipsius oblivisceretur. Accidit aliquando, ut, cum adesset sacro cuidam Oratori non multum quidem & eloquentia & rerum delectu auditores attentos facienti, coeperit elata voce Homericos versus recitare cum omnium risu, sui que ipsius maximo rubore. Ne in infirma quidem valetudine sibi temperabat a libris; qua de re cum saepe a medicis reprehensus fuisset, respondere solebat, se minus animum defatigare lectione, quam meditatione, a qua otiosus & solus, tantum consuetudo valet, se abstinere non poterat. Ex vehementissima & continua animi contentione gravissimae ortae sunt capitis offensiones. Vere an. MDCCVII. rheumatismus non

solum caput, sed & pectus misere oppressit; ex eoque tempore Benedictus nunquam pristinas vires & colorem recuperavit, ut omen impendentis mortis videretur. Sed hujus calamitatis praenuntia maxime fuit apoplexis, quae illum XVIII. Kal. Septembris, dum rebus divinis in templo intererat, invasit. Multa sunt adhibita remedia, ut convalesceret; sed medicina imbecillior fuit quam morbus. Nihilo tamen minus exeunte Octobre Pisas concedere voluit, quo non multo post quam venerat, tussis levem febriculam excitavit, & rheumatismus magis magisque pectus oppressit. Breve vitae reliquum totum ferme in Christianae religionis officiis obeundis consumpsit; cumque interrogatus fuisset quid de bonis scriptisque suis fieri vellet, caduca haec se prorsus negligere, immortalia vero unice curare respondit. Mors, quam V. Kal. Jan. sub solis occasum obivit, fuit pacata, tranquilla, nullo comitata dolore mentisque defectu, & placido simillima somno. Morti proximus auditus fuit identidem iterare verba illa solemnia: ἄγιος ὁ Θεὸς: ἄγιος ἰσχυρὸς: ἄγιος ἀθάνατος, quae cum non intelligeret, qui ei ade-

rat Sacerdos Graecae linguae ignarus, illum delirare putavit. Nihil non factum, ut mortuo honores haberentur, qui essent testimonium illius virtutis & doctrinae, dolorisque quem omnes, & Academia praesertim Pisana, ex ejus interitu susceperunt. Pompa exequiarum, quae celebratae fuerunt in S. Fridiani, fuit illustris & splendida; hancque non parum auxit nobilis sane oratio, quam de mortui laudibus habuit Laurentius Giaunius decus & ornamentum Florentinae juventutis. Cadaver tumulatum fuit in magnificentissimo Pisano sepulcreto, quod *Campum Sanctum* vocant, in monumento familiae Pontaderiae, non concedente solum, sed etiam invitante Equite Vincentio Aulla, ad quem illud hereditate pervenerat. Hic Averanii etiam imaginem ex marmore, opus insignis sculptoris Josephi Piamontinii, prope idem monumentum collocavit cum hoc elogio.

D. O. M.

BENEDICTO AVERANIO FLORENTINO INGENII DOCTRINAE ELOQUENTIAE PRINCIPI, QUI MAGNARUM RERUM ATQUE ARTIUM NIHIL IGNORAVIT NIHIL AB ALIIS DIDICIT. NULLO DOCTORE DOCTRINIS OMNIBUS INSTRUCTISSIMUS. IN PATRIA GRAECAS LITTERAS ADOLESCENTULUS AB INTERITU VINDICAVIT. LATINI SERMONIS INTEGRITATEM ET ROMANAE ELOQUENTIAE MAJESTATEM RESTITUIT. ETRUSCAE LINGUAE SPLENDOREM AC DECUS ATTULIT. IN GEOMETRIA ASTRONOMIA ET OMNIUM ARTIUM OPTIMARUM SCIENTIA PLANE PERFECTUS. CUNCTIS PHILOSOPHORUM DISCIPLINIS ERUDITUS IN ALTISSIMAM PLATONIS DOCTRINAM PROFUNDE MENTE SE INGURGITAVIT. DIVINI PHILOSOPHI SAPIENTIAM NON TAM INTELLIGENDI QUAM BENE VIVENDI DISCIPLINA ET EXCELLENTIA VIRTUTIS EXPRESSIT. GRAECAS LATINASQUE LITTERAS XXX. ET AMPLIUS ANNOS PROFESSUS SUMMUS ORATOR POETA SUMMUS PISANAM ACADEMIAM INGENII LUCE ET NOMINIS CELEBRITATE NOBILITAVIT ELOQUENTISSIMIS ORATIONIBUS DOCTISSIMIS PRAELECTIONIBUS QUIBUS THUCYDIDEM EURIPIDEM ANTHOLOGIAM VIRGILIUM CICERONEM LIVIUM ILLUSTRAVIT EJUS DIGNITATEM ET GLORIAM AMPLIFICAVIT. EQVES VINCENTIUS AULLA PRAECEPTORI OPTI-

MO ET AMICO INCOMPARABILI QUEM EXCEPIT  
HEREDITARIO SEPULCRO MOESTISSIMUS POSUIT.  
OBIIT V. KALD. JANUAR. ANNO SAL. MDCCVII.  
AETAT. LXIII.

Nec minus studuit Romanus Arcadum coetus  
carminibus, vita, aliisque monumentis Ave-  
ranii nomen decorare; & Florentina Acade-  
mia Furfureorum ne in honorando tanto vi-  
ro exteris esset inferior, tum carminibus,  
tum eloquentissima oratione habita ab Anto-  
nio Maria Salvinio, qui debere maxime Ave-  
ranii praeceptis suam in Graecis, Latinisque  
litteris praestantiam gloriabatur, defuncti lau-  
des publice celebravit, ejusdemque pictam ef-  
figiem inter illas clarissimorum Academicorum  
collocavit. Donatus etiam fuit Averanius ho-  
nore numismatis; jussuque Ferdinandi Etru-  
riae Principis ejus imago condita in Pina-  
cotheca Medicea; quae quidem bene & sa-  
pienter instituta sunt non solum ad reno-  
vandam doctorum hominum, qui e vita ex-  
cesserunt memoriam, sed etiam ad excitan-  
dam spe gloriae eorum, qui supersunt, in-  
dustriam.

## O P E R A E D I T A .

Benedicti Averanii Florentini Dissertationes habitae in Pisana Academia, in quibus Graecae, Latinaeque eloquentiae principes explicantur & illustrantur, Anthologia, Thucydides, Euripides, Livius, Virgilius, Cicero. Opus posthumum Graeca Latinaque omnia generis eruditione, doctrinaque refertissimum. Accesserunt ejusdem orationes & carmina omnia iterum edita, nec non epistolae, quae nunc primum in lucem prodeunt. Florentiae typis R. C. apud Jacobum de Guiduccis & Sanctem Franchi 1716. & 1727. Tom. III. in fol. *Pleraque Orationum, quae III. in volumine continentur, ediderat Benedictus an. 1688. in 4. Florentiae apud Petrum Matini, reliquas vero cum carminibus nonnullis ejusdem Benedicti edidit Joseph Averanius illius frater Florentiae an. 1709. in 4.*

Dieci Lezioni composte sopra il IV. Sonetto della I. Parte del Canzoniere del Petrarca, e recitate nell' Accademia della Crusca dal Dott. Benedetto Averani Fiorentino &c. In Ravenna per Antonio Maria Landi ec. 1707. in 4.

Lezioni XI. dette nell' Accademia degli Apatisti. *Exstant nella Raccolta di Prose Fiorentine Parte II. Vol. III. & IV. Firenze 1728. e 1729.*

Sonetto. *Exstat in Volum. III. de' Commentarj del Cao. Gio. Mario Crescimbeni Custode d' Arcadia intorno alla sua Istoria della volgar Poesia ec. Roma 1711. in 4.*

Inscriptiones Latinae variae. *Tales sunt quae appositae visuntur Pisanis thermis, sepulcro Vincentii a Filicaja, & imagini Guidonis Grandii, quae ornat illius opus de infinitis Insultorum.*



ANGELUS FABRONIUS

LEOPOLDO GUADAGNIO

S. P. D.

**I**nduxi te ad legendum: sincerum mihi

Candore noto reddas iudicium peto.

*Si vero accusator alius existeret, qui me dignum reprehensione iudicet, quod in Polito non omnia laudaverim, sciat mihi propositum esse vitam & mores hominum ostendere, minime vero alienos affectus mea in scripta transferre. Verum, inquires, tanti non est ingenium tuum, ut audeas nasute doctorum hominum facta distringere. Quid tibi videtur? Nonne bellum est & sua & aliena vitia nosse; & si quid in te aliisque reprehenderis ita ad veritatem loqui, ut nulla calliditate, solertia, invidia atque odio te adductum id fecisse homines sentiant? Quaeso num quemquam improbo dente unquam appetivi? Non vereor ne quid mihi excidat summis viris injuriosum, cum ingenio meo nihil sit tam alienum.*

Tom. VIII.

C

quam acerbitas atque calumnia. Ceterum ii, qui nefas esse putant verbum proferre quod non jucundum & honorificum ad aures eorum accedat, qui vinculis aut familiae, aut amicitiae, aut cognationis, conjungebantur cum iis, de quibus scribendum suscepisti, minime audiendi sunt, quin immo contemnendi ut homines adulationis sordibus infuscati; & ii qui omnia referunt ad decus & ornamentum propriae familiae, eique student unice (vides jam me de religiosis familiis loqui) si homines alienae reprehenderis, non modo te excusabunt, sed multis etiam extollent laudibus, quod veritatem fortiter retinueris, quamvis ex ea odium nasci debuerit. Atque id ipsum saepissime in me experiri potui, ut nihil nunc minus velim quam consulere sensus hominum, qui alicujus partis studio ducuntur. Ex his unus cum Posonii anno MDCCLXXIV. ederet Politi orationes, hisque praemittendum duxisset commentariolum de ejus vita a me exaratum, ex eo omnia illa dempsit, quae minus favere ejusdem oratoris laudi videbantur, sic ut non pauca in eo offendas, quae male inter se apta colligataque appareant. Tua etiam auctoritate nobis opus fuit, doctissime Guadagni, ad coercendas voces illorum, qui me non satis laudasse Politi

eloquentiam dictitabant, quasi quidquid ille protulit perfectum expletumque esset omnibus suis numeris & partibus. Ea quidem tribui viro & ingenio peracri, & eruditione eximia, & memoria singulari, ut etiam eloquentia eundem praestituisse judicaverim. Artem porro noverat faciendae atque ornandae orationis, & cum distincte, explicate, abundanter, illuminate & rebus & verbis diceret, adhuc magno in pretio esse videntur illius Latinae orationes. Quamvis ei esset persuasum praecipua illa esse, & tanquam animi instar in corpore, invenire & judicare, neminemque in oratorum numero habendum, qui non esset omnibus iis ferme artibus, quae sunt libero dignae, perpolitus; & sensus praesertim animorum atque motus vel inflammari vel etiam extingui non posse sine diligentissima pervestigatione earum rerum, quae a philosophis traduntur, plurimum tamen studii in verbis eligendis disponendisque ponendum arbitrabatur, & quae de elocutione oratoria tradebat discipulis suis, non erant sumpta de medio, sed ex interiori aliquo genere litterarum quaesita. Dictionem a stilo distinguebat, & cum illam emendatam & perspicuam esse debere praeciperet, ea stilo tribuebat, ob quae proprie

in verbis, cum dignitate, apta compositione, numero & modo & politiori elegantia nos eloqui dicimur. Duplex est ornatus verborum, unus simplicium, alter collocatorum. Simplex probatur in propriis usitatisque verbis, quod aut optime sonant, aut rem maxime explanant, in alienis aut translata, aut facta aliunde ut mutuo. Qui sermone puro utitur, & dilucide dicit, & quid deceat circumspicit, neque in faciendis verbis est audax, & in transferendis verecundus, studetque ne quid in circuitu & conglutinatione verborum sit contortum, humile, demissum, & illud grave, amplum, copiosum, & pro rei natura ornatum dicendi genus, in quo profecto maxima semper vis fuit, persequitur, is ad eloquentiae laudem poterit aspirare. Delectat nunc maxime a Gallis praesertim usitatum quoddam orationis genus, in quo multae sunt translationes, antitheses, multa veluti fucati medicamenta candoris & ruboris; & cum in omni genere amplificationis exardescat orator, is furere apud sanos, & quasi inter sobrios bacchari vinolentus videtur: acutae crebraeque sententiae ponuntur, & saepe nescias unde ex abdito erutae; singulo quoque momento ab inferis mortui excitantur; populi, provinciae, respubli-

*ore loquentes inducuntur; & cum hujusmodi oratorum sententia omnes orationis partes luminosae & quasi actuosae esse debeant, declarant quidem minime comprehensam ipsos animo habere formam perfectae eloquentiae, quae similis picturae debet habere varietates colorum, & umbras etiam & recessus, ubi spectantium oculi quodammodo conquiescant. Videat igitur orator in primis quid deceat, studeatque ut rebus ipsis sit par & aequalis oratio: dicat ad popularem intelligentiam & commune iudicium accommodate, non acervatim uno circuitu multas sententias complectatur, & dum elegantiae servit, caveat ne nimium elaborata concinnitas, quasi quoddam aucupium delectationis manifesto deprehensum appareat. Hinc poetica ornamenta, quamvis poesis plurimum eloquentiam adjuvare possit, parce & timide usurpabit, & magnorum exemplis poetarum commones factus (quis enim e nostratibus Danti, Tasso, Guidio, Filicajae, quis e Gallis Cornelio, Racinio, Despreauxio, Fontainio in soluta oratione similis esse velit?) naturalem non fucatum nitorem persequetur, & illa verborum sententiarumque lumina assumet, quae non erunt nimium vehementer illustrata, aut quae nimium longe quaesita videan-*

tur. Grandis &, ut ita dicam, pudica oratio naturali pulchritudine, aiebat ille, exurgit, & quocumque ingreditur, eodem est instructu, ornatuque comitata. Nam quamvis pene innumerabiles sint quasi formae figuraeque dicendi specie dispares, & plurimi sint scriptores qui in dissimili prorsus scribendi genere laudantur, iisdem tamen ex fontibus omnis elegancia deduci videtur, in quibus ita natura dominatur, ut nullum sit artificium, quod illam non imitetur & exprimat. Adde quod ars cum e natura profecta sit, nisi naturam moveat atque delectet, nihil sane egisse videtur. Itaque qui ea attingunt quibus oratio ornatur atque illuminatur, iisdem ferme praeceptis atque una institutione erudire discipulos suos possunt; sed a plerisque loquacitatis magis quam perfectae elocutionis praecepta traduntur; quare minime est mirandum si multorum oratio, quae lumen adhibere rebus deberet, ita confusa & perturbata sit, tantaque insolentia ac turba verborum contaminata, ut ea obscuritatem & tenebras afferat, atque ut quodammodo ipsi sibi in dicendo obstrepere videantur. Non equidem dubito, quin melius ageretur cum eloquentia, si non esset tanta magistrorum turba; doleoque elapsa

*illa tempora, quibus omnes prope praeclare loquebantur & scribebant, quamvis nulla fere praecepta ornandae orationis traderentur; nunc vero cum abundemus institutoribus, nihil proferre audemus, quod non sonet atque oleat peregrinum, sic ut melius loquantur ii, in quibus minimum est litterarum, & feminae ipsae, quamvis rhetorices prorsus ignarae, eloquentius & clarius valeant, quod sentiunt, exprimere. Miramur etiam cum sit quaedam elegantia Florentini populi, urbisque propria, in qua nihil offendi, nihil displicere potest, plerosque peregrinam magis insolentiam quam illam sequi. Sed non est hujus loci praecepta tradere rectae elocutionis, quam qui contemneret Politus vix hominem, nedum oratorem, esse putabat. Saepe vero illa auribus discipulorum suorum inculcabat, ut sive Latine sive Etrusce scriberent, verba adhiberent usuata & proprie demonstrantia illud quod significare & declarare volebant; vitarent ambigua; ne valde producerent ea, quae similitudinis causa ex aliis rebus transferuntur; ne discerperent sententias; ne nimis longe verba continuarent; numerorum rationem tenerent; & si quando carpenda membris minutionibus more Gallorum esset oratio, ipsa membra*

numeris quibusdam vincirent, sic ut semper varie distincteque ipsa consideret. Prorsus optasset Politus ut utilitatem ac prope necessitatem suavitas quaedam & lepos consequeretur, sic ut omnes quod esset aptum perfectumque facile cernere possent, & ad illud in scriptis suis exprimendum incendi. Ipse quidem illustria hujus rei exempla dedit, laetabaturque plurimum cum te intueretur sic eloquentiae studere, ut idem esses, quod de Scaevola praedicatum est, jurisperitorum eloquentissimus, & eloquentium jurisperitissimus. Quod si a viro optimo & istis rebus instructissimo, dum viveret, plura mutuatus es ad id, quod cupiebas, adipiscendum prope necessaria, non dubito equidem quin tibi grata futura sit recordatio praeteritorum temporum, quam dabit tibi simplex & dilucida expositio illarum rerum, quas idem gessit ad litterarum incrementum. Vale, vir humanissime atque doctissime, sicque accipe hoc commentariolum, quod auctum secundo prodit in lucem, ut quamvis nulla sit causa manibus id tangi tuis, quod occupatis auribus non convenit, intelligant tamen omnes me meaque maxime tibi cordi esse.

Pifis Kal. Mart. MDCCLXXXI.



## ALEXANDER POLITUS.

**A**lexander Politus Florentiae natus est VI. Id. Quint. an. MDCLXXIX. Joanne Polito, & Victoria Manellia civibus Florentinis. In iis studiis, quae ab humanitate nomen habent, imbutus est a Jesuitis. Philosophiae vero praeceptores habuit homines, ut vocant, Scholarum Piarum. Dici non potest quantum vel a prima pueritia litterarum amore flagraverit, ut prae illarum dulcedine non solum omnia alia oblectamenta abjiceret, sed etiam parum valetudini parceret. Studiosus audiendi ea loca frequentabat, quo convenire soliti erant docti homines, a quibus si quando sermo aliquis de litteris haberetur, attentas ille aures praebebat, neque prius discedebat, quam ad finem sermo esset deductus. Quo vero expleret cupiditatem, quam habebat, notitiae clarorum doctrina hominum, scriptorumque ab iis librorum, saepe erat in bibliothecis; & quantum illius ineuntis aetatis patiebatur pudor, multa ex iis, qui illis praeerant, quaecebat. Dederat eidem natura inge-

nii vim & quosdam igniculos, quibus totus incendebatur ad gloriam, ad quam ut certius ac brevius perveniret, plurimum studii Graeca in lingua, usus praeceptore Jacobo Maria Ayrolo e S. J. viro non modo Graecis, sed etiam Latinis & Hebraicis litteris docto, consumpsit. Intelligebat enim, qui Graece nesciret, aditum ad veram solidamque eruditionem patere nemini. Sunt haec quidem in omni aetate laudanda, sed in puero admirationem quamdam habent. Tali modo exacto aetatis anno quinto & decimo, sodalitatem Scholarum Piarum ingressus est. Eo tempore, quo tyrocinium posuit, huic rei studuit in primis, ut aliquos veterum Latinorum poetarum illustraret, confecitque volumen observationum, quod dicavit Sigismundo Coccapanio, qui inter suos magnam auctoritatem habebat (praeerat enim Etruscae Provinciae) & a quo non diligebatur solum, sed etiam amabatur. Absoluto tyrocinio, renovavit studia philosophiae: sed haud ita multo post ab iis discessit, ut Romae operam rerum divinarum scientiae daret. In hac cum profecisset non mediocriter, doctrinae atque ingenii periculum

fecit an. MDCC. plaudentibus primariis Familiae viris, qui ad generalia comitia Romam accesserant. Hoc peracto, Moderatores ei munus detulerunt publice docendi artem rhetoricam; sicque eam docuit aliquot in Etruriae Collegiis, ut omnibus se probaverit. Nam non modo discipulis suis demonstrabat viam, & ut fieri solet, digitum ad fontes intendebat, sed ipsos manu prehendebat, ponebatque vestigia quae persequerentur. Optasset ille quidem, ut omnes Latina cum Graecis jungerent, utque pares evaderent in utriusque orationis facultate, sed cavebat ne plus exigeret, quam se assequi posse speraret. Hinc venit haud multos post annos ad philosophiam explicandam, sectatusque est, ut temporibus illis, Peripateticos, aliquo tamen rerum delectu habito, ut videretur ea, quae dictabat, e fontibus eorum judicio arbitrioque suo hausisse, non a doctore aliquo sumpsisse. Interim arbitratus est utile fore studiosae juventuti, si contraheret & in angustum deduceret totam pene formam philosophiae Peripateticae. Itaque anno MDCCVIII. librum edidit his verbis inscriptum: *Philosophia Peripa-*

*etica ex mente S. Thomae Aquinatis per breves Theses ad Aristotelicam methodum explicata ab Alexandro a S. Sigismundo Florentino Scholarum Piarum.* Sed quae hic coarctaverat dilatare postea aggressus est; eratque ei propositum, non solum nihil praetermittere eorum, quae ad illustrandum illum Peripateticorum parentem Aristotelem pertinerent, sed etiam omnia persequi, quae ab illustrioribus hujus disciplinae sectatoribus, ne Scholasticis quidem exceptis, scripto mandata fuerant. Arduum sane opus vastumque, ut ipse appellabat, quod brevi e manibus deposuit, seu quod eum voluntas, aut spes absolvendi defecerit, seu ut diligentius satisfaceret muneri tradendae rerum divinarum scientiae, quod ei anno MDCCXII. demandatum est. Atque haec facultas si non summa, haud vulgaris tamen erat in eo. Nam, ut docuimus, adolescens haud parum studii in ea posuerat, nec ullo unquam tempore removerat se a SS. Patrum lectione; fungebaturque jam tum munere Theologi Cardinalis Medicei. In hoc quoque, non secus ac praestitit in philosophia, sibi elaborandum putavit, ut totius theolo-

giae summam uno volumine explicaret, quod volumen manu sua scriptum cum cuidam ex discipulis suis commodasset, hic reddere amplius noluit, impudentissime negans se accepisse. Profecto Politus tanta erat industria, tantumque evigilabat in studio, ut quo tempore totus erat occupatus in aliquo opere, non jam quaereret quibus rebus relaxaret ac remitteret animum, sed quibus aliis intenderet. Cum illi igitur nullum a legendo scribendoque vacuum tempus relinqueretur, potuit haud multorum annorum spatio meliora facere, quae pene puer notaverat in Lucretium & Martialem, quem postremum ad incorruptorum quoque codicum veritatem exegit; multa scribere in Etymologicum magnum Andromachi, in Ethnica Stephani Byzantini, in Dionysium Halicarnasseum, praesertim corrigens interpretationem, quam ejus fecerat Hufonius, & in Herodotum, quem etiam in Latinum convertit. Atque haec inedita. In vulgus vero anno MDCCIX. Latinam Orationem emisit, qua probabat breviorē longe esse optimarum omnium artium, quam humanae vitae cursum; ac triennio post librum *de Patria in testamentis conden-*

*dis potestate* quem conscripsit rogatu cujusdam nobilis viri, quemque instituit ad Salvinum Salvinium virum optimis artibus eruditissimum ac secum familiaritate conjunctum. Materies haec tota erat propria Jurisconsultorum, quorum arti cum ille nunquam studuisset, evenit quod accidere debebat, ut ejusdem artis antistites quidam ipsum male habuerint, & ex jure manu confertum vocaverint, quod in alienas possessiones tam temere irruisset. Sed aiebat ille, hanc scientiam omnibus patere; tuebaturque se testimonio Antonii, qui quanquam juris prudentiae minus se studuisse fateretur, tamen se non vereri dicebat, ne iis causis, quae sibi in jure defendendae essent, satisfacere non posset, cum juris utilitas ad quamcumque causam, quamvis repente vel a peritis, vel de libris depromi possit. Verum hoc erat leve & infirmum. Cujus enim ponderis esse potest sententia hominis de jure civili, qui se illud nescire confessus est? Adde, quod Antonius, ut idem postea testatus est, ea aliaque similia pronunciavit, ut refelleret (in quo nemo ei unquam praestitit) Crassum, qui non dubitaverat impudentiae singularis eos con-

demnare, qui hac juris scientia nudati ad forum accederent, non ut ea exponeret, quae ipse sentiret. Sed illuc redeo. Cum videret Politus a plerisque ita hanc artem tractari, ut eam indotatam atque incommutatam & incomptam esse sinerent, voluit ipsam in hoc libro verborum dote & infinita pene eruditione locupletare & ornare. Sed in hoc peccavit, quod non senserit quid esset satis. Sin igitur in hoc libro praeclara multa, nec levis est illa conjectura, quod insertus fuit in *Thesaurum* operum illustrium Jurisconsultorum, qui apud Batavos impressus est; sunt tamen haud pauca redundantia, nec sua quoque ei defunt absurda. Quare minime mirum esse debet, si in epistola quadam ad Ludovicum Bertrandum, in qua plura persequitur de ratione studiorum suorum, illum sibi excidisse conquestus est. Magnum jamdudum ceperat Politum desiderium conficiendae sibi bibliothecae, quam non modo utilem, sed necessariam existimabat ad eas res, quas apparabat. Igitur cum omnes vendemiolas suas eo conferret, festivam jam hoc tempore habebat librorum copiam, praesertim Graecorum; comparave-

Sunt

ratque etiam quosdam raros manu scriptos codices, quorum erat quam qui maxime intelligens. Ad hanc copiam augendam omn<sup>i</sup> ferebatur cogitatione, quo factum est, ut omni studio suos reddiderit Joannem Gibsonium & Georgium Iachsonium Britannos, homines honestissimos, divitiis affluentes, ac litteratorum studiosos & fautores. Quae quidem res ei salutaris fuit. Nam ab iis multa adjumenta habuit non modo ad emendos libros, sed ad instituendam quoque editionem Eustathii, de quo nunc dicemus. Constat inter omnes ex multis veterum, qui in Homero explicando, emendandoque operam suam collocarunt, unum excellere Eustathium Archiepiscopum Thessalonicensem, qui saeculo XII. floruit. Hic enim admirabili judicio ac eruditione instructus, cum in unum locum collegisset eximia quaeque ac praeclara, quae in omni aetate notata fuerant in illum epicorum poetarum principem, descriptiones temporum, sacrorum jura, sacerdotum, domesticam & bellicam disciplinam, sedem regionum, locorum, omnium divinarum humanarumque rerum nomina, genera, officia, causas aperuit, plu-



rimumque non solum Homero, omninoque & Graecis litteris luminis attulit & verbis . Sum-  
pserat hunc Auctorem in manus Politus , nec  
fatiari poterat illo legendo . Qua de re cum  
sermonem aliquando contulisset cum amicissi-  
mo collega suo Juliano Sabbatinio, docto vi-  
ro , qui postea Mutinae Episcopus factus fuit  
*quin tu , hic inquit , suscipis cogitationem curam-  
que dignam virtute tua , ut , quod multi tenta-  
runt , nemo perfecit , celeberrimum hunc interpre-  
tem in Latinum convertas , suisque locis illustres ?*  
Huic ille : *Vellem equidem , inquit , praesertim  
te auctore , si mihi ullum tribueretur vacuum &  
liberum tempus ; neque enim , occupata opera , res  
tanta suscipi potest .* Nihilo tamen minus Poli-  
tus , qui magna semper spectavit , sibi expe-  
riendum censuit ; & quantum sibi tribuebat  
otii docendi munus ad Eustathium potissimum  
conferebat . Instituto jam opere , ecce Ge-  
nuam mittitur ( id fuit anno MDCCXVI . )  
ad tradendam e superiori loco rerum divina-  
rum scientiam , totoque biennio , quo in illa  
civitate fuit , nullum diem abire sivit , quin  
aliquid laboris in Eustathium impenderet . Post  
hoc tempus reversus in patriam , cum sibi ini-

tium requiescendi, atque animum plane vacuum ad sua studia conferendi concessum esse arbitraretur, casus molesti quidam intervenerunt, qui licet illum non removerint a persequendo Eustathiano opere, multum tamen celeritatem illius absolvendi retardarunt. Id erat propositum Polito ( & sane praestitit intelligentium judicio ) ut non modo verbis plane Latinis sententias Eustathii converteret, sed quantum fieri poterat verbum pro verbo redderet, & genus omnium verborum, vimque servaret; quod eo difficilius fuit, quod habet Graecus iste sua verba & genera loquendi, quae vix aut profecto aegre quicquam intelligat, nisi sit in eo legendo studiose & multum volutatus. Illa igitur Politus se non solum tanquam appendere lectori putavit oportere, sed etiam, quantum res patiebatur, adnumerare. Quod vero attinet ad illustrandum opus, id ille spectavit, ut omnia obscura, quaeque in aliqua parte difficiles explicatus habere possent, patefaceret. Quae dum praestitit, instituto suo vagatus est latius. Nam multa & varia tum Graecorum, tum etiam Latinorum scriptorum loca examinat atque

judicat, & agendo partes modo theologi, modo geographi, modo oratoris ac poetae, saepius philosophi, saepissime vero grammatici voluit omnibus ostendere lumen ingenij sui. Huc quoque corollarium intulit quorundam animadversionum, quas inter legendum fecerat Antonius Maria Salvinius, homo Graecis litteris adeo eruditus, ut nullius rei, quae quidem esset in his litteris, ignarus esse videretur. Cum hujus praeclari operis fama non solum, sed etiam specimen quoddam ad publicum pervenisset, avide illud expectabatur. Verum seu quod pecunia deesset Polito ad sumptus faciendos in impressionem primi voluminis, quam ipse sibi assumpserat, cum ceterorum imprimendorum onus suscepisset typographus Bernardus Paperinius, seu aliud causae fuerit, habuit sane longam moram haec primi voluminis editio. Prodiit tandem anno MDCCXXX. deditque illi Politus patronum Joannem Gastonem Magnum Etruriae Ducem. Biennio post vulgavit secundum volumen, quod inscripsit CLEMENTI XII., secutumque est tertium anno MDCCXXXV. Ludovico XV. Galliarum Regi dicatum. Hic

haesit res cum querelae ortae fuissent inter Politum & Typographum. Ille vero doluit semper haud sibi dari facultatem absolvendi opus, quod certe immortalitas consecuta esset. Nihilò tamen secius magnam ingenii famam collegit, & hic suus labor, ut in lucem venire coepit, late illico dimanavit ad existimationem hominum commendatione & judicio intelligentium. Quo factum est, ut ei anno MDCCXXXIII. delatum fuerit munus tradendarum litterarum Graecarum in Pisano Gymnasio. In hoc ita se gessit, ut omnes magis magisque sint admirati in eo excellentem Graecae linguae cognitionem. Sed optandum erat, ne se adeo in litteras abderet, seque paullo faciliorem praeberet in admittendis domum, audiendisquæ doctrinae cupidis adolescentibus. Anno, qui secutus est, rogatu Senatoris Ferrantis Capponii, vitam scripsit feminae sanctitate eximia Mariae Angelae Giniae Florentinae, quæ inter eas virgines fuerat, quæ suburbanum Monasterium incolunt, quod dicunt *S. Matteo in Arcetri*. Post neque ita multo ad docendam eloquentiam in eodem Gymnasio electus est, quod

munus nemo post mortem Benedicti Averanii obtinuerat, ut gloriosum fuerit Polito ei viro successisse, qui magna eloquentiae atque eruditionis laude non solum in Etruria, sed prope cuncta in Europa enituerat. Hanc provinciam ita ille sustinuit, ut studiosi dicendi adolescentes, qui ad eum audiendum frequentes conveniebant, non jam inanem quamdam & nudam eloquentiae speciem intuerentur, sed plenam & perfectam. Homo enim abundanti doctrina, & quadam incredibili varietate rerum & copia instructus poterat facile eos fontes aperire unde non aliqua aquula scateret, sed universum flumen erumperet; qui quidem ita abditi sunt & reclusi, ut pauci doceant & teneant. Mos est a majoribus traditus, ut qui huic muneri praesunt in anniversaria studiorum instauratione Latinam habeant orationem ad excitandos inflammandosque adolescentes ad laborem & laudem, cui quidem sic satisfecit Politus, ut nomen disertissimi oratoris sit consecutus. Harum orationum quasdam separatim edidit, duas in tertium volumen Eustathii retulit, easdem octo numero in unum volumen collegit, quod Ro-

mae anno MDCCXLII. edidit, ac BENEDICTO XIV. dicavit; atque has ipsas iterum cum aliis quatuor anno MDCCXLVI. Lucae vulgavit. Sed cum ille videret a se tractata argumenta esse communia & pervagata, novum quoddam & inusitatum in medium proferendum putavit; sumpsitque hoc sibi, ut singulis orationibus aliquam Etruriae urbem laudaret. Harum sex fecit, quae laudationes continent Pisarum, Volaterrarum, Aretii, Cortonae, Samminiati ac Liburni; in quibus admonendi sunt Lectores, ne, ut ab historico, veritatem omnium laudatarum rerum exigant. Ut nostrum vero de eloquentia Politi iudicium proferamus, dico perbene illum Latine locutum; quamvis semper usus non sit Ciceronianis dicendi modis; numerosum oratorem & volubilem, atque eundem vehementem, & magna eruditionis copia instructum, qua non ad pompam utebatur, sed ad illud apte & decore probandum, quod sibi proposuerat. Nec minus callebat alterum illum quasi corporis sermonem, id est actionem, quam licet semper ad id, de quo dicebat, cum quadam dignitate accommodaret, dicens tamen a-

liquando Pifis de ludis Pifanis sibi vifus est  
poffe ab armis aut a paleftra mutuari . De  
reliquo totum corpus hominis , & ejus omnis  
vultus , omnesque voces , ut nervi in fidibus,  
ita fonabant , ut a motu animi quoque sunt  
impulfae . Nemo autem ignorat ita hanc rem  
unam dominari in dicendo , ut fine ea sum-  
mus orator effe in numero nullo poffit , me-  
diocris eadem inſtructus ſummos ſaepe ſupera-  
re . Si quis vero quaefierit quae ex ejus  
orationibus nobis maxime arrideat , cete-  
ris praeferre non dubitamus illam , qua pro-  
batur multorum optimorumque librorum le-  
ctionem non modo utilem , ſed etiam neceſ-  
ſariam effe ad eloquentiam omneque ſapien-  
tiae genus adipiſcendum . In ea enim imagi-  
nem exprimere & effingere ſui ipſius homo,  
quem vere helluonem librorum dixiſſes , vo-  
luiffe videtur . Atque eo libentius vacabat e-  
loquentiae Politus , quod ei erat perſuaſum  
reliquas artes ſine ea perfecte ſuum munus  
praeftare non poſſe , quare ſcriptores inopes  
elegantiae *remiges aut bajulos cujuſdam operis* ,  
ut Caecilius (\*), appellabat . Interea dum co-

(\*) Apud Cic. de orat. l. 2. c. 10.

gitabat quibus aliis rebus posset & suae familiae, atque publicae utilitati prospicere, consilium cepit edendi omnia veterum scripta copiosis a se commentariis illustrata, quibus Christianae religionis propugnatio atque defensio adversus Gentes suscepta ab iis fuit, a qua mente postea discessit non alia credo de causa, nisi quia facillime in eo vel ardentissima studia aërescēbant. Idem dicito de commentariis, quae parabat in Herodotum, quaeque cum inedita Matthaei Palmerii hominis Pisani interpretatione vulgare sibi proposuerat. Quoniam vero ipse vehementer delectabatur in eo genere eruditionis, quod ad antiquitatem pertinet, multa collegerat quae sibi, & iis, qui de his rebus judicare poterant, recondita videbantur. Itaque de iisdem edendis saepe & multum rogabatur. Edidit quidem longiorem epistolam ad litteratissimum virum Jo. Lamium de usu quadrigarum apud veteres, quae relata fuit in I. volumen operum Jo. Meursii, quorum imprimendorum idem non solum auctor, sed etiam adiutor fuit. In his quoque Meursianis operibus locus esse debebat epistolae, quam ipse instituit ad Georgium Iachsonium, quaque defensio-



nem suscepit Gregorii Nazianzeni adversus eundem Meursium . Hic enim sanctissimum illum virum calumniae condemnaverat quod ad ἀπλησίαν , seu ut ipse explicat, ad quamdam inextinguibilem avaritiam traxerit , quae ex veterum, ac praesertim Herodoti & Plutarchi testimonio in contemptum divitiarum fecisse & dimisisse videtur Solon . Sed cum sero, perfecta jam impressione, venisset, latuit ad annum usque MDCCCLIV. quo tempore eam Franciscus Gorius vulgavit. Nam locum ei dedit septimo in volumine *Symbolarum litterariorum* . Maxime vero Politum amore flagrasse in Eustathium haec erunt indicio. Anno MDCCXXXIX. in lucem emisit sane longam epistolam Latinam ad clarissimum virum Cajetanum Moneliam, in qua diligenter & erudite examinat locum Eustathii ex commentario Periegesis, ubi dicit ex quorundam sententia Tarsum non significare in sacra Scriptura urbem illam caput Ciliciae, sed Carthaginem. Ostendit ille multis exemplis hoc verbum utramque habere significationem, sed trahi ad Carthaginem non posse, nisi aut res, aut tempus, aut alia similis ratio suadeat. Strenue defendit S. Hierony-

rum, & Septuaginta. Interpretes a nota erroris, quam iis inusserat Samuel Bochartus. Sibi tamen in extrema epistola non temperavit a vellicando doctissimo hoc viro, ut & mordet eo loco Natalem Alexandrum, vocans illum alienorum scriniorum expilatorem. Ceterum Politus ex eo tempore quo ad Eustathium interpretandum accessit, plurimum studii sibi ponendum esse existimavit in geographicis rebus; & fane dum ad examen revocat veteres scriptores Eustathiumque ipsum, haud parum lucis veteri geographiae attulisse videtur. Non poterat vero non admirari magnopere ita diligenter & accurate Homerum geographiae & chorographiae satisfecisse, ut ex eo confici posset ipsum dum viveret, quod a nonnullis quoque memoriae proditum est, permagnam terrarum partem peragrasse, & tum mediterranea, tum maritima loca, atque insulas oculis suis perlustrasse, & de singulis rebus uniuscujusque regionis propriis, quas explorasset, commentarios confecisse, unde poem suam locupletaret. Biennio postquam illa ediderat, rediit Politus ad Eustathium suum, ut ejus commentaria in Dionysium

Periegetam in Latinum converteret. Qui in hac re antea elaboraverant, opus adeo inscite atque impolite perfecerant, ut peregrinos atque hospites in lingua tum Graeca, tum Latina plane se esse ostenderint. E contrario Politus cum utramque perfecte calleret, potuit famam optimi interpretis sustinere. Vix agnosceris in hac interpretatione Graecum scriptorem, sed Latine opus suum ad usum Latinorum hominum condidisse ipsum existimaveris. Neque hac re contentus Politus duos libros confecit animadversionum in eundem Eustathium, & ipsum Dionysium, in quibus antiquitatis, scriptorumque veterum se litterate peritum ostendit; hosque retulit in illud volumen Orationum, quod, ut supra docuimus, Romae an. MDCCXLII. in lucem emisit. Has easdem animadversiones postea multo copiosiores elucubravit, eo consilio, ut ipsa ederet cum ipsis Graecis scriptoribus, neque cum suis modo, sed etiam cum interpretationibus, quas Dionysii fecerant Rufus, Festus, Avienus & Priscianus. Parata erant omnia, coeptaque jam erat impressio, cum repente rem abiecit Politus, causatus sibi pecuniam deesse, neque,

quo manus porrigeret, suppêtere. Meliorem exitum habuit opus sane magnum & arduum, quod de Martyrologio Romano edere instituit. Jamdiu Politus in ea cogitatione curaque verfabatur, ut corrigeret quae continebat menda Martyrologium Romanum; & huic rei in maximis suis occupationibus aliquid semper temporis impertierat. Hujus sui laboris fecit ipse mentionem, cum aliquando loqueretur de toto genere studiorum suorum cum S. P. BENEDICTO XIV. Romam enim anno MDCCXLII. venerat. Re audita, Pontifex eum hortatur, *ne cui rei parcat ad ea perficienda, quae insisterat; utique fore magnae laudi sibi, utilitati-que Christianae reipublicae.* Hujus Politus voluntate cognita, alacrior ad rem gerendam factus, totum se & animo & corpore ad illam convertit. Anno igitur MDCCCLI. primum operis volumen, quod Januarium mensem continet, in lucem edidit. In hoc multa industria & diligentia comparet, multa & doctrina. Reliqua contento cursu in vulgus proferre sibi proposuerat, in quo cum esset acerrime occupatus, accidit perincommode, ut ex casu sic ei laederentur brachium & manus

dextra, ut iis uti non posset. Hac accepta plaga, non est credibile quam afflictum & fractum animum omnibus ostenderit. Homo enim, qui nil magis optabat, quam omnem vitae cursum in labore & contentione traducere, maxime dolebat ereptam sibi esse scribendi facultatem. Vehemens hic animi angor maxime concitasse creditur apoplexin, quae eum XV. Kal. Sextiles anno MDCCLII. corripuit, paucis post diebus quam Pisis Florentiam venerat, ut impressionem secundi voluminis Martyrologii urgeret. Ex vi morbi mortuus est VI. Kal. ejusdem mensis vespere, cum compleisset annos LXXII. dies tredecim, e quibus in Sodalitate annos LVII. dies XVIII. exegit. Sic ei a suis Collegis iusta facta sunt, ut omnes intelligerent magno apud illos in honore fuisse. Convenerunt quoque ad has exequias cohonestandas non pauci docti homines, qui cum Polito conjungebantur aut amicitia, aut muneris societate, quod erant in Pisana Academia liberalium artium Magistri. Mediocri fuit statura, corpore paullo pinguiori, viribus ad laborem ferendum firmis, facie rotunda, in qua suavis inerat color, a-

cuta voce, oculis eminentibus & acribus, fulvoque ante canitiem pilo. Industria & solitudine videbatur ali, quare cum hominibus raro se confociabat, & adeuntes ad se licet admitteret, cito tamen iis se expediebat, quod in more quoque Petavio fuisse narrat Huetius. Mirum tamen, quod in senectute factus sit paullo facilior, adeo ut severiorum ora, interdum erubuerit. In prospiciendo rationibus suis nemo illo solertior, & cum omnes, ferme vias pecuniae honeste acquirendae nosset, ardebat acerrime, si quis improborum spes suas fefellisset. Sic bonus erat custos & servator librorum suorum, quorum augendorum nunquam finem fecit, ut ab eorum usu quemlibet excluderet. Nae facilis, ac multus erat in conquerendo adversam fortunam, quod minime sibi darentur facultates, quibus studiis suis consulere, scriptaque sua edere posset: nemo vero ignorat omnes, quibus sunt res minus secundae, plerumque suspiciosos esse. Idem a contentionibus, quae saepe Litteratorum rempublicam turbant, aversus fuit: sua tamen scripta notari aequo non ferebat animo. Cum existimatione doctrinae

non solum apud Italos , sed etiam apud exteros magnopere floreret , potuit facile multorum doctorum virorum familiaritates sibi conciliare ; inter quos honoris causa nomino Antonium Mariam Salvinium , Josephum Averanium , & Henricum Newtonium . Nec non a Principibus viris gratiam iniit . Siquidem CLEMENS XII. multis eum honoribus decoravit ; FRANCISCUS III. Magnus Dux Etruriae , quem nobilissima Latina oratione laudavit , munera satis larga ei dedit ; BENEDICTUS vero XIV. post plurimas amoris ac beneficentiae declarationes , illum eodem gradu esse voluit , quo ii sunt , qui supremum Ordinis Magistratum obtinuerunt . In hac tamen gloria , nominisque celebritate modestiam semper servavit . Idem instituta Christianae Religionis , Sodalitatisque suae non solum pure & caste , sed etiam diligenter & studiose coluit . Quae quidem laus ceteras omnes vincit . Nam non aliud putare debemus esse sapientiam , quam meminisse unumquemque quid sui officii & muneris sit , idque cum fide & integritate praestare .

**PHILOSOPHIA PERIPATETICA** ex mente S. Thomae Aquinatis per breves Theſes ad Ariſtotelicam methodum explicata ab Alexandro a S. Sigifmundo Scholarum Piarum. Florentiae an. 1708. in 12.

**ORATIO** ad Academicos Cruſcanos habita in Collegio Florentino Scholarum Piarum ab Alexandro Polito ec., qua probatur, breviorẽ longe eſſe optimarum omnium artium quam humanæ vitæ curſum. Florentiae 1709. in 4. Hanc orationem ſecundo typis commiſit Politus anno 1713., ut eam ſociam daret alterius argumenti orationi, quam conſcripſerat collega ſuus, Ubaldus Mignonius.

**DE PATRIA IN TESTAMENTIS CONDENDIS POTESTATE** Alexandri Politi a S. Sigifmundo Scholarum Piarum Theologi ad illuſtriſſimum Dominum D. Salvinum Salvinium Patritium Florentinum, Florentinae Academiae Conſulem ampliſſimum, Libri quatuor. Florentiae 1712. typis Regiae Celfitudinis apud Jacobum de Guiduceis & Sanſum Franchi. in 8.

**EUSTATHII** Diaconi a ſupplicibus libellis & Orationum Magiſtri, poſtea Archiepiſcopi Theſſalonicenſis Commentarii in Homerj Iliadem. Alexander Politiuſ Florentinus de Cl. Reg. Scholarum Piarum nunc primum Latine vertit, recensuit, notis perpetuis illuſtravit. Accedunt notae Antonij M. Salvini V. Cl. Florentiae an. 1730. apud Bernardum Peperinum. In fol. Tom. I. Tom. II. an. 1732. Tom. III. an. 1735.

**VITA** della Serva di Dio Suor Maria Angiola Gini, Firenze 1738. in fol.

**ALEXANDRI POLITI** de Clericis Regularibus Scholarum



*Aram Piarum epistola ad Cajetanum Monitiam virum Clarissimum Florentiae 1739. Edita iterum fuit an. 1740. hunc eiculum prae se ferens :*

**CONFRONTO** della Lettera Latina del P. Alessandro Politi col ristretto della medesima stampato nelle Novelle Letterarie di Firenze n. 10. 4. Marzo 1740. In Firenze 1740. nella Stamperia di Pietro Gaetano Viviani.

**EUSTATHII** Diaconi a Supplicibus libellis & Oratorum Magistris, postea Archiepiscopi Thessalonicensis Commensarii in Dionysium Periegetam, Alexandro Polito de Cler. Reg. Schol. Piar. Interprete. Coloniae Allobrogum apud heredes Cramer & Fratres Philbert 1741. in 8. magno.

**ORATIONES** octo Alexandri Politi Ec. ad Academiam Pisanam. Ejusdem animadversionum in Eustathium ad Dionysium Periegetam libri duo. Romae ex Typographio Paleariniano 1741. in 4.

**ORATIONES** duodecim Alexandri Politi Ec. ad Academiam Pisanam. Lutae 1746 ex Typographia Philipp. Mariae Benedini. Sunt hae de multis, quas in eadem Academia dixit, orationibus veluti eximiae ac selectae, quae ad rem praecipuae Academicam, instaurationemque ejus anniversariam pertinebant. Ea singularum argumentum.

--- I. De litterarum Graecarum necessitate.

--- II. De liberalium omnium artium ac doctrinarum ad eloquentiam necessitate.

--- III. De litteris humanioribus.

--- IV. De universo disciplinarum orbe.

--- V. De laudibus Lotharingiensis & Medicis.

--- VI. De optimorum studiorum assiduitate.

--- VII. De lectionis assiduitate.

Tom. VIII.

E

- VIII. De recto ordine studiorum.
- IX. De humanarum disciplinarum ad Religionis Christianae usum opportunitate.
- X. De laudibus Academiae Pisanae.
- XI. De laudibus Urbis Pisanae.
- XII. De nobilitate litterarum.

In hoc orationum volumen relata est ejusdem Politi  
*EPISTOLA* de rebus Martyribus Bononiensibus ad  
 virum cl. Ubaldum Mignonium.

*PANEGYRICUS* Imperatori Caesari Francisco I. &c.  
 Academiae Pisanae nomine consecratus. Florentiae 1746.  
 ex Typogr. Petri Cojetani Viviani in 4.

*PANEGYRICUS* Volaterrarum Senatus Populoque  
 Volaterrano consecratus. Pisi ex Typogr. Evangelistae Pu-  
 gli 1748. in 4.

*PANEGYRICUS* Liburni Senatus Populoque Li-  
 burnensi consecratus. Pisi ex eadem typographia 1748.  
 in 4.

*PANEGYRICUS* Samminiati Senatus Populoque Sam-  
 miniatensi consecratus. Pisi ex Typograph. Joan. Domi-  
 nici Caratti 1752. in 4.

*ORATIONES PANEGYRICAE* geminae de lau-  
 dibus Arenensis & Cortonesibus Alexandri Politi &c. opus  
 posthumum, utriusque Urbis Senatus Populoque consecratum.  
 Liburni 1752. in 4.

*MARTYROLOGIUM ROMANUM* Gregori XIII.  
 jussu restitutum, Urbani VIII. Clementis X., & Innocen-  
 tii XI. auctoritate recensitum, a Benedicto XIV. P. M.  
 auctum & castigatum, Alexander Polius de Cl. Reg. Sch.  
 Piar. commentariis suis post Caesarem Baronium ad veterum  
 Librorum, historiaeque fidem, Pontificio jussu illustravit, &

denus recensendum atque castigandum *Benedicti Papae XIV.* iudicio ac censuræ subiecit. *Florentiae an. 1751. apud Petrum Cajetanum Vivianum. in fol.*

*EPISTOLA* de curribus *Antiquorum* ad virum clarissimum *Joannem Lamium*, extat in præfatione ad I. volumen operum *Joannis Meursii*, quæ *Florentiæ* impressa sunt.

*EPISTOLA* in loca quædam *Joannis Meursii* extat in libro cui titulus : *Symbolæ literariæ, opuscula varia philologica, scientifica, antiquaria, signa, lapides, numismata, gemmas, & monumenta mediæ ævi nunc primum edita complectens, Volum. VII. Romæ ex Typographiæ Palladii 1754.*

ANGELUS FABRONIUS

CAROLO ANTONIOLIO

S. D.

**Q**Uoniam Eduardus Corsinius te suarum actionum, sententiarum, voluntatum, rerum denique omnium focium comitemque habere voluit, deesse porro immortalī illi viro viderer, si alium iudicem hujusce commentarioli praeter te ipsum requirerem. Colere autem omni studio memoriam debemus hominis non modo virtute eximia, sed etiam ingenio singulari, qui editis scriptis & optimis institutionibus plurimum gloriae addidit non Academiae solum Pisanae, sed universae etiam Etruriae. Is vero nunc etiam vivere mihi videtur, quod te veluti heredem suorum munerum & meritorum reliqueris; cumque ei par sis ingenii facultate, nequeo non mirari quod adeo publicam lucem reformides, ut nihil te modestius, nihil timidius unquam videam. Erueres saltem e tenebris atque illustrares, imitatus Politem tuum, quae nonnulli Graeci scrip-

rōres litteris mandarunt, ad quam rem facpe  
 te excitabant Corfinii voces, qui sane noverat  
 praeſtantiam tuam in Graecis litteris, omnique  
 recondita eruditione. Sed jam quaſi voto quodam  
 & promiſſo te puto teneri, ut tandem in lucem  
 emittas, quae de Graecorum ritibus exaſti,  
 quo in opere multum & temporis & laboris te  
 inſumpſiſſe audio, perficiasque quae inchoaſti de  
 fortuna litterarum apud Athenienſes ceteroſque  
 Graeciae populos. Neſcio equidem an tibi pro-  
 deſſet ſententia eorum, qui non veriſimile ſo-  
 lum, ſed etiam verum eſſe cenſent, perinde ut-  
 rumque temperatus ſit aer, ita pueros orientes  
 animari atque formari, ex eoque ingenia, mo-  
 res, animum, corpus, & vel ipſas pene vitae  
 actiones, caſus cujuſque eventusque fingi. Athe-  
 nis quidem caelum tenue erat, & idcirco Atti-  
 ci acutiores putabantur; & conſtans temperatio  
 & ſerenitas conducere maxime poterat ad exhi-  
 larandos animos, & dulces celereſque eorum  
 motus exciendos. In ipſa fortaſſe caeli natura  
 aliqua etiam reperiri cauſſa poteſt ſuavitatis ſer-  
 monis Atticorum; & cum nihil apud eos eſſet  
 rude, inveniſtum & inornatum, nihil inſolens  
 & ineptum, & quilibet e populo, & feminae ip-

*fac teretes aures & religiosas; ut Theophrastus expertus est, haberent, adeo vigere apud eos debebant artes, quae orationis elegantia indigent & quae ad oblectandum sunt inventae, ut ex iis hominum ingenia, hanc, fama maxime elucerant. Quis tamen credat illas & temporum & fortunae vicissitudines passas fuisse, & ex amplissimo in humilem statum decisisse? Jam ante Periclem, & illos praesertim, qui non adultis, sed nascentibus Athenis vixerunt, littera nulla extitit, quae quidem ornatum habuerit. Pericles vero ipse cum floreret omni genere virtutis, dicendi quoque laude fuit clarissimus, poteratque, ut de eo scripsit Eupolis, cum delectatione aculeos etiam relinquare in animis eorum, a quibus audiebatur. Nata vero semel eloquentia, habuit magnam vim dignitatemque oratio, & vel illi, qui mentem exercebant in reconditis abstrusisque rebus, tantum vacabant eloquentiae, ut non subtilitate magis disputandi, quam verborum ornamenti sua dogmata proponere & contraria refellere solerent. Quot doctissimi eloquentissimique viri ex unius Socratis uberrimis sermonibus exiiverunt! Infinitum esset illustriores nominare; & consequentes aetates tantam copiam optimo-*

rum oratorum effuderunt, ut hac praeserim gloria Athenae clarescere ( nam hoc studium non erat commune universae Graeciae ) velle viderentur. Sed pacis est comes, vitæque socia, & jam bene constitutae civitatis quasi alumna quaedam eloquentia. Nec enim, ut ait Cicero, in constituentibus rempublicam, nec in bella gerentibus, nec in impeditis ac regum dominatione devinctis nasci cupiditas dicendi solet. Itaque postquam Alexander in servitutem Graeciam adduxit, non mores solum, sed etiam oratio labi coepit ad molliem, & succus ille & sanguis incorruptus, qui manserat usque ad Phalerei aetatem, ut & naturalis non fucatus nitor sensim emaruit evanuitque. Nam qui nimium delectare volunt, nec satis a ratione revinentur, hi adeo finem & modum transeunt, ut quo propius ad venustatem accedere se putant, ab ea longius digrediantur. Jam Phalereus ipse traditur primus omnium ausus fuisse inflectere orationem, & eam mollem teneramque reddere, & suavem maluisse videri, quam gravem, eaque suavitate, qua perfunderet, non qua perfringeret animos. Sed tum Atheniensium animi, qui solem & pulverem & militaria taberna-

cula formidare videbantur, facile quidem poterant delectari, minime vero inflammari, ex eorumque varietatis moribus pro varia Reipublicae fortuna cujusque aetatis quae dicendi ratio voluntasque fuerit intelligi potest. Eadem ferme quae devictis dominisque ab Alexandro Atheniensibus accidere, evenisse putare debemus Romanis post Aetiaeam pugnam. Nam cum omnis potestas ad unum tum collata fuisset, magna illa ingenia, ut ait Tacitus, quae Rempublicam adeo nobilitarent, cessare; nihil amplius priscae & integri moris; veritas pluribus modis infracta aut libidine assentandi, aut maledicendi studio; & cum nulla amplius esset res gloriosa populi Romani, quae ut antea pari eloquentia ac libertate memoraretur, foedo crimine servitutis, id est adulatione contaminari debuit eloquentia, sic ut cum quosdam ornare vellet, non illos honestaret, sed pene ipsa turpare videretur. Hinc Romana lingua plurimum pristinae majestatis dignitatisque amisit, cumque novi dicendi modi inventi fuissent, qui mirifice blandiebantur corruptis imperantium auribus, brevi eo perventum est, ut aequae esset desperandum de recuperanda pristina libertate atque eloquentia. Quis profecto audeat



comparare cum Isocrate & Demosthene, qui consecuti sunt, Sophistas, quis cum Cicerone turbam illam Panegyricarum, si unum excipias Plinium optimi Principis laudatorem, qui non tam Caesarum quam vitiorum laudatores, omnisque elegantiae atque eloquentiae corruptores jure meritoque appellari possum? Sit philosophia mater omnium bene factorum, contineatque recte gubernandi populos disciplinam; & cum tota frugifera & fructuosa sit, vincat praestantia uisitataeque ceteras omnes artes atque disciplinas. Verum si humaniores litterae ad tantam minime aspirare possunt gloriam, valent tamen & ipsae temperare ac mansuescere hominum mores, & hac praesertim laude gloriantur, quod non vigeant ubi tyrannis & servitus existit, aversenturque animos timiditate debilitatos, humiles & fractos. Quis igitur non videt magnam vim esse in fortuna imperiorum ad provehendas litteras, & ex iis rebus, ex quibus populorum felicitas pendet, ipsarum quoque sortem maxima ex parte pendere? Qui nimium caeli naturae tribuere videntur conferant nunc miserandum Graeciae statum cum florentissimo praeteritorum temporum, mirabanturque eadem loca, quae olim

*summos oratores, poetas, philosophos, ac strenuissimos duces pepererunt, nunc habitari ab hominibus, inter quos & stipites Aethiopes nihil crederes interesse; cujus differentiae causas facile est in dissimili rerum publicarum fortuna reperire. Scio cum in haec inquireret Corfinius pro suo singulari studio in Graecas litteras illum col-  
lacrimare solitum, & vehementer optasse, ut aliquis exurgeret, qui regionibus illis, excussa caligine retrisque tenebris inscitiae, pristinam dignitatem redderet, & postquam per tot saecula indignissimae servitutis iugum pertulerunt, ad aspiciendam aliquam libertatis lucem easdem revocaret. Ipse quodammodo classieum cecinisse visus est, cum multa ad veterum Atheniensium historiam pertinentia in vulgus emisisset, ostendissetque per quos, quibusque legibus institutisque ille populi olim regebantur, sicque cum quilibet conferre posset veterem illam Graeciam, quondam opibus, litteris, imperio, gloria florentem cum recenti non solum omnibus reliquiis pristinae dignitatis spoliata, sed omni calamitatis genere fracta atque afflicta ad hanc sublevandam commoveretur. Nos quidem libentissime excipimus (quid enim aliud praestare possumus?) in Acade-*

miam Pisanam profugos Graecos, qui ad nos interdum confugiunt, ut in litteris instruantur, cumque aliquando spes fuisset redactum iri illas gentes in potestatem ejus Heroinae, quae ad magna suscipienda perficiendaque nata videtur, inhaerebat quodammodo in mentibus omnium quasi saeculorum quoddam augurium futurorum, quae praeterita omnis virtutis gloria essent aequatura. Sed jam ad Corfinium ipsum veniamus explicaturi, quantam res Anticae occasionem ei obtulerint scribendi, nominisque celebritatem scriptis suis, sane cedro dignis, consequendi. Vale.

**Pisis VI. Kal. Aprilis MDCCLXXXI.**

## EDUARDUS CORSINIUS.

**F**Anani, quod est oppidum provinciae Frinanae in ditione Ducum Atestinorum, III. Non. Octobris anno MDCCII. natus est Eduardus Corsinius optimis quidem parentibus, honestissimaeque familia, quippe quae jamdiu civitate Mutinensi donata fuerat. Is ubi primum adolevit Sodalitatem hominum Scholarum Piarum, quos praecceptores puer in patria habuerat, ingressus est. Multa diligentia, multoque labore in humaniorum literarum, philosophiae ac theologiae studiis Florentiae se exercuit apud suos; & cum omnes condiscipulos gloria anteiret, ab omnibus tamen in deliciis habebatur. Erat enim bonitate suavitateque morum prope singulari; & cum plurimum faceret non solum in excolendis studiis, sed etiam in officiis omnibus religiosi hominis obeundis, minimum tamen ipse de se loquebatur. Vix ferre poterat Eduardus Peripateticos quosdam horridos, durosque oratione & mori-

bus, quibuscum versari cogeatur; intellexeratque jam falsos hujusmodi sapientiae magistros de veritate jugulanda potius, quam defendenda assidue certantes, philosophiam artem fecisse subtiliter & laboriose insaniendi. Relictis igitur disputandi spinis, ad Academiam se convertit, cujus ratio inquirendi verum libero solutoque judicio, & sine ulla contentione & pertinacia non poterat non magnopere probari homini naturā lenissimo. Nec solum in philosophorum libris eorum dogmata, quae disputationibus huc & illuc trahuntur, ut ipse per se perpenderet, investigavit Eduardus, sed etiam philosophiae adminicula & anfas, qualem Xenocrates geometriam appellabat, in Euclide, Apollonio & Archimede quaesivit. Quo in itinere felicem adeo habuit exitum, ut fervore quodam aetatis impulsus, brevi condere potuerit libellum de circulo quadrando, quem ad Guidum Grandium misit. Novit in eo Grandius eximium & admirabile adolescentis ingenium, eundemque hortatus est, ut pergeret porro in eo studio, quod ceteris & studiis & artibus antecederet, & in quo ipse futurus esset excellens.

At Eduardus praesertim trahebatur ad humaniores litteras, quibus a puero mirifice deditus fuerat, quasque vel in sublimiorum disciplinarum occupationibus, ne obsolescerent, legendo renovaverat. Itaque moleste tulit demandatam sibi a majoribus fuisse an. MDCCXXIII. provinciam tradendi publice Florentiae philosophiam, quasi ad ea detruderetur, quae sui non essent ingenii. Principio sequi coactus est Goudinium, cui brevi substituit Hamelium. Atque hos auctores sic interpretatus est, ut facile intelligeretur non esse ex illorum doctorum numero, apud quos tantum opinio praejudicata potest, ut etiam sine ratione valeat auctoritas eorum, quos sequi se profitentur. Postremo ad scholae suae utilitatem & ornamentum maxime pertinere existimavit, si e multis, quae sunt in philosophia & gravia & utilia a recentioribus praesertim philosophis tractata, quantum quoque modo videretur deligeret, in quo adolescentes exerceret. Sapienter etiam faciebat, quod ipsos non solum quibus luminibus ab illa omnium laudandarum artium procreatrice Philosophia petitis

mentem illustrare, sed etiam quibus virtutibus omnem vitam tueri deberent sedulo erudiebat. Quare minime est mirandum si in tantam claritudinem brevi pervenerit, ut suis & Florentinis vehementer carus, quibusdam vero hominibus nudari subsellia sua, & cornicum oculos configi dolentibus esset invidiosissimus. Fuerunt & nonnulli ( tantum invidia, aut inscitia potuit ) qui apud eos, quorum munus est providere, ne quid erroris in religionem moreisque irrepat, Corsinium accusarunt, multa illum tradere, in exponendis praesertim Gassendi & Cartesii sententiis, a recta religione abhorrentia. Stomachatus est homo religiosissimus, castissimusque obtrectatorum temeritatem. Hos vero ut falsae & iniquae insimulationis publice convinceret, utque ab omni metu discipulos suos liberaret, statuit in lucem proferre, quae in schola & domi iisdem exposuerat. Quod cum praestitisset, id evenit, ut alteros reprehendisse poeniteret, alteri se didicisse gauderent. Inscrispsit opus: *Institutiones philosophicae ad usum Scholarum Piarum*, & illud in quinque volumina distribuit. Pri-

num continet historiam philosophiae & logicam; secundum versatur in indagandis principiis, & tanquam seminibus unde corpora sunt orta & concreta, horumque proprietatibus & qualitatibus; agit tertium de corporibus inanimatis, quae caelo, aere, mari & terra continentur; examinat quartum animata corpora, multiplicesque eorum species, & elementa metaphysicae tradit; quintum denique morum doctrinam complectitur. Nec solum in conficiendis his libris res novas investigavit Corfinius, sed etiam eas, quae sunt ab antiquis traditae, quarum cognitionem eo utiliore putavit, quod saepe philosophos nova proferre iudicamus, cum pervetera proferant. Praeter quam quod in ea erat opinione Corfinius, illi, cui propositum est veritatem invenire, singulas noscendas esse disciplinas, ut ex omnibus, quod probabile videri possit, eliciat, praesertim cum doceamur a sapientissimis viris, nullam sectam fuisse tam deviam, neque philosophorum quemquam tam delirantem, qui non viderit aliquid ex vero. Nec modo quid sibi probaretur, sed aliorum etiam sententias, & quid



quid in quamque sententiam dici posset, persecutus est, quod ea modestia praestitit, ut non vincere maluisse, quam vinci ostenderit. Hanc opinionum varietatem ex suis fontibus sincere deductam, ut potentius in discipulorum animos influeret, non modo ordine disposuit, sed etiam claritate & nitore Latini sermonis illustravit. Praeclare enim Cicero: *mandare quemquam litteris cogitationes suas, qui eas nec disponere possit, nec illustrare, nec delectatione aliqua lectorem allicere, hominis est intemperanter abutentis otio & litteris*. Sunt nonnulli qui in hisce Institutionibus dum plenissimo ore laudant immensam prope eruditionis copiam, politiorumque elegantiam, quibus ornantur, desiderare videntur abditiolem reconditiorumque tractationem earum rerum, quae primum in physica tenent locum, quales ex. gr. sunt motus, Newtoniana attractio, harumque leges, non tam ut ceteros, quam ut se ipsum, qui nunquam adduci potuit, ut Newtoni sententiae assentiretur, convinceret. Sed ii meminisse debent quibus scripserit Corsinius, quibusque temporibus scripserit. Quoniam ve-

ro plurima sunt in physica, quae sine geometriae ope tractari non possunt, hoc quoque adjumentum a se afferri oportere discipulis suis putavit. Itaque *Philosophicis Mathematicis Institutiones* adjecit, in quibus si ordinem excipias (initium enim facit a proportionibus, quas nemo ignorat difficillimam esse geometriae partem) cetera satis belle procedunt. Neque multo post retexit hoc ipsum opus, in quo eo elaboravit attentius, quod sperabat aditum sibi facturum ad munus tradendi mathematicas disciplinas in Lyceo Florentino. Acceptum illud cum plausu fuit propter dilucidam brevitatem atque elegantiam, licet in eo acutiores peritioresque geometrae pauca quaedam jure ac merito reprehenderint. Praestantiam, quam consecutus fuerat Corfinius in rebus geometricis, voluit ad hydrostaticam transferre; cumque sedulo evolvisset quae in ea facultate scriptis mandaverant post Galilaëum Torricellius, Michelinius, Guglielminius, Grandius, alii-que pauci, in scenam prodire non dubitavit sustinens personam non modo consilarii & arbitri de dirigendis avertendisque aquis, sed

etiam scriptoris. Etenim ex ejus officina prodijt liber, qui inscriptus est: *Ragionamenti intorno allo stato del Fiume Arno e dell' acque della Valdinievole*, quique editus fuit sumptibus Marchionis Ferronii, cujus causam praesertim defendebat. Spe dejectus Eduardus perveniendi in Lycei Florentini doctorum numerum, qui praeter modum iis temporibus creverat, animum ad Academiam Pisanam convertit, petiitque dari sibi vacuum eo tempore logicae interpretis locum. Celeriter quod optabat impetravit, propterea quod Joannes Gasto Magnus Etrusiae Dux eximiam illius scientiam in omni re philosophica cognoverat. Vir non tam doctrina praestans, quam docendo prudens ( etenim quaedam etiam ars est docendi ) magno erat emolumento studiosis adolescentibus, qui non usitata frequentia scholam illius celebrabant. Cum vero de schola in otium solitudinemque se conferret, tempus potissimum consumebat in augendis perficiendisque suis *Philosophicis Institutionibus*, absolvendoque, quod instituerat, opere *de Practica Geometria*. Inter haec magna fuit annis Arni inundatio,

ut si inundationes excipias, quae annis  
MCCCXXXIII. & MDLVII. acciderunt, nul-  
lam unquam majorem fuisse constaret. Per-  
vaserat opinio per animos Florentinorum  
huic luctuosae calamitati causam praesertim  
dedisse Clanis aquas in Arnum deductas, &  
quae ad easdem moderandas aquas facta fue-  
rant opera. Hunc errorem ut eriperet Edu-  
ardus, utque persuaderet eadem opera fuisse  
utilissima ac saluberrima, libro exposuit qua-  
lis fuisset, & quis esset status Claniae val-  
lis, quidque consultum & actum ab anno  
MDXXV. ad sua usque tempora, ut pesti-  
lentissima regio convalescere aliquando & fa-  
nari posset, utque controversiae inter fini-  
timos Principes de dirigendis aquis ejusdem  
regionis tollerentur, Pisis erat Corfinio con-  
tubernium cum Alexandro Polito, qui hu-  
maniores litteras profitebatur, cujusque vi-  
tam supra explicavimus. Hominis Graecis &  
Latinis litteris eruditissimi exemplum & vo-  
ces, selectissimorumque librorum copia, qua  
is abundabat, Corfinium per se jam flagran-  
tem vehementissime incenderunt ad eas ar-  
tes, quibus ab ineunte aetate deditus fue-

rat, celebrandas. Sciebat Graece, cujus sermonis elementa juvenis Florentiae acceperat a sodali suo Francisco Maria Balestrio, sed non luculenter. Itaque multo sudore ac labore in arte grammatica primum se exercuit, postea Graeca multa convertit in Latinum, Graecorumque libros & eos praesertim, qui res gestas & orationes scripserunt, utilitatem aliquam ad dicendum aucupans, studiosissime legebat. Cum vero ei esset persuasum ingentes ac prope immensos campos illi proponi, qui eloquentiae ceterisque humanioribus litteris vacare cupit, amico hac de re aliquando sciscitanti respondit: *percipiendam ei esse omnem antiquitatem, cognoscendam historiam, omnium bonarum artium scriptores & doctores & legendos & pervolvendos, & exercitationis causa laudandos, interpretandos, corrigendos, refellendos, disputandumque de omni re in contrarias partes, & quidquid erit in quaque re, quod probabile videri possit, eliciendum atque dicendum.* Hujusmodi exercitationes, quas diu inclusas habuit, Corsinius in veritatis lucem tandem proferre se posse putavit, cum Fastos Atticos illustran-

dos suscepisset; magnum sane opus & praeclarum, quod omnem fere Atheniensium historiam complecti debebat, cum qua philosophiae, omniumque laudatarum artium historia arctissime est conjuncta. Divisit illud ipsum opus in partes duas, quarum priorem veluti apparatus Fastorum esse voluit, quod in illa fuisse lateque ea exponerentur, quae commode in ipsis Fastis, ad quos tamen pertinebant, exponi haud posse viderentur. Agit itaque de Archontum institutione, numero, varietate, muneribus & serie, de Archontico anno, atque ordine mensium Atheniensium. Cum vero Archonticus annus non in menses solum, sed in Prytaniae etiam divisus esset, ac Tribuum Atheniensium singulae aequali temporis, annique parte Prytaniae munere fungerentur, de ipsarum Tribuum ac Prytaniarum numero, ordine ac serie, deque Atticae populis, ex quibus illae constabant, eruditissime differit. Neque ab his separandam putavit tractationem de Atheniensium Senatu & Ecclesiis, deque Proedrorum, ac Epistatum numero, distinctione & officiis. Transit inde ad con-

texendam Archontum seriem distinguens Eponymos a Pseudeponymis. Quam distinctionem licet nonnulli agnoverint, nemo tamen existit, qui Pseudeponymorum Archontum seriem illustrandae Atticae historiae maxime necessariam recensere tentaverit. Agit deum de civilibus Graecarum gentium annis, ipsarumque mensibus, cyclis atque periodo, cum antea declarasset tempus, verumque diem, quo varia Atheniensium festa peragi & redire consueverant. Id facere necesse fuit propterea quod eadem festa, veluti perspicuae certaeque temporis notae, rerum gestarum memoriae saepissime a scriptoribus adiunguntur. Haec quidem in priori operis parte. In secunda vero Fasti exponuntur a prima Olympiade, qua Coroebus palmam retulit, usque ad Olympiadem CCCXVI. Causa fuit iusta Corsinio praetereundi antiquiora tempora, quod ista laterent crassis occultata tenebris, & circumfusa fabulis. Ne tamen primam Atheniensis imperii formam despiciere videretur (nam Athenis initio Reges, inde perpetui Archontes, mox decennales, tandemque annui imperarunt) qui Reges,

& Archontes perpetui, & qua aetate fuerint. in Prolegomenis persecutus est. Ceterum Fastos sic contexuit Corfinius, ut nullum ad nos pervenerit nomen Archontum, Olympionicarum & Pythionicarum, nulla lex, neque pax, neque bellum, neque casus, neque res illustris & memoranda populi Atheniensis, quae in iis suo tempore non sit notata. Interdum etiam attingit Spartanorum, Phoenicium, Thebanorum, aliorumque Graecorum gesta, consilia, pugnas, discrimina, quod ea maxime sint Atticae historiae juncta. Graecos vero philosophos, poetas, oratores, ceterosque tum pacis, tum militiae artibus claros viros ita commemoravit, ut quibus Olympicis annis, & quo loco in lucem sint editi, vitamque finierint intelligi possit. Atque haec omnia capitulatim sunt dicta. Etenim nimis longus essem si praecipua, & nova vellem describere, quae in his Fastis continentur. Nihil posuit in iis Corfinius sine locuplete auctoritate & teste, aut saltem sine probabili conjectura; quodque difficillimum fuit, scriptorum Graecorum loca aut vitiata aut minime intellecta, aut mutilata sic restituit, illustravit, sup-



plevitque, ut dubitari posse videatur plus ne  
 iis reddiderit luminis, quam ab iisdem ac-  
 ceperit. Neque minori perspicientia Athe-  
 niensium nummos vidit, ex quibus non pau-  
 ca quidem in rem suam hausit; sed multo  
 plura e marmoreis monumentis sumpsit, ta-  
 li modo dirimens controversiam, quae ex-  
 suscitata fuerat a summis viris Spanhemio,  
 & Gudio, nummis ne, an inscriptionibus  
 princeps locus dandus esset in explicandis ri-  
 tibus, festis, Numinibus, ludis, magistrati-  
 bus, rebusque gestis Atheniensium. Inter  
 nobiliores inscriptiones, quas refert Corsi-  
 nius, & miro prorsus acumine atque eru-  
 ditione explicat, & interdum etiam supplet,  
 est Florentina quaedam apud Riccardios il-  
 lustrandis Atheniensium Tribubus maxime  
 idonea. Sed haec mirifice corrupta erat, au-  
 gebatque corruptelam collocatio. Etenim  
 cum ex tribus fragmentis constaret, imperi-  
 tus artifex sic illa in pariete disposuerat, ut  
 media pars primae, sinistra mediae, dextera  
 vero omnium postremae partis locum occu-  
 paret. Vidit haec mala Corsinius, qui ac-  
 cutissime indagabat omnia, iisque remedia

adhibuit. At puduit Joannem Lamium se non adeo lynceum fuisse, cum usus esset eadem inscriptione in suis ad Meursium scholiis, & ex pudore orta est invidia. Ex quo intelligi potest quare is debitas nunquam tribuerit laudes operi, quod omnium judicio longe multumque superat quidquid in hoc rerum Atticarum genere scripserunt Sigonius, Scaliger, Petavius, Petitus, Sponius, & vel ipsi Meursius, & Dodwellus, quorum errores dum saepe corrigit Corfinius, & dum minime ab iis animadversa profert, satis declarat iisdem detrudere voluisse

*Haerentem capiti multa cum laude coronam.*

Rumor erat ea parare Lamium, quibus sperabat hominibus se probaturum, Corfinium in emendanda illustrandaque Riccardiana inscriptione surripuisse sibi segetem & materiem gloriae suae. Porro Lamius post editas Corfinii emendationes supponere cogitaverat in locum impressae jam paginae in I. Meursii operum volumine, quae prae se ferebat inscriptionem corruptam, aliam paginam, in qua emendatior inscriptio legebatur;

hancque mutationem, omnibus occultari posse putaverat, quod Meursii liber nondum esset in vulgus editus. Non latuit certe Corsinium, in cujus manus pervenit etiam primum impressa pagina, qua omnem a se propulsare poterat injuriam. Id ut audivit Lamius aliam rationem iniiit perficiendi consilii sui. Dedit ad Angelum Bandinium litteras plenas iracundiae ac minarum, specie quidem ut ea, quae jamdiu seposuerat ad Riccardianum marmor explanandum, aliquando proferret; re autem ipsa ut quae a Corsinio didicerat, perpaucis additis aut mutatis, lectori aut occupato aut indiligenti vendicaret pro suis. Atque id utrumque scriptorem conferenti luce clarius est. Quare mirari satis non possum hominis frontem, qui furti Corsinium insimulet in eo loco, in quo ipse cum re aliena, atque etiam cum telo est deprehensus. Atque haec an. MDCCXLV. sunt gesta, cum Fasti Attici anno superiori lucem vidissent. Sed tamen res defensionem apud multitudinem potuit habere usque ad eum annum, quo Meursii opera cum Lamii animadversionibus vulgata sunt simul uni-

versa. Is fuit an. MDCCLXIII. Tum enim primum jejuna illa marmoris interpretatio, quam ante annos XXII. Lamius in I. operum volumen intulerat, lecta est pag. 258. : ad calcem vero ejus voluminis secundae Auctoris curae in eum lapidem, & quasi retractio quaedam ante dictorum edita est. Qua in mantissa bina extant indicia Corsinii caussam mire tuentia, alterum quod nihil hoc in loco proponatur, quod non ille in Fastorum libro occupaverit; alterum quod mantissae characteres ab ejusdem voluminis characteribus forma et figura longe absunt, testanturque non nisi post annos multos quam liber fuerat impressus, distractis jam aut obsoletis formis illis prioribus, additam esse appendicem, de qua meminimus. Sed jam satis multa de homine meo quidem judicio paucis comparando, nisi regnum in litteris, quod Florentiae per diu tenuit, malis interdum artibus & clarorum virorum vexatione confirmandum putasset (\*). Quamvis in *Fastorum*

(\*) Hujus rei narrationem pluribus etiam verbis expressam vide in libello cujus est inscriptio : *Passatem-po Autunnale*, quo in libello

— Si quis est qui dictum in se inclementius

*ſis Atticis* elaborare Corſinio maxime glorioſum fuerit , non minorem tamen laudem reportavit ex *Agoniſticis Diſſertationibus* , de quibus Ludovicus Muratorius , intelligens ſane iudex , dicere ſolebat , poſſe eas per ſe ſo- las aeternum nomen Auctori comparare . His Diſſertationibus oſtendere voluit Eduardus , quo tempore Graeci celebrare conſueverunt ludos Olympicos , Pythicos , Nemeaeos , & Iſthmiacos , quod tempus eatenus fuerat vel incompertum , vel ſaltem obſcurum . In hoc autem non mediocrem utilitatem chronologiae & hſtoriae ſe allaturum putavit , quod iſdem ludis ſcriptores uterentur ad notanda designandaque rerum geſtarum tempora . Ab Olympicis exordiens , qui ceteros omnes ſplendore & frequentia ſuperabant , breviter eos percurrit , quos ab Hercule primum inſtitutos Trojano bello deſuiſſe , moxque ab Iphito reſtitutos iterum intermiſſos fuiſſe ſcriptores narrant . Etenim illud caput eſſe videbatur , ut de Olympiade illa quaereret , qua Coroe- bus palmam accepit , & quae prima dicitur ,

*Exiſtimavit eſſe , ſic exiſtimet*

*Reſponſum , non dictum eſſe , quia laeſit prior ,*

quod ab illa ceterarum Olympiadum ordo & series incipiat. Hanc celebratam fuisse putat an. periodi Julianae MMMDCCCXXXVIII, circiter solstitium aestivum, plenilunii tempore, qui mos semper mansit non solum antiquioribus, quibus civiles Graecorum anni lunares erant, sed recentioribus etiam, quibus solares anni a Romanis ad Graecos transferunt. Primus is erat anni mensis, in quem incidissent Olympici ludi. Quinque diebus eorum certamina absolvebantur, inter quae cursus, quo uno certatum est ad Olympiadem usque XVIII. primas tenebat. Neque in Aelide solum, sed & in aliis Graeciae urbibus summa cum populi frequentia ac sacerorum caeremonia Olympici celebrabantur, donec v. ineunte reparatae salutis saeculo, iidem cum Pyticis sublatis fuerunt. Pyticos primum instituit Apollo, eosque jamdiu intermissos, confecto Crissemi bello, Olympiade XXXXVIII. Amphictyones revocarunt. Iidem Olympicorum iustar pentacterici erant; neque secundis annis aut quartis, ut Petavius & Dodwellus existimarunt, sed tertiis, hisque exeuntibus circa Elaphebalionis men-

sis finem, tum Delphis, tum in aliis Graeciae urbibus peragi consueverunt. Proximo post Pythia Olympiade scilicet LIII. instaurata fuerunt Nemea, quorum origo repetitur a septem Argivis ducibus, qui ad leniendum desiderium pueruli Archemori a serpente occisi funebres hosce agones CCCCLXXV. annis ante Olympiadem primam prope Nemeaeum nemus instituerunt. At Nemeadem illam, ex qua veluti cardine ceterae insequentes numerari coeperunt, in annum IV. Olympiadis LXXII. post Marathoniam pugnam incidisse satis probabiliter Eduardus affirmat. Nemeades aestivae aliae, aliae hibernae, omnes vero trietericae fuerunt; eaeque alternis annis ita peragebantur, ut hibernae quidem in medios secundos, aestivae vero in quartos ineuntes Olympiadum annos incurrerent. Cum Nemeis ludis quaedam erat Isthmicis a Theseo, ut fertur, constitutis similitudo. Funebres erant ambo, ambo trieterici, & qui utrolibet in certamine vicissent apio coronabantur. Isthmici quoque alii erant aestivi, non tamen alii hiberni, ut quidem Dodwellus putabat, sed verni. Cele-

brabantur illi primis Olympiadum annis He-  
catombeone mense, hi Thargelione, exeun-  
te fere tertio Olympico anno. Sic definivit  
Corfinius tempora quatuor illustrium Grae-  
ciae ludorum, patefaciens obscura & ignota  
vel ipsis chronologiae luminibus Scaligero,  
Petavio, & Dodwello, quorum auctoritate  
abreptus ipse in primo Fastorum Atticorum  
libro Pythiades secundis Olympicis annis con-  
cesserat. Agonisticis hisce Dissertationibus,  
veluti fastigium operis, idem adjecit seriem  
Hieronicarum alphabetico, ut dicitur, ordi-  
ne dispositam, & Dodwelliana longe ube-  
riorem accuratioremque. Nam septuaginta  
supra centum victores recensuit, qui Dod-  
wellum prorsus fugerant; fontesque indi-  
cavit ( in quo Dodwelli diligentia saepissi-  
me desiderabatur ) unde uniuscujusque vi-  
ctoris nomen, aut patria, aut aetas, aut  
certaminis genus, quo vicisset, hauriebatur.  
Hoc opus vehementer adeo Auctori suo pro-  
batum erat, ut vir modestissimus in eo quo-  
dammodo gloriari videretur. Etenim, ut At-  
tico scripsit Cicero, *sua cuique sponsa, suus  
cuique amor*. Quoniam autem tum in his

Ago-



Agonisticis Dissertationibus, tum in Fastis scribendis saepe usus est Corsinius subsidio marmoreorum monumentorum, in quibus multae occurrunt notae, quarum neque facilis, neque prompta fuit explicatio, separatim opus a se expectare putavit Graecarum antiquitatum studiosos, quo in opere non solum ex marmoreis, sed etiam ex aereis Graecorum tabulis varias eorum notas colligeret, hasque explicaret, atque illustraret. Quae dum animo versaret, scriptionique jam manum admovisset, ecce in lucem prodit Scipionis Maffei liber *de Graecorum siglis, lapidariis*, in quo trescenta fere vocum compendia ingeniose feliciterque enodantur. Cum Eduardus ab amico librum accepisset, ei epistolam scripsit (relata haec fuit in IV. volumen diarii Litteratorum Florentiae editi) in qua summas tribuit Maffejo laudes, quod primus ex omnibus materiem hanc seorsum tractandam suscepit, magnam in illam conferens eruditionis copiam, & acre prudentique iudicium. Non propterea tamen spatium, quam sibi sumpserat, ille deseruit, quia, ut ait Ausonius, *is erat campus, in*

Tom. VIII.

G

*quo alius alio plura invenire potest, nemo omnia.* Et plura certe Corfinius invenit, cum mille fere notas, aut numerorum vocumque compendia uno volumine colligere potuerit & explicare illo suo acutissimo ingenio, cui inquirenti & contemplanti omnia occurrere se seque ostendere videbantur. Ut vero delectatione aliqua alliceret adolescentes, quibus insuavis fortasse & asperior videri poterat siglarum investigatio, postquam multa eruditissime praefatus esset de notarum origine, vi, utilitateque, opportune sparsit in toto libro non pauca ad historiam, geographiam, chronologiam, ac mythologiam spectantia. Ex quibus aliisque disciplinis uberiora etiam hausit, ut ornaret Dissertationes sex, quas, absoluta universa notarum serie, confecit, ut essent operis corollarium. Explicant illae insignes quasdam Christianae & profanae antiquitatis inscriptiones, sicque explicant, ut facile existimari queat, eum qui non comprehenderit rerum plurimarum scientiam, quique iudicio certo & subtili non sit praeditus, in his antiquitatis studiis satis callide versari & perite non posse. Inscript

Corfinius hoc suum opus: *Notae Graecorum*, sive *vocum & numerorum compendia*, quae in aereis atque marmoreis Graecorum tabulis observantur, dedicavitque Cardinali Quirinio, a quo pecuniam ad illud ipsum evulgandum dono accepit. Etenim his temporibus haud illi magna res erat, quae vix satis esse videbatur ad vitam sustentandam, necessarioque libros emendos. Praepositus an. MDCCXXXV. dialecticae scholae nihil aliud annui stipendii obtinuit nisi octingentos denarios. Hoc esse fatum videtur nobilissimae quidem disciplinae, ut pote quae per omnes disciplinas manat ac funditur, ut qui illam profitentur mediocribus afficiantur praemiis. Vel ipsi Graeci, quamvis essent aequi liberalium artium aestimatores, minam esse voluerunt mercedem Dialecticarum. Commodiori in statu res Corfinii esse coeperunt cum traductus fuit ( id accidit an. MDCCXLVI. ) ad metaphysicam atque ethicam docendam. Tunc enim ipsius stipendium erat his millenorum & amplius denariorum, posteaque illud ipsum ad quatuor mille ducentos quinquaginta usque pervenit, cum prosperae res multae conser-

cutae fuissent. Satis superque id erat homi-  
ni temperato ad vitam beatissimam; videba-  
turque sibi superare Crassum divitiis. Quan-  
tum vero sorte sua contentus, quantisque a-  
moris vinculis Academiae Pisanae obstrictus  
esset, ex eo conjici potest, quod mortuo Lu-  
dovico Muratorio Mutinensis Ducis bibliothecae  
praefecto in illius locum succedere recu-  
savit, quamvis liberalissime ipsius Ducis ver-  
bis invitaretur. Quo cognito ab Emmanue-  
le Comite Richecourtio, qui Francisci I. Cae-  
saris nomine res Etruriae administrabat, ipse  
singularibus verbis ei gratias agendas censuit,  
eidemque prolixè de sua non modo, sed  
& Caesaris voluntate pollicitus est. Id non  
potuit Corfinio non summe esse jucundum;  
utque viro de se & de Sodalitate sua bene  
semper merito gratum se ostenderet dedica-  
vit illi Plutarchi opus *de Placitis Philosopho-  
rum* à se Latinum factum, vitaeque Scripto-  
ris, scholiis, & dissertationibus ornatum.  
Causam suscipiendae novae interpretationis ei-  
dem dederunt naevi quidam, quibus macu-  
lantur Budaei, Xylandri, & Cruserii homi-  
num ceteroquin doctissimorum interpretatio-

nes; susceptam vero ita perfecit, ut verbum pro verbo reddiderit, multaque etiam attulerit de suo, quae sunt diverso characterē notata, ne attenuata nimis diligentia perspicuitati officeret, & ne res ipsa omni Latinae orationis dignitate cultuque destituta fordesceret. In limine operis Plutarchi vitam ex illius aliorumque veterum scriptis a se diligentissime collectam, & seriem philosophorum, quorum placita a Plutarcho proferuntur, aetatemque, in qua vixerunt, exposuit. Singulis vero operis capitibus breviter adjecit commentaria, quae aut mutilos & hiulcos Plutarchi locos suppleant, aut depravatos emendant, aut obscuros atque perplexos, opportune allatis aliorum philosophorum sententiis, illustrant. Siquando autem longioris esse orationis putavit Corsinius lucem aliquam afferre rebus obscurissimis, cum non Heraclitus solum, sed & quique fere antiquitatis philosophorum, quorum sententias coarctavit & peranguste referret Plutarchus, *Exoticum* cognomen mereatur, hujusmodi illustrationes ad finem libri rejecit. Quo in loco voluit etiam recen-

serè illustriorēs sententias, quae propriae dicuntur recentiorum philosophorum, cum earum tamen manifesta appareant vestigia in Plutarchi libro, quod profecto ad veterum gloriam amplificandam plurimum valet. Tales sunt attractionis leges, viresque, ut dicuntur, centripeta & centrifuga, Chartesia-  
m vortices, lunae phasēs, maculae, quodque haec sit terra multarum urbium & montium, conversio solis, planetarum, siderumque certa quadam celeritate ac periodo circa axes suos, natura, constans motus, reversioque cometarum, telluris motus, quodque ex eo causa maris aestus repetenda sit, *μεθωγων* explicatio, aliaque huiusmodi multa tum ad corporum, tum ad animi naturam pertinentia. Profecto nihil dulcius erat Corfinio quam per abdita remotioris antiquitatis permeare, & inde nova & inexpectata deferre, quae hominibus contemplanda bono in lumine exhiberet. Nam, ut Aristoteles inquit, suo quisque artifex studio atque opera impensius delectatur. Cum igitur accepisset ab Antonio Francisco Gorio amicissimo suo graphidem eximii cujusdam

anaglyphi , quod Romae visitur in Aedibus Farnesianis , non magnopere hortandus fuit , ut in illo exponendo elaboraret . Exhibet hoc superiori in parte Herculem cum Europa , Hebe , Satyrisque quieti , voluptati- que post exantlatos labores indulgentem , in inferiori vero tripodem Apollini sacrum , Argivae Junonis Sacerdotem , atque alatam Virginem , & Herculem demum ipsum se se expiantem , ut purus ad Deorum concilium ascenderet . Hinc & illinc anaglyphum ornant binae columnae cum Graeca inscriptione , quae multis versuum decadibus Herculis gesta commemorat : in supremo tandem anaglyphi loco octodecim hexametra carmina exculpta sunt , quibus Herculis labores & certamina declarantur . Praeclarissimi hujus monumenti explicationem Eduardus libello , quem ad Scipionem Massejum instituit , complexus est ; ex eoque judicari potest , vehemens assiduumque studium ipsi copiam eruditionis dedisse , naturam vero tribuisse ingenium ad conjiciendum divinandumque factum . Et sane divinationis cujusdam videtur , illum potuisse laceras ac depravatas

multorum versuum lacinias felicissime corrigere atque supplere. Magnae antiquitatis argumentum praebere suspicatus est Doricam dialectum, qua exarata est inscriptio, neque ipse affirmare dubitat opus paullo post Alexandri tempora, antequam Q. Flaminius pristinam Graecis libertatem redderet, perfectum fuisse. Sed aliter alii sentiunt (1) quibus nunc plerique assentiri videntur. Hoc ipso ferme tempore Corsinius ejusdem Gorii postulationibus Dissertationes quatuor concessit, quae impressae sunt ab illo in VI. volumine *Symbolarum litterarum*. Extricat prima epigraphen sculptam in labro interiori cujusdam crateris aenei Mithridatis Eupatoris (2), qui crater in museo Capitolino:

(1) Vide Winkelman: *Monumenti antichi inediti Tratt. Prelim. p. LXXIX*. Idem quaedam alia notat in quibus deceptum fuisse Corsinium arbitratur p. 89.

(2) Sic interpretatur Corsinius mire involutam inscriptionem: *Regis Mithridatis Eupatoris Regni anno 54. Eupatoristis Gymnasii* ( hoc est civibus Eupatoriae, qui in Gymnasio certarunt ) *senectutem conservat*, quod erat ad laudem vini, quo plenus crater victori concedebatur. Alii aliter interpretanda extrema praesertim inscriptionis verba existimarunt, quorum sententiam plerique nunc sequuntur.



affervatur. Secunda patefacit obscuros igno-  
 ratosque dies natalem & supremum Plato-  
 nis, qua occasione aliorum etiam virorum  
 illustrium Archytae, Philolai, Isocratis, Ly-  
 siae, Dionis, & Socratis aetates & tempora  
 persequitur. Explicat tertia adversam par-  
 tem numismatis Antonini Caesaris, in qua  
 Prometheus humanum corpus ex luto fin-  
 gens, & Pallas capiti mentem, papilionis  
 imagine expressam, inferens conspiciuntur.  
 Curiosa sunt quae excogitavit Corsinius, ut  
 persuaderet hominibus morem repraesentandi  
 humanam mentem sub papilionis imagine  
 non ex miris hujus volucris affectionibus &  
 natura, non ex ipsa animi immortalitate,  
 circuitu, aut transmigratione, non ex Chal-  
 daicae, Graecaeque sapientiae fontibus, non  
 ex arcanis amoris mysteriis, sed ex sola ar-  
 tificum imperitia profluxisse. Cum enim unum  
 idemque nomen *ψυχης* papilionem & ani-  
 mum designet, rudis artifex, qui primus ani-  
 mum exprimendum suscepit, non putavit hu-  
 jus ideam posse melius excitari, quam obje-  
 cta imagine illius rei, quacum is commune  
 nomen habet. Quarta Dissertatio demum in

eo versatur, ut ostendat mentitam & falsam esse Latinam quamdam inscriptionem, quae Pisis visitur in Scortianis aedibus. Summi labores, quos Corsinius impendit in conficiendis, quos retulimus, libris, magna compensati fuerunt gloria, ut unus e multis, qui illustrandae Graecae praesertim antiquitati sese dederunt, excellere judicaretur. Cujus de praestanti in hoc rerum genere doctrina tanta etiam judicia fecit Scipio Massejus, quanta de nullo; cuius testimonii auctoritas maxima reputari debet non solum quod ab homine prudentissimo profiscitur, sed etiam quia figulus invidens figulo, faber fabro, ut est Hesiodi dictum, alterius laudi & gloriae minime favere soleat. Ex mutua opinione doctrinae, similitudineque studiorum orta est inter eos jucundissima amicitia, cuius tantavis fuit, ut Corsinius aestate an. MDCCLI. quamvis non bene valens, Veronam venerit aliquot menses commoraturus apud amicum. Quo tempore inter eos fuit familiarissima societas, & communicatio studiorum. Dono accepit Corsinius a Massejo tercentum fere Graecas inscriptiones (has Edmundus Ché-

shullius collegerat, & secundae *Asiaticarum antiquitatum* parti reservaverat ) ea condicione, ut eas Latine redderet atque illustraret. Satisfecit ille aliqua ex parte promisso suo, cum anno insequenti edidisset eas inscriptiones, quae ad Athenas spectabant; easdemque iterum cum commentariis edidit quadriennio post, ut essent ornamento quarto Faistorum volumini. Nono mense postquam in Etruriam rediit Eduardus, moritur Alexander Politus, quocum ille ita vixit, ut quem pauci ferre poterant propter difficillimam naturam, hujus sine offensione ad summam senectutem retinuerit benevolentiam. Mortuo autem Polito neque inquirendum; neque consultandum fuit quis illi successor in Academia Pisana daretur, cum omnium oculi statim in Corsinium coniecti fuissent: Ita hic exeunte anno MDCCLII. postquam octodecim fere annos philosophiam tradidisset, munus docendi humaniores litteras libentissimo animo suscepit. Initio proposuit sibi ( nam muneris ratio, & adolescentium utilitas ab eo postulabant, ut cum Graecis Latina conjungeret ) explanare Plutarchi pa-

parallelas Graecorum, Romanorumque vitas, ut inde occasionem fumeret utriusque populi leges inter se conferendi. Memoriter dicebat e superiori loco, quod ad praeceptoris & scholae dignitatem plurimum tum conferre putabatur; & quae tradebat insignita erant luminibus ingenii, & conspersa eruditionis sententiarumque flore. Genus dicendi erat quietum & lene, purum & elegans, ut maxime teneret eos qui audiebant, & non solum delectaret, sed etiam sine satieta- te delectaret. Nulli discipulorum aditum, sermonem, congressumque suum denegabat, quin immo eos bis in hebdomada domum suam invitabat, ut in studiis exerceret Graecarum, Romanarumque antiquitatum. Domi etiam tradebat metaphysicam, quo onere non placuit Academiae Moderatoribus illum liberare nisi anno MDCCLIV. quo quidem tempore Venetiis evulgavit suas *Institutiones Metaphysicas*. In his adornandis illud unum propositum sibi fuit, ut in animis adolescentium rectas de animae immortalitate, arbitrii libertate, Dei existentia, ceterisque naturalis theologiae dogmatibus notiones infereret,

quibus in gravioribus aliis disciplinis veluti praesidiis uti possent, quibusque caverent a peste quadam hominum non tam religioni, quam reipublicae infesta, quae rationem pervertendo ubique venenatas opiniones disseminare non veretur. Subaccusent aliqui, si lubet, Corsinium, quod nimis parcus fuerit in pertractandis quibusdam rebus, quae in ea, in qua nunc sumus, luce ignorari minime posse videntur; omnes profecto uno ore fateri debent tales esse hasce Institutiones, ut cupidi metaphysicae nullibi possint refrigerari salubrius atque jucundius. Postremum hoc operum fuit, quae Corsinius Philosophiae dicavit, nisi dicere velimus, etiam cum minime videretur tum maxime illum philosophari consuevisse. Quod declarant ejus Latinae orationes ad Academicos Pisanos refertae Philosophorum sententiis, saluberrima praecepta, quibus adolescentes ad omne officii munus instruebat, doctissimorum Philosophorum familiaritates, quibus semper floruit, & ars illa distinguendi vera a falsis, colligendi sparsa, eaque inter se conferendi, diligenter examinandi omnium rerum verbo-

tumque pondera, nihilque asserendi sine evidenti ratione, aut saltem probabili conjectura, in qua arte quantum inter omnes unus excelleret, praesertim ostendebat, cum in vetustatis monumenta inquireret. Hujus inquisitionis uber sane fructus fuit *Dissertatio illa de Minnifari, aliorumque Armeniae Regum nummis, & Arfacidarum epocha*, quam idem in lucem extulit an. MDCCCLIV. Difficultatis maximae fuit ostendere Minnifari nummum, quem praecipue illustrandum Corsinius susceperat, ad illum spectare Manisaram Armeniae & Mesopotamiae Regem, de quo Dio Cassius in libro Romanae historiae LXVIII. mentionem fecit, & Arfacidarum epocham non in Parthiae solum, sed etiam in Armeniae regum nummis inscriptam fuisse, eamque ab anno Urbis conditae DCCXV. initium duxisse. Antea quidem doctissimorum virorum Usserii, Petavii, Norisii, Spanhemii, Vailantii, & Froelichii sententia fuerat, serius Arfacidarum imperium incepisse, adversus quam sententiam Eduardus ita pugnavit, ut veritas non minus quam modestia eluxerit. Quoniam vero in antiquitatis studio

multae res inter se ita nexae & jugatae sunt, ut, inventa una, aliae, quae prius latebant, se se contemplandas offerant, eam ob rem Corfinius in Minnifari regis nummo explicando varia scriptorum loca corrigere & supplere, verum Darii genus exponere, Tiridatem alterum, Arsamem, aliosque Armeniae Reges Vaillantio prorsus incognitos proferre potuit. Res in hac Dissertatione contentae, non sine laude oppugnatae fuerunt a Jesuitis Froelichio & Zacharia, responditque ad ea, quae objecta fuerunt, sine iracundia Corfinius. Etenim veritatis unice amans alios a se dissentire haud iniquo ferebat animo, semperque detestatus est eos, qui suis sententiis quasi addicti & consecrati etiam ea, quae plane probare non possent, constantiae, non veritatis causa defenderent. Propugnationem quoque Corfinii libello (\*) suscepit ejus convictor & sodalis

(\*) Huic titulus est: *Lettere critiche di un Pastore Arcade ad un Accademico Etrusco nelle quali si sciogliono le difficoltà fatte contro un' opera del Reverendissimo Padre Corfini nel Tom. IX. della Storia letteraria d'Italia &c. in Pisa 1757. in 2.*

Carolus Antonioliſius, qui quidem non mediocria adjumenta illi praeſtavit, cum plurimum valeret in omni genere ſtudioꝝum, quae ipſe excolebat. Magni quoque Academiae fuit Antonioliſii opera in Graecis litteris tradendis toto illo ſexennio, quo Corſinius, coactus capeſſere ſummum Sodalitatis ſuae magiſtratum, bona Principis cum venia, & ſine ulla ſtipendioꝝum jactura Piſis abſuit. Hic Romam venit menſe Aprili an. **MDCCLIV.** ardens deſiderio indicia veteris memoriae, quibus mirabiliter urbs illa abundat ( quacumque enim quis ingreditur in aliquam hiftoriam veſtigium ponit ) cognofcendi. Sed raro ei poteſtas dabatur huic ſuo deſiderio ſatisfaciendi, cum podagrae doloribus ſaepiſſime vexaretur, & munus ſuum diligentiffime exequi vellet. Quanta vero prudentia ac dexteritate fuerit in tractandis negotiis, quanta aequitate in conſtituendis, temperandiſque, ſi res poſcebat, conſtitutis jam legibus, quanta humanitate erga omnes, quantaque vigilantia ac providentia in conſulendo rebus praefentibus, praecavendoque futuras, ſatis praedicari non poteſt. Cum  
autem



autem nihil sine aliorum consilio agere ei mos esset, & facilitate summa uteretur in suos adjutores procuratoresque, inde nonnulli materiem sumpserunt falsae criminatio-  
nis, quod ad aliorum magis quam ad suum arbitrium res Familiae administraret. Omnino totum se tradidit Eduardus Sodalitati, totamque sic rexit, ut oblitus commodorum suorum omnibus prospexerit. Non est credibile quanto animi dolore angeretur, si aliquis suorum in crimen vocabatur. Horrebant enim homo innocentissimus vel ipsam peccati suspicionem. Sed non propterea fontibus irascebatur, hosque clementia magis atque mansuetudine, quam animadversio & castigatio ad frugem revocare studebat. Cum vero severitatem, sine qua respublica administrari non potest, adhibere cogebatur, similis, ut praeclare admonet Cicero, legum erat, quae ad puniendum non iracundia, sed aequitate ducuntur. In his occupationibus muneris sui, ne plane cessare a scribendo videretur, extare voluit explicationem duarum Graecarum inscriptionum, quae museum ornant Bernardi Nanii Veneti Senatoris.

Quam feliciter id praestiterit, perscrutata prius litterarum priscarum, quibus illae conscriptae sunt, forma atque vi, facile judicabunt ii, qui fiunt harum deliciarum amatores. Tentaverat eandem rem Franciscus Zannettus, sed longissime aberravit a vero ejus interpretatio. Ipse Eduardus cum Anconae esset ineunte anno MDCCLVI. eoque praesente cum multis aliis detecta fuissent atque agnita corpora Sanctorum Cyriaci, Marcellini & Liberii, quos singulari obsequio eadem civitas veneratur, incitatus fuit, ut aliquid laboris impertiret illorum Sanctorum illustrandae historiae, definiendoque praesertim tempori, quo translata eorumdem corpora fuerunt in eum, ubi nunc jacent, locum, & quo Anconae coli coeperunt. Haec Corsinius, edito commentariolo, accidisse ostendit exeunte saeculo XI., & ex ipsis antiquitatis monumentis, quibus sententiam suam confirmavit, quatuor Anconitanorum Episcoporum nomina in lucem protulit, quae usque ad id tempus fuerant incognita. Per pauca in hoc commentariolo attigit de S. Liberio, quod ejus historiam involutam te-

nebris & fabulis existimabat. Mox cum ei aliquid luminis affulsisset, & monumentorum ope, & mirabili illa sua conjiciendi arte patefacere potuit Liberium fuisse unum ex sociis S. Gaudentii Absarenfis Episcopi, qui circiter an. MXXXX. Anconam venit, solitariam vitam acturus in suburbano monasterio Portus Novi. Harum rerum inventio multis laudibus celebrata fuit a Scriptoribus annalium Camaldulensium (\*): pergrata quoque fuit Benedicto XIV. pro ejus singulari studio in Anconitanam Ecclesiam. Hic cum saepe ad congressum colloquiuraque suum invitaret Eduardum, quod ejus summum ingenium, suavissimos mores atque eximiam probitatem & nosset & diligeret, saepe quoque ipsum hortabatur, ut ea pergeret mandare litteris, quae abdita Christianae antiquitatis patefacere. Sed fuerunt justae causae quare Corsinius amantissimis Pontificis M. consiliis minime obtemperavit; & quidquid subcisorum temporum incurrebat, quae perire non patiebatur, libentissime concede-

(\*) Vid. Tom. III.

bat suis pristinis studiis. Rusticabar cum eo in Tusculano, quando epistolam scripsit ad Paullum Mariam Paciaudium, in qua plura de Gotarzis eximio nummo, ejusque, Bardanis, & Artabani Parthiae Regum historia persecutus est, & pro jure nostrae amicitiae ab ipso postulabam, ut in otio, quod raro dabatur, & peroptato illi dabatur, cessaret a libris & a stilo. Verum cum is esset ut sine his studiis vitam insuavem duceret, dicere solebat hujusmodi scriptiones non premere, sed relaxare animum. Et relaxatione certe aliqua ille indigebat, cui grave adeo erat, quod multi appetunt, ceteros regendi munus, ut onus Aetna majus sibi sustinere videretur. Poterat quidem illi esse levamento recordatio multorum benefactorum, inter quae maximum illud reputari debet, quod eo sexennio, quo ad Sodalitatis gubernaculum sedit, viginti domus, sive collegia constituta sunt. Interim advenit tempus, quo magistratu se abdicare, & extremos auctoritatis suae fructus capere debebat in provehendo digno viro, qui sibi succederet. Verum minime illi contigit, ut

sunt ancipites variique casus comitiorum; quem optabat, exitus. Peraetis comitiis, sine mora rediit ad Academiam Pisanam & ad illam quietam in rerum contemplatione & cognitione maxime positam degendae vitae rationem, qua qui frueretur, negabat ei aliquid deesse ad beate vivendum. Liber de Praefectis Urbis ei erat in manibus; Graecas inscriptiones in Asia repertas, quas, ut supra retulimus, a Scipione Massejo dono acceperat, quasque jampridem Latinas fecerat, copiosis commentariis explicabat; aderat discipulis suis; veniebat frequens in Academiam, afferebat res multum & diu cogitatas, faciebatque sibi audientiam hominis erudita, compta & mitis oratio. Idem efflagitatu & coactu amicorum instituta hoc tempore opera abruptit, ut explicationem lucubraret cujusdam nummi recens in Austria reperti, in quo erat nomen & imago Sulpiciae Dryantillae Augustae. Conjecit ille feminam hanc libertam fuisse, libertatemque accepisse a Sulpicio quodam, ab eoque in Sulpiciam gentem receptam; nupsisse demum Carino sceleratissimo Imperatori. Haec porro incerta.

Illud unum sine ulla dubitatione colligi posse videtur ex nummi fabrica, characterum forma, seminaeque ornatu, illum ipsum nummum cufum fuisse inter Elagabali & Diocletiani imperium, proptereaque Dryantillam ad aliquem Imperatorum, qui illo intervallo regnarunt, pertinere. Neque his contentus Eduardus voluit etiam excutere historicorum & rei nummariae interpretum mire inter se diffidentes opiniones de Aureliani ac Vaballathi imperio atque aetate, ac postremo suam sententiam proferre. Fuit haec, Aurelianum exeunte Julio, vel ineunte Augusto anno CCLXX. imperium suscepisse, eaque multis & gravibus confirmatur argumentis. Ad ea vero diluenda, quae contra dici poterant ex illorum sententia, qui praesertim niti videbantur lege quadam data a Claudio VII. Kal. Novembris Antiochiano & Orfito Consulibus, ut serius Aurelianum inchoasse imperium persuaderent, distinguit Consules ordinarios a succedentibus. Hac autem constabilita distinctione, quae maxime apta erat non solum ad id, quod requirebat, sed etiam ad expediendos alios, quos vel ipse Scaliger in-

diffolubiles in Chronologia existimaverat nodos, concludit eamdem legem editam fuisse anno CCLXIX. vel CCLXVIII. quando Antiochianus & Orfitus fuffecti Consules erant, minime vero anno CCLXX. iisdem Consulibus ordinariis. Nec minor difficultas erat ostendere, qui fieri potuerit, ut Aurelianus ad VII. Imperii annum pervenisse dicatur, & explicare locum Eusebii, qui tradit in ejusdem tempora incidisse III. Antiochenam Synodum: exploratum est enim hanc Synodum anno CCLXIX. incoeptam & absolutam fuisse. Feliciter haec praestitit Corsinius, cum probasset Aurelianium anno & ultra antequam a legionibus post mortem Claudii Imperator fieret, ab ipso Claudio destinatum sibi fuisse successorem, adeoque ampla potestate donatum, ut ab hoc tempore nonnulli ejus Imperii initium sumere potuerint. Quae vero de Vaballatho disse-ruit Corsinius haec ferme sunt. Illum Zenobia procreavit ex Athena priori viro, ejusdemque nomine ab anno CCLXXVI. usque dum Claudius in Gothicum bellum unice intentus vixit, Orientis imperium te-

nuit. Ex quo factum est, ut quae hoc tempore cusa sunt Vaballathi numismata, *Imperatorum Caesarem Augustum* illum nominent. Postquam vero ille descivisset a matre, ut Aureliano adhaereret, huic quidem conjunctus in nummis repraesentari voluit, minime vero paludamento, radiata corona, splendidoque Augusti nomine decoratus, solo Imperatoris contentus. Praetereo alia multa scitu dignissima in hac Dissertatione contenta, ne, cum nimis longus in recensendis scriptis operibus fuerim, videar oblitus consuetudinis & instituti mei. Hujus libelli cura liberatus Corsinius totus in eo fuit, ut ab solveret *seriem Praefectorum Urbis ab Urbe condita ad annum usque MCCCCLIII. sive a Christo nato DC.* Etenim posteriora tempora minime inquirenda putavit, quibus, penitus fere extincto Urbanae Praefecturae splendore ac dignitate, nonnisi tenue nomen, ac levissima pristinae majestatis umbra superfuit; ex quo fiebat, ut nihil inde lucis sacra & profana sperare posset historia, cum contra uberrimam splendidissimamque utraque acciperet ex veterum Praefectorum serie, ho-



rumque aetate rite constituta. Ut vero non utilitate solum, sed etiam jucunditate lectorum invitaret Corfinius, operi varia opportune adiniscuit, quae marmora & scriptores, quorum testimoniis ubique fere utitur, corrigunt & illustrant, interpretumque falsas opiniones atque errores emendant. Non ego sum nescius multos antecessisse Corfinium in hujusmodi pertractando argumento; ex quibus omnibus, ac praesertim Jacobo Gothofredo ac Tillemontio plurima in rem suam transtulit. Sed ii exiguis finibus operam suam continuerunt, si unum excipias Felicem Contelorium, qui contextam a Panvino Praefectorum seriem ad annum usque MDCXXXI. traduxit. Tale tamen non fuit Contelorii opus, quin eadem de re aliquid politius, copiosius, perfectiusque proferri a Corfinio potuerit. Et protulisse certe ipsum oportet, cum magna suorum laborum praeconia ab intelligentibus viris reportaverit. Mirari hi tantummodo visi sunt quod aut is ignoraverit hac ipsa in re plurimum quoque elaborasse Almeloveenium, aut quod hujus scripta consulere praetermiserit. Id profecto

si praestitisset abundantius & copiosius propositae sibi rei satisfacere potuisset, neque postea ventosissimi homines tristem sustinuis-  
sent notam calumniatorum, qui nullo in pre-  
tio ob pauca quaedam a Corfinio praetermis-  
sa hujus opus habendum inflatis buccis  
clamitarunt. Ne hi verbosis sibi famam ad-  
quirent strophis vel apud imperitam mul-  
titudinem, factum est diligentia Cajetani Mari-  
nii, qui librum (\*) Bononiae an. MDCCLXXII.  
edidit, quo non solum eorum obstitit injuriis,  
verum etiam nova a se inscriptionum ope  
detecta Praefectorum Urbis nomina in lucem  
protulit. Sed ad Corfinium revertor, qui  
dum sine intermissione obsequebatur studiis  
suis & adolescentium utilitati, oblitus vide-  
batur se jam senem factum ( quando enim  
typis mandavit librum de Praefectis Urbanis  
sexagesimum primum aetatis annum agebat )  
& infirma aegraque valetudine esse. Sed ac-

(\*) Hujus est inscriptio: *Difesa per la serie de' Pre-  
fetti di Roma del Ch. P. Corfini contro la censura fatta-  
le nelle osservazioni sul Giornale Pisano, in cui la detta  
serie si supplisce anche in assai luoghi e si emenda. In Bo-  
logna a S. Tommaso d' Aquino in 4. Vide Pisanas Ephe-  
merides vol. VIII. p. 179.*

eidit miserabilis casus, qui repente ipsi omnem spem non solum litteris, sed etiam naturae vivendi praecidit. Erat haec consuetudo Academiae Pisanae, ut qui humaniores litteras profitebantur, Kalendis Novembris, quo tempore instaurari studia solebant, Latinam orationem haberent ad vehementius inflammandam cupidam doctrinarum juventutem. Dicebat eo ipso die Eduardus (vertebat tunc annus tertius supra sexagesimum hujus saeculi) de viris, qui & scriptis editis, inventisque rebus in Academia maxime floruerunt, eaque erat oratio, ut nunquam is dixisse melius judicaretur. Cum eo pervenisset, ut exultaret in immenso Galilaei laudum campo, repente apoplexis ipsum perculit, ac semivivum reliquit. Dolor hujus casus ostensum est quantum ille Academiae esset acceptus. Aegre domum deductus, ibi quatri-duo cum morte conflictatus est. Quinto die, multis adhibitis remediis, levare coepit, ac praeter spem paullatim convaluit. Ut ardentius desideraret pristinas recuperare vires, efficiebat ille suus singularis amor in Academiam, cui majus se non posse munus af-

ferre videbat, quam si institutum jussu Principis biennio fere ante opus de ejusdem Academiae ortu, progressu ac vicibus ad umbilicum perduceret. Plurima collegerat atque vulgaverat ad hanc historiam pertinentia vir diligentissimus Stephanus Maria Fabruccius Juris civilis in eadem Academia doctor, quae quidem ampla & bella materies esse poterant ad novum aedificandum opus. Hoc igitur subsidio instructus Eduardus, alacer se se ad rem accinxit. Et primo quidem illustrium Italicorum Gymnasiorum originem subtexit, differenſque quatuor prioribus capitibus de prima Gymnafii Pisani institutione, neque ab XI. neque a XIV. Christi saeculo, ut multi scripserunt, sed ab ineunte XIII. vel exeunte XII. illam repetendam esse existimavit. Ex hoc tempore ad annum usque MCCCXXXIX., quo anno Fabruccius contendit coepisse Academiam Pisanam, hanc si nullam dicere nolumus, minimam certe fuisse oportet. Consecutae deinceps vices multae, ut ipsa modo languescere, modo ad interitum properare, vires vitamque modo recuperare, ac saepe etiam

veluti extorris sedem mutare visa fuerit.  
 Quae omnia octo consequentibus capitibus  
 persecutus est Eduardus. Cum vero Acade-  
 miae res, imperante Cosmo I. ceterisque non  
 solum Mediceis, sed etiam Lotharingis Prin-  
 cipibus, felicissime processissent, quibus ab  
 his beneficiis, splendore atque gloria aucta,  
 quibusque gubernata legibus consuetudinibus-  
 que, variis interdum pro temporum varieta-  
 te, exposuit in quatuordecim capitibus, quo-  
 rum nonnulla adumbrata magis quam de-  
 scripta videntur. Haec omnia primam ope-  
 ris partem conficere debebant, cum reser-  
 vasset alteram, quam tamen minime attigit,  
 Doctorum vitis. Dum haec scripta legebam  
 videbatur mihi posse ab Auctore desiderari  
 major rerum copia, magisque apta ac pres-  
 sa oratio. Inest quidem in omnibus Corsi-  
 nii scriptis luxuries quaedam, quae, ut in  
 herbis rustici solent, depascenda erat; quod  
 si est vitium in omni oratione, maximum  
 tamen est in historia, in qua pura & illu-  
 stris brevis expetitur. Eodem tempore, quo  
 Eduardus in Academiae historiam incumben-  
 bat, ne plane superioris aetatis studia de-

seruisse videretur, epistolam scripsit ad amicum & collegam suum Franciscum Albizium, in qua *de Ausonii Burdigalensi consulatu* egit. Desperaverant vel ipsi chronologiae Patres Panvinus & Pagius computationem quamdam annorum ab Ausonio factam in epigrammate ad Proculum, in quo ab Urbe condita ad consulatum suum MEXVIII. annos enumeravit, conciliari posse cum Varroniana epocha, ideoque novam excogitarunt epocham XIII. annis Varroniana posteriorem, qua non solum Ausonium, sed etiam Arnobium usos fuisse scripserunt. Horum aliorumque Ausonii interpretum errorem ut corrigeret Eduardus, probare debuit Ausonium non Romanum modo, sed & Burdigalensem gessisse consulatum, & Romanorum & Burdigalensium Consulatum fastos conscripsisse. Qua distinctione constabilita, facile fuit ostendere eundem Ausonium in epigrammate, quod ad Hesperium filium misit cum Romanis fastis de Romano a se gesto consulatu, in epigrammate autem illo, quod est ad Proculum, de patrio, municipali, quinquennali (etenim in municipiis

omnibus majores magistratus quinquennales esse solebant ) de Burdigalensi nimirum consulatu locutum fuisse. Hanc epistolam secuta est altera ad Joannem Chrysostomum Trombellium *Canonicum Regularem*, in qua de nummo quodam ab Atheniensibus Liviae Augustae dicato, illiusque aetate differens, feminam illam non supremis tabulis, sed matrimonii jure a marito nomen Augustae accepisse pluribus monumentis comprobatur. Quae quidem aliaque ex abditissima antiquitate deprompta, quae sparsit Corfinius in hac epistola, ut jucunda lectoribus, ita iisdem plena moeroris fore arbitror, quae in extrema pagina ejusdem epistolae Trombellius adnotavit. Scribit enim ille: *Dum extremam hujus epistolae partem edimus, monemur, eodem fere tempore, quo Brixiae egregius Mazzuchellius, inclytum Corfinium nostrum Pisis apoplexi repente ereptum. Eheu litterae afflictæ! o amicos incomparabiles! o annum vere calamitosum & pessimum! Dies, quo illum apoplexis iterum invasit, fuit v. ante Kal. Decemb. anno MDCCLXV. post quem casum tribus ferme diebus vixit sine sensu. Sepul-*

tus est in Aede S. Euphrasiae totius Academiae luctu, quae hanc calamitatem acerbissime doluit, doletque adhuc reminiscens se orbatam homine, in quo plurimae erant litterae eaeque interiores, divinum ingenium, ac industria summa; fruebatur vero tanta nominis celebritate, ut hac sola muneris sui splendorem tueri potuisset. Atque haec vitae decorabat dignitas & integritas. Quanta gravitas mixta comitati in vultu & moribus! quantum pondus in verbis! ut nihil inconsideratum exhibat ex ore! quam diligenter inquirebat in se se, atque ipse se se observabat! Omnino tantus erat in ipso ordo, constantia, & moderatio dictorum omnium atque factorum, ut probitatem & religionem prae se ferret, & ad omne virtutis decus natus videretur.

*Quidquid come loquens, & omnia dulcia  
dicens*

mirabiliter ad se diligendum omnium animos alliciebat; si vero in familiari sermone a quopiam dissentiret, contentiones disputationesque vitabat, quod non tam naturae quam virtutis erat. Etenim iracundiae



diae aculeos aliquando sentiebat, sed hos perpetuus cupiditatum domitor frangebat, planeque occultabat. Secum ipse vivens animi tristitiam frequenter patiebatur, praesertim si contemplaretur misera, in quae incidimus, tempora, quibus corrumpere & corrumpi saeculum vocatur. Quod vero nonnulli perverse adeo abuterentur philosophia, ac praesertim metaphysica, ut ea animos a religione avocarent, tanto illum perfundebat horrore, ut vehementer poenitere eum nonnunquam videretur industriae suae, quam in erudienda juventute ad recentiorum philosophorum dogmata insumpserrat. Quae quidem poenitentia, injuriosa mihi videtur omnium artium parenti Philosophiae, quasi ejus culpa, quae deflebat mala Eduardus, accidissent. Etenim sunt unicuique scientiae certi fines ac termini ab omnium rerum moderatore Deo constituti, quos qui transilit, nae ille devius in praecipitem locum ruat necesse est. Sed ad Corsinium revertor, de cujus laudibus non est tacendum summae illum bonitati ingenuitatisque summam dexteritatem, si oportuisset, conjunxisse. Liberalis mi-

nimeque cupidus pecuniae hanc facile a se extorqueri patiebatur. Virorum litteris illustrium amicitias studiosissime coluit, anavitque in primis Trombellium & Paciaudium, quorum mentionem supra fecimus, quorumque consuetudinis magnum cepit fructum eo praesertim tempore, quo Romae fuit. Dolui ipsum combussisse, quas ab amicis accipere solebat, epistolas, quia sciebam in iis erudita multa contineri: eae quidem mihi non mediocri subsidio futurae fuissent huic explicandae vitae. De qua satis erit dictum, si hoc unum addam, eundem ineditas reliquisse binas Dissertationes de S. Petro Igneo, & B. Joanne *delle Celle*; librum de civitatibus, quarum mentio fit in Graecis nummis, sexque Latinas orationes habitas in Academia Pisana, ex quibus lenitas ejus sine nervis cognosci potest.

OPERA EDITA.

*Institutiones Philosophicae, ac Mathematicae ad usum Scholarum Piarum: Tomus I. Florentiae typis Bernardi Paperini 1731. in 8.*

--- *Tom. II. continens physicam generalem 1732.*

--- *Tom. III. continens libros de coelo & mundo 1733.*

--- *Tom. IV. continens tractatum de anima, & metaphysicam 1733.*

--- *Tom. V. continens ethicam vel moralem 1734.*

--- *Tom. VI. continens institutiones mathematicas. 1731.*

Editae iterum fuerunt hae Institutiones in. V. tomos distributae anno 1741. & 1742. Bononiae ex typographia Laelii a Vulpe cum hoc titulo: *Eduardi Corsini Cl. Reg. Scholarum Piarum, & in Pisana Academia Philosophiae Professoris Institutiones Philosophicae ad usum Scholarum Piarum editio altera auctior & emendatio.*

*Ragionamenti intorno allo stato del Fiume Arno, e dell' acque della Valdinièvre: In Colonia appresso Hans Wettersgroen. 1732. in 4.*

*Elementi di Matematica, ne quali sono con miglior ordine e nuovo metodo dimostrate le più nobili e necessarie proposizioni di Euclide, Apollonio, e Archimede di Eudardo Corsini Ch. Reg. delle Scuole Pie: in Firenze l' anno 1735. nella Stamperia di S. A. R. per li Tartini, e Franchi in 8.*

Haec elementa mathematica edita secundo fuerunt Vo-

netiis anno 1765. apud Antonium Perlinum, in qua editione quaedam mutata sunt, emendatusque error, quo caput fuerat Auctor, dum in priori editione exposuit Propositionem XLXV. Libri XI. Venetae huius editioni adiectus est eiusdem Auctoris liber *della Geometria Pratica*.

*Ragionamento Istorico sopra la Valdichiana, in cui si descrive l' antico e presente suo stato: in Firenze 1742. nella Stamperia di Francesco Moucke in 4.*

*Fossi Attici, in quibus Archontum Atheniensium series, Philosophorum, aliorumque illustrium Virorum aetas, atque praecipua Atticae historiae capita per Olympicos annos disposita describuntur, novisque observationibus illustrantur: Auctore Eduardo Corsini Cl. Reg. Scholarum Piarum in Pisana Academia Philosophiae Professore. Florentiae 1744. ex typographia Jo. Pauli Giovannelli ad insignia Palmae in Platea S. Elisabeth.*

— Tom. II. prodit anno 1747. ex eadem typographia.

— Tom. III. prodit anno 1751. ex eadem typographia.

— Tom. IV. prodit anno 1756. ex Imperiali typographia.

*Eduardi Corsini Cl. Reg. Scholarum Piarum in Academia Pisana Philosophiae Professoris Dissertationes IV. Agonisticae, quibus Olympiorum, Phythiorum, Nemeorum, atque Isthmiorum tempus inquitur ac demonstratur: Accedit Hieronicae catalogus editus longe uberior, & accuratior: Florentiae anno 1747. ex typographia Imperiali. In extrema pagina huius libri exhibetur integra series mensium Macedonicorum, Atticorum, & Romanorum ad demonstrandam verum eorum situm ac connexionem; quam*

seriem hoc quoque in loco nos exponemus , quia rem gratam antiquitatis studiosis facturos arbitramur . Series enim a Corsinio contexta differt nonnullis in mensibus ab ea quam Scaliger , Usserius , Petavius , Dodwellius , alique descripserunt .

| Macedonici            | Attici                | Romani            |
|-----------------------|-----------------------|-------------------|
| <i>Lous</i>           | <i>Hecatombaeon</i>   | <i>Julius</i>     |
| <i>Gorpieus</i>       | <i>Metagirnion</i>    | <i>Augustus</i>   |
| <i>Hyperberetaeus</i> | <i>Boedromion</i>     | <i>September</i>  |
| <i>Dius</i>           | <i>Pyaneption</i>     | <i>October</i>    |
| <i>Apellaeus</i>      | <i>Maemacterion</i>   | <i>November</i>   |
| <i>Audynaecus</i>     | <i>Poσειδων</i>       | <i>December</i>   |
| <i>Peritius</i>       | <i>Gamelion</i>       | <i>Januarius</i>  |
| <i>Dysirus</i>        | <i>Anthesterion</i>   | <i>Februarius</i> |
| <i>Xanthicus</i>      | <i>Elaphebolion</i>   | <i>Martius</i>    |
| <i>Artemisius</i>     | <i>Munychion</i>      | <i>Aprilis</i>    |
| <i>Daesius</i>        | <i>Thargelion</i>     | <i>Majus</i>      |
| <i>Panemus</i>        | <i>Seirrhophorion</i> | <i>Junius</i>     |

*Lettera intorno all' opera del Marchese Scipione Maffei intitolata : Graecorum Siglae lapidariae . Extat in tom. 4. par. 3. del Giornale de' Letterati pubblicato in Firenze 1747.*

*Notae Graecorum , sive vocum & numerorum compendia , quae in aereis atque marmoreis Graecorum tabulis observantur . Collegit , recensuit , explicavit , eisdemque tabulas opportune illustravit Eduardus Corsinus Cl. Reg. Scholarum Piarum in Academia Pisana Philosophiae Professor . Accedunt Dissertationes sex , quibus marmora quaedam num*

*facta tum profana exponuntur ac emendantur. Florentiae anno 1749. e typographio Imperiali in fol.*

*Plutarchi de Placitis Philosophorum libri V. Latine reddidit, recensuit, adnotationibus, variantibus lectionibus, dissertationibus illustravit Eduardus Corfinius Cl. Reg. Scholarum Piarum in Pisana Acad. Philosophiae Professor. Florentiae 1750. ex Imp. typographio in 4.*

*Dissertationes IV. quibus antiqua quaedam insignia monumenta illustrantur. Vide eas in Tom. VI. Symbolarum litterarum Antonii Francisci Gorii.*

*Herculis quies & Expiatio in eximio Farnesiano marmore expressa: in fol.*

*Inscriptiones Atticae nunc primum ex Cl. Maffei Schedis in lucem editae Latina interpretatione brevibusque observationibus illustratae ab Eduardo Corfino Cler. Regul. Scholarum Piarum in Academia Pisana Philosophiae Professore. Florentiae anno 1752. ex typographio Jo. Pauli Giovannelli in 4.*

*Selecta ex Graeciae Scripioribus in usum studiosae Juventutis. Florentiae anno 1753. ex Imperiali typographio in 8.*

*Institutiones Metaphysicae in usum Academicos, auctore Eduardo Corfino Clericorum Regularium Scholarum Piarum in Academia Pisana Philosophiae Professore. Veretii ex Typographia Balleoniana 1754. in 12.*

*Eduardi Corfini Cl. Reg. Scholarum Piarum in Academia Pisana humaniorum litterarum Professoris de Minuifari aliorumque Armeniae Regum nummis, & Arfaeidarum Epochae Dissertatio. Liburni 1754. typis Antonii Santini & Sociorum in 4.*

*Spiegazione di due antichissime inserizioni Greche indiritte al Reverendissimo Padre, Anton Francesco Vecchi*

*Prepſto Generale de' Cherici Regolari , Lettore nella Sapienza Romana , ed Eſaminatore de' Veſcovi da Edoardo Corſini Ch. Reg. delle Scuole Pie. In Roma 1756. nella Stamperia di Giovanni Zempel in 4.*

*Relazione dello ſcuoprimento e ricognizione fatta in Ancona dei Sacri Corpi di S. Ciriaco , Marcellino , e Liberio Protettori della Curà ; e Riſteſſioni ſopra la tranſlazione , ed il culto di queſti Santi . In Roma 1756 nella Stamperia di Giovanni Zempel in 4.*

*Eduardi Corſini Cler. Regul. Scholarum Piarum , & in Academia Piſana humaniorum litterarum Profeſſoris Diſſertatio , in qua dubia adverſus Minniſari Regis nummum , & novam Arſacidarum epocham à Cl. Eraſmo Froelichio S. J. propoſita diſſolvuntur . Romae 1757. ex typographio Palladis in 4.*

*Eduardi Corſini Cler. Regul. Scholarum Piarum & in Academia Piſana humaniorum litterarum Profeſſoris ad Clariſſimum virum Paulum Mariam Paciaudium Epiſtola , in qua Gotarſis Parthiae Regis nummus hæcenus ineditus explicatur , & plura Parthicae hiftoriae capita illuſtrantur . Romae 1757. in Typographio Palladis . Excudebant Nicolaus & Marcus Palcarini in 4.*

*Eduardi Corſini Cl. Reg. Scholarum Piarum in Piſana Academia humaniorum litterarum Profeſſoris Epiſtolae tres , quibus Sulpiciae , Dryantillae , Aureliani ac Vaballathi Auguſtorum nummi explicantur & illuſtrantur . Liburni 1761. apud Jo. Paullum Fanthechium ad ſignum Verit. in 4.*

*Series Praefectorum Urbis ab Urbe condita ad annum uſque MCCCCLIII. ſive a Chriſto nato DC. collegit , recensuit , illuſtravit Eduardus Corſinus Cler. Reg. Scholarum Piarum in Academia Piſana humaniorum litterarum Pro-*

*feffor . Pifis A. D. 1763. excudebat Joh. Paulus Giovannellius Academiae Pifanae Typographus cum Sociis in 4.*

*Notizie Iftoriche intorno a S. Liberio fepolto e venerato nella Cattedrale della città di Ancona all' Eminentiffimo Signor Cardinale Acciajuoli Vefcovo di detta città . In Ancona 1764. nella Stempria Bellelli in 4.*

*Eduardi Corfini Ct. Reg. Scholarum Piarum, & in Academia Pifana humaniorum litterarum Profefloris Epiftola de Burdigalenfi Aufonii Confulatu . Pifis A. D. 1764. Excudebat Joh. Paulus Giovannellius Academiae Pifanae typographus cum Sociis in 4.*

*Eduardi Corfini Clericor. Regular. Scholæ Piarum Ex-generalis, & in Pifana Univerfitate Primarii Lefforis ad Joannem Chryfoftomum Trombellium Canonicorum Regularium Congregationis S. Salvatoris Ex-generalem & S. Salvatoris Bononiae Abbatem Epiftola . Bononiae 1766. ex typographia Longhi in 4.*

## OPERA INEDITA.

*Differtazione fopra S. Pietro Igneo.*

*--- fopra il B. Giovanni delle Celle.*

*De Civitatibus, quarum mentio fit in Graecis nummis.*

*Pars I. Hiftoriae Academiae Pifanae.*

*Latinae Orationes VI. ad Academicos Pifanos.*



ANGELUS FABRONIUS

PAULLO FRISIO SUO

S. P. D.

**N**ON me poenitet, sapientibus viris appro-  
 bantibus, suscepisse consilium admiscendi  
 meis scriptis aliena, ut in iis habeant Lectores  
 velui peropportunum aliquod diversorium, ubi  
 defatigati requiescant. Diu anceps fui, quid po-  
 nissimum eligerem ad hoc ornandum volumen,  
 convertiq̃ue tandem animum ad Ramirì Rampi-  
 nellii viam, quod ea scripta sit diligentissime a  
 Francisco Turriceno, quodque res gestas conti-  
 neat hominis, cui sane lialia, mathematicae  
 omnes disciplinae, ac praeserim analysis non  
 mediocriter debent. Mirabantur porro multi ma-  
 jorum nostrorum memoria perpaucos apud nos ex-  
 titisse, qui scientiam tum ad geometricas, tum  
 ad physicas explicandas quaestiones utilissimam  
 excoluissent; & eo magis mirabantur, quod ejus  
 prima vestigia, ac prope incunabula in ipsa Ita-  
 lia reperirent. Constat enim primum omnium,

qui de eadem in vulgus libros edidit, fuisse Luceam Pacciolum e Burgo à S. Sepulchrè Franciscanae Familiae alumnum, qui cum varia a variis, & praesertim a Leonardo Pisano sumpsisset, fecit ut usus communis vulgarisque esset aequationum quadraticarum, quarum duas esse radices ostendit (1). Tali modo jactis scientiae fundamentis, excitasse videtur Hieronymum Cardanum Mediolanensem, ut rationem doceret resolvendi non solum quadraticas, sed etiam cubicas aequationes (2). Haec gloriosa sane Ita-

(1) Ejus liber inscribitur: *Summa Arithmeticae & Geometriae, proportionumque, & proportionalitatum*. Venetiis, ut affirmat Vallisus, editus est anno 1494. iterumque prodit 1523. in Tusculano pago apud Bonaci oras.

(2) Prodiit in lucem *Ars magna* Hieronymi Cardani anno 1545. Cardanus tamen ipse falsus est ingenue, primum omnium Ferreum Bononensem aequationes cubicas resolvisse. Nemini ipse mirum hoc inventum aperuit, praeter quam Antonio Florido Veneto ejus auditori. Cum porro isti fuisset disputatio & certamen cum Nicolao Tartalea, huic nonnulla proposuit problemata, quae resolutionem aequationum tertii gradus postulabant. Tartalea ne primas illi concederet, adeo elaboravit, us ad optatam resolutionem pervenerit. Qua de re certiorum primum fecit Cardanum, postea ei efflagitanti te-

liae reminiscences ineunte hoc saeculo Guido Grandius & Gabriel Manfredius, cernentesque animo, quae Galilaei vestigia persequens de methodo indivisibilium tradiderat Bonaventura Cavalerius ad investigandam superficierum, solidorumque curvilinearum mensuram ac proportionem, nihil non tentandum esse statuerunt, quo ad Italiam veluti postliminio analysis rediret. Quid ii summi viri gesserint ad nobilissimae scientiae cum faciliorem usum, tum incrementum, nemo te melius novit, doctissime Frisii, qui aliorum inventa perfecte teneas, & in clarissimis ipse harum rerum inventoribus numeris. Sed non satis erat ad Italiae gloriam prodiiisse ex ea viros, qui vel sublimioris analysis quasi semina sparserint; & exitisse, qui ea mirum in modum coluerint, ac permagnos ex ipsis fructus perceperint. Etenim necesse erat reperiri, qui omnia, quae in alienis ac praesertim exterorum scriptis erant inclusa ac disseminata, colligerent, disponderent, ac bono in lu-

gulam indicavit, celata demonstratione. Cardanus his subsidiis instructus cuncta invenit atque perfecit, ac primus typis mandavit. Hinc factum ut formula, in qua resolvitur aequatio tertii gradus, Cardanica nuncupetur. V. Ricat. in praef. *Inst. Analyt.*

mine collocarent, sicque studiosis vias artis tradendo consulerent. Perfecit id felicissime Cajetana Maria Agnesia, duobus editis voluminibus an. MDCCXLVIII. quorum ope incredibile est, quantum analyticos studium in Italia fuerit proVectum. Nec fateri dubitavit ingenua femina operis sui gloriam cum laude Rampinellii conjunctam esse debere, quod ab eo non solum scientiae praecepta, sed etiam industriae subsidia habuerit. Quod vero Rampinellius talis esset vir, ut quam consecutus erat praestantiam doctrinae, eam discipulis libentissime impertiret, communicaretque cum amicis, merito laudatus est ab omnibus & a te praesertim, qui nobilissimum virtutibus, interioribusque ipsius litteris testimonium dedisti in ea, quam an. MDCCXLIV. Mediolani habuisti, Praelectione. Ais enim: quantum esset ( Ramirus Rampinellius ) in re analytica, manuscriptae ipsius institutiones mechanicae ac staticae testantur, quantusque esset geometra, opus posthumum Lectionum Opticarum satis ostendit: ego autem per me ipsum utrumque, Ticini biennio cum essem, peculiari studiorum fructu exploratum habui, quam in utraque arte excelleret, quam

haberet naturalem perspicuitatem, elegantiam, nitorem ac rerum ordinem. Rampinellio apud nos degente eousque litterariae gloriae perventum est, ut AUGUSTAE FEMINAE auspiciis maximum femineum opus prodierit, analyticae scilicet Institutiones omnium iudicio absolutissimae. *Omnino assensio tibi, amicorum suavissime, maximam iacturam fecisse litteras, quod tanta femina nuncium mathematicis disciplinis remiserit, ut liberius religioni ac pietati serviret. Ego vero, agebat Grandius, mathefi semper vacabo, quod ex aeterna veritate effluxerit quidquid teneo, quodque animus ab ipsa pictura & imaginibus bonorum, quae studio assequimur, ad rem, fontemque ipsum omnis boni possidendum traducatur. Quae dum dicebat, non verebatur ne non perinde intelligi auditu deberent, atque ipse cogitans sentiebat, praesertim cum omnibus appareret omnia officia Christianae religionis ab eo diligenter sanctaeque servari. Sed nolo te pluribus morari, mi Frisi. Haec enim satis ostendunt quid debeat Italia, & analysis Manfredio, Grandio, & Rampinellio, quae commemoranda esse putavi ad probandam omnibus rationem, cur postea quam*

*Manfredii vitam explicaverim , scribendum etiam de Grandio , expositosque ab aliis diligentissime mores resque gestas Rampinellii hoc loco proponendas putaverim . Cupio te habere mei consilii laudatorem ; uique faveas huic meae voluntati , adjutorque sis ( majus enim quiddam esse arbitror , quam meae vires ferre possint , de praeclarissimis Grandii operibus eleganter & enucleate dicere ) vehementer te rogo . Vale . Noli putare hominem , cui commiseram , ut Riccii mathematica scripta , si qua supersunt , inquireret , mandata mea exhausisse . Non enim te fugit quantam perturbationem rerum Urbanarum afferat Pontificis obitus , quantamque cupiditatem aulicis injiciat vacuitas . Iterum vale .*

*Pisis XIV. Kal. Dec. MDCCLXXIV.*

FRANCISCI TURRICENI

*Ad Clarissimum Virum, & Praestantissimum Congregationis Olivetanae*

PRAESULEM

BERNARDUM ONUPHRIUM

DE VITA

RAMIRI RAMPINELLII.

EPISTOLA.

**E**T si quod tibi, Vir Clarissime, elapso ab hinc anno promiseram, in me fidenter nimis, ne dicam temere, & inconsulto promisisse jam senserim, ea tamen sunt tua in me merita, is meus erga communem amicū amor, ut quidvis aliud mihi objici, aut a me exigi malim, quam ne officio desim, & fidem meam liberem atque absolvam. Scilicet recenti adhuc dolore propter immaturam clarissimi, ejusdemque amicissimi viri Ramiri Rampinellii mortem statim, ac sine ulla haesitatione promisi me ejus vitam scripturum. Ferme enim pares aetate, paribus studiis, licet dispari longe fructu, primam adolescentiam summa cum familiaritate

transegimus, quam quidem amicitiam ille, qua erat humanitate, constanter retinuit, & ego studiosissime colui. Sed cum manum ad scribendum admoverem, re propius inspecta, subiit animum inter alias haec dubitatio: quidnam ego in medium proferre auderem de eo viro, cujus praecipua laus fuit, quod egregias animi atque ingenii dotes apud exteros sedulo obtegeret, inter conscios dissimularet plerumque, semper imminueret? Nempe quantus ille in mathematicis disciplinis fuerit, satis Lectiones in Ticinensi Lyceo habitae, satis hoc ipsum, quod nunc editur, opus, satis elogia, quibus ab Etruscis, Romanis, Venetisque Scriptoribus ornatus est, & demum clarissima illa ingenia, quae hisce studiis instituit atque formavit, satis ostendent. Mihi igitur leviora commemoranti in tenui laborem fore, scriptori certe inglorium, nec legentibus fortassis gratum probe intelligebam, ac proinde manus ab incepto veluti retrahi sentiebam. Sed cum illustrium virorum vel minima quaeque seu dicta, seu facta a nonnullis nosci desiderentur, & a doctis etiam quandoque avide excipian-



cipiantur, hinc officii mei rationem confidens posse aliquibus saltem probari, has partes mihi sumpsi, ut illum tibi sistam non ea dumtaxat facie, qua geometram exhibet, sed qua etiam hominem, qua amicum, qua civem. Dum itaque haec ego sigillatim & prolixius fortassis persequor, dumque hoc modo mihi videor desiderium tanti viri aliquantum levare, ne quis mihi hoc genus solatii invidet, aut culpet velim.

Natus est Ludovicus Rampinellius (Ramiri enim nomen adscrivit tum solum cum in clarissimam Sancti Benedicti de Monte Oliveto Congregationem cooptatus est) Brixiae IV. Id. Aug. anno MDCLXXXVII. ex honestissima familia atque inter primarias Triumplinæ Vallis, quaeque Gardone haud ignobili vico X. ab urbe lap. jamdudum opibus, clientelis, auctoritate principem facile locum tenuit. Postea in urbem translata ineunte saeculo XVII. hic affinitatibus, amicitis, liberalitate atque hospitum frequentia maxime floruit. Marchesius ei pater & Hieronymus avunculus fuit, qui conjunctis licet aedibus, separatim tamen ambo lautio-

re victu, & elegantiore cultu, quam tunc temporis in hac severioris Italiae parte moris esset, agebant. Maternum vero genus traxit aequae illustri Chinelliorum gente. In hac igitur florentis domus suae dignitate natus est Ludovicus, qui, ubi per aetatem liquit, in Scholis PP. Soc. J. Latinis litteris imbutus est. Postea in Collegio Adeodati Gazolae Veronensis, quod non procul a paternis aedibus aberat, audivit rhetorices praecepta interpretantem Franciscum Rotignum non contemnendi quidem ingenii hominem, in cujus scriptis, si iudicium aliquando requireres, elegantiam certe raro desiderares. Sed noster absurditatem morum ejus & rusticitatem brevi pertaesus ad scholas rursus PP. Soc. se retulit, ubi sub variis magistris omnibus doctrinis, quibus juvenilis aetas impertiri debet, eruditus est. Confecto philosophiae cursu, ad audiendum nobilem juris civilis interpretem Felicem Battellum properavit. Sed nobilissimum hoc legum studium illi minus arrisit, eodem scilicet fato, quo aliis quoque magnis ingeniis id evenisse legimus. Abiecto igitur non si-

ne patris offensione juris prudentiae studio, ac sibi ipsi redditus circumspicere coepit, quod se verteret otii impatiens, & ceterarum rerum, quae illam aetatem oblectare solent, incuriosus aut contemptor. Cum aliquot menses egisset, quem librum fors obtulerat carptim legendo, tandem probe intellexit se vana ac intemperanti hac eruditione id prorsus agere, ut nihil sciret. Ego saepius sermonem injeceram, & hortatus etiam fueram, ut in geometriam otium illud, de quo adeo querebatur, impenderet; & ille quidem propensissimò erat erga scientiam ipsam animo, sed demonstrationum taedium averfabatur, & ad hoc nomen ita exhorrebat, ac si inter vepres & dumeta nudis pedibus eundum esset. Postremo hanc ipsam amplexus est, sed proposito sibi scopo longe diverso ab eo vitae ordine, quam postea instituit. Nam sicut celeberrimus ille Newtonus in arcana penitioris geometriæ tam longe postea penetravit, cum primo sibi illam solummodo delibare proposuisset, ut principia astrologiae propius intròspiceret, ita & Rampinellius, qui sibi nihil aliud

praefixerat , quam elementa architecturae militaris, cujus amore summopere capiebatur, vel leviter addiscere, in vastam postea mathematicarum scientiarum altitudinem se condidit. Sed dum ego occasionem, qua id factum est, altius aliquantum repeto, erunt fortassis, quibus ineptire & nugari videar, sed iis suo quidem judicio relictis, quae tibi, qui hominem nosti, commemoratu non injucunda fore, quaeque ad rem pertinere arbitror, omittere non ausim. Non enim abs re omnino fuerit in vita insignium virorum observare qualia sint prima indicia ac veluti semina illarum facultatum, quibus postea excelluerunt, ut ii, ad quos haec observandi cura maxime spectat, vim istis animi affectionibus non inferant, nec feliciora ingenia alio deflectant, eaque obnoxia veluti mancipia in aliquod pistrinum detruant. Occasio autem, qua omnium difficultatum timorem exiit, & studia geometriae auspicatus est, haec fuit. Cum soleret ad me ventitare, solito citius prid. Kal. Junii anno MDCCXVIII. venit medio fere diei aestu, statimque edixit se velle mecum ar-

cem, quae dōmui meae imminet, adire, quam scilicet nunquam antea inviserat. Iumus ergo, nam quodcumque ille vellet, flagrantissime volebat, cumque ad oram exteriorem fossae constitissemus, tum ille altitudinem moenium, propugnaculorum sinus coepit attentius contemplari adeo, ut ab hoc spectaculo aegre divelli posset. Postquam autem primam portam intravimus, & novus murorum ordo, aliaque munimentorum facies se obtulit, illico studio rei militaris summo accensus est. Cum vero singularum rerum usum, & utilitatem scire vellet, coepit veteranum & emeritum militem, qui nobis custos & dux viae additus fuerat, tot interrogationibus fatigare, ut iste mihi in aurem postea dixerit, se exiguam illam stipem, qua nos eum donavimus, nunquam adeo meruisse. Acrius tamen adhuc interroganti obvium se forte obtulit arcis Praepaeffectus, qui ubi cognovisset Ludovicum rei militaris cupidissimum, multa cum humanitate se ducem exhibuit, & machinarum atque operum omnium interpretem. Quod quidem accurate praestitit, imo & li-

brum Rampinellio commodavit manu sua scriptum, in quo faciliores quaedam methodos in describendis & construendis hujusce generis polygonis ex Vaubano & Cohornio excerptas in usum suum adnotaverat. Potitus hoc veluti thesauro Ludovicus statim regreditur; dumque in descensu arcis, neglecta viae asperitate, librum hac atque illac versat, impacto in extantem silicem pede adeo graviter prolapsus est, ut pene crus infregerit. Nec ideo tamen destitit, quamvis ego saepius intercederem, sed librum attentissime legere perseveravit, donec veluti a somno experrectus sensit se esse in media urbe, atque in multa hominum frequentia versari. Ubi librum reposuit, ego illi libere praedixi, probe ipsum falli, si quid proficere in eo studio architecturae militaris sine geometriae praesidio unquam speraret. Domum reversus reliquum diei, noctemque fere totam evolvendo libro atque tabulis conspiciendis insumpsit. Hic veniam peto, si animi causa lepidum hominis factum adjungam, utarque pro excusatione verbis Ta-

citi (\*). Parvum enim & ridiculum fortasse videtur quod dicturus sum; dicam tamen vel ideo, ut rideatur. Postridie summo mane cubiculum meum irrumpit, & statim geometriam se velle discere, jamque omnibus instrumentis ad id necessariis se instructum proficitur, ac deinde grandem circinum ferreum & immanem regulam depromit, quam sub vestibulis aegre tegebat, quo ille apparatu mihi fabri alicujus lignarii pedissequus plane videbatur. Verum ille de successu studiorum suorum laetus, ut mihi quoque fidem faceret quantum una in nocte proficisset, coepit praegrandi illo circino in pavimento cubiculi circulum describere, ac circulo exagonum velle inscribere, quod antequam perficeret properavi ego novellum hunc Archimedem domo extrudere, ne mihi totum pavementum novo hoc ornamenti genere dehonestaret. Unus in urbe nostra tunc temporis Joannes Baptista Mazinus ( si alterum excipias P. Bornatum hujus magistrum senio jam confectum ) mathematicis

K 4

(\*) Sive Quintil. sive quis alius Scrip. *De caus. cor. eleg.*

studiis operam dabat, qui & medicam artem summa cum laude exercebat, quique paucis post annis in Patavino Lyceo celebris medicinae theoricæ Professor fuit, atque editis operibus clarissimam famam, præsertim apud Germanos & Anglos, adeptus est. Ad hunc ergo affinitate mecum conjunctum, & quo ego magistro biennio ante in hisce studiis uti coeperam, Rampinellium deduxi, ac summopere commendavi, licet iste jam se satis Mazino & discendi ardore, & erecta, qua erat, indole probavisset. Coepit itaque summa cum voluptate, & pari etiam rapiditate elementa Euclidis devorare, jamque primum librum superaverat, cum improvisus sane turbo illum adflixit, & pene ab incepto dejecit. In hæc siquidem studia se conjecerat, inscio patre, qui adhuc usque speraverat posse filium seu amicorum hortatu, seu paternâ auctoritate ad juris prudentiæ exercitationem revocari. Ubi autem paterprehendit adeo diversam iniisse viam, tum vero ad se vocatum acriter increpuit in præsentia amicorum, qui frequentes aderant, plerisque eorum iridentibus &



sciscitantibus, num ne astrologicam artem profiteri vellet? Nullo scilicet discrimine, ut olim Romani, mathematicos cum astrologis facile confundebant. Nec stetit intra objurgationes pater, sed filium omni commercio sive cum Mazino, sive mecum, sive etiam cum libris istius generis severissime interdixit. Imo eo usque excaudit, ut domum universam excuteret, everteretque, quo libros hujusmodi rimaretur, quos diligentissime conquisitos, discerpserit omnes, aut in ignem projecit. Prope absuit, quin eandem sortem subiret etiam ille codex manuscriptus, quem filio, ut supra memoravi, commodaverat arcis Propraefectus, nisi illum mater tempestivo officio subtraxisset. Periere eo incendio Maurolycus, Commandinus, Tartalea, Tacquetus, & praeterea, quod rideas, Steganographia Trithemii avitus vetusque in domo liber, quem tamen ob solam tituli invidiam misere suspectum eisdem flammis inclementer damnavit. Percussus hac denunciatione, bisque patris intemperis Ludovicus, & ludibrio adstantium acerrime offensus pene in desperationem a-

ctus est. Fugam inde a paterna domo coepit meditari, ut Veronae inter gravis armaturae equites conscriberetur. Suboluit hoc consilium illis ipsis amicis, qui eum paulo ante irriserant, quique poenitentia ducti quod optimae spei adolescentem ipsi quoque veluti in praeceptis adegissent, omnem deinde lapidem moverunt, quo patrem ei conciliarent, & prosequendi hujusce studii veniam obtinerent. Nondum igitur elapso mense a domo avunculi, ad quem noster confugerat, in suam, & in amplexum patris reversus est, adnitentibus PP. Soc., & praecipue inter alios Petro Bornato. Optimus enim ille senex, qui usque ad ultimam aetatem haec studia constantissime coluerat, quique per longas veterum methodos & ambages pene contabuerat, cum videret ultra montes novum lumen exoriri, viamque paullatim sterni multo magis compendiosam, flagrantissime cupiebat, ut aliquis ex nostris civibus, & praesertim Rampinellius, cujus ingenium perspectum habebat, algebram capefferet. Reducta itaque animi serenitate, geometriam resumpsit, ac se pri-

finae nostrae consuetudini restituit. Duobus vix mensibus alios V. Euclidis libros, & insuper XI. ac XII. emensus est. Autumnalibus vero feriis se totum arithmeticae dedit. Insequenti anno geometriam practicam, staticam, mechanicam, atque trigonometriam linearem ac logarithmicam didicit, quin aliquid etiam attigit sectionum conicarum: incredibili saepe celeritate si adverteris eum per exactas quidem, sed prolixiores veterum demonstrationes circumductum fuisse, quae si utilitatis aliquid, morae profecto ac tædii plurimum afferunt. Sed jam tempus advenerat, quo promptissimum hoc ingenium velut e carceribus emitteretur, seque ad eum cursum, quem adeo rapide, adeo feliciter peregit, expediret. Nam excitus fama celeberrimi Gabrielis Manfredi Bononiam cogitare coepit, & com meatum ad hoc petiit a parentibus, & impetravit. Hic animadverti velim Rampinellium non adeo geometriae omnis expertem & plane rudem, ut quidam volunt, Brixia discessisse, imo ea omnia, quae supra exposui, studia sub Mazino praemiserat, & hoc, ut verbis utar Cor. Nepotis;

non auditum, sed cognitum praedicamus. Porro quin haec comperta testataque haberemus, haud quidem credibile fuerit Rampinellium ita, ut ferunt, crudum eo usque confidentiae processisse, ut sub Manfredo geometrarum Bononiensium tunc temporis facile principe, prima tyrocinii sui rudimenta ponere tentaret, & in primo hujus scientiae limine, ipsoque in vestibulo ausus esset tantum virum convenire, ad quem per gradus ultimo in superiori loco ascendere debuisset. Nec verisimile etiam videatur Manfredum tunc penitioris geometriae meditationibus alte defixum, novisque in analysi inventis unice intentum, se adeo submisisse, ut erudiendi tyronis, perque prima elementa manuducendi onus & curam in se vellet recipere. Non igitur tam pauca Ludovicus primis suis magistris debuit, qui eo usque illum perduxere, ut dignus Manfredo discipulus statim haberetur, & sine quorum opera nec quid sibi ab isto petendum, sperandumque foret rescire equidem potuisset. Sed nec adeo, ut ipsi asserunt, in Latino sermone peregrinus & amoeniorum litterarum je-

junus erat, cum Bononiam profectus est: iis enim optime excultus fuerat, licet prae sublimioribus scientiis, erga quas a natura ferebatur, haec ornamenta toto fere adolescentiae cursu neglexerit. Liceat duo haec verba perdidisse; nunc ad propositum redeamus. Triennium pene integrum cum Manfredo egit; & duobus quoque insequentibus annis, quamvis non eadem frequentia, postquam aliud vitae institutum amplexus fuerat, ejus auditor fuit. Hoc intervallo totam illius scientiam, ut ita dicam, exhausit, adeo ut clarissimus analysis Professor diserte fateretur, se nihil ultra habere quod eum doceret: rarissimo scilicet apud magistros ingenuitatis exemplo, quod ut alii imitentur, optaveris saepius quam obtineas. Sed aequè rarum inter adolescentes modestiae & grati animi specimen noster dedit; nam licet à Manfredo non jam ut discipulus, sed ut studiorum suorum socius haberetur, non ideo tamen altiores spiritus sumpsit, sed optimum senem coluit assidue, dum ipse Bononiae moratus est, & quoad vixit summa cum reverentia observavit semper atque su-

spexit. Patefacta igitur per calculum & analysisin, velut reductis in theatro velis, tot sublimiorum veritatum serie, tum vero noster in contemplatione earum altius euectus, coepit a publico plerumque abstinere. Divina nempe providentia paullatim sternente viam, qua is, qui primum inter armorum strepitus & bellicos tumultus ingenium exercere decreverat, nunc vitaret civium frequentiam, inde amicorum etiam consortium declinaret, postremo ad claustrorum solitudinem confugeret. Cogitanti autem quodnam sanctioris vitae institutum sibi ac studiis suis opportunum deligeret, quin nobilissimam Congregationem tuam aliis antefere-  
ret, non diu fuit ambigendum. Prius tamen, quam omnino deliberaret, statuit hoc consilium civi suo, eique doctissimo ac prudentissimo, aperire. Is tu eras, vir clarissime; nam tunc temporis Bononiae aderas, ibique theologiae operam dabas, & tu probe memineras, cum ille ante te in cubiculo constitit flagrantissime rogitans, ut in clarissimum Ordinem adscisceretur, adeoque morae impatiens impotensque erat, ut non levem

suspicionem tibi injecerit, ne forte aegritudine animi, aut immodico alio affectu ageretur. Tu qua es dexteritate rem in suspensio tenuisti, donec aptis interrogationibus animum ejus explorares, & donec etiam secreta inquisitione in mores ejus penetrares, qui nondum satis tibi perspecti erant. Comperta denique optima juvenis indole, tu auctor fautorque adfuisti, ut in egregium hunc coetum reciperetur summo omnium consensu. Contigit id Bononiae Kal. Novemb. an. MDCCXXII. In novo hoc vitae genere id primum curavit, ut omnes Instituti leges observaret absolutissime; postea si quid otii reliquum fieret, id omne in geometricas speculationes impenderet. Vix autem elapsis octo mensibus, satis superque probatus multo cum animi fervore in Monasterio S. Michaelis solemni ritu votis se obstrinxit. Tum vero quietem & secessum, quem tandiu exoptaverat, nactus, totos solidos dies in meditatione curvarum, & calculis analyticis insumebat, postquam ea, quae ad pietatem pertinent, accuratissime implevisset. Inter primos enim Italorum fuit, qui

in compendiosum quidem, sed aeque salebrosum & asperum hunc callem se inducere ausi sint, quando nempe nova ac recondita haec methodus ab iis ipsis, qui in exteris regionibus eam invenerant, sive auxerant, impenetrabili mysterio ita tegebatur, ut praestigio propior, quam scientiae videretur. Sub finem anni MDCCXXVII. Patavium concessit, ut studia sua communicaret cum duobus geometriae veluti luminibus, quos nec nominare fortassis opus fuerit: omnes enim facile intelligent March. Polenum & Com. Riccatum, a quibus singulares cuique observationes & felicia inventa excerpere destinaverat. Ibi alios quoque praestantissimos celeberrimi illius Collegii Professores, inter quos praecipue Rivam, audiebat saepissime, & officiose prosequabatur. Sed neminem unum observavit magis coluitque quam Com. Riccatum, ad quem in Francorum castro agri Tarvisini oppido degentem saepius commeari solebat, non aeris inclementia, non imbribus, aut difficultate viarum unquam deterritus. Imo etiam eo loci hospitium conduxit, quo commode magis liberiusque tanti viri



virī consuetudine uteretur. Quin etiam, ubi suborta esset aliqua difficultas, eum per litteras interrogabat, quod postea etiam continuavit cum doctissimo ejus filio Com. Jordano, cujus judicium plurimi faciebat. Eo ipso tempore mechanicas Institutiones, quibus motuum leges, adhibito infinitorum calculo, investigavit, elucubratus est, quas si in publicum statim emisisset, non profecto alii multi, qui postea secuti sunt, hunc gloriae campum, quasi a possessore vacuum, occupassent, & Ramiro hanc laudem praeripuissent. Nec est cur dubitari possit nos praepostero officio velle per commenta hoc decus Rampinellio asserere; extant enim adhuc ejus scripta cum notis temporum, & tot hujus rei testes adhibere possumus, quot auditores sequentibus proxime annis Bononiae habuit. Quin hoc etiam satis erui posset ex litteris ejusdem Non. Jan. an. MDCCXXIX. ad laudatissimum Jacobum Riccatum missis. Tractatum vero trigonometriae tam planae quam sphaericae, qui pariter lucem expectat, ingenue fateor me non habere cur huic tempori praecise adscribam, Sed Rampinellio

id Patavii jucundissimum accidit, quod Mazino primo magistro suo, tum quidem ad primariam medicinae theoricæ cathedram e-  
vesto, beneficium referre potuit. Etenim hunc in calculis analyticis implicitum, hærentemque extricavit, & ut gratissimo erat animo, ea omnia huic tribuit, ut non solum ab alumno, sed nec plura a parente proficisci potuerint. Extra autem hujus scientiæ fines frequentissime audiebat, colebatque clarissimum Lazarinum, admirans in eo homine Latini sermonis puritatem, quam tunc quidem sentiebat potius sibi deesse, quam unquam tentasset aut retinere, aut acquirere. Tum vero coepit diurna nocturnaue manu optimos aurei ævi scriptores versare, & stilum ad eorum imitationem castigare & subigere, cujus quidem laboris uberem fructum postea tulit. Ineunte deinde vere anni MDCCCXXXI. Romam profectus innotuit statim doctissimis viris Galliano & Leprotto, apud quos famam, quam de se absens excitaverat, præfens auxit. Nec conspiciendis veterum monumentis, quorum causa præcipue in Urbem venerat, adeo indulgit, quin

multum temporis dilectis suis studiis seponeret, imo eo anno, quo Romae moratus est, illustrem auditorem habuit, eumque mathematicis disciplinis optime instituit, Iosephum nempe Orlandum Ord. S. Coelest., quem postea in regio Neapolitano archigymnasio Professorem, ac demum Episcopum vidimus. Dum Romae adhuc ageret, & tot Urbis urbium pulcherrimae seu vetera, seu recentiora aedificia lustraret, abjecto jampridem rei militaris studio, cuius nullum fore sibi usum viderat, curas suas transtulit ad civilem architecturam. Brevi in hac quoque parte non mediocrem peritiam adeptus est, nam cuiuscumque ordinis modulos & ornatum ita callebat, ut primo fere obtutu deprehenderet si quae membra a praeceptis artis, aut meliorum opificum monumentis vel tantillum aberrarent. Neapolim postea adiit, ibique doctiorum virorum amicitiam inivit, & in primis celebris Nicolai Martinii, cuius benevolentiam summopere sibi devinxit. Cum igitur doctrinas, quas undequaque collegerat suis in dies meditationibus augeret, fama ejus nominis ad moderatores suae Congregatio-

nis pervenit, iique ad instituendos mathematicis disciplinis Monachos, eum Bononiam revocarunt. Nec spem fefellit eventus; siquidem ex frequenti selectissimorum juvenum auditorio, veluti a quodam geometriae seminario complures prodire, qui hisce studiis Bononiae non leviter initiati, & postea late per totam fere Italiam distributi, hanc scientiam veluti novam mercem remotis regionibus intulerunt, aliosque subinde ad eam colendam excitarunt. Sed inter alios longe eminebat nobilissimum illud auditorum par, Pozzius scilicet & Sommariva, quorum si nomina hic reticerem, male me laudibus Rampinellii consuluisse ac prospexisse existimarem. Eorum enim alter Romae in publicis Sapientiae scholis mathesin summo cum plausu interpretatur, alter vero aequè feliciter eodem munere fungitur Bononiae apud suos, de se in dies majora promittens. Sinant igitur duo hi praestantissimi viri nomen suum in elogium Rampinellii, ceu eorum tesseram, symbolamque a me conferri, nec longinqui, ac plane ignoti hominis leve hoc de eorum meritis pro re nata testi-

monium velint deprecari. Ceterum a Bononienſibus, apud quos magnum ſui deſiderium diſcedens antea reliquerat, cupidiffime rurfum exceptus eſt. Hic phyſicas Inſtitutiones perfecit, in quibus & univerſam pene phyſicam eidem infinitorum calculo ſubjecit, & ea, quae prius de motus legibus commemoratus fuerat, inſeruit. Jamque doctiſſimorum civium, qui frequentes ad eum conveniebant, colloquiis fruebatur, jam innoſcere quoque, & coli coeperat apud exteros, qui non levem jaſturam ſe facere putabant, ſi illo inviſo praeterirent, jam denique inclyta illa urbs acerrimo in aeſtimandis ingeniis judicio, quo arctius Rampinellium ſibi obſtringeret, publicum ei munus deſtinabat, cum repente eorundem Moderatorum juffu illam derelinquere coactus eſt invitatus. Ob eandem cauſſam, qua Bononiam adierat, Mediolanum anno MDCCXL transferretur, eo ſcilicet eorum, qui id curaverant, conſilio, ut ejus doctrina latius emanaret, & ad plures diſfunderetur. Quaedam vero felicitate factum eſt, ut eo tempore Mediolani quoque ageret praetantiſſi-

na, & per totam Europam celeberrima illa virgo Cajetana Agnesia non minus morum integritate, quam ingenii acumine maxime commendanda, & quam jure quidem appellaveris nostrorum temporum, & sui sexus ornamentum. Haec puellari adhuc aetate mathematicis studiis non mediocriter imbuta fuerat ab Abb. Tagliazucco, quem postea Sardiniae Rex ad publici Professoris munus evexit in Regio lyceo Augustae Taurinorum. In rebus autem philosophicis audierat celebrem Andream Casatum Cl. Reg., qui pariter ab eodem Rege eodem in archigymnasio ad aliam cathedram nominatus est, & deinde Pontificalibus quoque insulis decoratus. Verum cum praeclarissima virgo incredibili rapiditate, quodcumque vellet, addisceret, & simul cupiditate inexplebili plura discendi flagraret, cumque ad altiores speculationes in dies semper assurgeret, statuit demum Rampinellium ad se vocare, cujus ope & consilio sese ab abstrusissimis difficultatibus explicaret. Ille nactus promptissimum hoc ingenium, quod adeo excitari non egebat, ut retineri vix posset, brevi ad sum-

num algebrae apicem perduxit . Hinc eo  
 praeceunte prodiit Mediolani an. MDCCXLVIII.  
 celebratissimum illud opus Institutionum ana-  
 lyticarum, cujus quam partem vindicare si-  
 bi posset Rampinellius per ipsum quidem ad-  
 huc in occulto foret, nisi modestissima ae-  
 que ac doctissima virgo summa cum grati ani-  
 mi significatione id omnibus testatum in prae-  
 fatione voluisset . De hujus autem libri pretio  
 post luculentissimum, quod de eo edidit, testi-  
 monium Regia Scientiarum Academia Pari-  
 siensis, supervacuum sane foret, seu potius ri-  
 diculum & ineptum velle aliquid adjicere .  
 Praestantissimi enim ac doctissimi Socii, qui  
 ab inclyto illo coetu ad inspiciendum librum  
 selecti fuerunt, Mairanus scilicet & Monti-  
 gnus una cum Fouchio a secretis in elogio,  
 quod typis excusum est anno MDCCXLIX.,  
 disertissime testati sunt, nullum adhuc ap-  
 quasque nationes usque ad haec tempora o-  
 pus in eo genere omnibus adeo numeris ab-  
 solutum prodixisse . Haec ego, ne de singula-  
 ri ac lectissima hac femina deque ejus libro  
 narrationem abrumperem, huc usque perdu-  
 xi; ceterum antequam liber evulgaretur,

commotus jam Rampinellii fama Senatus Mediolanensis anno MDCCXLVII. ei publicum matheſeos docendae munus in Ticinenſi lyceo ultro obtulit, quin ipſe inter candidatos nomen ſuum de more profiteretur. Acceſſit huic graviffimo ampliffimi Ordinis iudicio aliud ſingulare beneficium; nam ei duplicavit ſtipendium, & facultatem dedit, ſeu libros, ſeu instrumenta, quae ſuis ſtudiis uſui forent, aere publico comparandi. Solenni hoc decreto ex ſuis latebris in publicam lucem extractus id unum in primis laboravit, ut ne tam gravi iudicio impar, ut rie tanti beneficii immemor videretur. Ceterum de prima vitae conſuetudine nihil detraxit, aut immutavit, aequae ac prius acceſſu facilis eadem, qua antea, modestia, ac pene puellari verecundia, ſumma erga collegas reverentia, nulla adverſus quemque aemulatione, aſſidue ac diligentiffime omnes muneris ſui numeros implebat. Incredibili proſecto erat erga auditores humanitate ac patientia; ſicubi enim quem paullisper aliquando haerere ſenſerat, eum ſtatim adibat, & ſumma cum comitate difficulta-



tes extenuando ita recreabat, ut nonnullos ego noverim, qui hujus scientiae asperitate deterriti animum desponderant, & retro jam cedere destinaverant, quos ille adeo fovit; & in spem meliorem erexit, ut feliciter postea hunc cursum nec sine plausu consecerint. Quamobrem non semel ab eo audivisse memini, saepe illum sibi ingenium torxisse, ut diversas eandem veritatem docendi methodos excogitaret, quas quisque sibi temperaret pro ingenii sui modo atque accommodaret. Verum haec studia non in umbra tantum coluit, sed in campum pulveremque eduxit. Nam Parpauensi praedio in ultima ora agri Mediolanensis sito magno in periculo versanti, quippe cujus aedibus & campis Padus minaciter immineret, opem tulit. Ibi non solum adversus vim fluminis, quod objectis molibus aggeribusque difficulter compescuit, sed adversus etiam accolarum imperitiam, & detractiones diu est conflictatus. Cum enim noster crates viminibus contextas apte disponendo rem conficere instituisset, illi vero munimenta sumptuosius arborum trabiumque contignationi-

bus instaurari de more contenderent, nihilque aliud facere aut scirent, aut vellent, quam quod semper fecissent, aegre admodum evicit, ut totius rei gerendae modus arbitrio suo permetteretur, ipsi porro mandata non abnuerent. Imo non levem habuit causam suspicandi, aliquos ex grege operariorum, ut est contumax istorum hominum ingenium, adeo iniquae mentis fuisse, ut opera, quae ipse praescriperat, consulto vitare & corrumpere tentaverint. Sensit invidiam novorum aggerum Rampinellius, simulque fraudem & dolum, si forte subesset, veritus, statuit praesens instare operi, attentiusque incumbere, ut omnia suis oculis subjicerentur, quod dum constantius exequitur in paludoso solo & graviore aere, fortassis tum jacta sunt semina illius morbi, quo postea correptus est. Sed aliqui etiam ex fundorum dominiis, qui prope flumen praedia possidebant, fidem Rampinellio non adhibuerunt, suoque sibi ingenio ac more munimenta struxerunt; qui postea magno quidem suo malo sensere, quam injuria ab illius mo-

nitis & sententia defecissent. Siquidem primo aquarum incremento ea opera omnia disiecta & avulsa Padus secum abstulit, uti eveniturum noster paulo ante praedixerat. Extant in Ticinensi Monasterio ejus commentarii, in quibus videre possis, quomodo non solum praesenti periculo cavit, sed futurae etiam securitati prospexit, quasque ille regulas in extruendis, collocandisque molibus praescripsit. Eae etiam nunc multo cum successu servantur ab insigni machinatore Gottardo Jornio ejus discipulo & talium rerum peritissimo, ut plane his in scriptis, & hoc in alumno vivere adhuc Rampinellius, aggeres moliri, & insensissimum hostem jugulo illius populi imminentem arcere adhuc & depellere videri possit. Sed alias quoque selectissimas observationes collegerat, ex quibus utilissimi tractatus conficerentur, quos ne in lucem emitteret nimia eum modestia aliquando, demum mors immatura prohibuit. Quoties enim urgeretur, ut aliquid typis evulgaret, per lusum dicere solebat, dum nihil scriberet, se praeclare consulere commodis lit-

terariae societatis, quae aliter constare non posset, nisi aliqui a scribendo manus abstinere: quando nempe omnes de omnibus pene rebus, scribunt, periculum fore, ne scribentium nimia multitudo extremam faciat legentium caritatem. Nihilominus vim modestiae suae intulit, ut debitum persolveret, scilicet ut Senatui, a quo ita ornatus auctusque fuerat, cultum & obsequium suum testaretur, & gratias, quas animo habebat, publice etiam aliquo modo referret. Igitur ipsum de optica tractatum sub auspiciis amplissimi Ordinis emitte destinavit, & editionem jam adornabat, cum gravissimo apoplexiae morbo laborare ita coepit, ut pene conclamatus fuerit. Post aliquot menses remissa vi morbi, ut magis convalesceret, in patriam rediit. Hic, abjectis omnibus curis, vires refecerat, & pristinam fere animi & corporis alacritatem resumpserat, cum Mediolanum reversus VI. Id. Feb. an. MDCCCLIX., repetito ejusdem morbi ictu, extremum diem obiit. Antequam moreretur Clar. Viro Caesareo Sommarivae enixissime commendavit editionem

hujus operis, cum & opus ipsum ejus judicio jam antea subjecisset. Eodem consilio sub vitae finem, dum Brixiae adhuc moraretur, de hac re cum typographo egerat, & quo omnia accuratissime fierent oraverat Clar. Virum Joannem Baptistam Scarellam Cler. Reg. doctrina & scriptis celebrem, ut typis emendandis praeesset; quam quidem operam, eo quo est erga Auctorem, & haec studia animo, summa cum diligentia, ac solertia fideliter navavit. Fuit Rampinellius eximia erga Deum pietate, integerrimis moribus, summa ingenuitate, atque animi candore prope singulari. Usque ad sexagesimum aetatis annum, quo eum primus apoplexiae ictus adflavit & pene adflixit, valetudine prosperissima usus est; nam vel levibus morbis rarissime fuit tentatus, licet cibi ac potus, citra tamen intemperantiam, foret aliquantum largioris. Pertinacissimum enim tot annorum studium, tot vigilias, quae saepe alios labefactare, aut conficere etiam solent, athletica ille quadam corporis firmitate facile tolerabat. Sed id praecipue mirandum, quod cum se-

ptem, aut octo horarum jugi contentione in extricandis complicatissimorum problematum difficultatibus insudasset, redibat postea in consortium amicorum ea animi tranquillitate, ea vultus serenitate, ac si ludicro alicui spectaculo interfuisset. Nemo Ramirum vidit tristi supercilio, nemo contumaci silentio haec studia prae se ferre. Cum enim manum a tabula levabat, & libros claudebat, videbatur speculationes suas in iisdem libris clausisse, & veluti a se ipso divisus geometram in scripta sua relegabat, ut amicis amicis redderet: in hoc etiam celeberrimo Newtono comparandus, qui cum esset rei monetariae apud Anglos Praefectus ita alacriter munera summi illius Magistratus obibat, ut nemo ex suis collegis eum tunc prae manibus habere altissimum illud systema, quod postea prodit, vel leviter posset suspicari. Verborum equidem a natura fuit parcior, sententiis brevioribus, & ad rigorem geometricum exactis, quem tamen fere semper comitate, jocos ac salibus temperaret. Postquam geometriae se totum devoverat, de

theologicis suis studiis ea solum retinuit, quae ad excitandam fovendamque pietatem conferrent; ceterum a quaestionibus, quae inter nostros etiam studio partium acriter saepe agitantur, religiose abstinuit, ita semper compositus, ut in neutram partem conspici posset, quamvis ab omnibus praesidiis esset paratus & instructus, quibus posset & subtiliter disputare & recte judicare. Iisdem principiis imbuat circumspectissimam Agnesiam, de qua supra retuli; nam haec quoque in conventibus nobiliorum seminarum, quae intemperantia seu sexus, seu temporum hisce disputationibus frequenter se immiscere solent, semper aut eleganti aliquo temperamento hujusmodi sermones alio dedit, aut gravissimo silentio filum disceptationis abruptit. De se deque rebus ac studiis suis atque honoribus sibi habitis nunquam nisi coactus, & tum quidem verecundissime loquebatur; alios vero, ubi occasio ferret, pro meritis aequissima dispensatione semper ornavit, tam procul a fastidio & contemptu, quam ab aemulatione & malignitate. In hoc

doctis certe exemplum proposuit, quod si qui moderatione animi eo usque pervenerint, ut famam sui non affectent, aut negligent, id quoque addere velint ut nec alienae invident detrahantque. Verum omni elogio major in hoc viro laus constantis ac perpetuae modestiae fuit; nam licet ultra geometram varia ac multiplici eruditione ornatus & excultus foret, nunquam tamen nec apud exteros, nec inter amicos, nec etiam ubi res opportune cesserat, ingenium, aut doctrinam ostentavit. Ita saepius evenit, quod ait Tacitus de Agricola, ut plerique, quibus magnos viros per ambitionem aestimare mos est, viso aspectoque Rampinellio quaerere famam, pauci interpretarentur. Singulari etiam fuit erga matrem pietate, quam viduam & senio confectam (marito enim diu superstes fuit) ut praesentia sua solaretur, fere quotannis autumnali tempore Mediolano Brixiam ventitare solebat, posuisset amicis, quorum consuetudine ceteroquin mirifice delectabatur, & relictis amoenissimis tot Procerum Mediolaneusium villis.



lis, ad quas studiose & enixe erat invitatus. Gratia vero, qua apud eosdem Proceres plurimum valebat, nunquam aliter, quam in juvandis tegendisque amicis usus est. Denique is ille fuit, quo haud facile virum magis probum, raro profundiorē geometram, meliorem vero amicum vix inveneris. Hæc habui, V. C. quæ, ut voluntati tuæ obsequer, de Rampinellio ad te scriberem. Nec dissimulaverim me libentius multo, quam inchoaveram, hæc prosecutum fuisse, eo animo, ut civitatis nostræ decus pro re nata & pro viribus quodammodo vindicarem. Passim scilicet ut crassioris Minervæ homines traducimur, & sæpius apud exteros audimus, quod de Thebanis olim dictum fuit, nobis nempe plus virium inesse, quam ingenii. Mihi vero causis opinionis tam parum æquæ investiganti non aliæ occurrunt, nisi quod partim nostrarum rerum & laudis civium nostrorum incuriosi simus, partim quod modestia, quæ in Rampinellio fuit summa, universim etiam nostræ gentis sit propria. Ego sicut institutum & industriam illarum civitatum ultro laudaverim, quæ re-

bus suis etiam exiguis pretium addunt, dum eas in lucem proferunt, illustrant, atque accuratissime concinnant, ita aequo animo ferre non possum, nos inclementer nimis ignorantiae damuari, quod nostras ambitione non efferamus. Utcumque tamen alii sentiant, id unum in praesentia intelligi velim, nobis potius artem, aut studium, quibus nostra ornemus, quam ea, quibus ornemur, deesse. Vale V. C. & me tui obsequentissimum amare perge.

e prid. Kal. Junii an. MDCCLX.



ANGELUS FABRONIUS

BENEDICTO STAI O

PII VI. PONT. MAX. AB EPISTOLIS

S. D.

**S**aepe quidem evenire videmus, doctissime Stai, ut qui primas tenent in mathematicis disciplinis, vix in secundis tertiisque consistant, cum physica tractant, quod haec patientiam omnino incredibilem requirant, & quod rationes & viae, quae adjuvant mathematicos, qui saepe per incognita verum assequuntur, physicos in errorem facile inducant. Adde quod experientiam, quae ceteris omnibus inquisitionibus praerere deberet, calculos suos subsequi illi cogunt, quasi natura horum imperio prorsus fuerit subiecta, & quibus regitur ipsa, leges sub analytiorum signorum involucris tegerentur. Gloriabatur Leibnitiuss se novum & simplex genus induxisse explicandi naturales effectus, cum omnia ad causas, ut ipse appellabat, finales referenda es-

M 2

se doceret; & sane cognitio fine, quem naturae Auctor sibi proposuit, multorum effectuum satis probabiles caussae afferri posse videbantur. Verum re propius inspecta, homines sapientia clari lepide magis quam religiose pronuntiarunt (\*) qui hoc sterili genere philosophandi uteretur, similem fore Virgini, quae Deo se se vovit, in qua omnis foecunditas extincta esse videtur. Esto, nihil fieri sine sufficienti, ut loquantur, ratione, & vias naturae simplicissimas esse: sed quid inde? Si ad hoc principium omnem effectuum explicationem accommodare voluerimus, augebimus, addemus, accumulabimus errores ex vero; imitabimurque stultitiam Tacueti Jesuitae, qui cum quaedam catoptrices phaenomena omnino adversari intelligeret dogmati illi, in quo provehendo totus is quidem erat, naturam breviori semper incedere via, hanc pauca sibi reservasse dicebat, in quibus longiori iret. Admiratus quidem semper sum Grandii prudentiam, qui cum susciperet physica tractanda, animo & mente circumspiciebat quae cavenda ac providenda essent, ne specie veri deciperetur; & quamvis rei difficultas exigeret ab eo, ut ad hydrostaticam res ma-

(\*) Vid. Alembertium *Eloge de M. Bernoulli*.

thematicas, quae in ea quidem insignem & illustrem usum habent, transferret, semper tamen ei curae erat, ut antea interrogaret naturam ipsam, & cum ea quodammodo colloqueretur interpretis voluntatis illius, num subire potentiam geometriae vellet. Quod ad causas vero finales pertinet, de quibus supra meminimus, & quae omnium sermone tum celebrabantur, his locum esse posse contendebat non modo in physica, sed etiam in analysi, dummodo quis caute perdetentimque ad eas accederet. Cum enim mundi fabrica sit omni ex parte a sapientissimo Conditoris perfecta atque absoluta, nihil omnino in hac rerum natura accidere debet, in quo non maximi minimive ratio quaequam eluceat; quamobrem minime in dubium revocari posse videtur, quin omnes naturales effectus ex causis finalibus, ope methodi maximorum & minimorum acque feliciter explicari queant, atque ex ipsis causis efficientibus. Sunt haec quidem interdum ita absconditae atque obscurae, ut male quis de philosophia mereretur, nisi in subsidium finales causas advocaret. Fieri etiam potest ut utrisque in problematum solutione percommode utamur, tumque vel maxime voluptati serviemus, & ma-

majo<sup>re</sup>m etiam fidem , & aucto<sup>ri</sup>tatem , & firmamentum duplicis argumen<sup>ti</sup> consensu veritati adjungemus . Hoc modo Bernoullii fratres , & recentissime Eulerus (1) ad magna inventa pervenerunt , & ipse Grandius ingenue fatebatur in omnibus lincis curvis , quas solutio problematum physico-mathematicorum suppeditat , maximum minimumve quodpiam locum obtinere ; quamvis saepe numero hoc ipsum maximum vel minimum difficillime perspiciatur . Pauca haec in ingressu hujusce commentarioli adnotare libuit , ut statim intelligeretur quantam prudentiam Grandius ad disciplinas , quas proficiebatur , consulere ; & quamvis arctiore & sanctiore foedere experimentorum & geometriae multa nova detexerit , hoc tamen unice sibi assumere videbatur , quod de Alexandro dixi : Livius , se non aliud quam bene ausum vana contemnere . Cum vero a discipulis exigeret , ut vestigiis suis insistentes caverent a corruptoribus philosophiae , qui scholas fere omnes tenebant , sermone saepe eo utebatur , qui erat expressus ex novo orga-

(1) Vid. ejus opusculum de Curvis elasticis.

no Verulamii (1). Empirici, *ajebat vir ille immortalis*, formicae more congerunt tantum & utuntur: rationales araneorum more telas ex se conficiunt: apis vero ratio media est, quae materiam ex floribus horti & agri elicit; sed tamen eam propria facultate vertit & digerit. Neque abfimile philosophiae verum opificium est; quod nec mentis viribus tantum aut praecipue nititur, neque ex historia naturali & mechanicis experimentis praebitam materiam, in memoria integram, sed in intellectu mutatam & subactam reponit. Itaque ex harum facultatum (experimentalis scilicet & rationalis) arctiore & sanctiore foedere (quod adhuc factum non est) bene sperandum est. *Haec cum multorum auribus inculcaret Grandius, gaudebat voces suas hanc vim habere, ut ad haec*

(1) Hoc ipso in loco Verulamius comparat physicam magnae pyramidi, cujus basim esse ait naturalem historiam, medium componi ex potentiis & principiis, quibus natura regitur, in extremo vero esse partem illam metaphysicam, quae est de causis finalibus. Vereri tamen se ait ut homines fastigium istud unquam perficere teneant.

*studia plures confluerent, vel ut totum aliquid; cuius in ingeniis illorum pars nulla erat, ipse pareret & procrearet, vel ut ea, quae erant jam in iisdem orta & procreata, educeret atque confirmaret. Hoc unum porro deesse summi viri gloriae videtur, ut quoniam maximis impedis occupationibus, quominus de eo scribas, scripta saltem a me de eodem emendes & corrigas, quod poteris facile, quod sis hominum in mathematicis & philosophicis rebus doctorum elegantissimus, & elegantium doctissimus. Quod quidem plura declarant a te in lucem emissa, sed praesertim quae de Cartesiana, & Recentiorum philosophia carminibus Latinis exposuisti. At non minus, cum haud philosopharis, intelligimus quam in mathematicis studiis sis versatus. Sic enim persuadendo non solum, sed etiam cogendo ad veritatem omnes prope compellis, sic instruis, diggeris, atque componis ea, quae vel scripto; vel voce explicas, ut haec profluxisse ex mente in geometria assidue exercitata ( illa enim duo praesertim sibi vindicat haec scientia ) satis appareat. Omnino, ut est praeclarum Galilaei dictum, usavenire solet geometris, quod iis qui*



*choreas agere, & ad numerum saltare assueverunt. Quamvis enim intimis saltationis praeceptis in incessu non utantur, tamen ex ipso totius corporis motu patet, an saltare didicerint. Vale, & talem te praesta, ut me, & Grandii dignitatem tibi cordi esse omnes intelligant.*

*Pifis Id. Maii MDCCLXXXI.*



## GUIDO GRANDIUS.

**G**uido Grandius Cremonensis fuit sine dubio vir omni doctrina, ac praesertim mathematica ornatissimus; de quo plura fortasse referremus, nisi extaret de ejus vita singularis liber a Benedicto Hortesio ejus discipulo diligentissime copiosissimeque Italico sermone conscriptus. Et si pater ejus Petrus Martyr honesto genere erat (1), tamen, cum alienarum opum indigeret, phrygioniam exercuit artem; habuitque in matrimonio Catharinam sororem Laurentii Legati, quem Graecis litteris, medicina, poetica, editoque in Museum Cospianum opere illustrem virum honoris causa nomino. Guido iis parentibus natus est Kal. Octobr. an. MDCLXXI. Diligentia praesertim matris, bonae nec mediocris ingenii seminae, fuit a puero doctus Latinis litteris & in arte poetica exercitatus; magistris vero usus est Jesuitis Paulo Rossio & Hieronymo Saccherio, qui fuit mira quadam facultate ingenii & memoriae, & Jo. Baptista Canneto viro omni genere

laudis excellenti, quem collegam etiam habuit in sodalitate Camaldulensium. Hanc enim Grandius ingressus est Ravennae exeunte anno MDCLXXXVII. Doctus ibi a Galaminio ad Peripateticorum philosophiam, haud poterat in ea acquiescere adolescentis animus, qui ex veritate, non ex opinione auctoritateque omnia metiebatur: quare, ut huiusmodi philosophiae asperitatem, quasi condimento amoenitatis mitigaret atque molliret, saepe se ad studia poetica atque oratoria referebat. Atque in his studiis quantum profecisset, cum desiderio arderet ostendendi moderatoribus suis, ab his obtinuit, ut novam instituere posset Academiam (erat enim alia instituta a Canneto ad easdem artes excolendas, ad quam tyronibus coenobii erat aditus interclusus) quae, quod aemula esse volebat alterius laudum, dicta est *de' Garegianti*. Legi libellum, quem de hujus Academiae historia Grandius ipse conscripsit, ex quo intelligere potui saepe in ea lumen ingenii sui eundem ostendisse modo Italicis, modo Latinis carminibus orationibusque, judicatumque de eo fuisse, seria docte erudi-

teque, jocosa lepidè semper ipsum tractasse.  
Ex hac Academia binas alias generatas accepimus; hasque omnes, quoad steterè, laudabili aemulatione inter se concertasse. Neque haec solum gloriosa Grandio fuere, sed illud etiam in primis, quod inter erroris & inscitiae caliginem, qua humaniores litterae superiori saeculo misere obruebantur, ipse ad optimorum scriptorum, tanquam . . . lumen ac lucem respexerit, & alios, nonnullis licet reclamantibus indignantibusque, respicere docuerit. Cum vero pulcherrimam in spem venisset veterem eloquentiam suis Monachis restituendi, & quemadmodum ipse Catulli verbis loquebatur, *Suffenos & venena omnia* e manibus hominum extorquendi, dandam a se operam putavit, ut cultissimi aliqui scriptores ex abdito bibliothecarum, ubi delitescabant, in lucem emitterentur. Quam in rem dum sedulo incumbit, Romam a majoribus mittitur ad excolenda rerum divinarum studia, in quibus & Scholasticorum & Galaminii, a quo instruebatur, insulitates & ineptias perferre debuit. Quidquid vero temporis illi vacabat a schola in evolvendis ve-

teribus monumentis libentissime infumebat ; nec facile quem dixerim , plus studii acuminisque , quam illum ad originem , omnemque historiam suae sodalitatis cognoscendam adhibuisse . Quapropter , cohortante maxime Canneto , & Martyrologium Camaldulense conficere , & S. Romualdi vitam a S. Petro Damiano conscriptam , copiosissimis commentariis Monachorum historiam in primis illustrantibus , ornare facile potuit . Sed horum studiorum fructus maximi fuere *Dissertationes Camaldulenses* , quem tamen librum non edidit nisi an. MDCCVII. , quod illum & limari politius & probari doctissimorum hominum judicio , antequam ederetur , voluit . Quae quidem judicia non tam grata , quam necessaria erant . Magna enim constituta & parata erat Grandio adversaria , credulitas suorum , qui cum primordia sodalitatis augustiora facerent , non tulissent , non dicam refelli , sed in dubium revocari quaedam , quae opinioni suae blandirentur . In his visum illud Romualdo divinitus objectum scalae nescio cujus ; alia praeterea ejusdem modi , quae poeticis magis decora fabulis , quam

incorruptis testata rerum gestarum monumentis feruntur. Hae dissertationes, quarum prima est *de Institutione Ordinis Camaldulensis*, altera *de aetate S. P. Romualdi*, tertia *de visione scalae ejusdem & habitus mutatione praetensa*, quarta demum *de S. Petri Damiani & Avellanitarum Instituto Camaldulensi*, principium esse debebant annalium totius familiae Camaldulensis, ad quos contexendos tum sua sponte, tum aliorum cohortationibus incitabatur Grandius. Sed ab hoc opere illum avocarunt non tam injustae suorum querelae, quam flagrans in res mathematicas amor, ac prope incredibilis, ab iis profectus initiis, quae ad haecenus dicta adtexemus. Postquam anno MDCXCIV. in fodalitatis comitiis subiisset majorum suorum judicia, allatis in medium, publiceque propugnatis ex universa theologia ac philosophia thesibus, in quo ita se gessit, ut nescias, plures ne delectaverit mirum propugnatoris ingenium, an offenderit non bene ab illo declaratum in Peripateticos Scholasticosque studium, Florentiam missus est ad tradendam suis philosophiam. Ibi casu magis, quam judicio sum-

psit in manus Cartesiii opus, quod de *Principiis* inscribitur, Incensus cupiditate omnia perfecte tenendi, quae in hoc opere continentur, dedit se in geometria instituendum Sebastiano Franchio, quo medico & amico utebatur Franciscus Caramellius coenobii Praefes. Ita celeriter Euclidis elementa arripuit Grandius, ut ea non tum primum edificare videretur, sed reminisci & recordari. Quare minime est mirandum, si ei Franchius praedixerit fore aliquando ipsum longe omnium in mathematicis doctrinis principem. Porro eo brevi pervenit Grandius, ut non solum celebriorum Geometrarum inventa per se noscere, sed nova etiam ex se gignere potuerit, inter quae nonnulla theoremata fuerunt de concoidibus, & cissoidibus, quae etiam postquam omnem aetatem in huiusmodi studiis consumpserat, sibi perplacuisse affirmavit. Eodem tempore elaboravit etiam, ut opus quod ante quinquennium fecerat de musica, geometria duce, poliret atque perficeret. Totum illud XXIV. propositionibus conclusit, qua circumscriptione nihil elegantius & ingeniosius; neque id tamen satis un-

quam dignum putavit, quod in lucem hominum prodiret. Haec quoniam occulta & abdita intra coenobii parietes erant, casus incidit, quo brevi illustris & pervagata fuit fama de Grandii doctrina apud Florentinos. Accitus Florentiam fuerat nobilis quidam Germanus cognomine Bodnaufenius, ut ab eo Ferdinandus Magnus Etruriae Princeps in doctrina morum instrueretur. Is, ut erat in analysi, ceterisque mathematicis disciplinis non mediocriter versatus, quaesivit illico, quosnam haberent in iisdem disciplinis praestantes viros Florentini? Cum audisset unum inter omnes excellere Vivianium, convenit hominem illud rogitans, ut sibi punctum flexus in conchoide primaria inveniret. Non invenit, sua syntesi usus, Vivianius, quod cum relatum esset ad Grandium, quid ipse posset, voluit experiri. Eventus ei ex sententia processit; neque est credibile ad quantam admirationem haec res Vivanium, Bodnaufenium, ceterosque rerum mathematicarum intelligentes viros tra-duxerit. Quae non multo postquam acciderant, adivit Grandius Vivanium, quo ei sola-



solarium a se confectum ostenderet , rogaretque ab illo, ut nascenti prope laudi suae doctrinaeque praeesset. Ridens Vivianius manu prehendit Grandium. Heus tu, inquit, ducem & magistrum desideras? Non mihi docendus, sed collaudandus videris, quod tantam jam sis facultatem adeptus, ut non aequalibus modo tuis anteponi, sed cum exercitissimis viris possis comparari. Hujusmodi testimonio maxime stimulatus atque excitatus fuit Grandius ad prodeundum in publicum. Prodiit autem primum edita anno MDCXCIX. *Geometrica Demonstratione Vivianeorum Problematum cum appendice de geometrica quadratura infinitarum partium curvae superficiei conicae*. Res nota est & pervulgata Vivianium, ut illuderet, credo, analysis studiosos, quaevisse ab iis formam Testulinis Hemisphaericae, sed quatuor aequalibus ac similibus, similiterque positis fenestris ita interruptae, ut his detractis reliquum hemisphaericae superficiei sit absolute quadrabile; & extitisse Leibnitium, qui eodem die, quo accepit hujusmodi aenigma ( sic enim appellabatur a Vivianio ) illud ipsum non uno, sed pluri-

mis modis, suo usus calculo solvit. Postquam haec acciderunt, Vivianius edidit *Exercitationem mathematicam de formatione & mensura fornicum*, qua non solum commemoratum problema elegantissime solvit, sed de aliis quoque fornicum generibus multa fane curiosa in medium attulit. Hanc exercitationem Grandius Latinam fecit, & in eam permulta addidit de suo, cum demonstrasset, Cavalerii methodum indivisibilium adhibens, omnia ea, quae Vivianius tantummodo proposuerat. Addidit quoque appendicem, in qua de fornicibus agens conicis demonstravit, *quavis portionem superficiei conicae rectae esse ad portionem basis per cadentes a singulis punctis sectionis in subiectum planum perpendiculares, ichnographice determinatam, ut latus conii ad raliū basis*; quo innixus theoremate docuit, quonam modo in fornice conico fieri debeant fenestrae cum parabolicae tum hyperbolicae, sic ut quod superest quadrari possit. Hujusmodi testudines Vivianii exemplum secutus, qui novum suum velum *velum Florentinum quadrabile nuncupavit, tentoria, seu tabernacula Camaldulensia quadrabilia*

appellavit Grandius. Num autem ipse de se vere praedicaverit primum omnium dimensum fuisse ac descripsisse hujusmodi testudines, ii facile judicabunt, qui allata a Grandio conferent cum iis, quae in acta Eruditorum Lipsiensium an. MDCXCVI. (2) intulit mathematicus summus Jo. Bernoullius. Jure saepe questus sum de religiosiis familiaribus, quod si quem inter suos inveniant, cui solers ac provida mater natura digito fere monstraverit, ut Grandio certe monstravit, quod tenere debeat iter, in disjuncta ac etiam contraria saepe illum detrudant atque compingant. Dum igitur Grandius Florentiae elaborabat, ut perfectus geometra evaderet, missus Romam fuit ad tradendam suis rerum divinarum scientiam. Impositam theologi personam ita sustinuit, ut non abjecisse illam geometrae ostenderit. Quapropter frequentissime versabatur cum Dominico Quartaronio aliisque celebrioribus mathematicis; tantum dabat geometriae non solum, sed etiam analysi temporis, quantum scholae superesset, & ipsas interdum theologicas quaestiones illustrare se melius posse

arbitrabatur, si iis geometriae lumen addidisset. Sic cum de visione Dei ageret, ut unam rem ex. gr. ponam, exponebat discipulis suis animadversa a se se de seriebus decrescentibus, harum symptomata spatiis hyperbolicis comprobans. Mansit Romae Grandius ad Octobrem usque an. MDCC., quo tempore, commendatione maxime Cardinalis Norisii, in Pisana Academia extraordinarius philosophiae Doctor declaratus est. Ea, quae docuit, non multum a Cartesianorum disciplina abhorrebant; & quamvis non ignoraret etiam, quae alii physici & Galilaeus in primis tradidissent, non tamen multis in iis erat, quod huiusmodi studia non plane ingenio suo satisfacerent. Quapropter non dubitaverim Grandium Neoptolemo illi assimilare, quem Cicero apud Ennium dixisse narrat: *philosophari sibi necesse esse, sed paucis; nam omnino haud placere*. Studia, quae ducebant inflammabantque Grandium, ea ferme erant, quae ad mathesin spectarent: neque enim poterat tale ingenium nisi in explorata veritate adquiescere. Illa se provehere arbitratus est, si proprietates logisticae,

feu logarithmicae lineae ab Hugenio extrema in dissertatōne *de causa gravitatis* propositas, minime vero demonstratas, ipse pluribus modis demonstrasset; quod cum felicissime praestiterit homo ingenio prudentiaque acutissimus, nemo existimabit rem mediocris ipsum praestitisse laudis ac gloriae. Vere enim Galilaeus: *longe sublimioris ingenii est alieni problematis enodatio, aut ostensio theorematis, quam novi cujuscumque inventio*. Haec quippe fortunae in incertum vagantibus obviae plerumque esse solet; tota vero illa, quanta est, studiosissimam attentae mentis in unum aliquem scopum collimantis ratiocinationem exposcit. Nemo est, qui ignoret theoremata illa ad logisticam pertinentia magnos usus attulisse Hugenio ad explicandum motum corporum in resistenti medio, sive manu projiciantur, sive proprio pondere ipsa descendant. Sed Grandius, quanquam videbat si ea theoremata solverentur, magno physici usui fore, non tamen physici partes agere voluit, praesertim cum dissentiret (& jure quidem) ab Hugenio, qui in ea erat sententia, resistentias mediorum crescere eadem ratione

cum velocitatibus corporum. Continuit ergo se sinibus geometriae: neque sola theorematum demonstratione industriam definivit suam: multa praeterea eam occasionem nactus in medium attulit, ex quibus ea lectori sponam, quae scriptoribus Lipsiensium Actorum magis videntur placuisse. Ac primum quidem rationem tradit universe inveniendi tangentes, easque exhibet singulatim omnium hyperbolarum, parabolarum, infinitarum spiraliū, concoīdum varii generis, aliarumque curvarum, nec non expansae unguļae cylindricae, inmo omnium unguļarum, etiam ex cylindro non circulari abscissarum. Ad haec dimensionem geometricam exponit infinitarum parabolarum, hyperbolarum, spiraliū, etiam geometricae, cycloidis, variorumque illius segmentorum, cyssoidis, & ejus segmentorum, tractoriae, itemque solidorum ex hemicycloīde circa tangentem verticis, & ex cyssoidē circa asymptoton, vel ei ex vertice parallelam revolutis, genitorum. Rationem quadrandae hyperbolae per tractoriam docet. Ostendit aggregata quotlibet terminorum geometricē proportionalium ad eam-

dem seriem pertinentium, si semper a minimo initium fiat, esse inter se, ut differentiae sunt terminorum maximi & minimi; magnitudines incommensurabiles per ablatam quantitatem qualibet data minorem fieri posse commensurabiles; cujusvis figurae convolutae, ejusve partium ad circumscriptum sectorem, & ejus zonas eandem proportionem esse ac conoidis ab evoluta figura genitae, ejusve partium ad circumscriptum cylindrum, tubosque cylindricos; spatium a curva quavis contentum linea, vel unamquamque ejus partem, aequari spatio, quod subtangentes implent ad curvam ipsam, vel respondentia basis puncta ordinatim applicatae; solida omnia ex infinitis logisticae spatiis esse, ut quadrata sunt radiorum basis, & portiones, ut differentiae inter quadrata extremorum radiorum; cujuscumque logisticae spatium & subtangentem tam esse utrumque alterius submultiplex, quam submultiplicata ordinatarum ratio. Nec declarare praetermittit, quatenam sit ratio conoidum ex infinitis parabolis ad circumscriptos cylindros, vel conos, item ex infinitis hyperbolis ad inscriptos cylindros,

& fusi cycloidalis ad cylindrum. Ostendit etiam spatium hyperbolicum aequari rectangulo ex ordinata in alteram logisticae subtangentem. Regulam proponit generalem, ex qua cognosci possit, quando spatia infinite longa, aut infinitae terminorum series finitam aequent quantitatem, quando infinitam. Docet spatia logistica ratione data dividere; hyperbolam, quae logisticam non modo datam, sed etiam in dato puncto tangat, ducere; eidem logisticae, immo figurae cuicumque, data ejus tangente, maximum parallelogrammum inscribere. Distantiam inter centrum gravitatis trilinei cycloidalis, atque tangentem verticis dimidio radio aequalem demonstrat. Definit distantiam centri gravitatis semicycloidis, & ejus trilinei a basi, & a vertice, cyssoidalis spatii ab asymptoto una cum centrīs gravitatis diverfarum conoidum. Ostendit denum, quomodo inveniatur centrum aequilibrī in libra longitudinis infinitae, ponderibus geometricē decreſcentibus, & aequē inter se distantibus onerata. Quae dum omnia tractaret, plurimum usus est lineis illis curvis,



quas *Correlatas* vocavit, quarumque se inventorem putabat. Nec immerito. Nam quamvis earum antea indicia dederint Robervalius atque Jacobus Gregorius, nondum tamen ad ejus manus eorundem opera pervenerant; obstupuitque postquam inter Gallos & Britannos de hujusce inventionis gloria litem esse intellexit. Addidit libro epistolam quamdam ad Thomam Cevam e S. J., virum sane omni liberali doctrina ornatum, quo neminem conjunctiorem tum ipse habebat, & quocum jamdiu ei commercium erat de rebus ad mathematicas disciplinas pertinentibus. Et profecto hic erat epistolae locus opportunus & aptus ad ea, quae antea tractaverat Grandius. Agit enim de logistica ex quodam cylindro resecta, qua occasione alia multa traduntur, in quibus spiraliū diversī generis origo, spiralis Archimedeae, & parabolae Apollonianae aequalitas, infinitarum parabolarum & spiraliū comparatio, novus cycloidis rectificandae modus, & alia istius generis plura. Neque hoc in loco tam vera invenire quam falsa convincere voluit Grandius, cum contenderet Sturmium, Gua-

minium & Rinaldinium ea in re lapsos esse, quod spiralem semicircumferentiae circuli genitoris aequalem, non vero majorem esse putaverint; Borellium quoque rationem fuisse affirmantem, duas ejusdem spiralis revolutiones esse inter se, ut sunt circulares zonae, quibus comprehenduntur. Si quis vero haec minus praedicanda esse duxerit, quod nunc sublimioris analysi ope paucis lineis confici ea omnia possint, quae Grandius multis paginis exposuit, nae ille vehementer errat. Magno enim semper in pretio fuit veterum geometria, semperque erit, quam dum tractaret Grandius satis ostendit, singulari ingenio se praeditum esse ad omnes statim noscendas vias, quibus eo, quo intendebat, perveniri posset, nec minori judicio ad rectissimam expeditissimamque eligendam. Et haec quidem facultas exercitatione atque usu adolescit quidem, minime gignitur. Supeditatur illa ab ipsa natura, adeoque dominatur in omnibus disciplinis & artibus, ut sine ea nemo possit ad excellentem praestantiam pervenire. Porro homines summi summis laudibus debitam meritamque gra-

tiam retulerunt Grandio, postquam in vulgus editum utrumque opus viderunt *de theorematibus Hugenanis, & de problematibus Vivianis*. Ego vero, quanquam consuevi sensa potius, quam verba ipsa, ac testimonia laudatorum referre, malo tamen hoc in loco consuetudini meae, quam gloriae Grandii deesse. Sunt enim illa magnifica ac prorsus singularia. *Ut legi*, inquit Eustachius Manfredius, *Demonstrationes tuas Vivianicas, ac Hugenicarum, statim judicavi posse te cum praecipuis aevi nostro geometricis confecti, & ex Italia certe conferri tecum posse, quod sciam, neminem*. Jacobus Hermannus haec ad ipsum Grandium scripsit: *Vivianica & Hugenicarum theoremata magno cum acumine demonstrata dedisti, & ad multas alias mediationes geometricas methodos tuas mira cum dexteritate extendisti, qua in re & id etiam inter alia magni faciendum puto, quod omnia ad simplicissima, geometria Euclidea & Apolloniana, elementa summa cum perspicuitate revocasti, in quo potissimum geometricarum Demonstrationum elegantia consistere mihi videtur*. Isaacus vero Newtonus his verbis Grandio litteras dedit. *Ac-*

api librum D. Viviani de locis solidis, ut & libros tuos, in quibus geometria demonstras problemata Viviani & Hugonii, & pro tanto munere gratias ago quamplurimas. Geometriam Venerum adhuc florere & vestris eximiis inventis ac demonstrationibus auctam esse valde gaudeo. Hyeme praeterita librum de rebus opticis & origine colorum olim scriptum in lucem edidi, cujus exemplar ad te mitto. Anglice scriptus est, & sub finem invenies libellum unum & alterum de rebus mathematicis idiomate Latino, quorum gratia totum mitto. Utinam tanto iudici non displiceant. Nec illud quoque ad laudem Grandii mediocre fuit, quod cum Gravesandius opera Hugonii omnia collegisset, edidissetque in lucem, locum inter ea dediderit geometricae Demonstrationi theorematum Hugonianorum, in qua etsi pauca quaedam notare se posse putavit, integrum tamen opus summo dignum esse geometra iudicavit. Hoc opus secutum est illud, quod inscribitur: *Quadratura circuli & hyperbolae per infinitas hyperbolas & parabolas geometricè exhibitæ* &c. Volebat fane Grandius, tanquam viam aliquam longam difficillimamque con-

fecisset, omnibus ostendere, quale illud esset, quo pervenisset, imitatus Gregorii a S. Vincentio, Nicolai Mercatoris, & ipsius Newtoni exemplum, qui quamvis circuli quadraturam desperandam esse, utilissime tamen tentari posse putarunt. Quaesivit primo num quadratura parabolae, qualis ab Archimede proposita fuit, cum quadratura circuli commune aliquid haberet. Et quidem observavit, quemadmodum prior per infinita triangula recte procedit, sic alteram procedere per infinitas hyperbolas, quae quadrari queant, eodemque modo quadraturam hyperbolae per infinitas parabolas obtineri posse. Sed haec observatio nihil proderat Grandio; eo quia series triangulorum Archimedeorum, ut pote constans ex terminis in ratione geometrica decreascentibus, summari poterat: quod aliter eveniebat in hyperbola & parabola, quarum series constabant ex terminis diversa lege progredientibus; quapropter hand poterant nisi proxime summari. Id quamvis Grandius probe nosset, nihilo tamen minus in medium proferre statuit cogitata sua; quam rem dum aggreditur, audit nescio quid si-

mile de hyperbola Nicolaum Mercatorem in sua *Logarithmotechnia* proposuisse. Itaque re in aliud tempus dilata, nihil non egit ut analogiam suam longius proveheret, invenitque tandem cum per hyperbolas, tum per parabolas quadrari proxime posse circulum & ipsam hyperbolam. Hoc praecipuum fuit argumentum libri, quem an. MDCCIII. vulgavit, nuncupavitque Jo. Gastoni Mediceo. Quoniam vero ea est circuli & hyperbolae natura, ut dimensio utriusque non nisi per infinitam seriem quadrabilium terminorum haberi possit, nullaue geometrica linea, cujusvis ea sit ordinis, se definiri patiatur, hinc e re sua fore putavit Grandius, si subsidia a sublimiori analysi petiisset. Qua de re plurimum commendatus est a Leibnitio gratulante non tam Grandio, quam Italiae universae, quod illo in primis duce (3) in admirabilis utilissimaeque scientiae cognitionem ipsa pervenisset. Hoc loco descripsit Grandius curvam illam lineam a se excogitatam, quam *versoriam* appellavit. Mira prorsus est lineae proprietates, quod quamvis duplum minime excedat circuli genitoris, si

tantillum circa axem versetur, solidum procreat vere infinitum. Multum & frequenter usus est Grandius hujusmodi linea in definiendis tum intensiōibus lucis, tum sollicitationis, ut ajunt, gradibus, & scala velocitatum in Newtoniana gravitatis hypothesi. Quemadmodum per has scalas ad sublimiores tum physicas, tum geometricas veritates ascendi possit, suo exemplo ostendit Grandius, monens tamen circumspectiōe quadam opus esse, cum fieri posse diceret; ut minus cauti in hisce scalis ruinae periculum non ascensum inveniant. Dum haec exponeret alia quoque subjecit geometrica inventa, quae quasi aliud agenti ultro se obtulerunt, quaeque ingrati fuisset contemnere. In his numerari debet nova ratio mensurandi infinita spatia curvilinea, rectificandique innumeras curvas lineas. Proposuit postea, cum secundo typis librum commisisset, novam rationem quadrandi hyperbolam adhibita proportione ex infinitis aliis composita, novamque intulit demonstrationem quadraturae circuli per infinita rectangula. Quae vero ad solvendum problema

quoddam a Joanne Bernoullio propositum, si-  
bique a Leibnitio communicatum (4) expo-  
suit eo in loco (5), ubi de variis modis trans-  
formandi curvas tum superficies, tum li-  
neas in alias diversae speciei agit, talia qui-  
dem sunt, ut eo vel uno constare possit ar-  
gumento, in ea geometria, quam syntheticam  
vocant, Grandium illa quidem aetate cessasse  
nemini. Et quoniam enumerare omnia, quae  
in ejus libris admirabilia sunt, magnum ef-  
set, juvat recensere maxima, atque ita,  
ut, si quibus geometriae studia minus sa-  
piunt, ii etiam intelligant in quantum glo-  
riae fastigium eorum ope venerit Grandius.  
At mirum quantum ipse tribueret suae geo-  
metriae. Per eam enim explicare se posse  
putabat, quomodo ex nihilo creatus sit mun-  
dus (6), & quomodo in ovo & semini-  
bus insit vis earum rerum, quae ex ipsis  
progignuntur (7); ex ea nasci omnia com-  
moda vitae, omnemque pene cogitationem  
mentis divinae, rationemque naturae ab i-  
psa pendere. Videre mihi videor Grandium,  
postquam infinite parvorum geometriam sua  
in potestate habuit, in excelsa loco positum  
exul-



exultantemque laetitia, quod non solum longe lateque patentes regiones unico oculo-  
rum intuitu perspicere posset, sed prope e-  
tiam superbientem, quod per eam infinita-  
tes omnes rerum & naturae peregrinari  
& tenere se posse confideret. Quoniam au-  
tem vir alta quadam mente praeditus non  
facile modum tenet, vel ultra infiniti ter-  
minos progredi se posse speravit; unde etiam  
cum Varignonio in certamen venit, aliisque  
geometris Gallis, qui Wallisii plusquam-in-  
finita hyperbolica spatia tanquam repugnan-  
tia a geometriae finibus in exilium agebant.  
Itaque edito libro *de infinitis infinitorum, &  
infinite parvorum ordinibus*, ostendit hyperbo-  
las altioris ordinis, licet ex una parte fini-  
tum spatium comprehendant, ex alia tamen  
usque adeo spatium plusquam infinitum con-  
tinere, ut etiam infinite majus sit eo spatio,  
quod ab Apolloniana hyperbola circumscribi-  
tur, quocirca spatium Apollonianae hyperbo-  
lae, licet utraque ex parte jam infinitum,  
quantumvis adhuc multiplicatum, semper mi-  
nus ostendi quovis spatio ad unam asym-  
ptoti partem ab altioribus illis hyperbolis con-

tento, & qualibet etiam aliquota ipsius parte; ac demum ita comparari debere spatium infinitum hyperbolae Apolloniana ad ea spatia, quae ab altioribus comprehenduntur hyperbolis, ut quaedam finita quantitas ad infinitam, ut 0 ad 1. De natura igitur infinitorum, variisque tum infinitorum, tum infinite parvorum ordinibus sic egit Grandius; tam multas hyperbolarum Wallisii demonstrationes tamque acutas invenit, ut Anglo- rum causa contra Gallos probabilior eo patro- tropho videretur; quae res maximi fuit Grandio adjumenti ad hominum famam colligendam, seu potius augendam. Verum cum Varignonius non solum in sua persisteret sententia, sed quereretur etiam de Grandio, quod illam oppugnasset, hic suae existimationis esse putavit *Prostasi* quadam illa diluere, quae objecerat adversarius, intuleratque in volumen an. MDCCXII. Actorum Lipsiensium. Necesse praesertim habuit declarare, id quod plusquam infiniti nomine vocabat non esse magnitudinem utcumque alia infinita majorem, cum infinitae magnitudines secundum quorumvis numerorum ra-

tiones aliae aliis majores, aut minores esse possint, quin eundem infinitorum ordinem transgrediantur; sed tales se intelligere magnitudines, quae ab infinitorum ordine emergentes ad ordinem altiorem eleventur, ut finitis magnitudinibus accedit, ubi ad ordinem infiniti transferint. Si haec bene posita principio fuissent, non torfisset homines doctos nominis controversia, (8) quae quidem honorabilis est geometriae, cum in hac facultate nullus esse posse videatur disputationi locus, nisi cum minus dilucide proponitur, quid sit id, de quo quaeritur. Num vero existentibus magnitudinibus plusquam infinitis, varii infiniti gradus exprimendi potius essent per rationem duplicatam, triplicatam, quadruplicatam &c. rationis simpliciter infinitae, quam per rationem positivi ad negativum, non conveniebat inter eos ipsos, qui has plusquam infinitas magnitudines libenter agnoscebant. Et justam reprehendendi sui causam dedisse visus est Grandius doctioribus viris, quod priorem minime sit amplexus sententiam. Dissensit etiam cum Varignonio, quod hic asseruerit angu-

lum contactus esse aequalem angulo ad centrum circuli osculantis ; & varietatem hypothesis, a qua uterque discedebat, causam credo contentionis intulisse . Alter enim curvas ex elementis circularibus , alter ex rectis compositas animo concipiebat . Uterque sane recte . Neque enim fieri potest , ut his in rebus quis in errorem labatur , si eandem semper hypothesim retineat , nec ab una in alteram transeat . Hujusmodi controversiae magnos rumores excitarunt, quod non tam duorum hominum agi causa videretur, quam Academiarum Londinensis & Parisiensis . Addebant vero animos Grandio , quae de Isaaco Newtono narrabat Henricus de Nova Villa his verbis ad eum scribens : *Te certe & tua studia amat , laudatque plurimum , ac patriae suae denuo gratulatur talem nobis & veritati contra Parisienses aemulos factorem vindicemque obligasse* . Fuit & alia causa , quare Grandius pro Anglis acerrime contendere perseveraverit . Nam cum in Londinensem Academiam an. MDCCIX. adscriptus fuisset, volebat omnibus ostendere se de ejus gloria plurimum laborare . Praeter quam quod ita

natura comparatus erat, ut nescisses utrumque veritatis, an contentionis cupidior esset. Quare factum est, ut minime ei defuerit voluntas longius protrahendi disputationem, quamquam Varignonius nullum *Prostasi* responsum dederit; sed adversarii mors, cohortationes amicorum & quae antea scripserat Leibnizius (9) retuleratque in Acta Lipsiensia ad componendas lites & ad defensionem suae methodi *infinitesimalis*, illum a proposito revocarunt. Habuit iisdem temporibus Grandius alios adversarios, quibuscum ingenium & iracundiam suam exerceret. Rogatus a Bartholomaeo Interio quid sentiret de libello quodam Lucae Antonii Portii (10), cui propositum fuerat ostendere momenta corporum gravium in plano declivi descendantium non habere aequalem, sicuti ex vero docuerat Galilaeus, sed majorem proportionem ad eorundem momenta, dum illa ad perpendicularum cadunt, quam habeat altitudo plani ad suam longitudinem, ingenue per litteras respondit, certissimisque argumentis probavit, non Galilaeum, sed Portium errati culpa teneri, quod falso ipse sibi persuaferat

corpus premere inclinatum planum vi haud quidem eidem plano, sed horizonti ad perpendicularum directæ. In quo cum Portii lapsum coarguit, tum etiam Vitalis Jordani intulit mentionem, qui pari in re antea offenderat, editaque epistola affirmarat modo majorem, minorem modo esse hanc proportionem, & esse posse etiam æqualem, si quidem planum, quo grave corpus sustinetur, angulum XXXV. graduum cum horizonte efficiat. Neque verò in eo convincendo, errorisque causis aperiendis laborandum sibi esse duxit, rem dicens in aperto positam, si quis hæc studia vel leviter attigisset. Hæc Grandii ad Interium epistola, ipso, ut affirmabat, inscio, edita Romæ fuit, graviterque Jordanum pupugit, quasi ab ipsa in contemptionem adduceretur. Dubitavit aliquandiu, num ei responsum redderet, quod in sene decrepito contenderet tranquillitatis amor cum gloriæ desiderio. Pervicere tamen Hieronymi Tambuccii sollicitationes precesque; ejusque nomine, qui sui olim fuerat auditor, edidit Romæ epistolam an. MDCCXI., quam Josepho Davanzate

nuncupavit. In ea se fore acerrimum dignitatis suae defensorem praedicabat. Tota vero ipsius defensio illo praesertim nitebatur fundamento, quod corporum gravium directiones haud sint inter se parallelae, verum omnes in terrae centrum vergant. Neque eo contentus Jordanus fuit, ut pro se ipse causam diceret. Multa praeterea senili quadam rabie criminose congestit ad deprimentam famam adversarii, quem talem esse affirmavit, ut cogitationes suas assequi non posset, minimeque propterea admirandum, si dum eas convellere voluit, in varios ipse inciderit errores. Credo ipsum postea poenituisse quod inhumane adeo provocaverit Grandium, eamque epistolam malis ominibus praelo datam votis lamentisque revocasse. Etenim alter cum finxisset ultorem esse injuriarum suarum Marium Caenigam discipulum suum, memoratam ad Interium epistolam iterum typis mandat, novisque annotationibus ornat, quod se improbare diceret illas, quae aliena manu ad mordendum praesertim Portium antea conscriptae fuerant. Tali modo, & id, quod intendebat, exclusio-

ribus rationibus confirmare, & quae contra objecerat Tambuccius refutare potuit. Quod vero tum ille, tum ejus praeceptor in minimis tenuissimisque rebus lapsi fuissent, id satis esse argumenti dixit, non plus eòs attingisse geometrise, quam pueri solent; hocque ut magis magisque hominibus comprobaret, Tambuccium ad solutionem cujusdam problematis (11) invitavit. Non recusavit Tambuccius doctrinae suae periculum facere, sed eo successu, ut edita *responsione ad Caenighianam epistolam* novis reprehensionibus causam dederit. Etsi non tam reprehensor Caeniga, quam acerbissimus accusator voluit videri in ea, quam ad Tambuccium hac de re scripsit, epistola. In hanc vero non solum retulit, quae Grandius, sed etiam, quae alii mathematici Hermannus, Fagnianus, Gallianus, & Lorenzinius excogitaverant invenerantque ad illud solvendum problema, addiditque etiam in fine nonnulla sane utilissima ad Locorum geometricorum doctrinam spectantia, ut compensaret, credo, offensionem, quam plerique ex hujusmodi scriptis querelarum & jurgii plenis excipiunt.



Ex iis, quae sunt in extrema epistolae pagina apparet, dum haec typis imprimerentur, secundo in publicum prodiisse Tambucium partim emendantem, partim, ut est hominum vulgus, confirmantem veteres errores suos. Quid quaeris? Taeduit tandem Grandium cum imparibus adeo se dimicare adversariis, & finem huic disputationi facere se debere putavit illis de Quintilio Varo Horatianis versibus.

*Si defendere delictum quam vertere mallet;*

*Nullum ultra verbum, aut operam sumebat  
inanem;*

*Quin sine rivali teque, & tuta solus amaret.*

Non tamen dissimulare postea potuit Grandius sibi, quae acta fuerant, displicuisse, praesertim cum rumor esset, summum dolorem, quem in hac disputatione cepit Jordanus, mortem ei attulisse. Sed nunquam ego sum adductus ut istud credam; & ea quae extremo tempore vulgavit Jordanus, non mediocria dedere indicia mitigati animi sui in Grandium (12). Dedere & aequitatis cum professus fuisset plura falsa & plena erroris esse in epistola; quam supra commemoravi-

mus, ad Davanzatum. Ut vero par pari referret Jordanus Tambuccii nomine proposuit Caenigae bina problemata, quae nunquam fuisse soluta falso affirmavit is, quem habuit rerum suarum scriptorem (13). Etenim minime in manus ejus pervenerant dialogi quidam, in quos conjecta fuerat illorum problematum solutio, quosque exaravit Grandius, cum inter se & Alexandrum Marchettum mathematicarum disciplinarum in Academia Pisana Doctorem orta esset acerrima sane contentio. Hujus initia, & tanquam semina fuerunt invidiae sensus, qui solebat lacerare Marchettum; praeterea spes filio erepta succedendi muneri suo, postquam Magni Etruriae Ducis mathematicus dictus est Grandius; denique hujus hominis liberior quaedam licentia, qua de mathematicis Marchetti scriptis judicium ferebat. Erant & malevoli, qui, rumoribus improbiis dissipatis, nascentia odia inflammare studebant. Haec inclusa aliquandiu intra unius urbis moenia, postea in apertum erupere. Nam Marchettus vulgata verbosiore, quam vel ipsius fautores voluissent, epistola ad Bernardum Tre-

visianum, jure se de Grandio queri posse putavit ob ea, quae de se ille scripserat, cum secundo edidisset librum *de quadratura circuli & hyperbolae*, quæque nos in commentariolum de vita ipsius Marchetti retulimus. Quae huic tam loquaciter litigioso responderit Grandius eodem in loco significavimus, neque talia esse putamus, ut iterari singula debeant. Non enim tam se ipsum defendere voluit, quam proterere & conculcare adversarium, cujus in libro *de resistentia solidorum*, quo maxime is gloriabatur, triginta & ultra propositiones partim falsas, partim non bene declaratas, partim male demonstratas corrigendas suscepit. Quod vero ad duo illa capita spectat, in quibus maxime versari disputatio videbatur, de solido parabolico aequalis ubique resistentiae, etiam cum utrimque fulcitur, & de infinitis *zeris* ad quamlibet finitam quantitatem generandam idoneis, in quorum altero Marchettus Galilaeum emendaverat, alterum exprobraverat Grandio, hic quidem nihil non egit, ut illa infirmaret atque dilueret; sed quam vere, ii facile judicabunt, qui utrumque lega-

runt. Quatuor in hac controversia dialogos scripsit Grandius, quorum primum tantummodo in vulgus edidit, reliquos edere ab Academiae Pisanae Curatoribus prohibitum. Ex his tamen multa sumpsit ad componendum librum, quo se, Galilaeum & Vivianum purgandos arguendumque Marchettum putavit. Nonne id agendum nobis fuit, ajebat Grandius, ut materiem subtraheremus insolentiae illius, & summorum virorum famae consuleremus? Interpretatio sententiae Galilaei ad illam errorem liberandam plus acuminis, quam veritatis habet. Quidni potius confessus est Grandius lapsum quidem Galilaeum fuisse, quod putaverit solidum parabolicum non ellipticum requiri, ut fulcris utrinque impositum ubivis aequaliter resistat, sed hujusmodi erratum facile ignoscendum esse homini, qui primus omnium difficillimam utilissimamque scientiam, quae ad corporum resistantias pertinet, omnino genuit? Dum haec tractaret Grandius, nonnulla ex interiori geometria petita addidit, atque attulit de suo, quae mirifice amplificasse hanc mechanices partem merito judicavit. physi-

cus summus Musschenbroekius (14). Non-  
aeque tamen placuerunt nonnullis praecla-  
rissimis viris, si Leibnitium aliosque pau-  
cos excipias, quæ de creatoribus suis *zeris*  
in medium protulit; reprehensusque a Vari-  
gnonio & Wolfio fuit, quod *zerum*, ut i-  
psi loquebantur, *absolutum* pro *relativo* su-  
mere videretur. At vero eorum, qui a Gran-  
dio stabant, haec erat ratio defensionis: cum  
ille infinitum nominabat, nullum aliud infi-  
nitum, quam maximi ordinis designasse; eo-  
demque pacto, quoties *zerum* diceret, toties  
infinitesimum infimi ordinis intelligi voluif-  
se, quod ex ejus sententia idem erat ac ni-  
hilum absolutum: hoc autem multiplicato  
cum maximo infinito non videre se, quare  
non idem gignere deberet, quod simul gi-  
gnunt infinitesimum & infinitum primi or-  
dinis, vel infinitesimum & infinitum secun-  
di, vel ceterorum ordinum, id est eandem  
unitatem. Illud & addebant, quod omnium  
maximum argumentum ad rem suam proban-  
dam fortasse putavit Grandius. Dividatur u-  
nitas aliquo numero, habebis fractionem eo  
minorem; quo major est divisor, adeo ut

si hic in infinitum crescat, ipsa abeat in nihilum. Quia vero fractio cum suo divisore multiplicata eundem divisum numerum reddit, hinc si qua fractio ob infinitum divisorem ad nihilum redacta cum eodem divisore multiplicetur, unitatem restituere debbit. Jam si divisor ponatur esse infinitum maximi ordinis, quae hinc oritur fractio, erit infinitesimum ejusdem ordinis, idest *zerum*, quo proinde in divisorem suum multiplicato, priorem unitatem restitui necesse erit. Mitto argumentum alterum e natura logarithmorum sumptum, quod eodem vitio, atque allatum, laborare videatur. Extremo in libro nonnulla emendavit Grandius de metamorphosi curvarum a se proposita in opere *de quadratura circuli & hyperbolae* (15), neque id tam veritatis amore fecit, quam ut adversarios occasione reprehendendi sui privaret. Et sane ingenua isthaec confessio, nec non cohortationes Fratrum Manfrediorum averterunt Iosephum Verzaliā a consilio scribendi adversus Grandium; quod se velle facere, epistola quadam edita Caesenaē, palam fuerat professus. Sed ut ad Mar-

chettum redeat oratio, is quidem, quoad vixit, garrire atque obloqui non cessavit; cumque non tam argumentis, quam dicacitate cum ipso certaret Grandius, nullam amittere velle occasionem ad illum ulciscendum videbatur. Praeter cetera examinandum suscepit Calendarium ab ipso editum, collegitque quamplurima non modo acute, sed etiam ridicule & facete, ut in publico deridenda proponeret. Profecto si adversarii dignitati pepercisset Grandius, magis ipse servasset suam; meminisseque debebat viros bonos malle commemorare, se cum vincere possent pepercisse, quam cum parcere possent vicisse. Duravit isthaec concertatio ad annum usque MDCCXIV., quo tempore Marchettus diem obiit supremum, vacuumque fecit Grandio mathematicarum disciplinarum cathedram, in qua, ut diximus, praecipua constitit causa inimicitiarum. Subinvidere Marchettus filius, aliique, sed frustra. Intelligebat enim Cosmus Magnus Dux neminem esse in Etruria, qui ex mathematica laude aspirare ad Grandium posset; quapropter e re sua fore putavit, si

ejus opera uteretur non modo in docendū munere, sed etiam in omnibus iis rebus, quae mathematici prudentiam requirerent. Erat controversia inter nobiles quosdam Florentinos, num ad pistrinum faciendum in flumine Era construi posset genus illud cataractarum, quod nos dicimus *Pescaje*, quin ex ea re alvei elatio, majusque alluvionum periculum posset timeri. Jussus Grandius a Cosmo sententiam suam exponere certissimis argumentis probavit, si id fieret, periculose fieri; ex ejusque consilio judices pronuntiaverunt. Tria in hanc rem vulgavit scripta, confutavitque praesertim levitatem opinionum Rondellii, qui ex contraria parte haud pauca in medium attulerat. Ea sane opinio erat Grandii, turbidum quemque amnem, si cataracta quapiam per fundum ducta detineatur, materiam deponere, novumque fundum sibi substernere; idque extra controversiam est: quod autem in dubium revocari potest ad formam novi alvei spectat. Putabat eum a summa cataracta ad superiora ferri ea lege, ut alveo veteri fere parallelus fiat. Quam in rem ita ratiocinabatur. Constat



stat iter omnes fluvium certa velocitate, quam certa facit ab initio ad finem devexitas, opus habere, ut quidquid terrae aut ponderosioris materiae admixtum ei est, secum rapiat. Si velocitas illa minuatur, deponet materiam, & alveum attollet. Jam vero quis non videt, fluvium interposita cataraeta retardari? Igitur materiam ad fundum dejiciet, primum quidem pone cataraetam ipsam, donec cavum repleat usque ad cataraetae fastigium; & alveum sibi muniat longo tractu horizontalem; deinde cum segnius adhuc labatur, propterea quod nihil in hoc tractu devexum habet, eaque segnitie ad superiores quoque aquas transferatur; materiam & per hunc, quem diximus, tractum, & per totum superiorem alveum aliam atque aliam dejiciet; neque desistet, donec declivitates omnes adipiscatur, quas ante habuerat; has enim adeptus velocitatem recuperabit suam, & admixtam sibi materiam secum deferet. Atque his sane novus fiet alveus, qui a summo cataraetae fastigio ad ultimam usque fluvii originem protendetur, vel certe ad cataraetam usque superiorem

si qua sit, ibique cum alveo veteri conjungatur, & hunc ipsum veterem alveum devexitate & flexu omni imitabitur. Sic disputabat Grandius, cujus argumenta perpendens Joannes Baciallius homo mathematicarum rerum scientia excultus vix aliquid invenit, quod concederet. Nam neque alveus a summa cataracta usque ad originem fluminis, aut ad cataractam aliam superiorem attolli creditus ei est, neque ibi alveo veteri occurrere, neque declivitates easdem, quas ante habuerit, sibi componere; neque omnino ad altitudinem evehi tantam, quanta putabatur. Quae ipse exposuit ad opinionem suam comprobendam, non multum ab iis aliena, quae Eustachius Manfredius hac eadem de re rogatus sententiam ipsi Grandio objecit, legi possunt in parte I. voluminis II. Commentariorum Academiae Bononiensis. Interrogatus Grandius a Francisco Ferronio de iis, quae conducere putabat ad exsiccanda ipsius praedia posita in Valle Nebulae, tribus editis scriptis ostendit, quae commoda ex derivatione turbidarum aquarum in eadem praedia sperari potuissent, & quae detrimen-

ta non bene antea institutae derivationes vicinis agris intulerint. Agros Pisanum, Grossetanum, aliaque loca saepe jussu Principis invisit; saepe etiam caeli salubritati civiumque utilitati consuluit. De reducendo Rheno in Padum multum est ac diu Romae consultum, disputatumque acerrime Bononienses inter & Ferrarienses, cum eadem de causa surrexissent quoque cum clamore Veneti, Mantuani, Mutinenses, Parmenses, ceterique Cisalpinae Galliae populi pene omnes. Harum disputationum causa cum facile Grandius impetrasset a Cosmo, ut sibi ab Etruria, postulante praesertim Summo Pontifice, abesse liceret, Romae fuit toto ferme an. MDCCXVI.; favitque plurimum & voce & scripto Bononiensibus. Neque id re incognita fecit. Antea enim cum Dominico Riviera Praefule amplissimo inviserat loca, unde averti, & per quae deduci Rheni aquae debuissent. Invisit iterum annis MDCCXIX. & MDCCXX. cum Praefule Rinuccinio, & tertio demum an. MDCCXXIX. invitatus a Bononiensibus. Ea tota causa fuit Grandio de jure Bononiensium dicen-

dum, demonstravitque ex deductione aquarum Rheni in Padum nullum illatum iri damnum Ferrariensibus, multoque minus iis Cisalpinæ Galliae populis, quæ loca superiora incolebant. Sed expediebat maxime Ferrariensibus terrores aut excitare, aut nutrire, quo facilius Pontificum animos a postulationibus Bononiensium averterent. Quid non modo solertia, sed etiam machinatio potuerit ad irritas reddendas incredibiles impensas & operas, minime hoc loco commemorandum esse arbitramur. Iis de causis sæpe Grandio congressus & colloquia fuerunt cum nobilioribus hydraulicis, omnibusque ostendit quantum aquarum scientia excelleret. Solebat vero dicere Eustachius Manfredius neminem se nosse, quem Grandio hac eadem scientia compararet, ei nimirum homo modestissimus tribuens, quod sibi merito potuisset arrogare. Vincebat enim omnes usu, diligentia atque prudentia. Praeter quam quod videbatur interdum Grandius nimium indulgere & concedere geometriae & calculis, qui quidem partes agere debent in re aquaria, sed minime primas. Etenim naturæ experimentis

res univërfa præfertim subniti debet. At si  
fefellit nonnunquam Grandium geometria, sæ-  
piſſime eundem direxit ad veritatem, ut mi-  
hi utrumque collaudandum eſſe videatur,  
quod res hydraulicas pertractans ſuis erratis  
cautiores & præclaris inventis prudentio-  
res fecerit homines. Idem vero & de ipſa  
ſcientia, deque Italia, cujus illa eſt propria,  
præclare meritus eſt, cum auctor & adju-  
tor fuiſſet Thomæ Bonaventurio ad perfi-  
ciendum opus, quod inſcribitur *Raccolta di*  
*Authori, che trattano del moto dell' acque*. Ab  
Archimede initium faciendum ipſe putavit;  
obtinuitque a Jo. Bottario politiſſimo ſane  
ſcriptore, ut in Italicum converteret, quod  
ad nos pervenit, ejusdem opus de rebus iis,  
quæ aquæ inſident. Contulit vero ipſe plu-  
rimum laboris ad contexendum librum, qui  
valeret non ſolum ad augendam collectio-  
nem illam, ſed etiam ad hydrometriam au-  
plificandam. Sunt in eo nonnulla, quæ non  
ſemper cum experientia congruunt; quæque  
propterea ad calculos geometriæ fruſtra re-  
vocaveris. Sunt vero alia multa & ſubtiliter  
inventæ, & eleganter firmèque probata, qui-

bus saepe cum laude Grandii usus est Eustachius Manfredius in illis suis doctissimis commentariis ad aureum Gulielminii opus de fluminibus dirigendis. Prae ceteris plurimi facere videtur locum tractatum uberrime de impetu aquae in aggeres ad cursum aquarum quomodocumque inclinatos, quo in loco demonstrat Grandius vim, quam aqua in eosdem aggeres exercet, se habere, ut aggeris longitudo, quadratum sinus inclinationis, nec non quadratum velocitatis aquarum. Multo ante a se meditata attulit Grandius ad definiendam velocitatem aquarum, & hanc subduplicatam esse altitudinum declaravit. Huic vero innixus principio confecit tabulam parabolicam, cujus ope velocitates & quantitates aquae e vase effluentis diversis altitudinibus respondentes inveniri possent. Arbitratur aquam prodire e vasibus eadem velocitate, quam decidens corpus e suprema aquae superficie in locum foraminis acquireret. Inaequalitas fundi & riparum ex ejus sententia parum aut nihil fluminum cursum retardat. Secutus exemplum Bernardini Zendrinii, & Joannis Bernoullii transfer-

re se posse putavit ad motum fluminum, quae de virium compositione & resolutione tradiderunt mechanici. Inclinabat animus illius, ut arbitraretur fluminum fundum ad cycloidis formam excavari, quod haec sit curva linea celerrimi descensus, quodque aequalibus prematur ubique momentis. Haec & alia hujusmodi dum proferret Grandius, non dolere debebat, ut doluit interdum, si quispiam ab eo dissenserit. Profecto in hoc rerum genere omnis cognitio multis est obstructa difficultatibus, eaque est in ipsis rebus obscuritas, ut non sine caussa e doctissimis viris nonnulli invenire se posse, quod cuperent, diffusi sint; alii vero, sicuti Alembertius, omnia ea, quae sciri queant, ad duo vel tria capita redigi debere putaverint. Sed id satis superque de hydrometricis Grandii scriptis: non enim omnia, quae exaravit, enucleanda, & quae gessit aut Principis jussu, aut aliorum invitatu commemoranda esse existimavi. Neque vero Bonaventurio tum primum auxilio fuit. Etenim magna in eum Grandii merita jam ante constiterant, cum ipse novam operum Galilaei

editionem perficiendam suscepisset. Praeclarum consilium, atque omni quidem laude dignum, eo praesertim tempore, quo potentes religiosi viri in Etruria, ut & alibi, quasi noctem quamdam rebus physicis indignissime offuderant. Suscepit Grandius curam cogitationemque dignam doctrinae suae, ut, quae inchoaverat Vivianius *de Resistentiis* ad illustranda hac de re Galilaei cogitata, ipse perficeret & in ordinem redigeret. Reddere voluisse videtur Vivianio, quae Apollonio & Aristaeo ipse praestiterat. Versatus erat eodem in argumento, ut supra posuimus, antea Grandius, cum edito libro respondisset graviter contra Marchetti accusationes. Et quidem tum demonstravit, qua ratione infinita solida aequalis resistentiae inveniri possent five ex una, five ex utraque parte in muro figerentur; five ratio haberetur, five non, eorundem ponderis; five partes ejusdem solida five plura & diversa solida ejusdem nominis inter se compararentur; cujus rei omne artificium in accurata consideratione duarum figurarum, a quibus solida genita esse intelligere possumus, consistere videtur. Transtulit



haec omnia Grandius in novum opus, quod injuria fortasse dixeris supplementum Vivianei, adeo sunt multa, quibus illud ornavit, quaeque attulit non solum ad illustranda, elegantissimisque demonstrationibus confirmanda, sed saepe etiam ad illius cogitata dividenda. Neque est credibile, quam multa quoque ei venerint in mentem acuta atque subtilia, cum nonnulla, quae Vivianius minus bene declaraverat, defendenda atque excusanda suscepit. In his excudendis noluit Grandius egredi fines, quos sibi Galilaeus & Vivianius constituerant, eaque propter in revocandis ad geometriae calculos solidorum corporum resistentiis nullam rationem habuit illorum texturae, flexibilitatis, viriumque, quas corporum fibrae exercent, quanquam intelligeret ea omnia expendi & probari debere in tractatione artis atque usu. Nihil enim ex iis est, quod non ad opus faciendum, quasi ad scopum collineet. Dum haec scribit, exulcerati animi prodit indicia: neque enim ita sibi imperavit, ut non aliquibus responderet sibi a Marchetto objectis, quamvis responsione indigna videri potuiss-

sent. Cetera suppeditata a Grandio, quae comitantur operibus Galilaei, non minorem laudem merentur. Spectant ea ad motum solidorum corporum in fluidis, & praesertim ad illustranda decreta Galilaejana de accelerato motu cadentium corporum. Accurate definivit plana & scalas virium, velocitatum, temporum & spatiorum, seu constans, seu varia sit gravitatis actio, sive per rectam, sive per curvam lineam corpora ipsa cadant; ostenditque mirum Galilaejanarum legum usum vel in majoribus a centro distantis, in quibus locum habere possit gravitatis varietas. Inter multa praeclara a Grandio hoc in loco demonstrata illa praestantissima merito judicantur; quae ad celebre problema de linea *Brachystochrona* pertinent. Nemo ignorat Galilaeum putasse lineam celerrimi descensus circulum esse, quod erratum facile ii excusabunt, qui animadvertent, quae sit rei difficultas, & quo in statu temporibus illis esset geometria. Primi, qui palmam in hoc stadio tulere, fuerunt Joannes & Jacobus Fratres Bernoullii, Newtonus, Leibnitius, & Hospitalius; sed nemo eorum arbitratus

est ad id, quod volebant, perveniri posse via veteribus geometris usitata. Hanc secutus est Grandius felicissime; nec sane dubito, quin si exposita ab ipso pervenissent ad manus Joannis Bernoullii, idem dicturus fuisset, quod accepta, quam Newtonus fecit, ejusdem problematis solutione pronuntiavit, *se nosse leonis unguem*. Vulgatus deinde liber est de sectionibus conii anno MDCCXXII. in eoque pressius & clarius a Grandio tradita, quae invenerat Apollonius. Mirabitur fortasse aliquis hominem, qui longe plurimum in geometricis rebus valebat, descendisse ad elementa scientiae tradenda. Sed ipsum non tam propria gloria, quam publica utilitas delectabat: quanquam ex eo labore plurimum cepit gloriae. Etenim non solum celebriores Italicae scholae, sed etiam exterae complures utilissime illo se uti posse judicarunt, quod neminem parem haberet elegantia & copia rerum cum brevitate conjuncta. Fit initium a relationibus, quae sunt inter *ordinatas* ad axem ejusque *abscissas*; hinc prodit theoria tangentium, a qua deinde progressio fit ad *ordinatas*, ad diametros

qualvis . Porro *foci* determinatur cum proprietatibus inde pendentibus , compluribus adiectis , quae recentiores invenerunt . Quae spectant assymptotos hyperbolarum plane cumulateque , & pro rei dignitate explicantur . Ubique vero , quae generalia sunt & tribus sectionibus communia , unica propositione comprehenduntur , unica item demonstratione probantur . Sub finem libri dimensiones variorum spatiorum ac solidorum , parabolicorum in primis & hyperbolicorum subjiciuntur , & plerumque per indivisibilia , interdum etiam per spatia *differentialia* , sed synthetice ubique demonstrantur . Commendationi libri magnus cumulus accessit , quod ex Italico in Hispanicum , & semel iterumque in Latinum sermonem conversus sit ; quodque additamentis & notis Christianus Hausenius , & Octavianus Cammettus , alter in Lipsiensi , in Pisana Academia matheos Professor alter , ipsum adornarunt . Paulo postquam haec edidit Grandius , dono misit Regiae Londinensi Academiae libellum , cui nomen inditum *Florum geometricorum manipulus* . Lectionissimi sane flores , quos geometriae hortus

a prima adolescentia ab eo cultus, & semper auctus suppeditaverat. Horum nomine ipse signavit figuras, curva linea quadam per aliquot foliorum ambitum ab uno centro se se explicantium ducta, circumscriptas. Habet vero pro numero foliorum flores *bifolios*, *trifolios*, *tetrafolios*, *pentafolios*, *exafolios*, quibus methodi gratia addit *unifolios*. Lineae, quae flores generant, *Rhodoneae* ab ipso appellantur. Hae autem per terminos incedunt infinitorum ramorum ab eodem centro prodeuntium, nec non aequalium sinubus angularum in data aliqua ratione respondentium angulis, quos ipsi rami cum recta datae positionis comprehendunt. Constans illa angularum ratio *Rhodoneae* ipsius ratio propria appellatur. Simplex *Rhodonea* est, quae unica perficitur circulatione, duplex quae duplici, triplex quae triplici, atque ita deinceps. Ejusmodi *Rhodonearum* proprietates praecipuas elegantissime enucleat Grandius, spatia & perimetros dimetitur, omnia XII. propositionibus complectens. Harum proprietatum ea maxime commemorabilis mihi videri solet, quod *Rhodonea*, quae unica cir-

culatione perficitur, dimidium sit ejus circuli, a quo circumscribitur; quae vero binis, aut quae ternis circulationibus gignitur, ea duorum triumve circulorum dimidium aequet, idemque proportionem de reliquis dicto. Ad haec nonnullas earum partes, quin etiam integros flores exhibet, qui absolute quadrari possint. Erat haec spinosa quaedam tractatio atque aspera, quam tamen expeditam explicatamque reddidit industria sua; calculis praesertim longissimis ad synthesisin reductis, qua in re mira ejus perspicuitas, elegantia, brevitatis fuit, & quasi bonum illius ingenii proprium atque perpetuum. An vero natura cum flores atque arbores alit, succum iis alimentumque sufficiat ea lege, quae ad Rhodoneas generandas maxime est necessaria, hujus rei per investigationem physicis integram reliquit. Et tamen ita rem esse inclinabat animus ut crederet; eo quia facilis & prona sit ejusmodi curvarum ab circulari figura derivatio, ac verisimile sit nutrientem humorem in orbem diffundi. Haec si stent, illud consequi videbat, plantarum figuram aliam esse in seminibus, a-

liam in ipsis plantis maturitatem consecutis . Etenim Rhodoneae nondum evolutae nil nisi circulos imitantur . Exceptus cum approbatione plausuque omnium liber animos Grandio addidit ; quare altero libro alios flores complexus est , sive curvas alias , quas honoris causa dicavit Claeliae Borromaeae ingeniosae juxta ac nobili feminae ; eamque ob rem *Claelias* appellavit ; quarum generatio a Rhodoneis superficie tenus differt , quod illae in curva , hae vero in plana describantur . Id vero ad detegendam illarum cum his convenientiam mirifice prodest , eo quod applicationi innitatur plani ad innumeras superficierum curvarum species ; sicque geometrica illa apparet simplicitas , qua a planis ad solida gradus fit , & quae maxime ad generales constituendas methodos conducit . Est autem Claeliarum genus unum , quod maxime consentit Velis a Viviano quadratis , de quibus supra mentionem fecimus ; idque contingit cum constans angulorum ratio , qua determinantur finus , per quorum extrema curva linea ducitur , est ratio aequalitatis . Adjecit ope-

ri corollarium, quo nova traditur *mesolabiæ* construendi ratio ad geminas proportionales expeditissime inveniendas. Utraque pars operis in lucem edita an. MDCCXXVIII. postero deinde anno in Italicum e Latino conversa studio Thomae Narducci Patricii Lucensis, viri in omni geometriæ parte præstantis, Lucaeque recusa est. Accefferunt quaedam ab Auctore ipso additamenta, ex quibus aliisque indiciis intelligere possis, in his inventis valde sibi Grandium placuisse. Auxerant etiam iis dignitatem nobiles Angliæ Mathematici, qui Rhodoneas illas miris laudibus ornarant, atque in *Transactiones Philosophicas* retulerant duobus continuis mensibus Quintili & Sextili an. MDCCXXIII. Neque tum primum decoratum est ab Academicis Londinensibus Grandii nomen. Ab eo enim tempore, quo ipse in Academiam fuit cooptatus, arbitratus est posse suo jure quodammodo sibi vindicare, ut quaecumque mitteret probarentur, & civitate donarentur. Multum valuit ad conciliandam hanc doctrinae opinionem *Epistola geometrica in systema sonorum Narcissi Archiepiscopi Armachani*, quam  
roga-



rogatu Laurentii Magalotti scriptis, quaeque  
 relata fuit in volumen *Transactiōum* annū  
 MDCCIX. Secundo & tertio auctiorem postea  
 edidit Grandius, quod ea non mediocriter  
 gloriaretur. Et merito quidem, cum mini-  
 me ignoraret illam maxime probasse New-  
 tonum & Halleyum, ejusque commendatio-  
 ne praesertim factum esse, ut ipse in Aca-  
 demiam adscisceretur. Proposuerat Narcissus  
 problemata quaedam, quae maxime idonea  
 putavit ad acusticam provehendam, analo-  
 gia ducta ab iis, quae de propagationum  
 reflexione & refractione lucis iis temporibus  
 demonstrata fuerant. Aenigmata potius quam  
 problemata dixisses; obscure adeo propone-  
 bantur, ut ne inspecta quidem, quae iis  
 adjuncta erat, figura, Auctoris mentem asse-  
 qui te posse putares. Hanc divinare aggres-  
 sus Grandius existimavit Narcissum in ea  
 fuisse sententia, sonoras undas in hyper-  
 bolis sinuari concentricas, ita ut spatium o-  
 mne, in quod diffunditur sonus, sit soli-  
 dum hyperbolicum, cujus basis sit terrestris  
 hemisphaerii superficies, altitudo vero ipsius  
 terrae diameter. Hac re posita investigavit,

quas in curvas inflecti deberent radii phonici, ut omnes eodem tempore ad hyperbolici hujus spatii fines appellerent; invenitque has esse alias hyperbolas, quibus undae omnes sonorae ad perpendicularum secentur. Neque hac investigatione contentus Grandius, quaesivit etiam qua proportionē aeris densitas in diversis a tellure distantis decresceret, si quidem radii phonici eidem ac radii lucidi refractionis legi obtemperantes in memoratas hyperbolas flecterentur; deinde, quae foret lex refractionis, si dum radii phonici in easdem flectuntur lineas, aeris densitas eadem proportionē cum augescēte a tellure distantia decresceret. Ex his plura infert jucunda quidem & ingeniosa, minime vero ad usus physicos transferenda; nam, ut ipse Grandius initio epistolae animadvertit, luminis ac soni proprietates immane quantum inter se discrepant. Quae adhuc retulimus Grandii geometrica scripta talia quidem sunt, ut eum in magnorum geometrarum numero collocent; si vero ea praesertim spectes, quae ante annum MDCCX. exaravit (nam post id tem-

pus visus est nonnihil in suo cursu confis-  
sisse ) non dubitabis quidem cum nobiliori-  
bus, uno alterove excepto, qui iis. temporibus.  
exitere, geometris ipsum comparare. Quaerebant  
ex ipso multi, insulse sane & stulte, cur tantum  
laborem in geometriam infunderet? His vero  
respondere solebat aut vulgato & noto Galilaei dicto. (16) aut  
explicatione earum rerum, quas ipse, alique,  
geometria duce, ad reipublicae. c. mmoda  
procuranda contulerant. Sed etiamsi nulla  
esset utilitas, addebat ille, ex geometria,  
ipsa tamen propter se ipsam, amari & excol-  
li deberet. Quanti enim illud faciendum est,  
simplicem veritatem non longe & obscure,  
sed prope, aperte & palam intueri? Qua tu-  
tiori regula metiri possumus ingeniorum vim  
tum in investigandis rebus, tum in judican-  
dis? Quo majore subsidio hujusmodi natu-  
rae bonum acuere & alere? Nulla unquam  
aetas de laudibus Archimedis conticescet; in-  
venta geomerica Newtoni & Cartesii omnium  
mortalium fama celebrabit, cum tamen obli-  
vio inobscuraverit nomina multorum, qui ar-  
tes non modo utilissimas, sed etiam neces-

sarias casu magis quam prudentia ducti aut invenere aut perfecere. Quamvis Grandius praecleara adeo de geometria judicia faceret, non tamen geometrae personam tantummodo induit; nam & theologi & antiquitatis investigatoris nomen sibi ipse merito arrogavit, & in suis libris inscripsit. Mirum vero quantum in his quoque studiis elaboraverit; & immensa saepe collegerat ad annales Camaldulenses, & non pauca ad historiam Academiae Pisanae, invitantibus Moderatoribus, contexendam. Distrascebatur quoque ejus industria in minima quaedam, quae indigna fortasse viro philosopho videbuntur; & miraberis certe geometricarum rerum in Italia principem investigasse diligentissime, quo pilei genere olim Monachi, ac praesertim Camaldulenses usi fuissent; quot & quales fuerint moderatores alicujus coenobii, & horum similia. Adversus Jacobum Laderchium scriptorem vitae S. Petri Damiani dialogum exaravit, in quo omnes facile agnoscunt quam illitteratum & insulsum opus illud sit, quantaque esset insolentia atque fastidium Grandii, cum in hu-

jusmodi scripta incideret. Fingit sermonem esse inter duos adolescentes Gallos, quod Gallos scriptores quosdam, & Dupinium praefertim, male habuerat Laderchius. Editis quatuor *Colloquiis*, quae inscripserat, *Calculus*, *Ferula*, *Scutica*, & *Censura*, quantum addidit, cui nomen *Manubrium Scuticae*, sed postremum hoc minime in lucem exiit: omnia quidem oculi potuissent, quod nec rem ipsam probo, adeo ubique acerbitas dominatur, & elegantiam desidero. Non majori in pretio, ut ego quidem arbitror, haberi debent *epistolae apologeticae*, aliaque scripta, quibus sub Vitalis Martii nomine latens Fidelem Soldanium Monachum Vallis umbrosae oppugnavit. His Grandius confirmavit, quae de origine *Vallumbrosanorum*, ut ajunt, Monachorum tradiderat suis in Dissertationibus Camaldulensibus, & illud in primis, ex quo controversia nata est, S. Romualdum Magistrum fuisse S. Jo. Gualberti, & ante hunc *Umbrosa* in *Valle* habitasse. Habuit etiam Grandius, harum dissertationum causa, adversarios alios, & in his (reliquos enim haud commemorandos esse puta-

mus ) Apostolum Zenum. Editio hic scripto fane eruditissimo, probavit Grandium XVII. annis citius notasse tempora, quibus Petrus Urseolus Venetorum Dux ad Principatum pervenit, & eo se abdicavit. Quae cum starent, plura alia, quae Grandius in signandis temporibus ortus obitusque, gestorumque quorundam S. Romualdi affirmaverat, corruiere necesse erat. Quaedam ad Urseolum pertinentia emendavit Grandius in eo, quem de ejus vita vulgavit, libro an. MDCCXXXIII. rogatu Petri Garzonii Veneti Senatoris praestantissimi. Quod vero ad Romualdum spectabat visus sibi est posse in sua vetere permanere sententia. Aiebat enim Romualdum in vitam introiisse an. DCCCCXVII. & ab ea excessisse an. MXXXVII. quae decennio citius accidisse affirmabat Zenus. Ex multis, quas habuit Grandius, controversiis nulla profecto acrior & molestior fuit illa, quam ei Bernardus Tanuccius juris prudentiae in Pisana Academia magister intendit. Scripserat Grandius ad Iosephum Averanium Latinam epistolam, in qua multa fane collegerat idonea ad convellendam Henrici Bren-

manni, aliorumque opinionem, quae opple-  
verat Italiam, Pandectarum codicem, quem  
diu possedere Pisani, extitisse temporibus  
Justiniani Caesaris; hunc juris prudentiae the-  
saurum ipsos reperisse Amalphi, dum hanc  
urbem an. MCXXXV. depopularentur, & in  
patriam adsportasse; ac demum eisdem Pan-  
dectarum jure non antea uti coepisse, quam  
exeunte saeculo XIII. Porro certissimis anti-  
quitatis monumentis probavit Grandius a sae-  
culo XII. & ante Amalphitanam vastatio-  
nem Pandectarum juri Pisanos fuisse su-  
bjectos, & vel ante illa tempora juris Ju-  
stiniani cognitionem atque interpretationem  
nonnullis in Italiae locis, ac Bononiae prae-  
sertim, in honore fuisse. Hujus vero rei  
principium se invenisse gloriabatur in iis,  
quae Robertus e Monte Monacho Beccensis  
Coenobii ad Chronicon Sigeberti Monachi  
Gemblacensis addidit. Haec enim habet ad  
annum MXXXII. *Lanfrancus Papiensis, &*  
*Garnerius socius ejus, repertis apud Bononiam*  
*legibus Romanis Justiniani Imperatoris, operam*  
*dederunt eas legere, & aliis exponere.* Non  
acque certa statuere se posse dixit Grandius

de loco, unde Pandectae Pisae delatae fuere. Conjiciebat tamen aut Bononia per Bulgaram, aut Constantinopoli per Jo. Burgundium utrosque Pisanos juris consultos illas in Etruriam venisse, quam posteriorem conjecturam superiori praetulit Grandius, cum secundo epistolam suam typis commisisset. In hac quaedam esse putavit Tanuccius in se acerbè dicta ( nam antea facta erat offensusiuncula sive a Ζηλοτυπία, sive ab injuria aliqua, sive, quod probabilius est, a partium studio nata ) quae ulcisci & persequi statuit. Multa in publico proposuit ad attenuanda non modo adversarii argumenta, sed existimationem etiam & famam, quae perpetua obrui oblivione merentur. Studuit & concitare Pisanos in Grandium, criminans hunc ingratum injustumque fuisse, quod ipsos Pandectarum inventionis gloria privare tentaverit. Paria paribus sic respondit Grandius, ut se quoque defensorem nimium litigiosum concitumque ad rixam ostenderit. Cum vero in eo reprehensus fuisset, quod dixerit: *antiquiorem fortasse mentionem Pandectarum apud Petrum Blacensem occurrere, qui*



*floruit an. MCLX. nèc universum Digestorum opus, sed duntaxat ejus lacinias aut fragmenta innotuisse Ivoni Carnotensi & Gratiano, nihil non egit ut objecta sibi ab adversario, respondens ad singula, dilueret. Eo factum est, ut iterum prodierit in publicum Tanuccius, qui etsi pugnacissime defendit sententiam suam, Pisanos inventores fuisse Pandectarum, harumque perfectam cognitionem habuisse Ivonem, Gratianum, aliosque illorum temporum scriptores, rem tamen ita egit, ut excusans aestum quemdam gloriae & aetatis praeteritam acerbiter improbare videretur. Nihilo tamen minus edita a Tanuccio magis magisque incenderunt Pisanos in Grandium, adeo ut ipse verens populi natura asperi injurias & convicia aliquandiu domi se continuerit. Haec dolentes, qui Academiae praeerant, obtinuerunt a Magno Duce, ut ipse juberet finem aliquando scribendi fieri. Frænum aliquandiu momordit Grandius, mox impotentia elatus sub Bartoli Luccaberti nomine novum librum, Faventiae dum esset, vulgavit, quem ad rejicienda omnia adversarii dicta, & ad sua con-*

firmanda, plurimum valiturum sperabat. Is vero, ut Florentiam pervenit, magnos excitavit rumores, parumque absuit, quin publice, cum flammis jam esset damnatus, combureretur. Quamvis judicatum fuerit eruditius & elegantius, quam antea, tum Grandium disputasse, & multa protulisse ad illustrandam historiam juris prudentiae sane utilissima; nemo tamen approbavit, illum vulnera, quibus aliqua obducta esse cicatrix videbatur, refricasse. In eo etiam merito reprehensus est, quod ad conciliandam quibusdam dictis suis auctoritatem opusculum *de interpolatione Gratiani*, quod tum ex sua officina exhibat, finxerit a Diomede Brava Patricio Trānenſi confectum fuisse, editumque Bononiae an. MDCXCIV. Nihil severe pro rei indignitate respondit Tanuccius; plurimumque ii laudandi sunt, qui pacem inter hos viros honoratos & in Pisana Academia principes conciliarunt. Pacis conditio fuit, ut se abſtineret Grandius a confutando libro Jo. Baptistae de Vico *de novae scientiae principiis*, cujus auctoritate abusus erat Tanuccius. Neque hoc solum fecit, sed nullum etiam respon-

sum dedit Brenemann, qui Grandium ipsum & Schwarzium in Academia Altorfiana professorem ( plura enim sibi cum hoc conveniebant ) resellendos susceperat. Ad eas laudes, quas Grandius a multis, & praesertim a Ludovico Muratorio & Uberto Benvoliento accepit ob convictos vulgares errores de inventione Pandectarum, & ob bene declaratum tempus, quo valere & vigere coepit in Italia Justinianeum jus, addidit plures suas; existimavitque posse eadem de se praedicare, quae de Augusto effert Macrobius. *Soleo*, inquit ille, *in Augusto magis mirari quos pertulit jocos, quam ipse quos protulit; quia major est patientiae quam facundiae laus; maxime cum aequanimiter, aliaque etiam joci mordaciora pertulerit*. Cum iis, quas diximus, controversiis extincta esse arbitramur injusta Pisanorum odia in Grandium. Porro neminem facile reperies, qui aeque ac Grandius de illorum urbe atque Academia bene meritus sit. Narravimus supra praeclaris consiliis suis Pisani agri salubritati utilitatique illum prospexisse. Quidquid corrogabat pecuniae, Pisani coenobii commodis destina-

bat, quod per viginti omnino annos rexit; cuique bibliothecam satis copiosam, & pecuniam ad eam quotannis augendam legavit. Egit cum Muratorio, ut plura antiquitatis monumenta ab se collecta, quaeque Pisarum laudes mire illustrabant, ederentur. Illo consiliario & auctore astronomica Specula Pisis aedificata est; illo doctore tanquam ad mercaturam geometricarum artium quamplurimi ad Academiam veniebant; adeoque celebrabatur illius nomen, ut decus ac lumen ipsius Academiae esse videretur. Hujus optimorumque studiorum causam egit adversus calumniantes Jesuitas, a quibus doctores ii, qui a minutis insulsisque Scholasticorum disputationibus ad naturam contemplandam adolescentes traducebant, Catholicae religionis hostes vocabantur. Hortari illi non cessabant proficiscentes ad Academiam, ut si quando inciderent in Anatomicos, Chemicos, & Physicos praesertim, a quibus in experimentis habendis opera consumeretur, *avertent oculos ne viderent vanitatem*. Multa etiam stulte & arroganter conscripserat ex illorum numero quidam cognos-

mine Briga, ad rapiendos in invidiam Pisanos Doctores, cum Florentiae *Philosophiam novo-antiquam* ( sic enim inscribitur poema quoddam Thomae Cevae ) emisisset. Mentis enim angustae, humiles, Peripateticorum op-  
pletæ tenebris & sordibus nomina ipsa magnorum hominum, splendorem illorum gloriae nec intueri nec sustinere poterant. Facile autem fuit semidoctos quosdam trahere in suas partes, qui audaciam virtutis, furorem fortitudinis, temeritatem consilii nomine appellabant. In tanta rei indignitate minime silendum Grandius putavit, atque *Diacrisi* Latinis versibus conscripta, Praefationis & Poematis auctores levitatis convicit. Ex quo intelligi potest pluris illi fuisse Academiae, quam amici ( jamdiu enim amicitia conjunctus erat cum Ceva ) dignitatem. Cum natura impelleretur Grandius, ut prodesse vellet quamplurimis, in primisque docendo, rationibusque prudentiae tradendis, non est credibile quantos labores hujus rei causa pertulerit. Extremo autem tempore volens etiam post mortem consu-  
lere mathematicarum disciplinarum studiosis,

illarum elementa perficienda, & vulganda suscepit. Itaque in librum, quem *de sectionibus coni* edidisse diximus, plura utilissima addidit; neque ita multo post typis mechanicam commisit, in qua pauca desideres, quae ad sex antiquorum machinas, ad pendulorum motum, viresque percussionis & gravitatis pertinent. Nam opticam & algebram multo antea sic tractaverat, ut nihil absolutius & elegantius iis temporibus fieri potuisse videatur. Elementa item Euclidea in Italicum convertit; postea Institutiones arithmeticas & geometricas ex se genuit; in quibus postremis laudabis praesertim ea, quae spectant proportionem inter segmenta rectarum duarum a punctis extremis laterum cuiusvis anguli ductarum in latera opposita, atque inter eorundem oppositorum segmenta laterum. Hac in re adeo processit Grandius, ut Ptolemaeum, Theonem, Reinaltum, ceterosque longe post se reliquerit. Iis vero, quibus elementorum tractatio minus digna illius summa doctrina videbatur, respondere solebat; non segetibus solum & vineis res rusticas laetas esse, sed pomariis.

etiam & hortis, tum pecudum pascu atque apum examinibus, tum florum omnium varietate. Efferebatur vero laetitia cum contemplaretur uberes suorū laborum & vigiliarum fructus in optimae spei, quos instituebat, adolescentibus; tantumque aberat ab invidentiae sensu, ut, si quis eorum longius processisset, ipse esse vellet ejusdem doctrinae ingeniique praedicator & testis. Sunt in hanc rem testimonia, quae de Thoma Perellio ad Caelestinum Gallianum aliquando scripsit, quaeque hic, ne fraudare velle hominem summum debita laude videamur, subjiciemus (17). De Iosepho Vernacino Pisano narrabat, illum, dum adhuc esset ignarus earum rerum, quae de proportionibus traduntur (non enim ultra IV. Euclidis librum progressus fuerat) septem & quadraginta variis modis Euclidean de hypotenuſa propositionem per se demonstrare potuisse. Flevit Grandius vehementer de carissimi discipuli morte, quam Arni aquis merſus misere obivit, cum trium & viginti esset annorum (18). At si ipse caros habuit discipulos suos, non minus ab iis dilectus est.

Novi ego complures, qui, cum vivam illius benefactorum memoriam tenerent, hanc immortalem reddere studuerunt. Praeter eos, quos nominavi, Grandii discipulos silentio minime praetereundi mihi videntur collega illius Claudius Fromondus, homo quidem magnae doctrinae, sed novitatis mirum in modum sectator, quem in geometria domi tradenda interdum habuit diligentiae suae vicarium, & Thomas Narduccius, qui, quidquid sciebat, unice se debere Grandio profitebatur. Inter hunc & Grandium plura sunt scripta & communicata de physicis & mathematicis rebus, prodieruntque in lucem epistolae, quas Grandius ad ipsum dedit de viribus, ut Leibnitius loquebatur, vivis aestimandis. Secutus Cartesium ostendit has vires augeri eadem proportionē cum massa & velocitate; adeo infirmavit praecipuum, satisque notum Hermanni, quicum sibi res erat, argumentum, ut hunc, si minus de pristina sententiā deduxit, ejus tamen argumenti levitatem fateri coegerit; dogmata Camusii de viribus elasticas laminas comprimētibz aliqua ex parte emendavit; ac de-



ac demum falsum esse probavit argumentum, quod pro Cartesianis excogitaverat Lovillus, quodque Fontenellius in Parisiensis Academiae an. MDCCXXVIII. commentaria retulerat. Exquisita doctrina & singularis industria Grandii non solum discipulis suis, sed & omnibus iis, qui illas requirebant, profuere. Cujus rei plurima ex ejus epistolis proferrem testimonia, nisi vererer fatigare lectores. In Michaelis Angeli Tillii vita pluribus narravimus (19), quanto ei Grandius adjumento fuerit in quibusdam physicis experimentis habendis. Et physicae cultores omnes. fidelis naturae interpres, percuriosus, & minime mendax, sapientissimis consiliis monebat, videbatque etiam atque etiam ne cognitioni & experientiae assertio approbatioque praecurreret, quod praeposterum philosophandi genus tum in more positum Scholasticorum opera esse videbatur. Omnino sic habeto, neminem a consiliis dandis, postulatque faciendis districtiorem fuisse Grandio, qui hoc sapientis hominis esse putabat praestantiam doctrinae, quam quis consecutus esset, impertire suis atque

cum proximis communicare. Cum pro munere, quod illi sodales detulerant, invisere deberet omnia sodalitatis coenobia, studuit ubique optimarum disciplinarum amorem accendere; suoque exemplo potuit facile dormientes excitare, currentibusque stimulos addere. Utilia praesertim de studiorum ratione statuit Romae, quo concessit an. MDCCXXXIV. Hoc tempore Pontificis jussu cognoscere debuit de Galli cujusdam Episcopi litteris, quibus contendebat, adversus Caesariensis Concilii decreta fieri, si eo anno Pascha VII. Kal. Majas celebraretur, & XIV. lunam paschalem cadere in XV. Kal. ejusdem mensis. Scripto probavit Grandius minime novas esse hujusmodi expostulationes; sed Ecclesiam tenuisse semper atque servasse Nicaenorum Patrum praescripta. Quod vero ad XIV. lunam spectabat, hanc unice defensionem habuit, non videri illam incidere in XV. Kal. Majas, qui tum dies erat Saturni, sed in sequentem, quod circa mediam noctem contingeret. Ceterum hac in re Grandius Cassinii aliorumque summorum astronomorum sententiam secutus fateri minime dubitavit a perfe-

ctione abesse, quae Gregorius XIII. sciverat ad corrigendum Calendarium; & quoties in hunc sermonem delaberetur, solitus erat dicere, maximas laudes deberi Aloysio Lilio, mediocres Christophoro Clavio, & nullum esse cyclum, qui omni vitio careret. Dum agit cum Pontifice Grandius, oblata est ei occasio declarandi maximas utilitates, quae sperari potuissent, si ad exitum pervenissent consulta a se de derivanda ex Pado quadam portione aquae, cujus ope Rhenus facile ad mare usque fluere posset. Sententiam Grandii una voce & consensu approbarunt Bononienfes; sed Romani iudices, cum quadriennio disputatum esset, repudiarunt. Dona habuit Grandius a Pontifice, singularesque honores ab omnibus iis, qui haud erant ignari, quid valeat sapientia. Cum satisfecisset *Visitatoris*, ut vocant, muneri, & repulsam a suis summae dignitatis accepisset, Pisas remeavit, ubi si vitam otiosam sine labore & contentione ( & quietem profecto defatigatus illius animus postulabat ) traduxisset, minime fortasse in tanta, quantae perferre debuit, mala incidisset. Exeun-

te an. MDCCXXXVII. coepit vacillare memoria, idque malum brevi adeo crevit, ut aegre nomina eorum, quibuscum versabatur, meminisset. Nihilo tamen minus a schola, a studiis, & a scriptione noluit cessare, quae cum praestare sine summa difficultate non posset, non erant sine dolore & miseratione spectantium. Hujus infirmitatis signa dedit in epistolis, praefationibus & scholiis, quae tum addidit suis geometricis & mechanicis Institutionibus, ceterisque in rebus, quae scriptoris, non geometrae prudentiam (nam res ipsae adhuc in memoria haerebant) requirerent: quanquam intelligentium judicio pauca quaedam sunt etiam in iisdem mechanicis Institutionibus, in quibus Grandius errasse videtur. Cunctantem & prolatantem adhibere remedia ingens vis morbi adorta est, summaque debilitas consecuta exeunte an. MDCCXL. Stupor etiam paullo post ipsum oppressit, sic tamen ut intelligeret se miserrimum esse, & illam, quam tum vivebat, minime esse vitam. Hoc in statu cum sexdecim & amplius menses fuisset, mortem obivit IV. Non. Quint. an. MDCCXLII.

Quoad sivere tenues reliquiae virium rem  
sacram facere, & publicis precationibus a-  
desse voluit, quod religiosus homo pio Dei  
cultu unice se recreari diceret. Collegae il-  
lius non solum luctu, sed etiam pompa ex-  
equiarum, laudatione, & monumento mor-  
tuum honorarunt. In monumento vero hoc  
legitur elogium.

D. GUIDONI GRANDIO CREMONENSI.  
CAMALDUL. ORDINIS EXGENERALI.  
ANNOS XX. MONASTERII HUIUS ABBATI.  
IN PISANO LYCEO PRIMUM PHILOSOPHIAE.  
DEINDE MATHESIOS PROFESSORI CELEBERRIMO.  
GEOMETRAE NULLI SECUNDO.  
EDITIS INGENII PRAECLARIS MONIMENTIS CLARISSIMO.  
THEOLOGO SUMMO. PONTIFICII ET CAESAREI IURIS.  
HISTORIAE CUM SACRAE TUM PROPHANAE.  
PERITISSIMO.  
QUOD TEMPLUM HOC PRETIOSA SUPELLECTILE.  
MONASTERIUM AEDIFICIIS BIBLIOTHECA.  
PEDITIBUSQUE EIDEM ATTRIBUTIS LOCUPLETARIT.  
D. AUGUSTINUS FORTUNIVS FORZONIUS-ACQOLTIUS.  
MONACHUS.  
EIDEM BIBLIOTHECAE PRAEFECTUS.  
VIRO DE UNIVERSO ORDINE. DE LITTERARIA.  
REPUBLICA.  
DE SE OPTIME MERITO.

PERENNE GRATI ANIMI MONUMENTUM.

OBIIIT IV. NONAS IULII CIO DCCCXLII.

AETATIS SUAE ANNO LXXII.

Nunquam scribendi finem facerem, si omnia memoria digna de Grandio, quae superesse videntur, declarare vellem. Ad ea tamen, quae narravi, nonnulla addam, ne notior sit ejus in re litteraria labor, quam integritas consuetudoque vitae. Homo, qui se invictum a labore praestitit, tentari quidem, sed minime vinci a voluptate potuit, adeo ut iis etiam delectationibus renuntiasse videretur, quae ad vitae commoditatem jucunditatemque plurimum conducunt. Quare minime est mirandum si non multos habuerit amicos, quos casus magis studiorumque similitudo, quam voluntas & judicium ei conciliavit. In beneficiorum memoria gratus & pius cognosci voluit, & ipse benefica voluntate movebatur erga homines praesertim litteris deditos. Ex his nominabo Jo. Lamium, qui Grandii commendatione & precibus, hominis nobilissimi Pallavicinii a bibliotheca fuit. Libertatem vivendi, ut vel-

let, pronuntiandique iudicii ut sentiret in primis amavit, quod nullo esset artificio simulationis eruditus. Miror vero non parem illis, qui sibi contradicerent, libertatem largiri consuevisse, praesertim cum novitate in iis, quae ad historiam pertinent, ut in hac quoque re similis esset Newtoni & Leibnitii, delectaretur. Ab inferenda injuria alienus illatam fortiter propulsavit, solitus usurpare dictum illud Pythagorae, *vas acetarium remove procul abs te*. Nullam artem adhibuit ad colligendas laudes: praedicari tamen de se & nominari plurimum gaudebat, & interdum sua pleno ore laudabat. Quod vitium eo in loco, iisque temporibus, quibus nonnulli juniores Doctores de senioribus, prudentioribusque maledice, contumelioseque loquebantur, aliquid excusationis habet, prope ut concedendum, atque ignoscendum esse videatur. Et sane Grandio ampla laudum suarum materies poterant esse, quae ediderat, mathematica scripta, summorum virorum de iis testimonia, quae undique ab eo petebantur consilia, liberales invitationes Clementis XI. Sardiniae Regis & Veneti

Senatus, qui illius operam requirere, gratia & benevolentia Cosmi III. & Benedicti XIV., elogia nobilissimarum Academiarum, in quas cooptatus erat, flos juventutis ab eo institutae, quae narrans fiduciam se potius gestarum rerum & morum, quam arrogantiam prae se ferre arbitrabatur. Studia, quae sibi eximia & praeclara videbantur, quaeque ipse excoluerat, laudibus in caelum efferebat, cetera aut contemnebat, aut parvi faciebat, ex quo offensionem saepe excepit. Miraberis fortasse hominem moribus paulo asperiores & duriores & mathematicis disciplinis omnino deditum poesin semper amasse, & quantum ejus patiebantur occupationes, excoluisse: quanquam, mea quidem sententia, ea vis ingenii, qua quis in sublimiori geometria excellit, non multum discrepet ab ea, qua quis in poetica valet. Profecto facilis & expeditus erat Grandius ad pangeunda carmina (ex tempore etiam eum fuisse Italicos versus accepimus) & Latinas eclogas saepe Romam ad Arcades collegas suos misit, & interdum etiam ipse in eorum coetu tum Latina, tum Italica



poemata recitavit . Istorum nonnulla sunt in manibus, & ea laudari, non timens hominum assentationem, ad decus & laudem suam magni interesse putabat . Nihil quidem in vita magnopere est expetendum nisi honestas & laus; sed gloriae definiendi sunt modi, ab homine praesertim philosopho, de cujus laudibus omnium est fama consentiens . Sed ita erat natura comparatus Grandius, ut non raro in minimis res suas poneret . Quapropter minime est mirandum si magna contentione a Clemente XI. petierit, ut Abbas fieret, vehementerque doluerit, quod se honores petentem suffragiis suis collegae praeterierint, quasi non repulsam, sed ignominiam, etiam calamitatem retulisset . Parce sobrieque & ad majorum disciplinam vixit . Corpore crassiori fuit, commoda statura, naso amplo, crine rubro, liberali facie, sed deformitas apparebat in incessu omniique corporis motu . Prima specie bonum libenter dixisses, magnum non item . Ejus similem formam incisit Antonius Selvius in numismate, quod Antonius Franciscus Gorius faciendum curavit . Talis fuit vir, cujus merita

in litteras nec oblivione eorum, qui sunt, nec reticentia posterorum poterunt esse sepulta.

## ADNOTATIONES.

(1) *In epistola ad Franciscum Arrisium data* <sup>p</sup>*VIII. id. Octobris 1730.* Io poi debbo confidare a VS. Illustrissima una cosa, ed è che quel . . . . non sapendo che si rispondere all' ultimo libro stampato in mia difesa, va continuamente parlando di me, che sia nato vilmente. Io ho risposto, che sono ben figlio d' un pover' uomo, ma di famiglia onesta e civile; anzi mi dicevano i miei, quando era ragazzo, che già fusse la mia Casa nobile, e che Lodovico Grandi mio nonno avesse per seconda moglie una di casa de' Conti Maggi, da cui nacque Pietro mio zio, da cui più volte ho ciò inteso, e che nell' ultima guerra di Cremona perdettero tutto il loro avere, e perciò rimasero privi di beni di fortuna li quattro fratelli di mio padre. Che sia ciò vero non lo so, e non ne ho mai cercato; ma ora, che si pretende di rinfacciare la bassezza de' natali, bramerei d' averne qualche lume, se VS. Illustrissima potesse favorirmene. Se la casa Legati di mia madre fosse civile non lo so: era figlia di Margherita Luicelli, come anche il Dottor Lorenzo Legati, il quale ne fa memoria.

(2) *P. 264. & 475. Hac de re sermonem habens ipse Grandius in Praefatione libri, qui inscribitur: Quadratura Circuli & Hyperbolae haec ait. Quid addam,*

de Cl. Parentio qui an. MDCCV. . . . . generalem compilationem conicae superficiei rectae per comparationem ad suam ichnographiam in proportionem lateris coni ad radium basis designavit; id quod ego jam an. MDCLXXXVIII. inveneram, & MDCLXXXIX. inter Vivianea nostra in appendice de Fornicibus conicis edideram ac demonstraveram, nescius idem sub aliis terminis in Actis Lipsiae MDCLXXXVI. a D. Io. Bernoullio sine demonstratione indicatum fuisse?

(3) *Qui cum Grandio de principatu contendere potuisset Gabriel Manfredius ipsum appellat: Italiae Analyseos Principem. Epist. XII. Kal. Mart. an. 1603. Primus certe Italorum Grandius fuit, qui scriptis editis res analyticas tractavit.*

(4) *Haec ad Grandium Leibnizius scripsit XII. Kal. Sext. an. 1705.* Postremo ad profectum scientiae pertinet, ut methodos per solutionem problematum exerceamus. Sic non ita pridem D. Io. Bernoullius proposuit hoc problema: dato (positione) arcu curvae, invenire aliam curvam infinitis modis, cujus arcus aliquis a nobis assignandus arcui dato sit aequalis, & ita ut, posito datam curvam esse Algebraicam, etiam quaesita sit Algebraica; quod a me est solutum, diversa methodo ab ea, qua ipse est usus.

(5) Appendix II.

(6) *Ita ille:* Dico eam infiniti vim agnoscendam, ut etiam quod per se nullum est multiplicando in aliquid commutet, sicuti finitam magnitudinem dividendo in nullam degenerare cogit; unde per infinitam Dei Creatoris potentiam omnia ex nihilo facta, omniaque in nihilum redigi posse, neque adeo absurdum esse, quan-

citatem aliquam, ut ita dicam, creari per infinitam; vel multiplicationem, vel additionem ipsius nihili, aut quodvis quantum infinita divisione, aut subductione in nihilum redigi. *De quadr. circ. & hyperb. pag. 29. secund. edit.*

(7) Admissis variis infinite parvorum ordinibus concipere possumus omnia in semine contenta ex uno ad alium gradum subinde promoveri; ut nempe dum ad sensibilem magnitudinem perveniunt, quae erant in primo gradu infinitae parvitatibus, succedant ad hunc primum gradum, quae erant in secundo, & ad secundum quae erant in tertio, & sic deinceps. Quod valet etiam de plantulis, quae in seminulis primo semine contentis latent cum suis infinitis adhuc minoribus seminulis continentibus plantulas alias infinitis minores, atque ita in infinitum. *In Praelud. Poet. ad lib. de Infinit.*

(8) *Hac de re ita aliquando ad Magliabechium scripsi.* Ricevei nell' ordinario rescritto l' articolo confutato del Giornale, ed è appunto ad litteram. La Lettera, che scrisse in Francese il Varignon al matematico di Padova, da cui già mi era stata comunicata, come le scrissi, e non so, perchè ora l' abbia lasciata stampare il Sig. Ermanno, quando egli medesimo avverte poi nella lettera scritta a me ( di cui gli mandai un saggio ) che il Sig. Varignon parla così per non aver veduto il mio libro, dove è tanto nettamente esposta la controversia, e con tale evidenza dimostrato l' assunto, che non ha il Varignon d' onde scappare. Bisognerebbe che li Sigg. Giornalisti si prendessero l' incomodo di stampare almeno nel seguente Giornale uno squarcio di mia lettera su talc proposito,

appure una traduzione di quelle due lettere che io le mandai del Bernoulli e dell' Ermanno, giacchè si sono presi la briga di stampare ciò che avea scritto il Varignon prima di vedere il mio libro. Sebbene a me ciò poco importa, perchè infatti esso Varignon qui confessa i varj ordini d'infiniti, altri infinitamente maggiori degli altri, che è la cosa stessa, che appunto io pretendo, sebbene ha difficoltà di chiamarli più che infiniti, il che non è più che controversia di nome, e di un nome, in cui sono convenuti tanti grand' uomini, anzi da lui medesimo confessato, come apparisce dalla lettera del Bernoulli, sebbene poi per costanza, ( propria alla sua nazione ) l' ha di bel nuovo messo in lite senza alcuna ragione.

(9) *Notavit Leibnizius esse possit dici --- 1. & similes dicendi modos significant nihilominus, non tamen dare rationes nisi imaginarias, quarum antecedens, aut consequens sit quantitas nihilo minor, seu rationem --- 1. ad 1. vel 1. ad --- 1. esse imaginariam. Quod inter alia ex eo probat, quia huic rationi vel simili nullus respondeat logarithmus. Vide sis prae caeteris Walmsleyum in commentariis Berolinensis Academiae an. 1755. pag. 397. ex quo facile intelliges quid de hujusmodi ad infinitum pertinentibus controversiis judicari debeat.*

(10) *Hujus est inscriptio: De motu corporum nonnulla.*

(11) *Data recta linea in dato puncto inaequaliter curvata punctum invenire, ex quo ad terminos datae lineae datumque in ea punctum ductis rectis lineis quadrata ductarum ad terminos superent quadratum ductae ad datum punctum spatio quodam dato ( dummodo hoc majus sit duplo rectanguli sub segmentis datae lineae ) si-*

mulque ut ipsa data linea minima esse probetur omnium per datum illud punctum transeuntium, & recta a puncto quaesito per ipsius datae lineae terminos productis, interceptarum.

(12) *Horum est inscriptio*: Galilei Lemma circa gravium momenta a Vitali Jordano instauratum.

(13) *Caesar Bisolotus Jordani viam scripsit*, quae extat in volum. III. delle Vite degli Arcadi illustri.

(14) In Praefat. ad Dissert. de cohaerentia corporum haec ait: Denique celeb. Grandi re atque nomine Grandis in libro Italice conscripto, *Risposta Apologetica* dicto, adversus Cl. Marchettum Resistentias solidorum tractavit, illasque paucis propositionibus ex sublimi geometria petitis mirifice amplificavit.

(15) *Prop. 14. & 20.*

(16) *Ajebat enim*: dalle dimostrazioni della geometria, attenenti alle misure, a' pesi, ed a' numeri, s'impara a misurare i goffi, a pesare gl'ignoranti, e a numerare gli uni e gli altri.

(17) *Il suddetto Giovane [ Perelli ] è tutto innamorado dell'analisi moderna, e ne ha un maneggio mirabile, di maniera che scioglie i problemi più ardui di Fisico-Matematica da se, nè vi è cosa astrusa negli atti di Lipsia, nel Newton, nell'Ermanno, nel Bernoulli, o altri Autori, che egli solamente letta la proposta, subito non ne trovi la dimostrazione analitica in poche righe di calcolo, dimostrando e le leggi delle forze centrali per qualunque curva, e le curve, che soddisfanno a diverse leggi delle forze centrali, e le catenarie in qualunque supposizione di gravità variabile, e le velarie, e l'elastiche, e le traiettorie per mezzi di varia resistenza, e assai più facilmente.*

*che non farest io , perchè non ha il capo distratto , come  
lo io , in altre cose .*

(18) *Ita mortem ingeniosissimi adolescentis deservit Iu-  
lius Franchinus Pistoriensis .*

SONETTO

Barbaro fiume, p.ù crudele hai l'onda

Di quello, onde di Scilla il gorgo è pieno,

Se infida allor che a te scherzava in seno

Un de' tuoi più gran figli uccide e affonda.

Forse temea che con più giusta sponda

Egli al suo corso un dì ponesse il freno ?

Né d' Alfea la lasciasse il bel terreno

Scorrere impetuosa e furibonda ?

Ella temea sì, ma più temea

Il vicin mar, cui tributario sei,

E cui domar quei già pensava il dorso.

Ambo empj siete; ei comandò la rea

Opra, e tu l' eseguisti. Ecco i trofei

Vostri: ecco rotto ai gran disegni il corso.

(19) *Vid. Vol. IV. p. 179. & seq.*

OPERA EDITA.

Geometrica Demonstratio Vivianeorum Problematum,  
quae in exercitatione geometrica Etrusco idiomate anno  
1693. cum sola determinatione prodierant circa forma-  
tionem ac dimensionem cujusvis regularis Architectorum  
Fornicis, exactumque Tetragonismum infinitarum partium  
curvae superficiei tum sphaericae novi admirandi Fornicis  
Veliformis Florentini, tum cylindrica antiqui Scaphifor-  
mis Romani, Cum Latina omnium versione Italico textui

adjuncta, variis notis & scholiis locupletata: addita etiam Appendice de geometrica quadratura infinitarum partium curvae superficiei Conicae variorumque Fornicum ex iis compositorum, Autore D. Guidone Grando &c. Regiae Celsitudini M. E. D. Cosini III. Florentiae 1699. ex Typographia Jacobi de Guiduccis prope Conductum in 4. *Pluribus in libri locis quaedam problemata proponuntur, quae se probaturum promittit Grandius in opere, quod in manibus habebat de sectionibus sphaeroconicis, sphaeroeylicis, & sphaeroconoidicis: sed hoc nunquam absolvit.*

Geometrica Demonstratio Theorematum: Hugeniano-  
rum circa Logisticam, seu Logarithmicam lineam, qua occasione plures geometricae methodi exhibentur circa Tangentes, Quadraturas, Centra gravitatis, Solida &c. variarum curvarum, uti infinitarum Parabolarum, Hyperbolarum, Spiraliū &c. aliaeque geometricae veritates illustrantur. Addita epistola geometrica ad Patrem Thomam Cevam S. J. Autore D. Guidone Grando &c. ad Serenissimum Ferdinandum III. Magnum. Etruriae Principem. Florentiae 1701. Typis Regiae Celsitudinis apud Petrum Antonium Brigonci in 4. *Recusum Amstelodami fuit an. 1728. inter opera posthuma Hugonii. In fine operis indicatur modus quadrandae hyperbolae per Trajectoriam, cujus demonstrationem Polenius, calculo usus suo, postea invenit. Vid. ejus Epistolam ad Hermannum de constructione Trajectoriae.*

Quadratura Circuli & Hyperbolae per infinitas hyperbolas & parabolas geometricae exhibita. Addita demonstratione dimensionis hyperbolae per Trajectoriam. & datorum variorum mensura, & calculo differentiali &c.

Ad



Ad Serenissimum Principem Joannem Gaſſonem ab Etruria . Pisus 1703. apud Franciscum Bindi in 8.

Sejani & Rufini Dialogus de Laderchiana Historia S. Petri Damiani . Parisiis 1705. apud Bartholomaeum Didier. in 4 .

Dissertationes Camaldulenses , in quibus agitur . I. de Institutione Ordinis Camaldulensis . II. de aetate S. P. Romualdi . III. de visione scalae , & habitus mutatione praetensa . IV. De S. Petri Damiani & Avellanitarum Instituto Camaldulensi . Obiter etiam multa ecclesiasticae & profanae Historiae loca illustrantur & corriguntur . Auctore D. Guidone Grando &c. ad Eminentissimum & Reverendissimum Principem Ferdinandum de Abdua S. R. E. Cardinalem &c. Lucae 1707. Typis Mariscandoli in 4. maj.

Disquisitio geometrica in systema sonorum D. Narcissi Archiepiscopi Armachani . *Exstat in commentariis Acad. Londinensis an. 1709. Edita iterum Neapoli fuit an. 1731. a Deramio, & tertio in Vol. XXV. collectionis Caeſerianae. Venet. 1742.*

De infinitis infinitorum, & infinite parvorum ordinibus Disquisitio Geometrica , in qua variis utriusque generis gradibus demonstratis tum methodi infinitesimalis fundamenta ostenduntur, tum praecipue plerumque infinita spatia hyperbolica Vallisii adversus nuperrimos eorundem Impugnatores vindicantur . Auctore &c. Pisus 1710. ex Typographia Francisci Bindi in 4. .

Quadratura circuli & hyperbolae per infinitas hyperbolas & parabolas quadrabiles geometricae exhibita & demonstrata . Editio altera auctior & accuratior , in qua praeter alia multa ad veterem appendicem de re-

Tom. VIII.

S

*Rificatione curvarum, altera accessit de earumdem & curvilinearum spatiorum transformatione infinitis modis expedienda. Autore &c. Pisis 1710. ex Typographia Francisci Bindi in 4.*

Considerazioni del P. D. Guidone Grando, e del Sig. N. N. sopra la Scrittura del Sig. Lucantonio Porzio circa il moto de' gravi per il piano inclinato, dedicate al Sig. Luigi Anavascali da F. M. Roma 1710. in 12.

Cl. V. D. Guidonis Grandi Camaldulensis Regiae Celsitudinis M. D. Etruriae theologi & mathematici. in Pisana Universitate publ. phil. Professoris & Regiae Societatis Sodalis, Epistola mathematica de momento gravium in planis inclinatis, deque directione fulcri in mechanicis attendenda. Ex Authographo iterum edidit, novis illustravit adnotationibus, & adversus Tambuccianam Epistolam opportunis vindiciis munivit Marius de Caeniga Auctoris discipulus. Lucae 1711. Typis Peregrini Frediani in 4. *Latet sub nomine Marii Caenigae Iosephus Vernaccinius.*

Antilunario, in cui con dugento note sacre, astro-nomiche e varie si scuoprono e si emendano alcuni sbagli occorsi nel Lunario stampato in Lucca quest' anno 1711. sotto nome del Canonico Pier-Leonardo Ricci da Empoli, Opera di Niccolò Ripardieri Chierigo della Pieve di Montopoli. Aggiuntavi nel fine una tavola corretta del levar del Sole, mezzo giorno e mezza notte: calcolata diligentemente all' elevazione di gradi 43. di polo più comune per la Toscana. Al merito impareggiabile dell' Illustriss. Sig. Antonio Magliabechi Bibliotecario

dell' A. R. di Cosimo III. Granduca di Toscana: Dublino 1711. appresso Zaccaria Conzatti in 4.

*Epistola Marii Caenigae Hieronymo Tambuccio . Scripsit hanc epistolam Grandius Arrenii Id. Sext. 1711. in 4.*

Dialoghi del P. M. Grandi Camaldolese Teologo ec. circa la Controversia eccitatagli contro dal Sig. Dott. Alessandro Marchetti . In Lucca 1712. ad istanza di Francesco Gaddi librajo in Pisa in 4.

Risposta Apologetica del P. M. D. Guido Grandi Camaldolese , Teologo , e Matematico dell' A. R. di Toscana , e Professore Ordinario di Filosofia nello Studio di Pisa all' opposizioni fattegli dal Sig. Dott. A. M. ( *Alessandro Marchetti* ) nella sua dotta Lettera diretta all' Eccellenza del Sig. B. T. ( *Bernardo Trevisano* ) . Si difendono con tal' occasione il Galileo ed il Viviani , e si illustrano molte dottrine circa la resistenza de' corpi duri , e circa la forza dell' infinito . In Lucca 1712. per Pellegrino Frediani in 4.

*Prostasis ad exceptiones Cl. Varignonii libro de infinitis infinitorum ordinibus oppositas circa magnitudinum plusquam infinitarum Vallisii defensionem , & anguli contactus , cum infinite parvo ad centrum osculantis circuli constituto , comparationem . Autore &c. Pisis ex Typographia Francisci Baudi 1713. in 4.*

Soluzione di due Problemi Meccanici d' Italia . *Exstat in vol. XV. del Giornale de' Letterati . Venet. 1713. Solutio , quam fecit Grandius , extat etiam in Actis Lipsiensibus an. 1714.*

Riflessioni sopra la Controversia vertente fra gl' Illustriss. Sigg. Marchesi Riccardi e Niccolini circa l' alza-

mento d' una Pescaja nel fiume Era . Pisa 1714. per Francesco Bindi in fogl.

Nuove Considerazioni fatte dopo l' accesso del mese di Giugno dell' anno 1714. sopra la controversia vertente fra gl' Illustriss. Sigg. Marchesi Riccardi e Niccolini circa l' erezione d' una ,Pescaja nell' Era ad uso d' un mulino. Agl' Illustriss. Sigg. Giudici della Causa. Firenze 1714. per Michele Nestenus ec. in fogl.

Esame della scrittura pubblicata dal Sig. Dottor Gieminiano Rondelli nella famosa causa del mulino dell' Era . All' Illustrissimo &c. Marchese Francesco Riccardi Maggioromo Maggiore, e Consigliere di Stato di S. A. R. In Firenze 1715. per Michele Nestenus, e Antonio Borghigiani in fogl.

Relazione I. e II. circa il padule di Fucecchio del P. M. Grandi Teologo, e Matematico di S. A. R., e Professore pubblico di Matematica nell' Università di Pisa . All' Illustrissimo Signor Marchese Francesco Ferroni . In Lucca per Leonardo Venturini 1715. in fogl.

Relazione delle operazioni fatte circa il Padule di Fucecchio ad istanza degli interessati ; e riflessioni circa le medesime del Reverendissimo P. Abate Grandi Teologo, e Matematico di S. A. R. ec. Agl' Illustrissimi Signori Giudici delegati sopra il medesimo padule . In Lucca per Leonardo Venturini 1715. in fogl.

Informazione agli Uffiziali dell' Uffizio de' Fossi di Pisa circa una nuova terminazione proposta dell' Era .

Memoria che contiene le ragioni per l' unione del Reno di Bologna col fiume Po tradotta dal Francese (dal

Signore Eustachio Manfredi ) ed accresciuta di trenta  
note per rischiaramento della materia .

Del movimento dell' acque Trattato geometrico  
del P. Abate D. Guido Grandi ec. in 4. *Haec Grandi  
scripta ad rem aquariam pertinentia , quod non mediocriter  
ipsam scientiam illustrant & augent , conjecta fuerunt in  
collectionem illam , quae degli Scrittori dell' acque edita  
est Florentiae an. 1723. Legi etiam possunt in ea collectio-  
ne , quae prodit Parmae an. 1766. vol. III.*

Nuovi Lemmi appartenenti al Trattato d' Archime-  
de de' solidi natanti . *Extant in vol. I. degli Scrittori  
dell' Acque . Firenze 1723.*

Due Sonetti, e una Canzone di Dubeno Erimanzio .  
*Hoc nomine appellabatur Grandius in Arcadum Academia .  
Haec vero carmina impressa fuerunt in vol. VII. carmi-  
num Arcadum , quae collegit Marius Crescimbenius : Romae  
1717. Ipse Crescimbenius partem Latinae eclogae , quam  
fecerat Grandius , coniecit in vol. II. Comment. Della vol-  
gar poesia .*

Lectorum Claustralium Camaldulensium auctoritate  
Reverendissimi Definitoris in designatis Monasteriis consti-  
tutorum jus ferendi suffragii in Capitulis generalibus sui  
Ordinis exclusive quoad publicos Professores saecularium  
Universitatum sola Principum auctoritate delectos , asser-  
tum & demonstratum per Tiberium Vedmannum J. C.  
adversus Dissertationem , qua simile jus sibi deberi prae-  
tendit D. Justus Venturinus Theologiae Moralis in Flo-  
rentino studio Professor . Ad Reverendissimos PP. Gene-  
ralem & Visitatores Camaldulenses in fagl. *Quamvis hoc  
scriptum non signetur anno & loco impressiois , scimus ta-  
men Pisis & an. 1718. illud impressum fuisse .*

Trattato delle Resistenze principiato da Vincenzio Viviani per illustrare l' Opere del Galileo, ed ora compito e riordinato colla giunta di quelle dimostrazioni, che vi mancavano, dal P. D. Guido Grandi Abate Camaldolese, Matematico di S. A. R. e dello Studio Pisano in 4. *Exiat inter opera Galilaei, quae edita fuerunt Florentiae ann. 1718*

Proposizioni appartenenti al movimento de' corpi solidi nei mezzi fluidi. *Ibidem extant.*

Note al Trattato del Galileo del moto naturale accelerato del P. Abate D. Guido Grandi Matematico di S. A. R. e dello Studio Pisano. *Ibidem extant.*

Epistola geometrica ad Franciscum Arisium pro Mariano contra P. Clavii censuras. *Extat in Tom. II. Cremonae liberatae pag. 439.*

Vorum, sive sententia de geometrica, non autem arithmetica, ratione in proposita facti specie attendenda &c. in Florentina praetensae lacionis. Flor. 1721.

Florum geometricorum manipulus R. S. exhibitus. *Extant in ejusdem R. S. Londinensis Transactionibus ann. 1723.*

Lettera geometrica al Signor Tommaso Narducci intorno alla maniera di assegnare la ragion de' tempi consumati dal mobile nello scorrere un pian declive, e nello scorrerne due. *Extat in libro ejusdem Narducci, qui inscribitur: Pastagone de' Canali. Lucca 1723. in 12.*

Q. Lucii Alphaei Diacrisis in secundam editionem Philosophiae novantiquae R. P. Thomae Cevae cum notis Jani Valerii Panfilii. Augustoduni 1724. sumptibus Piorum in 4. maj.

Epistola de Pandectis ad Cl. V. Josephum Averanium . Pisis 1726. in 4.

D. Guidonis Grandii in Pisana Academia Mathematicos Professoris, & S. Michaelis in in Burgo Abbatis Epistola de Pandectis ad V. Cl. Josephum Averanium in eadem Academia J. Interpretem celeberrimum, editio altera cum notis variis, & appendice veterum monumentorum ab Autore locupletata. Florentiae 17-7 Typis R. C. apud Tattinium & Franchium in 4.

Esame del progetto del nuovo Molino proposto nell' Albereta dell' Anconella del Reverendissimo P. D. Guido Grandi ec. Per il venerabile Spedale di S. Maria Nuova, ed altri interessati nel piano di Ripoli. In Firenze 1727. per Pietro Matini in fogl.

Scrittura del Reverendissimo P. Abate D. Guido Grandi ec. diretta agl' Illustrissimi Signori Auditori di Rota della Serenissima Repubblica di Lucca sopra la controversia dell' Aeqne vertente tra la Mensa Arcivescovile di Lucca, e li Nobili Signori Buonvisi ed Orseri da una parte, e il Nobile Signor Lelio Guinigi dall' altra. In Lucca 1728. per Leonardo Venturini in fogl.

Flores geometrici ex Rhodonearum & Claeliarum Curvarum descriptione resultantes, quos una cum novi expeditissimi Mesolabii Auctario Illustris, atque Excellentiss. D. D. Claeliae Grillo-Borromeae Comitissae Clarissimae & Doctissimae in obsequii sui ac venerationis argumentum D. D. D. Guido Grandius Abbas S. Michaelis in Burgo Pifarum & in Pisana Academia Publ. Mathematicos Professor. Florentiae 1728. Typis R. C. in 4.

D. Guidonis Grandii Sac. Theologiae Doct. Cre-

monensis Abbatis S. Michaelis in Burgo Pisarum, & in ejusdem Urbis Academia publ. Matheſeos Profeſſoris Vindiciae pro ſua Epiſtola de Pandectis Florentiae ſecundo edita cum notis &c. adverſus inanes querelas, & oppugnationes Bernardi Tanucci I. U. D. Stienſis in eadem Academia Caefaris Juris Interpretis in ejus libello non ita pridem Lucae impreſſo expoſitas. Piſis 1728. Typis Jo. Dominici Carotti in 4.

Diomedis Brava Patricii Tranenſis Diſquiſitio Critica de interpolatione Gratiani. Bononiae 1624. Apud Haeredes Benaccii in 4.

I Fiori geometrici del P. Abate Grandi tradotti in Tofcano dal Sig. Tommaſo Narducci Patrizio Luccheſe, colt' aggiunta d'alcune dimoſtrazioni dell' iſteſſo Autore. Lucca 1729. preſſo Franceſco Mareſcandoli a Puzatorelli in 4.

Nuova diſamina della Storia delle Pandette Piſane, e di chi prima le rammentafſe; come ancora d' altre incidenti queſtioni collo ſcioglimento delle difficoltà oppoſte all' epiſtola de Pandectis, e alle Vindicie del Reverendiſſimo Padre Abate Guido Grandi, da Bernardo Tanucci Dottor da Stia. Opera di Bartolo Luccaberti diviſa in quattro parti. In Faenza nella Stampa dell' Archi 1730. in 4.

Breve Compendio della vita, morte, e miracoli di S. Pietro Orſeolo Doge di Venezia, indi Monaco ed Eremita Santiſſimo. In Venezia 1731. in 8.

Riſpoſta del P. D. Vitale Marzi da Faenza Monaco Camaldoleſe alle queſtioni Vallombroſane del P. M. D. Fedele Soldani da Poppi Monaco Vallombroſano at



Reverendissimo P. D. Floriano Maria Amigoni Abate Generale dell' Ordine Camaldolese . In Faenza nella stampa dell' Archi 1732. in 4.

Lettere apologetiche del P. D. Vitale Marzi da Faenza Monaco Camaldolese in difesa della sua risposta già data alle QQ. Vallombrosane del P. M. D. Fedele Soldani Monaco Vallombrosano . In Faenza nella stampa dell' Archi 1733. in 4.

Lettere del P. Abate Grandi al Sig. Tommaso Narducci Patrizio Lucchese circa la misura delle forze de' corpi in moto . *Exstant in libro Narducci, qui inscribitur: Della quantità del moto dell' acque . Lucca 1733. in 4.*

De formulis Bon. Mem. Piae Mem., & similibus, ad personas viventes aliquando applicatis, dissertatio . *Exstat in vol. IX, Collect. Calogerianae Venet. 1733. Hac dissertatione probavit Grandius adversus Gianninum Bollandistam formulam illam Piae Memoriae, quam Tedaldus Episcopus Aretinus S. Romualdo tribuit, non certo indicare, cum Sanctum illum mortem obiisse.*

Vita del Glorioso Principe S. Pietro Orscolo Doge di Venezia, indi Monaco, ed Eremita SS. scritta da un Religioso Camaldolese, e consecrata al Serenissimo Carlo Ruzzini Doge di Venezia . Venezia 1733. per Giuseppe Bettinelli in 4. .

Lettera al Sig. Jacopo Bettazzi . *Exstat in hujus opere, quod inscribitur: Epitome operis Paschalis . Flor. 1733.*

Officium Parvum S. Michaelis. Venetiis 1734.

Disceptatio Neopileia in defensionem Decreti Capitularis Monachorum Camaldulensium circa mutationem colo-

ris Pilei. Pisis an. 1735. ex Typographia Joannis De-  
minici Carotti in fogl.

Scrittura in risposta a' quesiti de' Signori Giudici  
della Controversia fra la Comunità di Sinalunga, e l'  
Illustrissima Religione di S. Stefano circa il rilasciame-  
to d' alcune acque stagnanti. In Siena 1737. presso il  
Bonetti in fogl.

Sectionum Conicarum Synopsis, cujus Auctor D.  
Guido Grandius Cremonensis &c. Neapoli 1737. expensis  
Bernardini Gessari in 8.

Epistola ad Angelum Mariam Quirinum, qua re-  
spondetur exceptioni, quam ipse Quirinus exposuit erga  
Euclidean demonstrationem lib. VII. Prop. XXI. Theo.  
XIX. *Hanc Epistolam vulgavit Fortunatus a Brixia in libro  
qui inscribitur: Animadversiones in proposit. 21. lib. VII.  
Elem. Eucl. Brixiae 1738.*

Lettera al Sig. Senatore Pier Francesco Ricci sopra  
il beneficio d' una Specula Astronomica in una Univer-  
sità *Exat in vol. XX. Collect. Calogerianae. Venet.  
1739.*

Epistola ad V. C. P. D. Virginium Valsecchium.  
*De Origine agit Italicae linguae, & plura exhibet monu-  
menta antiquitatis, quae probare videntur, quomodo illa ex  
Latina lingua hanc traxerit originem. Cum simile argumen-  
tum tractandum suscepisset Muratorius, & hanc de re librum  
an. 1739. Mediolani edidisset, locum in eo dedit huic  
Grandii Epistolae.*

Istituizioni Meccaniche. Trattato del P. Abate D.  
Guido Grandi ec All' Illustrissimo e Clarissimo Signor  
Senator Pier-Francesco Ricci Presidente dell' Illustrissima  
Sacra e Militare Religione di S. Stefano, Auditore e

Moderatore Vigilantissimo dello Studio Pisano . In Firenze nella Stamperia di S. A. R. 1739. in 8.

Vita S. Bononii Abbatis cum notis . *Notae ad Grandium pertinent, vita vero ad scriptorem quem floruisse saeculo XI. ipse conjicit . Extat in volumine XX. Collect. Calogerianae . Venet. 1740.*

Elementi geometrici piani e solidi di Euclide positi brevemente in volgare dal P. Abate D. Guido Grandi Camaldolese , Professore di Matematica nell' Università di Pisa . In Firenze nella Stamperia di S. A. R. 1740. in 8.

Instituzioni di Aritmetica pratica del P. Abate D. Guido Grandi Camaldolese ec. In Firenze nella Stamperia di S. A. R. 1740. in 8.

Epistola geometrica ad P. D. Petrum Urseolum Ponte , Monachum Camaldulensem . *Extat in vol. XXII. Collect. Calogerianae.*

Instituzioni geometriche del Reverendissimo P. Abate D. Guido Grandi ec. In Firenze nella Stamperia di S. A. R. 1741. in 8.

Ragguaglio storico delle Badie Camaldolensi . Pisa in 12.

*Scriptis Grandius ea , quae extant in Vol. IV. del Giornale de' Letterati d' Italia de libro de' infinitis infinitorum ordinibus ; & quae narrant controversas , quas cum Varignonio ( Vol. VI. ) , & cum Marchetto ( Vol. XV. & XVII. ) idem habuit .*

#### OPERA INEDITA .

*In hoc contexendo Catalogo cum ipsum servabo ordinem*

quem tenuit Ambrosius Soldanius , qui pro suo studio in Grandium , & in suam Camaldulensium Sodalitatem omnia , quae habere potuit , Grandii scripta collegit , & in XLIV. volum. distribuit , quae nunc ornata Pisanam Camaldulensium Bibliothecam .

*Vol. I.* Diverse Scritture appartenenti alle Visite per l' introduzione del Reno in Pò del 1716. 1719. 1720. 1721. e 1729. Collegit Grandius accurateque descripsit non tam suis , quam scripta aliorum Mathematicorum , qui has res tractare debuerunt .

*Vol. II.* Eadem ferme , si argumentum spectet , in hoc volumine continentur quae in superiori . Haec omnia perfectam historiam suppeditant earum rerum , quae tractatae & perfectae sunt totis ferme sexdecim annis , quibus de ejusmodi controversiis consultus est Grandius . Extrema in parte Voluminis extant ejusdem Grandii Italicae Institutiones Algebrae .

*Vol. III.* Scritture , e Memorie sopra il bonificazione della Campagna Pisana .

.... sopra la Campagna di Grosseto .

.... sopra la Controversia tra i Sigg. Bonvifi , e Orsetti e i Sigg. Guinigi .

.... sopra i danni cagionati dalle rotte del fiume Evola .

.... per le differenze vertenti fra le Comunità di Barga soggetta al Granduca di Toscana , e quella di Galliciano , e Fattone suddite della Repubblica di Lucca . *Diarium fecit Grandius earum rerum , quas gessit & scripsit in hac controversia , de qua consultus etiam fuit Eustachius Manfredius . Varia ad Historiam Liburni pertinentia .*

*Vol. IV.* Plura habet Volumen istud pertinentia ad

*flumen Era, quibus causam dedere controversiae inter nobiles Familias Niccoliniam & Riccardiam. Scripta quaedam Grandii hac de re semel iterumque, & tertio typis impressa fuisse.*

Relazione e Visita sopra il Ponte del Fosso della Vicinaja.

... della Gusciana, e del Territorio del Valdarno di sotto. *Extant in hoc Volumine minora nonnulla veluti:* Risposta al Querito se il num. 3. possa dirsi tal parte di 5. qual è l' 8. di 13. ovvero di 14. Parere in causa vertente tra la Religione di S. Stefano e l' Monte di Pietà.

*Vol. V. Totum hoc Volumen contextitur ex iis rebus, quae pertinent alla restituzione del Fiume Pescia di Pescia nel suo letto antico; ai Lavori proposti nel Lago di Fucecchio; alla restituzione della Nievole nell' antico suo letto; de quibus rebus scripta a se quaedam in vulgus edidit Grandius.*

*Vol. VI. Scritture, Memorie, e Lettere; e Visite per lo scolo dell' Acque stagnanti di Sinalunga. Extrema in parte hujus Voluminis extant, quae Eustachius quoque Manfredius hac super re scripsit.*

*Vol. VII. Scritture circa il rimedio dovuto alla corrosione della destra sponda dell' Arno dirimpetto a Barbera Regina.*

Lezione detta nell' Accademia della Crusca della resistenza de' fluidi.

... nell' Accademia Fiorentina, in cui si confuta la dottrina di Lamiario Michelini, che il fluido sospeso in un vaso non graviti nelle parti laterali.

.... della cagione , perchè i corpi si riflettano urtando in qualche ostacolo .

Epistola altera Josepho Averanio de Pandectis .

Riflessioni sopra gli Scritti d' Architettura di Bartolommeo Vanni .

De rationibus tum majoris , tum minoris inaequalitatis , tum etiam aequalitatis , dummodo inter finitarum magnitudinum terminos versentur .

Dè Cometa , qui apparuit anno 1723.

Marii de Caeniga Demonstratio discriminis inter famosum paradoxum Magni Galilei de puncto aequali circumferentiae , & Corollarium Guidonis Grandi de eadem linea infinities posita , & infinities subtrahā aequivalente dimidio sui . *Eadem Demonstratio in Italicum sermonem translata & aucta extat in Volumine XXXV.*

Lettera sopra un Ecclisse Lunare del dì 13. febbrajo 1729.

*Vol. VIII.* Dialogo secondo , terzo , e quarto con alcune lettere circa la controversia col Dottor Alessandro Marchetti .

*Vol. IX.* *Praeter ea , quae edita sunt in ea quam habuit Grandius controversia cum Jordano & Tambucco , continet volumen istud plures epistolas , quae ad hanc ipsam controversiam pertinent .*

*Vol. X.* Institutiones Physico-mechanicae . Eaedem Italica lingua conscriptae . Non omnia quae continentur in his manuscriptis institutionibus locum habuere in libro , quem hac de re edidit Grandius . Et perfectius quidem opus esset , si plurima in eo omissa ex his institutionibus sumerentur ad illud ipsum augendum atque ornandum .

*Vol. XI. Haud commemoranda esse viderentur Volumen istud, & quod sequitur*

*Vol. XII. in quibus de Sectionibus Conicis agitur (has enim Grandius in lucem edidit) nisi multae extarent in iis Epistolae, & alia geometrica plura, quae minime sunt edita, & quae ad idem opus pertinent.*

*Vol. XIII. Praelectioniones variae de meteoris, pliae de Hydrostatica, & aliae demum de Operibus Archimedis, ejusque inventis.*

*Vol. XIV. Tractatus varii de rebus physicis.*

*Relazione sopra il nuovo letto preparato all' Ombro-  
ne per deviarlo dalla fregolata sua e dannosa curvatura.  
Exstant in fine plura ad Analysin pertinentia.*

*Vol. XV. Praelectioniones de rebus physicis.*

*Vol. XVI. Nil aliud continet, nisi figuras magnae ex  
parte coloratas, quibus aut usus est, aut uti meditabatur Gran-  
dius in rebus geometricis praesertim tractandis.*

*Vol. XVII. Statuta & Leges Academiae Pisanae,  
vulgo de' Rozzi.*

*Quaedam de recta Paschae Indictione.*

*Dissertatio de B. Virginis Mariae in Caelum Assum-  
ptione.*

*De Libris Sancto Dionysio Areop. attributis.*

*Commentaria in vitam S. Romualdi a Petro Damia-  
no conscriptam.*

*Vol. XVIII. XIX. XX. XXI. XXII. Omnia his  
Voluminibus contenta pertinent ad Historiam Familiae Camal-  
dulensium, ex iisque nonnulla sunt edita, ut Dissertationes  
Camaldulenses, Disceptatio Neopileae &c.*

*Vol. XXIII. Vita e culto di S. Pietro Orseolo con  
altre Vite e Memorie di Santi Camaldolensi.*

*Vol. XXIV.* Scritture e Voti in varie Cause, e Trattati Teologici.

*Vol. XXV. XXVI XXVII XXVIII. XXIX. XXX. XXXI.* Inscribuntur haec Volumina: Exercitationes geometricae. Non multa in iis Voluminibus sunt quae singulatim commemoranda esse videantur: pleraque horum scripsit Grandius causa aut memoriae iuvandae, aut praeparandae materiae ad Mathematica Opera conficienda. Extant etiam in his Voluminibus Epistolae quaedam ad Thomam Cevam, Laurentium Lorenzinum, & alios.

*Vol. XXXII.* Institutiones Conicae, Geometricae, & Arithmeticae. Pauca hic habes, quae non ediderit Grandius.

*Vol. XXXIII.* Algebrae, five Analyticae Elementa.

*Vol. XXXIV.* Riflessioni sopra il Discorso del Sig. Marchetti ultimamente pubblicato contro la Risposta Apologetica del P. Maestro Grandi.

Terza parte della Risposta Apologetica del Padre Grandi alle opposizioni contenute nel Discorso pubblicato ultimamente dal Sig. Alessandro Marchetti. Extant in extrema parte Voluminis Institutiones Physicae inchoatae, sed non perfectae.

*Vol. XXXV.* Praeter edita scripta de Pandeſtis, aliisque rebus extant in hoc volumine, quae commemoranda videntur: Esperienza intorno al Calor della Luna, e Notizie dello Specchio Ustorio, che conservati nella Galleria di Firenze.

*Vol. XXXVI.* Praeter Colloquia adversus Laderchium jam edita, extat in hoc Volumine Colloquium quintum, quod inscribitur; Manubrium Scuticae.

*Vol.*



*Vol. XXXVII.* Nobilissimae Paternae ac Maternae Stirpis S. Romualdi Abbatis Disquisitio genealogica. Continentur etiam in hoc Volumine: Vitae aliorum Sanctorum Camaldulensium.

*Vol. XXXVIII.* Miscellanea, sed non magni momenti, partim historica, partim mathematica.

*Vol. XXXIX.* Carmina & Miscellanea.

*Vol. XL.* Dialogus inter Coccejum & Gialum de Quinti Sestani Lityris.

*Voi. XLI.* Martyrologium Camaldulense. Pars. I. & II.

*Vol. XLII.* Experimenta Physico-Mechanica excerpta ex libro Hauksbee.

*Vol. XLIII.* Historia Academiae Certantium.

*Vol. XLIV.* Della Musica piana, teorica, e pratica. Pertinet ad idem argumentum parvum aliud volumen.

Voluminibus sexdecim continentur Epistolae Clarorum Virorum ad Grandium; tribus vero continentur ejusdem Grandii Epistolae, quae reperiri potuerunt. Multa quidem sunt hinc omnibus in Voluminibus publica luce digna, & ea praesertim, quae inter Leibnitium, Lorenzium, Manfredios fratres, Hermannum, Narduccium, Canneium, Cevam, & Grandium ipsum tractata sunt.

Optica. Extat apud Thomam Perellium.

Sunt qui narrant, Grandium convertisse e Siculo in Etruscum sermonem Poema quoddam Philippi Parutae, quod inscribitur la Gelosia, illudque extare Ravennae in Bibliotheca Camaldulensium, Diligentissime conquistum minime reperiri potuit; quare sit narrationi fides. Quae gessit Grandius, ut haberemus copiosam epistolarum Ambrosii Traversarii collectionem, & quae scripserit ad illius vitam

Tom. VIII,

T

explicandam scribi possunt ex Praefatione Laurentii Mehus, qua Florentinam earundem epistolarum editionem ornavit. Admonendi sunt lectores, ut minima quaeque nos notasse putent in contexendo catalogo Grandii operum, quae adhuc hominum luce carent. Dabunt iidem Lectores veniam, ut hoc loco exscribam tres inscriptiones, quarum una extat Ravennae in vestibulo Bibliothecae Camaldulensium, altera Pisae in aditu Coenobii eorumdem Camaldulensium, tertia denum in praediolo, quod belle Grandius ipse aedificavit in Colle Lugani.

## I.

D. O. M.

Guidoni Abb. Grandio Cremonensi in Pisano Lyceo Philosopho & Mathematico Geometriae Principibus facile comparando aquis Tusciae dirigendis Praefecto Reg. Societatis Londinensis Socio omnigenae eruditionis cultori & Scriptori Pontificibus Maximis Magnis Ducibus Etruriae Litterariae Reipublicae probatissimo Abbates & Monachi Classenses ut optimus hujus Coenobii alumnus qui sapientiae & religioni vixit posterorum memoriae vivat & exemplo Ann. MDCCXLVII. P. C.

## II.

Guidoni Grandio Ordinis Camaldulensis omnium fere disciplinarum cultori praestantissimo Mathematicarum vero in Pisana Academia Professore longe celeberrimo huius Monasterii quod vetustate obsoletum & male materiaeum honorifice & eleganter restauravit ac pene a fundamentis erexit Abbati vigilantissimo Monachi veluti parenti optimo in grati animi testimonium obsequentissimi posuerunt Nonis Maii MDCCXXIX.

## I I I .

Reverendissimus D. Grandius Abbas Visitator Camaldulensis Mathem. Disciplinae in Pisana Academia Prof. amplissimus postquam Pisis ingenti sumptu Monasterii S. Michaelis ab ipso reformati decori & ornamento prospexit de Monachorum salute cogitans villam hanc salubri sub coelo a fundamentis erexit cujus beneficii & liberalitatis ejusdem Monast. familia memor perenne hoc in grati animi significationem M. P. A. C. MDCCXL. .



ANGELUS FABRONIUS

JOSEPHO SLOPIO

S. P. D,

**J** Amdiu est ex quo pollicitus fueram me de Jacobo Philippo Maraldio scripturum. Rem idcirco distuli, quod speraveram a me collectum iri monumenta ad illius vitam copiose declarandam idonea. Verum me spes fefellit, & pauca, quae attuli, vereor ne indigna judicentur homine, qui astrorum scientiam sic celebravit, ut nemini ingenii perspicacia, & observandi diligentia assiduitateque concesserit. Qui de Italia saepe queruntur, quod majorum gloriae minime responderit in his ipsis astronomiae studiis colendis, si iniqui esse noluerint, venerabuntur nomina Cassinii, Maraldii, Blanchinii, Manfredii, ut de multis aliis fileam, & praecleara illorum inventa cum memoria repetierint, tum fortasse suarum querelarum illos poenitebit. Et ne solum praeterita recordemur, aetati quoque nostrae gratulabimur, quod per te Pisis, per a-

lios vero summos homines Bononiae, Patavii, Mediolani, & Augustae Taurinorum astrorum scientia pulcherrime excolatur. Illud ipsum oppidulum Podii Reinaldi, quod in lucem edidit Cassinium & Maraldium, eo nunc gloriatur astronomo, quo superiorem fortasse Gallia ipsa non habet; quae quidem quod ei quasi sinum & gremium matris aliquando tribuerit, nunc dolere videtur patriae & tranquillitatis amore tantam virtutem a se diutius abesse. Jam intelligis me loqui de Jo. Dominico Maraldio, qui patri, de quo nunc scribendum suscepimus, scriptorum & doctrinae heres extitit, & qui quamvis fama ubique celebretur, humana tamen omnia inferiora ducit virtute. Quae castitas illius! quae sanctitas! quanta gravitas, quanta constantia! quanta moderatio! Haec ipsa quae de eo jure meritoque praedicamus, non dubito quin animo illius modestissimo odiosa sint futura, cum nihil velit minus quam nominari. Beatum tamen se judicare debet, quod cum ductus ad patrium in adolescentia fuisset, contigerit ei unum atque idem optimum & conjunctissimum exemplar, quodque eum potissimum imitandum habuerit, cui natura se esse simillimum

*voluit. Deus faxit, ut in hoc commentariolo quamdam effigiem mortui inveniatur, & ne me plane operam in ea exprimenda perdidisse existimet. Vale, vir doctissime, & quamvis noctes & dies in uno opere astronomico urgearis, fac tamen nostra sic legas, ut si quid liura corrigendum sit, moneas.*

*Pifis III. Non. Quint. MDCCLXXXI.*



## - JACOBUS PHILIPPUS MARALDIUS .

**J**acobus Philippus Maraldius natus est XII. Kal. Sept. an. MDCLXV. in eo Comitatus Nicensis oppidulo, quod vulgo Perinaldum appellant, patre Francisco Maraldio, matre vero Catharina Cassinia, quae soror erat Joannis Dominici Cassinii, quo neminem praestantiorum in astrorum scientia nostram tulisse Italiam vere possumus affirmare. Animum & mentem suam ipsa cogitatione avunculi aliorumque hominum excellentium cum conformaret Maraldius, brevi eo pervenit, ut sui non solum sperare, sed etiam confidere possent magnum illum ornamentum patriae & familiae additurum. Invitatus itaque ab avunculo, ut Parisios atque ad se se iter intenderet, libentissime illius paruit voluntati, cum ageret annum secundum supra vicissimum. Ita vero ipsum diligebat, ita venerabatur, ut illo formatore morum & magistro uteretur. Rarum hoc esse videbatur in urbe, in qua nimia ambitione luxuriare dixeris vivida adolescentium ingenia. Statim fa-

piunt, statim sciunt omnia; neminem verentur, imitantur neminem, atque ipsi sibi exempla sunt. Sed longe alia ratio Maraldii fuit, cujus haec praecipua prudentia, quod alios prudentiores arbitrabatur, haec praecipua eruditio quod discere ab eruditissimis volebat. Semper ille aut de vitae officiis, aut de studiis avunculum consulebat, & quotidie magis & melior & doctior evadebat. Cum non amplius ut discipulus, sed ut socius & comes Cassinio astrorum cursum observanti adesset, idque auctoritate & jussu eorum; qui Parisinae Scientiarum Academiae praeerant, coepit cogitare qua ratione & ipse posset viribus suis de nobilissima facultate astronomiae benemereri. Haec quidem unius saeculi spatium multos progressus fecerat Tychonis, Kepleri, Galilaei, Bouillaudi, Hevelii & Cassinii opera. Motus causae tamen & leges, quibus universa mundi machina regitur, diu incognitae fuerunt. Newtonus tanquam lux quaedam nova apparuit, effecitque ingenio, quo praeditus erat omnino singulari, ut magis innotescerent naturalium eventorum causae, quam ipsa eventa. Plurim-



mum igitur intererat observationum nume-  
 rum augeri, & experiendi artem quodam-  
 modo ad supera atque caelestia transferri.  
 Novae propterea construendae erant tabulae,  
 quae Newtoni divina effata atque praedicta  
 confirmarent. Nam Rodolphinae, quae fama  
 ceteras superabant, ut pote a Keplero conse-  
 ctæ, quodammodo consenuisse videbantur,  
 cum tempus ipsum, & quae mox inventa  
 fuerant instrumenta patefecissent multa in iis  
 esse menda, quae correctione indigebant.  
 Magnorum igitur virorum curae sicuti Flam-  
 stedii & Halleii in Britannia, Cassiniorum,  
 Hairii & Maraldii in Gallia eo spectarunt, ut  
 planetarum motus certius innotescerent atque  
 definirentur. Cum ad Jovem oculos conver-  
 tisset Maraldius, vidit illico cum in Kepleri,  
 rum in Bouillaudi tabulis malè notatum fuis-  
 se locum aphelii illius planetae. Post id com-  
 paratis suis observationibus cum Chaldaicis  
 quibusdam tertio ante Aeram Christianam sae-  
 culo habitis, agnovit nodos ejusdem plane-  
 tae quatuordecim & amplius gradus retro-  
 grados fuisse, idque motui iisdem proprio  
 tribuendum. Ex motu etiam Jovis in sua or-

bita rationem reddidit, quare post tres ejusdem planetae conversiones maculae quaedam quarto in satellite apparuerint, quae observatio quanti facienda sit, pluribus docuit vir astrorum scientia praestans Baillius (\*). Si Jupiter & Sol a terra spectentur, octuaginta trium annorum spatio ad idem caeli punctum redibunt, quod suarum & Tychois observationum comparatione assequi potuit. Diu persecutus est Martem, sed nulla non laude celebrandum esse Keplerum pronuntiavit, quod hujus planetae theoriam pulcherrime adeo constabiliverit, ut vix quidquam illi addi posse videretur. Pauca tamen correxit, quae miram observatoris diligentiam declarant. Ad id parallaxin ejusdem planetae secundo minuto minorem invenit, quam a Cassinio anno MDCLXXII. definita fuerat. Non pari successu Keplerus, quamvis Tychois observationibus usus esset, tabulas Saturni condiderat. Multo labore ac sudore in iis corrigendis versatus est Maraldius, & ex ijs, quae hac de re ad Academicos Pa-

(\*) *Histoire de l'astronomie moderne Tom. II. p. 452.*

risienses collegas suos retulit, quilibet judicare poterit, quanti operis quantaeque difficultatis sit alicujus planetae motus recte definire. Etenim qui hoc profiteatur, necesse est ut is in promptu habeat magnam observationum copiam tum veterum tum recentissimarum ad easdem inter se comparandas; praeter quam quod expeditus ille esse debet ad exploratiores methodos adhibendas, novaeque, si opus erit, inveniendas; neque solum eidem industria, sed etiam ingenium acuendum erit, quod vix quidquam statui posse videtur, quod non incurrat in maximas difficultates. Toto ferme an. MDCCXIV. cum Maraldius oculos ad Saturnum adiecisset, quod per illa tempora ejusdem planetae annulus e conspectu hominum discedere debebat, mirifice Hugonii theoriâ confirmavit, non mediocriter augens hominis immortalis gloriam, dum suae serviret. Nunquam vero satis laudari potest industria Maraldii, quam adhibuit in perficiendis Jovis satellitum tabulis, qua de re saepe ad Academicos Parisienses verba fecit. Hi quidem nunquam non plausere illius observationibus, & mirari maxi-

me visi sunt, quod primus omnium animad-  
 verterit eclypses satellitum non aequè dura-  
 re, quamvis eadem sit distantia nodorum.  
 Haec & alia hujusmodi non pauca, quae in  
 diuturna obscuritate latuerant, cum aperuisset  
 Maraldius, videbatur posse cum peritioribus  
 astronomis de gloria contendere. Gaudebat  
 vero in iis observationibus maxime, quae ad  
 satellites Jovis pertinebant, socium habuisse  
 Jo. Dominicum Maraldium fratris filium, qui  
 magna cum spectaret & ad ea rectis studiis  
 contenderet, meruit sane ut heres scriptorum  
 & virtutum patrui in illius locum succe-  
 deret. Ex quo primum tempore Jacobus  
 Philippus caelum perlustrare coepit de com-  
 parando sibi novo Fixarum catalogo cogi-  
 tavit, qui perfectione & copia Bayerianum  
 vinceret, quod quantae utilitatis quanti-  
 que momenti sit nemo in astronomia vel  
 leviter versatus ignorat. Fixae enim mode-  
 rari videntur motus cometarum; ceterorum-  
 que planetarum, qui subter illas sunt, quod  
 ad easdem referantur. Quamvis Hipparchus  
 ceterique celebriores astronomi in hujusmodi  
 catalogis condendis insudaverint, fecit tamen

novorum instrumentorum inventio atque perfectio, ut veterum hac in re plurimum vinceremus industriam, & quae numerari antea facile poterant, pene innumerabiles reperirentur. Sed homini, qui haec curat, patientia prope incredibili opus est, cum nunquam liceat serena nocte quiescere. Quare minime est mirandum si Maraldius, cum opus urgeret, multis coeperit affligi valetudinis incommodis. Ipsa tamen scientia, etsi incommoda datura erat, gaudebat; & cum fama illius laborum ad multos pervenisset, saepe cogebatur respondere ad ea, quae de diversarum stellarum positione rogabatur: qua in re magno is quidem adjumento fuit Eustachio Manfredio (\*) in ephemeridibus conficiendis, &

(\*) Usus est etiam Manfredius observationibus & tabulis Maraldii in suis astronomicis institutionibus, & aliquando cum ad Academicos Instituti referret de Jovis & Martis conjunctione helioncentrica, pluribus disseruit de suspitione Maraldii, qui observationibus comparatis non ita paucis, affirmare videbatur periodicum tempus Jovis, qui planeta est interior, multos ab hinc annos imminutum esse, Saturni contra, qui planeta superior est, auctum. Quae quidem si accidunt, uti Maraldius conjecit, erit cur suspicentur Astrono-

Delisio & Broukerio in caelestibus quibusdam globis construendis, qui omnes grata memoria illius liberalitatem facilitatemque profecuti sunt. Consulebat etiam iis, qui curiosi erant cometarum investigatores. Nam qui parvi sunt, quique brevissimo tempore se se conspiciendos offerunt, aegre a stellis fixis distinguuntur. Sed astra, quae sunt infixae certis locis, adeo in numero erant Maraldio, adeoque ejus inhaerebant memoriae, ut si quid novi prope illa extaret, statim agnosceret, & diligentissime persequeretur. Ita fiebat ut incolae & habitator caelestis ab omnibus appellaretur. Sed e summis illis caeli stelliferi curribus ad ima terrae loca interdum descendebat, ut insecta contempleretur, cum haec non minus, quam illa immensa caelestia corpora *Dei gloriam enarrare* diceret. Habes in Parisiensis Academiae historia (\*) quae de insecto quodam sycomori incolae observavit. Cum deprehendisset ad pedem illius arboris

mi, planetas non semper mutuo se se trahere; quod ad torquendos Newtonianos plurimum valere judicabitur.

(\*) *Du Hamet Hist. Reg. Scient. Acad. lib. V. cap. VI.*

plures lenticulas, quae soli obiectae statim movebantur, quid rei ferrent videre voluit. Inter duas pelliculas, quae lenticulas ambiunt, erucam invenit colore subviridi, ea vero longitudine lineas tres, latitudine unam fere aequabat. Corpus a capite ad caudam duodecim annulis distinctum erat. Multus esse voluit Maraldius in describendo, quomodo nutriantur vermes hi, unde variae eorum mutationes donec in muscas abeant quatuor alis & sex pedibus instructas. Nemo enim, quod sciam, ante ipsum huiusmodi vermes contemplatus fuerat. Multa alia hujus generis ad historiam naturalem pertinentia persecutus est; ridens eos qui astronomum haec investigantem laureolam in mustaceo quaerere dictitabant. Quoniam vero inter insecta dignitate excellere, & principem locum tenere putantur apes, quod harum opere plura efficiantur ad hominum usum atque vitam, has magna & diligenti contemplatione dignissimas judicavit. Quamvis enim multa multi tum e veteribus tum e recentioribus de iis scripssissent, aliena tamen dicta & errata, quam proprias observationes referre

maluisse videbantur. Triginta & amplius annos ante extiterat vir summus Swammerdamius, qui electione earum rerum, quas diu per se observaverat, magnum opus effecit, sed, eodem morte extincto, per diu latuit ejusdem exemplar, quod cum in Boerhaavii manus tandem pervenisset, publica luce donatum est. Serius tamen id contigit quam Maraldius suas instituerit observationes, qui ut certius nosceret miras horum insectorum proprietates atque industriam, vitrea alvearia adhibuit. Sive igitur tempus, quo habitae sunt observationes, sive modum habendi spectes, summas tribuendas esse laudes Maraldi judicaveris, ut certe tribuit vir harum rerum peritissimus Reaumurius (\*). Diligenter praesertim inquisivit in apium ortum crassis occultatum tenebris atque erroribus, quem habent a Regina foecundata a fucis, quod genus ignavum, exacta aestate, ab alvearibus hostiliter arcent. Mirum vero, quanta cura ententem Reginam occultent, & qua sollicitudine vermes ex ea natos foveant. Qua ar-

te

(\*) Tom. V. P. I. *Memoires pour servir a l'histoire des Insectes.*



te excudant ceras, & mella fingant, quae sint earum officia, studia & mores, quomodo mutuis se se auxiliis juvent, & quam sit admirabilis fabrica membrorum ad opus faciendum, haec & alia praeterea hujusmodi plura non tam minute quam eleganter a Maraldio exponuntur, quae audientes Academici Virgilianum illud usurparunt:

*In tenui labor, at tenuis non gloria.*

Historia quidem naturalis immensos habet campos, in quibus quis excurrere possit. Sed contemplatori opus est patientia assiduitateque incredibili, & oculis & ingenio perspicacissimo, quae cum raro in uno homine copulentur, & cum saepe ad contemplandum praejudicatae opiniones afferantur, inde fit ut in summa adhuc infinitarum rerum ignorance versetur. Id dolens Maraldius optabat quidem de nobilissima facultate bene mereri, sed cum in plura ejus industria esset distracta, & raro ei otium daretur, haud potuit plane suo & aliorum desiderio satisfacere. Porro haud mediocris fuit illa occupa-

tio, qua per plures annos implicitus fuit in perficienda meridiana linea, magnum & omnino regium opus moderante Cassinio, quae a Parisiensi Observatorio ad Pyrenaeos usque montes in meridiem producta fuit. Hac re an. MDCCI. absoluta, Italiam & lares suos cogitavit; quod sane iter illi gloriosum & astronomiae utilissimum fuit. Ubicumque enim reperiēbat astronomos, tradebat iis artem observationum habendarum, & Eustachius Manfredius, qui tum primum in Marfilianis aedibus uraniae coeperat servire, mirabilis utilitatis fructum sibi tribuisse Maraldium ultro professus est. Jam in urbem Romanam invitatio quam suavis, quam liberalis, quam honorifica! Vehementer tum agitabatur Calendarii Gregoriani emendatio, & plurimum tribuere Pontifex videbatur tum Maraldii tum Cassinii, quem Maraldius ipse per litteras consulebat, sententiis. Sed ex Jesuitarum voluntate, qui plurimum tum poterant, non ex veritate causa pendebat, quare licet summi astronomi corrigendum Calendarium censuerint, in eo praesertim quod pertinet ad lunas astronomicas & ad tempus aequi-

noctii, (\*) infectum tamen adhuc est, quod illi faciendum judicarunt. Quod hisce rebus perfruebatur ac pascebatur Norisius Cardinalis, saepe cum illo erat Maraldius, & donatus satis large a Pontifice fuit, quod socius & consors fuerit gloriosi laboris, quem in meridiana linea ad Diocletiani thermas describenda Franciscus Blanchinius sustinuit. Omnia volebat Maraldius hominis amicissimi causa, & cum iniisset societatem observationum astronomicarum cum ipso, maximarum auctor, plurimarum etiam magister fuit. Gaudio praesertim vivus est exultasse, quod Kal. Septembris an. MDCCII. cum esset quartus Jovis satelles in superiore sui circuli parte, prope adeo sui planetae umbram transire debebat, ut incertum esset utrum in eam ingrederetur. Observavit ejus ingressum in Jovis penumbram, & ex universa hac observatione, quamvis unica, inferre se posse putavit inclinationem illius satellitis esse  $2^{\circ}. 52'$ , minorem scilicet  $3'$  quam quod a Cassinio definita fuerat. Atque haec mediocris differentia plurimum

(\*) Vid, quaeſto Buillium *Histoire de l'astronomie moderne* Tom. 1. p. 38.

valet ad observatorum diligentiam commendandam, declarandamque praestantiam methodorum, quibus ii usi sunt. Quidquid vero notabat Maraldius cum enucleate ad Cassinium ipsum scriberet, significavit ei aliquando animos se addidisse Blanchinio, ut Montanarii astronomica scripta, quae in manus illius pervenerunt, publicam in lucem emitteret, sibiue inquirenti num vere a Montanario pronuntiatum stellam quartae, ut dicunt, magnitudinis extare modo in hydrae cauda, modo evanescere, nihil hujusmodi occurrisset. Sed quod frustra diu quaesivit, apparuit tandem ineunte Martio an. MDCCIV. triginta scilicet & duo post annos, quam animadversa eadem illa fideris decessio a Montanario fuerat. Vidit etiam Romae Maraldius longe lateque collucentem ignem ejus simillimum, quem Bononiae Cassinius anno MDCLXVIII. observaverat; & mirari licet quot alia a peregrinatore fuerint animadversa, de quibus mentionem fecit Blanchinius in suis observationibus astronomicis. Redux vero an. MDCCIII. in Galliam magnam copiam rerum naturalium a se Veronae prae-

sertim collectarum Academiae dono dedit , probavitque omnibus, cum diceret aut de hujusmodi rebus, aut de barometricis a se aliisque habitis observationibus, aut de plantarum cultu, aut de dimensione aquarum, quae quotannis e caelo pluit (\*), aut de meteoris variis, aut de terrae motibus, qui Appulos & Bruttios afflixerunt , quantum physica doctrina abundaret . Pro eo vero quod se non suis solum studiis, sed etiam suorum Gallorum commodis natum arbitrabatur, onus libenter suscepit adjuvandi eos, qui in geographicis Galliae chartis conficiendis elaborabant; & anno MDCCXVIII. iter cum tribus aliis Academicis ingressus est absolvendi causa magnam meridianam lineam iis in regni regionibus, quae septentriones spectant. Adhuc superessent multa, quae possem narrare, & copiosa abundat rerum va-

## V 3

(\*) Putabat Maraldius tantum aquae e caelo decidere annis singulis, sive ea in nivem adstricta sit, sive soluta, ut si aequabiliter super terram universam extendatur, altitudinem obtineat unciarum octodecimi Patiensium. Bononiae Beccarius aquam invenit duplam.

rietas; quae tanto justius debent commendari, quod nihil unquam oscitanter, nihil non studiosissime egerit Maraldius. Sed modus adhibendus est, quod nimium saepe offendat, & quod ex indice earum rerum, quae ipse cum Academia communicavit, intelligi poterit quam multa, quantique momenti conatus sit, quantaque perfecerit. Restat ut videamus animi virtutes, quae quo sunt excelsiores, eo dant optimae clariora indicia naturae. Nemo illo diligentior fuit in tribuendo Deo ac Superis cultu; & si pietati etiam, qua propinquitas colitur, summam, ut par est, impertiri debemus laudem, perpauci sane hac virtute se exaequare cum Maraldio poterunt. Vigilabat, excubabat quotidie pro salute avunculi sui, solabatur aegrum & caecum, diligebat, venerabatur magis quam parentem; & cum nullum esset officium pii & amantissimi hominis, quod in illum non conferret, dijudicari minime poterat uter utri virtute esset antefereendus. Quot lacrimis ejus obitum deflevit, & quam grate illius beneficia recordabatur! Nihil erat in eo nisi simplex, sincerum, castum & grave;

non superbiebat praestantia doctrinae, & nihil magis optabat quam in proximum quemque conferre, quae sibi immenso labore comparaverat. Itaque nemo unquam desideravit congressus illius, facilitatem sermonis, & observationum astronomicarum commercia. Si quis quidquam in se peccasset, malebat oblivisci quam ulcisci; & cum a contentionibus esset alienissimus, sibi contradici haud aegre ferebat. Sed raro contradictores inveniebat, cum esset perspicacia & diligentia incredibili, eaque esset opinio de eo, nihil solere ipsum in lucem asferre, quod antea ad certam rationis atque experientiae normam minime direxisset. Sobrietate videbatur alere industriam valetudinemque, sed ipsa industria minuit ei vitae cursum. Nam cum in quadrante, ut vocant, murali collocando in summo speculae fastigio ad perficiendum fixarum catalogum esset occupatus, incidit in febrim, ex qua mortem obivit Kal. Decembris an. MDCCXXIX. Talis fuit vir, qui quamvis Gallicae suam se debere doctrinam diceret, Italum tamen se semper esse voluit, & esse semper gloriatus est.

## OPERA EDITA.

*Antequam Parisina Scientiarum Academia a Lud. XIV. instauraretur, quod accidit an. MDCXCIX. non omnia, in quibus elaborabant Academici, publica luce donantur. Narratur quidem ante illud tempus plura scripsisse Maraldium, & mentio praesertim fit horum scriptorum, ceteris praetermissis; quae ad Astronomiam minime pertinebant.*

*Corrections des Epoques du mouvement des Satellites de Jupiter.*

*Recherches & observations sur les changemens de la grandeur apparente des Etoiles.*

*Observations sur une Etoile fixe changeante de la Constellation du Cygne.*

*Observations des Taches sur le Soleil en Mai.*

*Hactenus de astronomicis scriptis Maraldii, quae quidem cum Academia communicavit ante annum MDCLXXXIX. Cetera, quae sequuntur, in ejusdem Academiae commentariis sic descripta reperiuntur.*

*Comparaison des Observations de la Comète de 1699. faites à la Chine par le Révérend Père Fontenay, rapportées à l'Académie par le Révérend Père Gouye, le 12. Mars 1701., avec celles qui en furent faites à l'Observatoire Royal de Paris. Mem. 1701.*

*Description des quatre Etoiles proche du Cercle Polaire, avec les quelles on commenca de voir la Comète de 1699., à Paris. *ibid.**

*Observation de l'Eclipse de Lune, du 23. Février 1701. à Collioure. *ibid.**



Taches dans le Soleil observées à Montpellier le  
29. Mars 1701. *ibid.*

Observation de l' Eclipsé du Soleil du 23. Septem-  
bre 1699. , faite à Paris. *ibid.*

Observation d'un Nouveau Phénomène , faite à Ro-  
me , le 2. Mars 1702. avec les Réflexions de Mr. *Cas-*  
*feni* sur cette Observation. M. 1702.

Expériences du Baromètre faites sur diverses Mon-  
tagnes de la France M. 1703.

Observation de deux taches dans le Soleil , en Jan-  
vier 1704 M. 1704.

Suite des Observations des Taches du Soleil en Jan-  
vier 1704. *ibid.*

Retour des Taches observées dans le Soleil au com-  
mencement de Janvier 1704. *ibid.*

Observation d' une nouvelle Tache dans le Soleil ,  
au mois de Mars 1704. *ibid.*

Comparaison des Observations de Mr. *Manfrédi* avec  
celles de Paris. *ibid.*

Extrait d' une Lettre de Mr. *Manfrédi* sur une E-  
clipsé de Venus par la Lune, observée à Bologne le 30.  
Juin 1704. *ibid.*

Raport de l' Observation de l' Eclipsé de Lune fai-  
te à Bologne , le 17. Juin 1704. Par Mrs. *Manfrédi &*  
*Stancari.* *ibid.*

Occultation de Jupiter par la Lune observée en  
plein jour le 27 Juillet 1704. *ibid.*

Conjonction de Jupiter avec la Lune, observée le  
24. Aout 1704. *ibid.*

Considérations sur la Théorie de Planètes. *ibid.*

Les Hypothèses du mouvement de Saturne. *ibid.*

Observation de l'Eclipse de Lune, du 10. Decembre 1704. *ibid.*

Comparaison des Observations du Baromètre, faite par le Révérend Père *Sebastien Truchet* avec les nôtres. M. 1705.

Observations du Baromètre & du Thermomètre, faites en différentes Villes pendant l'année. 1705. M. 1706.

Les Hypothèses du mouvement de Jupiter. *ibid.*

Les Hypothèses du mouvement de Mars. *ibid.*

Observation d'une Comète, qui a commencé de paroître au mois de Mars. *ibid.*

Découverte d'une nouvelle Etoile ( de l'Hydre ), qui paroît & qui dispaçoit en divers tems. *ibid.*

Observations de la Comète, faites depuis le 18. Mars qu'on a commencé de la voir, jusqu'au 16. Avril qu'elle a cessé de paroître. *ibid.*

Observation de l'Eclipse de Lune, du 28. Avril 1706. faite à l'Observatoire Royal. *ibid.*

Observation de l'Eclipse du Soleil faite le 12. Mai 1706. à l'Observatoire. *ibid.*

Observations de l'Eclipse de Lune, du 21. Octobre 1706. faites à Marseille & à Bologne. *ibid.*

Considérations sur la seconde inégalité du mouvement des Satellites de Jupiter, & sur l'Hypothèse du mouvement successif de la Lumière. M. 1707.

Observation de l'Eclipse de Lune, faite à l'Observatoire Royal, le 17. Avril au matin, de l'année 1707. *ibid.*

De la dernière conjonction Ecliptique de Mercure avec le Soleil. *ibid.*

Observations de quelques Taches considerables dans les Satellites de Jupiter. *ibid.*

Observation du Passage de la Planète de Mars par l'Etoile Nebuleuse de l'Ecrevisse, faite le mois de Juin de l'année 1707. M. 1707.

Observation de l'Eclipse de Lune ( du 17. Avril 1707 ), faite à Zurich. Par Mrs. Scheuchzer, & comparée à la même Eclipse faite à Rome. *ibid.*

Observation d'une Comète. *ibid.*

Observation de l'Eclipse de Venus par la Lune ; du 23. Février 1708. M. 1708.

Observation de l'Eclipse de Lune, du 5. Avril au matin, de l'année 1708. *ibid.*

Observations du retour de la Tache ancienne de Jupiter. *ibid.*

Observation du passage de la Lune par les Etoiles méridionales des Pleiades, le matin du 10. Août 1708. *ibid.*

Réflexions sur la suite des Observations de la Comète de Novembre 1707. faite à Bologne Par Mrs. Marfrèdi & Stancari. *ibid.*

Observations de l'Eclipse de Soleil, du 14. Septembre 1708. *ibid.*

Observation de l'Eclipse de Lune, du 29. Septembre 1708. *ibid.*

Observation de l'Eclipse de Lune, du 29. Septembre 1708. faite à Gènes par Mrs. le Marquis Salvago & l'Abbé Borrabini, & à Marseille par le Père Laval & Mr. de Chazelles. *ibid.*

Comparaison des Observations du Baromètre faites

à Paris & à Zurich, pendant les six premiers mois de l'année. 1708. & les six derniers mois de la même année. M. 1709.

Observation du retour de l'Etoile changeante de l'Hydre. M. 1709.

Comparaison des Observations du Baromètre faites en différens lieux. *ibid.*

Observation de l'Eclipse de Lune, du 13. Février au soir, de l'an 1710. M. 1710.

Observation de l'Eclipse du Soleil, du 28. Février 1710. *ibid.*

Comparaison des Observations de l'Eclipse de Lune, du 13. Février 1710., faites en différens lieux. *ibid.*

Diverses Observations de la conjonction de la Lune avec les Pleiades. *ibid.*

Observation du passage de Jupiter proche de l'Etoile qui est dans le Front du Scorpion, comparée avec une semblable Observation faite en 1627. *ibid.*

Nouvelles Expériences sur la dilatation de l'Air faite par Mr. Scheuchzer sur les Montagnes de Suisse, avec des Réflexions. M. 1711.

Observation de l'Eclipse de Soleil, qui est arrivée le 15. Juillet 1711. *ibid.*

Observation de l'Eclipse de Lune qui est arrivée le 29. Juillet 1711. *ibid.*

Observation de l'Eclipse Horizontale de Lune faites en différentes Villes, & rapportées. *ibid.*

Recherche de la Parallaxe de la Lune dans ses conjonctions avec les Etoiles des Pleiades. *ibid.*

Observations de l'Eclipse de Lune, du 23. Janvier 1712. M. 1712.

L' Inclinaison du quatrième Satellite à l' égard de l' Orbite de Jupiter , vérifiée par une Observation rare. *ibid.*

Observations sur les Abeilles. *ibid.*

Du Retour de l' Etoile changeante qui est dans la Constellation du Cygne. M. 1713.

Observation de l' Eclipsé de Lune, du 2. Decembre 1713., faite à l' Observatoire Royal. *ibid.*

Retour de la Tache ancienne de Jupiter, avec l' Observation d' une grande Tache dans le quatrième Satellite. M. 1714.

Observations pour déterminer la différence des Méridiens entre Paris & Leyde, & entre Paris & Upsal. *ibid.*

Observations sur la Phase ronde de Saturne. M. 1715.

Réflexions sur l' Eclipsé du Soleil, du 3. Mai 1715. *ibid.*

Observation de l' Eclipsé du Soleil, du 3. Mai 1715. *ibid.*

Observation de l' Eclipsé de Venus par la Lune, faite en plein jour le 23. Juin 1715. *ibid.*

Observation de l' Eclipsé de Jupiter par la Lune, faite le matin, du 25. Juillet 1715. *ibid.*

Observation d' une Lumière Septentrionale. M. 1716.

Observations de l' Eclipsé de Jupiter par la Lune, faites le quatrième jour de Janvier 1716. *ibid.*

Suite des Observations sur l' Anneau de Saturne. *ibid.*

Observations d' une Lumière Horizontale. M. 1717.

Observation de l' Eclipsé de Lune, faite le 20. Septembre 1717. *ibid.*

### 318 JACOBUS PHILIPPUS

Observation de l'Eclipse d'Aldebaram par la Lun  
 6e, faite le 25. Septembre 1717. *ibid.*

Observation d'une Lumière Septentrionale. M.  
 1718.

Observation de l'Eclipse de Soleil, du 2. Mars  
 1718. *ibid.*

Observation de l'Eclipse de Lune, du 9. Septem-  
 bre 1718. *ibid.*

Observations de la Lumière Septentrionale. *ibid.*

Observations du passage de Jupiter proche de l'E-  
 toile appelée *Propus*. *ibid.*

Observations sur l'Etoile changeante de la Baleine.  
 M. 1719.

Comparaison de quelques Observations de Mr. le Che-  
 valier de Louville, avec celles qui ont été faites à l'Ob-  
 servatoire Royal. *ibid.*

Observation de l'Eclipse de Lune, du 29. Aout  
 1719. *ibid.*

Observation sur la quantité de Pluie, sur le Ther-  
 momètre, & sur le Baromètre pendant l'Année 1719.  
 M. 1720.

Observation d'une Aurore Boréale. *ibid.*

Observations sur les Taches de Mars. *ibid.*

Observations Météorologiques de l'année 1720.  
 M. 1721.

Observation de l'Eclipse de Soleil, du 24. Juillet  
 1721. Par Mrs. Cassini & Maraldi. *ibid.*

Observations de deux Météores *ibid.*

Observations sur différens Météores de l'année 1721.  
 M. 1722.

Observation de l' Eclipsé de Lune , faite le 28.  
Juin après minuit 1722. *ibid.*

De la Parallaxe de Mars. M. 1722.

Observations de l' Eclipsé de Soleil , du 8. Dé-  
cembre 1722. faite en présence du Roi. Par Mrs. Caf-  
fini & Maraldi. *ibid.*

Détermination Géographique de l' Isle de Corse. *ibid.*

Observations Météorologiques faites en 1722. M.  
1723.

Diverses Expériences d' Optique. *ibid.*

Observations & Réflexions sur la Comète qui a pa-  
ru au mois d' Octobre 1723. *ibid.*

Observation de Mercure sur le Disque apparent du  
Soleil. *ibid.*

Observations Météorologiques de l' année 1723. M.  
1724.

Observation de l' Eclipsé de Soleil , du 22. Mai  
1724. faite en présence du Roi à Trianon. *ibid.*

Observation de la Comète qui a paru en l' année  
1723. *ibid.*

Observation de l' Eclipsé de Lune , faite le matin  
du premier Novembre 1724. *ibid.*

Observations Météorologiques faites en 1724. M.  
1726.

Observations Météorologiques de l' année 1725. M.  
1726.

Observations faites à Pequin , & comparées avec  
celles qui ont été faites à Paris. *ibid.*

Observations Météorologiques de l' an 1726. *ibid.*

Explication des Tables du premier Satellite de Jupiter

320 JACOBUS PHILIPPUS

piter, avec des Réflexions sur le mouvement de ce Satellite. M. 1727.

Observation Météorologiques de l'année 1727. M.

1727.

Observations Météorologiques pendant l'année 1728.

M. 1728.

Observation de l'Eclipse totale de Lune du 13. Février 1729. M. 1729.

De l'Inclinaison de l'Orbe de Jupiter. *ibid.*

Observations Météorologiques pendant l'année 1729.

*ibid.*



AN-



ANGELUS FABRONIUS

FRANCISCO DANIELO

NEAPOLITANI REGIS HISTORIOGRAPHO

S. P. D.

**G**ratulor patriae tuae, quod nullum sit genus litterarum, quod apud vos non studiosissime excolatur, gratulor Mazochio, qui exemplo, monitis praeceptisque effecit, ut etiam studium litterarum Hebraicarum tantum vigeret, quantum vix alibi; & sane quae a Matheo vestro de Psalmis habuimus, ostendunt quam multa sint adhuc in iisdem litteris recondita, quam curiosa, quam utilia, quae lucem scriptoris desiderant. Mirari se agebat Mazochius ipse, quid esset cur multi Homeri, Pindari, Horatii scriptis celebrandis, omnique laude cumulandis toties immorarentur, Moysen interea, Davidem, Isaiam silentio praeterirent; quapropter totum se convertit ad poesin Hebraeorum illustrandam, qua de re praeclare inchoata mul-

Tom. VIII.

X

ta reliquit, absoluta non plane. Tria omnia sunt, quae in omni perfecta poesi considerare solemus, rem ipsam, ejusque tractandae modum, dispositionem, ordinem & pro vario poematis genere totius formam; deinde elocutionem atque stilum; postremo carminis suavitatem, numerosque non solum ad aures oblectandas, sed etiam ad res ipsas exprimendas, omnemque animi motum concitandum idoneos. Non me latet disputari ab eruditis, num Hebraeorum poesis numeris & modis fuerit adstricta, & cum multae hinc atque hinc afferantur conjecturae, suspicari quidem possumus ipsos novisse rhythmos artemque numerorum, sed nullum ex eorum sermone eruere possumus argumentum, qui suis vocalibus destitutus per annos supra bis mille mutus omnino, &, ut ita dicam, elinguis jacere videtur. Quanquam Graeca & Latina lingua ita nunc efferrantur, vix ut retineant pristinae suavitatis; sonusque pronunciandi, quem adhibemus, ingratiissimus futurus fuisset & omnino barbarus Atticis & Romanis auribus, sui tamen manent iis numeri sui que pedes, quos frustra in Hebraica lingua quaesieris. Itaque qui metricam illam fuisse contendunt, &

hanc instaurare conantur, aedificium extruere videntur, cui fundamentum, in quo nitatur, plane deest. Hoc proprium fuisse Hebraeorum poetarum existimatur, ut poemata in periodos plerumque aequales distribuerent; periodos vero ipsas in suos versiculos, saepissime binos, interdum etiam plures; quod cum maxime appareat iis in locis, ubi rem unam, ut solebant, multis modis versant, & in eadem commorantur sententia; ubi eandem rem diversis verbis exprimunt, aut diversa eadem forma verborum comprehendunt; & cum paria paribus referuntur, adversis opponuntur contraria, ex hoc conjici potest aliquam numerorum rationem ipsos habuisse, curavisseque ut apte & numerose caderet oratio. Sed non tam elegantiae quam necessitati hoc multi tribuunt: nisi enim sententias in versiculorum spatia distribuissent, nulla amplius fuisset distinctio carminum, & omnia implicata & permixta viderentur, cujus rei declinandae causa inventa quoque fuisse putantur carmina in alphabeti modum distributa. Verum id, in quo praeter ceteros excellere optabant Habraei vates, erat orationis genus sententiarum, figurarumque luminibus distinctum & o-

mni rerum & verborum magnificentia ornatum.  
 Si quando accidit ut breviter & simpliciter lo-  
 qui incipiant, accersunt statim ornamenta, ite-  
 rant, variant, augent, nihil omittunt quod ad  
 exaggerandam illuminandamque orationem & ad  
 impellendos sensus valeat. Commoratio in una  
 re, augendi minuendique causa veritatis su-  
 perlatio atque trajectio, similitudo, conformatio,  
 exemplum, iracundia, objurgatio, promissio,  
 deprecatio, laesio, optatio, execratio, digressio,  
 interrogatio, admiratio, & horum similia fre-  
 quenter ab iis adhibentur, quod habeant vim,  
 & mirabiliter illustrent orationem. Quanta ve-  
 ro translationum copia! Ubique fere exstat at-  
 que dominatur perpetua quaedam ac sibi in-  
 stans metaphora, saepe audacter illata, saepe  
 etiam cum periculo irruens, & quae licen-  
 tius occupavit, iis immoderate nonnunquam &  
 insolenter uitur. Est vero quod miremur tan-  
 tam copiam libertatemque translationum minime  
 officere orationis perspicuitati, nisi sumptae sint  
 ex rebus, quas vetustas oblivione obruit, cujus  
 rei in cantico praesertim Salamonis multa viden-  
 tur esse exempla. Ceterum ex rebus plerumque  
 naturalibus suas depromebant metaphoras He-

*braei, & quae apud Latinos liberiores & pen-  
inverecundae esse videntur, illorum iudicio re-  
missiores & languidae habitae forent. Id in-  
telligi ab iis poterit, qui loca quadeam Isaiae  
(\*) cum Horatianis illis carminibus conferent.*

Lucem redde tuae, Dux bone, patriae,  
Instar veris enim vultus ubi tuus  
Affulsit populo, gravior it dies,  
Et soles melius nitent.

*Erant & alii fontes uberrimi, ex quibus suas  
derivare solebant translationes Hebraei vates,  
ex moribus puta, & civilis vitae consuetudine,  
ex artibus, iis praesertim, quae ad colendas ter-  
ras curandumque pecus, quae omnium nobilissi-  
mae ab iis putabantur, sunt inventae; ex pa-  
triis religionibus ac caeremoniis, ex sacra histo-  
ria, quae omnia tam variam lautamque supelle-  
ctilem imaginum atque ornamentorum suppedi-  
tabant, ut iis, qui his aures affuescerint, ce-  
tera vilescere videantur. Idem ille Homerus  
quando in huiusmodi translationibus eminere*

(\*) Is. XXX. 26. LX. 19. 20.

voluit, ut cum Achillem suum effert (\*), aliquid sumpsisse putatur ab Hebraeis; & quamquam non tam magnifice & ample dicta sua exornaverit, fortasse quia tantam audaciam libertatemque minime Graecae linguae Graecisque moribus congruere judicavit, satis tamen exemplo suo ostendit eorum magniloquentiam imitatione dignam esse. Etsi nolim scriptorem efferi immoderatione verborum & figurarum, nihilo minus optarim multa ab illo colorari & animari, quam in rem mirabilis utilitatis fructum praebere eidem poterit veterum Hebraeorum ac praesertim Prophetarum lectio. Erant quidem Prophetae a Deo ipso & electi, & ad obeundum munus suum abunde instructi; praeparabantur tamen quodammodo ad concipiendam divinam sapientiam in Collegiis ad id institutis, quibus praeerat, tanquam moderator & praeceptor, vates aliquis summa auctoritate atque doctrina. Hinc ad prophetiae munus exequendum ii praecipue evocabantur, qui in sacra poesi diu & multum fuerant exercitati, cum unum idemque officium esset & edere oracula, & carmina,

(\*) Iliad. V. 449. & XIII. 588.

*seu hymnos in usum Ecclesiae condere. Quare minime est mirandum, si magna pars factorum hymnorum vera sint vaticinia, insigniora vero vaticinia praebeant exempla sublimioris poescos. Quid porro magnificentius Capitibus Isaiae IV. & V. supra tricesimum, & quadragesimo, quid limatius & exquisitius omnique ornamentorum copia magis affluens Balaami ceterisque hujusmodi vaticiniis? Inveniuntur etiam in Prophetarum scriptis diversi generis poemata, veluti idyllia, elegiae atque odae, & quae ad lyricam pertinent praeter cetera excellere jure ac merito judicantur. Horum argumenta non erant fictae res, sed summi Dei bonitas ac magnitudo, non hominum gesta, sed laudes divinorum beneficiorum, non amantium querelae ac deliria, sed preces, suspiria, vota populi miseriarum deprecatoris; & cum ostenderetur quid factum fuerit, cum portenta ac miracula narrarentur, cum omnis antiquitatis memoria explicaretur, cum juxta se ponerentur Divini Numinis beneficia hominumque malefacta, mira inde exurgebat ornamentorum copia, quae non in alienum irruiſſe, sed in suum immigrasse locum videbantur. Non opus erat Hebraicis poetis multa varietate a-*

*abundantibus longius digredi a proposito, quodque non haberent tam magnum campum Graeci poetae, & digressiones amabant, & multa extrinsecus quaerebant assumebantque. Nonne aegre Pindaro ignoscimus, qui celebraturus Hieronem gravi & diuturno morbo laborantem, & vota facturus Aesculapio ad opem aegroto arte medica ferendam versus plus centum, & totius carminis dimidiam omnino partem insumpsit in universa Aesculapii historia persequenda? Non similia quidem in Hebraicis odis inveneris, quamvis cae sint laetae, solutae, liberae, in elatiore argumento exultantes etiam, audaces, nonnunquam prope effrenae. Si quando paullulum aberravit vates, redit brevi ad rem, idque de oda Hebraea statui posse videtur, ex ipsa rerum, in quibus versatur, natura tam faciles habere aditus ad pulcherrimos ornamentorum locos, tot opportunitates egressionum, ut in summa rerum varietate & liberrimis excursionibus plerumque ei mirifice constet continuationis atque ordinis ratio. Vereor ne ineptus judicer, si hoc loco plura de poesi Hebraeorum dixerim. Pauca tamen quae attuli non tanquam citharoedi prooemium affictum aliquod tibi videbuntur, cum*



*dicturus* sim de studiis Alexii Symmachi Mazochii, qui vir erat egregius in Hebraicis litteris, quique effusus favere Hebraicis poetis judicabatur. Haec enim aetas vitiorum foecunda magnam copiam semidoctorum effudit, qui turpiter vituperare non dubitant quidquid antiquitatem olet, omnesque eos qui in illa exploranda illustrandaque elaborant. Horum voces tu quidem, eruditissime Danieli, contemnes, ut certe contemnebat Mazochius tuus; & postquam illustrasti multa, quae ad Romanorum historiam pertinent, perficies quae jamdiu habes in manibus de Friderici II. Caesaris vita & legibus, ex quibus magnas tibi & nominis & fortunae accessiones fore confido. Vale.

Pifis XV. Kal. Majas. MDCCLXXXI.

## ALEXIUS SYMMACHUS MAZUCHIUS :

**E**Runt quidem semper posteris clarae & insignes virtus & doctrina Alexii Symmachi Mazuchii non tam propter earum amplitudinem, quam propter elegantiam scriptorum (\*), qui hominis summi praeclara gesta historiae monumentis consignarunt. Facturus ne operae pretium sim, si easdem res ego quoque perscripserim, nec satis scio, nec si sciam dicere ausim. Video quidem cum veterem tum vulgatam esse consuetudinem, ut novi semper exoriantur scriptores, qui aut in rebus certius aliquid se allaturos, aut scribendi arte ceteros se superaturos confidant. Utcumque erit, juvabit tamen pro virili parte & me ipsum consuluisse famae viri amicissimi, qui mihi quidem, quamvis e vivis sublatus, vivit tamen semperque vivet. Virtutem enim semper amavi illius, quae extincta non est; nec mihi solum ver-

(\*) Nicolaus Ignarra, Franciscus Seraus & Parisiensis Academiae, quae dicitur Inscriptionum & Humaniorum Litterarum, Secretarius. Vid. Vol. XXXVIII.

fatur ante oculos, sed omnibus civibus suis sic viget, ut nemo setme animo aut spe magnum aliquid suscipiat, quin sibi illius memoriam atque imaginem proponendam putet. Sed ad propositum veniamus. Natus ille est XI. Kal. Novembris (\*) anno MDCLXXXIV. in pago florentissimo S. Mariae, quo in pago sita fuit vetus Capua, & qui a nova duo ferme millia passuum distat. Pater ejus fuit Laurentius Mazzocculus, quod co-

(\*) Secuti sumus auctoritatem ipsius Mazochii, qui non uno in loco operum suorum testatur se in lucem hominum editum die Symmacho Episcopo Capuae sacro, hoc est 22, Octob. ( *Vid. Kal. Neap. 22. Octob.* ) Ceterum in libris, in quibus notata sunt nomina eorum, qui baptizati fuerunt in Ecclesia, ut vocant, Collegiata S. Mariae de Capua, haec scripta reperiuntur. *Anno Domini millesimo sexcentesimo octuagesimo quarto die vigesima secunda Octobris. Ego D. Joannes Jenco Curatus baptizavi infantem pridie natum ex Laurentio Mazzoccolo & Margarita Battaglia conjugibus hujus Parochiae, cui impositum est nomen Alexius Symmachus. Matrina fuit Victoria Indolfo &c.* Fortasse Mazochius numeravit natalem diem suum a die, quo lustralibus aquis ablatus est, nisi dicere velimus media ferme nocte pridie illius diei ipsum in lucem editum fuisse.

gnomen Alexius in Mazochium commutavit, ut Latinitati & gloriolae serviret. Ineunte enim saec. XVI. floruerat Romae arte typographica hoc ipso cognomento Jacobus. Matrem habuit Margaritam Battaliam, quae postquam feliciter tres supra viginti liberos peperisset, ob Alexium editum occubuit. De qua sane numerosa familia ipse jocans dicere solebat, propositum fuisse patri in uxore ducenda, ut redderet regno quos paullo ante dira pestis absumpserat. Quoniam nihil est in homine bona & sagaci mente melius, dolebant multi ea tardi ingenii signa in Alexio apparere, ut deferendum illum censerent. Sed cum taederet ipsum perversae institutionis, in quam inciderat, neque mentem posset accommodare puerilibus illorum temporum ineptiis, facile erat praeceptorum inscitiam vitio adolescentis tribuere. Sed tamen interdum dum in Seminario Campano alumnus versaretur, nonnullos jaciebat quasi igniculos ingenii, qui cum minime effugerent perspicaciam Buccardi Canonici, qui erat moderatorum unus, persuasit hic pa-

tri, ut Alexium Neapolim instituendum mitteret. Hic tum forte erat Carolus fratrum natu maximus, & meliore sane fortuna ex cultus, quippe qui prudens adeo erat Graecae Linguae, ut ferme universas Joannis Chrysostomi homilias memoria teneret. Ab hoc igitur hujus ipsius linguae initia, quae Graecae elementa appellari solent, Alexius accepit, & cum aditus quidam sibi patefactus fuisset ad Ciceronis cognitionem, sensit tum quidem se nil nisi de faece antea hausisse, & perversae institutionis vitia continua auri illius scriptoris lectione sibi esse corrigenda. Brevi quidem sic calluit Latinam linguam, ut diligentissimos condiscipulorum posset in certamen vocare cum certa spe victoriae, & quae praeceptor Italice dictaret, Latine scribere sine mendo. Effecit etiam diligentia & contentione omnino singulari, ut idem quoque posset in Graeca lingua, sic ut quae de scripto Latine traderentur vel a philosophiae vel a theologiae magistris, ipse ex tempore Graecum in sermonem converteret. Quod si Budaeo aliisque perpaucis exercitatissimis viris laudi datum est, quod *de Græco libro quæ*

*scripta sunt, legerent Latine, de Latino Graece* (\*), magis etiam suspicere debemus Mazochium, qui, nondum studiorum exacto curriculo, id ipsum posset vel in iis rebus, quae difficili in cognitione versantur. Qua re vulgata, nihil non egit Archiepiscopus Campanus, ut redderetur Seminario suo alumnus, qui vel in nobilissimo theatro admirationem maximam moverat. Sed propositum erat patri adolescentulum minime abstrahere a reconditorum disciplinarum cursu. Itaque postquam philosophiae & theologiae is satisfecisset, audivit Nicolaum Parthenium Jannettasium Jesuitam, qui in Maximo, ut vocabant, Collegio mathematicas disciplinas tradebat. Sed cum hic ad laudem magis poetae (& sane Latinas musas aequas experiebatur) quam mathematici aspiraret, necesse fuit Mazochio industria sua praeceptoris inscitiam corrigere. Inter haec patrem amisit, qui tantum ei amoris & prudentiae desiderium reliquit, ut vel senex dictorum & praeceptorum illius memoriam saepe repeteret. Cum

(\*) Vives Comment. in S. Aug. de Civit. Dei l. 1. c. 17.

vero Alexio omnia essent solutissima , pote-  
 state vivendi ut vellet , qua saepissime in-  
 cauti adolescentes abutuntur , ita ipse usus  
 est , ut perraro domo exiret seque totum in  
 litteras abderet . Omnia fere quae sunt con-  
 clusa theologicis studiis ( nam Ecclesiae se-  
 pridem devoverat ) historiarum cognitio , poe-  
 tarum pertractatio , linguarum & monumen-  
 torum antiquitatis interpretatio , & in ratio-  
 ne dicendi excogitare , ornare , disponere ,  
 meminisse , quae plerisque ignota , & diffu-  
 sa late videbantur , erant exercitationes in-  
 genii & curricula mentis Mazochii , qui in  
 hoc solum sibi peccasse visus est , quod tum  
 ad nullius ductum , quanquam plures essent  
 Neapoli doctrinae gloria florentissimi viri , se  
 applicaverit . Unus omnino , ad quem sacer-  
 dos jam factus itare solebat , erat Carolus  
 Majellus , de quo ajebat , ex omnibus rebus ,  
 quas sibi aut fortuna aut natura tribuit , se  
 nihil habuisse quod cum amicitia Majelli  
 comparari posset , nullamque unquam rem  
 extitisse , quae plus apud se polleret quam  
 ipsius voluntas atque iudicium . Itaque Ei-  
 dem discedenti Neapoli , ut Clementi XI.

Pontifici Maximo ab epistolis esset, libentissime successit Alexius in munere studiorum Praefecti, quod in Neapolitano Seminario magna cum gloria diu sustinuerat. Non est credibile quanta cura, quantisque vigiliis rem Seminarii gesserit Mazochius, cum ei esset persuasissimum fructum ingenii & virtutis omnisque praestantiae tum maxime capi, cum in proximum quemque confertur. Quotidie scholas obibat, cunctis aderat, cognoscebat, animadvertibat, & quo quemque natura tulisset sapientissimis consiliis ipse ducebat. Litteras etiam Graecas Hebraicasque tradebat, satagebatque, ut non linguae solum, verum etiam animi & virtutis magister esset. Quod non in sententia solum, sed etiam in nutu residere ejus auctoritas videbatur, rari erant qui non gauderent officio, & qui recta non sequerentur: mira vero is erat arte in avertendo languore; & nemo ignorat facilius esse currentem, ut ajunt, incitare, quam commovere languentem. Hujusmodi muneri ipse eousque praesuit, dum aetas vergeret ad senectutem; depositum vero iterum suscipere coactus est,

quod



quod maxime doleret, qui Neapolitanae Ecclesiae clavum tenebat Spinellius Cardinalis, absente Mazochio, apparere in animis adolescentium molle quiddam, demissum, humile, enervatum quodammodo & languidum. Adeo-quidem rem Alexius restituit, ut vel ipsae deambulationes, ceteraque hujusmodi oblectamenta non sine libris atque stilo essent. Quae priusquam acciderent, incredibili contentione & prece Nicolai Caraccioli Archiepiscopi Campanorum invitatur, ut ad suos redeat; eodemque tempore Campanus Canonicus creatur. Sed haec nihil movebant hominem ab honoribus alienissimum, nec prece, nec pretio, nec gratia ulla a suo Neapolitano Seminario abstrahi posse videbatur. Fregit tandem juvenis propositum Caraccioli auctoritas ac plane imperium, convenitque inter eos de partienda opera inter Seminarium Neapolitanum & Campanum, sic ut quatenus Canonici munus exigeret, ipse Capuae consisteret, reliquo vero tempore suis Neapolitanis consuleret. Quod promiserat studiose perfecit, etsi auctus a Romano Pontifice novo Canonicatu paullo post

fuerit, qui, quod onus habeat publice sacras  
 litteras exponendi, *theologalis* appellari solet.  
 Tum quidem litterarum humaniorum praece-  
 ptor esse desit, ut plane satisfaceret iis con-  
 victoribus, qui cognitionem scientiamque sa-  
 crorum librorum requirebant. Interea Episco-  
 pus Averfanus paullulum invidens vicinis suis,  
 quod Seminaria florentissima haberent Mazo-  
 chii opera, hunc vehementissime rogavit, ut  
 in illis suis continuis itibus & redditibus paul-  
 lulum ea in urbe subsideret suis quoque Cle-  
 ricis consulturus. Non diutius se rogari est  
 passus vir humanissimus, cui nihil erat an-  
 tiquius utilitate eorum, qui se Ecclesiae obli-  
 gaverant; miraberis vero unum hominem  
 sufficere, & tantorum operum laborem ferre  
 potuisse. Ipsa loca, in quibus versabatur Ma-  
 zochius, Romanarum rerum, gymnasiorum,  
 & Graecarum disputationum quodammodo  
 memoriam commovebant; quare solebat sem-  
 per aliquid scribere aut legere, quod ad an-  
 tiquitatem illustrandam pertineret. Prudentis-  
 simus vero homo e prodeundo in publicum  
 refugiebat; & quae in adversariis notabat,  
 neque ab indoctissimis, neque ab doctissimis

legi se velle dicebat, quod alteri nihil intelligerent, alteri plus fortasse quam ipse. Sed roganti Iosepho a Capua Capycio viro perurbano & docto recusare non potuit, quin de amphitheatro Campano librum conderet ederetque, qui sane hominis eruditissimi illi famam confecit. Detecta enim per illos dies fuerat inter rudera ejusdem amphitheatri inscriptio quaedam, sed haec mutila (\*) quae non modo supplenda erat, sed ita interpretanda, ut ex ea certissima argumenta atque indicia ad illustrandam veterem Campanam historiam erui possent. Et quidem, Mazo-

Y 2

• (\*) Haec ita se habebat.

— IA. FELIX. AV

FECIT

IANVS. AV

F. COLUMNAS. AD

IVS. HADRIANVS

PIVS. DEDICAVI

Quod deest inscriptioni, ita Mazochius supplevit.

COLONIA. IVLIA. FELIX. AVG. CAPVA

FECIT

DIVVS. HADRIANVS. AVG. RESTITVI

IMAGINES. ET. COLUMNAS. ADDI. IVSSIT

IMP. CAES. T. AELIVS HADRIANVS. ANTONINVS.

AVG. PIVS. DEDICAVIT.

chio interpretante, scimus quoties, & a quibus, quibusque temporibus deductae Capuam coloniae fuerint; quam jure urbs haec altera Roma appellaretur; non ab ejus prospera fortuna, sed a Sylla Felice *Feltis*, ut ab Caesare *Juliae*, ab Octaviano *Augustae*, idque auctoritate Senatus, cognomen ipsam habuisse; fuisse illam inter colonias XVIII. urbium Italicarum primam, & quibus terminis circumscriberetur; qua occasione *de Campana pertica*, *ejusque praefecturis* pluribus differit. Multa alia auctor persequitur, ex quibus intelligimus, quos per gradus vetus Capua ex amplissimo statu ad abjectum delapsa fuerit. Majora etiam patriam historiam illustrantia in lucem attulisset, nisi in animo illi fuisset hac ipsa de re separatim agere, quandoquidem quae maximo labore & industria vir summus Camillus Peregrinius de Campanis antiquitatibus collegerat paucis ante ejus obitum mensibus ignis absumpserat. Quod ad amphitheatrum vero pertinet, minime ante Vespasiani tempora conditum illud fuisse putat, suppeditata pecunia ex publico civitatis aerario, cujus possessiones, vecti-

galia ac reditus omnes sic enumerat, ut par tanto operi illud fuisse judicare debeamus. Quod amphitheatrum istud ab Hadriano restitutum atque ornatum, ab Antonino vero dedicatum dicatur, hinc consequi affirmat alterum illud ad postrema Hadriani tempora, alterum ad Antonini imperii initia referendum. Nam cum dedicare idem sit quod *usui dicare*, haud putat magnum temporis intervallum inter Hadriani opus & Antonini dedicationem intercessisse. Atque hic eum locus admonuit, ut de dedicatione, ejusque notione ac ritu, quae a monumentis antiquitatis didicerat, exponeret, quod eo libentius fecit, quia nemo, uno excepto Guthério (\*), rem hanc tractaverat. Sed ne aliquid a Guthério furripuisse, aut actum agere velle videretur, ita contexuit *diatribam* suam *de Dedicationibus*, ut praetermissa tantummodo notaret, ac quodammodo lectores suos cogeret ad utrumque opus conjungendum, si universae rei cognitionem assequi vellent. His confectis, redit ad Campanos suos, ut e-

## Y 3

(\*) In III. de vet. jur. Pont. II. &amp; 12.

os propensissimos in omne genus ludos, ac praesertim gladiatorios, in quos sumptus effusos cum dedecore insumebant, ostenderet. Postremode Campano theatro, cujus adhuc exstant vestigia, differit, & dum inquit quis proscenii ejusdem theatri redemptor fuerit, de anaglypto quodam, & singulis hujus imaginibus ea profert, ut plurimum addidisse Mabillonii & Fabretti hac ipsa de re animadversionibus videatur. Quod properans festinansque haec ediderit, causam fuisse ait Mazochius, quare non omnia ordinata suisque locis disposita sint, & pauca quaedam etiam postea emendare debuerit. Intercurrunt nonnunquam aliae Campanae inscriptiones, in quibus explicandis libentissime auctor immoratur: non omnia vero quae connecti cupiebat Capycius, persecutus est, quod haec aliud quoddam separatum volumen expectabant. Ceterum tam varia, tam recondita, tam multa eruditio, tantum acumen ad occultissima perspicienda, & probabilia conjicienda, tam diligenter elaborata, & tanquam elucubrata Latina oratio commentarium hunc commendant, ut tanquam antiquitatis nun-

tius aliquis, vel vates optimus Mazochius ab omnibus jure ac merito praedicetur. Eodem tempore, quo haec in lucem edita sunt, elaborabat Maffejus in simili ferme concin- nando opere de amphitheatro Veronenſi, ſed cum exaequare ſe poſſe deſperaret eruditio- nem Mazochii, hujus laudi ac gloriae homo φιλαυτος non ſatis faviſſe viſus eſt. Nomi- navit quidem ipſum honorifice, non ut ali- quid ab eo didiciſſe, ſed ut cum ipſius glo- ria communicare velle videretur. Acquiores in Mazochium Zenus & Muratorius fuerunt, qui illum parem ſummis viris, quibus no- ſtra non modo, ſed & ceterae nationes glo- riantur, judicarunt. Haec cum minime i- gnoraret Aloyſius Harrachius Comes, qui Caroli VI. Caefaris nomine Neapolitanum Regnum tum gubernabat, dignum Mazo- chium putavit, qui Regio Sacello & publi- cis ſtudiis ( ſunt enim conjuncta haec mu- nera ) praeficeretur. Qui cum eo certamen honoris & dignitatis habebant ( mos enim erat tres ad eligendum proponere ) hujusmo- di competitorem verebantur; hic e contra- rio anxius & ſollicitus erat, ne quid de ſe

ejusmodi statueretur, cum nihil minus vellet, quam se ab otio atque solitudine abstrahi. Cum res e sententia successisset, tum adiit Harrachium, quem antea ne salutaverat quidem, & vehementer obsecrare, ne post-hac e gurgustio se suo ( sic enim bibliothecam suam appellare solebat ) avocare vellet: cui breviter & honorifice sane Harrachius: *tibi ego fortunaeque tuae gratulor, publicae rei, Neapolitanaeque litteraturae minime gratulor*. Fortunae iniquitatem sarcire studuit Iosephus a Capua vir nobilitate & virtutibus insignis, qui cum in patrio Canoniorum Collegio principem obtineret locum ( Decanatum vocant ) de transferendo hujusmodi munere in Mazochium deliberavit. Non repulit eum ab hoc conatu singularis Mazochii ipsius modestia, praesertim cum hic sibi in Theologi munere successorem dari cuperet Jo. Baptistam Napolium, qui doctrina excultus putabatur. Quis tam excors quem ista moverent? Fuerunt tamen plures, qui hujusmodi cessiones tanquam sacris canonibus contrarias criminarentur, deque iisdem abrogandis, cum ad exitum pervenissent, Romanum Pontificem ro-



gaverint; & eo stultorum hominum libido, iniquitasque pervasit, ut Mazochio exprobraverint generis ignobilitatem, & eum tanquam stipem Aethiopem sine sensu, sine sapore, elinguem, tardum, uno verbo indignum amplissimo munere dictitarent. Quamquam potuisset adversariorum animos homo indignissime laceffitus repungere, nihil tamen in ejus dictis & factis apparuit nisi moderatum & prudens, & ea praestitit ingratae patriae officia, quae ab homine maximis beneficiis ornato expectari potuissent. Cogitavit tamen ex hac turba & colluvie discedere, & gavisus est oblatam sibi a Cardinali Spinellio Neapolitano Archiepiscopo occasionem fuisse, domicilium Neapoli collocandi, cum ejus Metropolis Canonicus, & sacrarum litterarum magister, non modo ipso Cardinali, sed etiam Galiano Praefule suffragantibus, in Regia Academia declaratus fuisset. Ex multis enim & praesertim ex Belgis, eo tempore quo apud ipsos Pontificis Legatus fuerat, audierat Spinellius ea de Mazochii doctrina praedicari, ut nihil esset ad laudem illustrius. Neque multo post dedit etiam illustriora indi-

cia suae de Mazochio opinionis Rex ipse ; cum Anaxanensem Archiepiscopum illum designavit. Tum aliquando non solum piguit Campanos levitatis suae, sed etiam puduit, quod omnes certare viderentur in ornando homine, quem ipsi deseruerant. Sed obstitt Regis voluntati Mazochii ipsius modestia, cui id unum propositum esse videbatur, ut remotus a studiis ambitionis otium ac tranquillitatem vitae sequeretur. Honorem vero immortalem cum se cepisse arbitraretur ex Regis in se benignitate atque iudicio, gratus erga eos cognosci voluit, quos fortunae suae auctores fuisse iudicaverat. Instituit ergo ad Bernardum Tanuccium Regis a secretis epistolam seu libellum *de Dedicatione sub ascia*, ut esset unde ad illa, quae hac ipsa de re antea egerat (\*), corollarium adderetur. Recitatis XXX. & amplius doctorum virorum sententiis ( nulla enim alia formula magis torfisse antiquitatis studiosorum ingenia videtur ) suam demum exponit, ac mira eruditionis copia confirmat. *Dedicare* esse ait usui tradere *ε'γκαίνισιν*, quod

(\*) Com. in Mutilum Campani Amphitheatrī titulum pag. 39. & seq.

fit cum primum sepulcro cadaver infertur; tumque religiosum esse incipit; nomine vero *asciae* proprie significari fabrilis instrumentum, idque metonymice sumi pro ipsa muri structura & fabrica: itaque *sub ascia dedicare* esse sub ipsa sepulcri structura, id est statim ac perfectum est, vel cum parum abesset, ut perficeretur, usui traditum esse, cadavere vel cineribus eo illatis. His positis, plura inscriptionum exempla profert atque explicat. Quod legitur in Inscript. apud Muratorium p. 537. n. 3. *se vivo ab ascia fecit monumentum muro cinctum* & similia apud alios, quemadmodum *sub ascia posuit*, *consummarum sub ascia est*, item *ad asciam dedicatum posuerunt*, indicare ait primum *asciae* usum, quando scilicet fundamenta ponuntur. Quoties vero in huiusmodi lapidibus alius est qui sepulcrum posuit, alius qui dedicavit, ut apud Gruterum p. 631. n. 7. *Divitia Domitiola conjugii Karissimo ponendum curavit*, & *filiis sub ascia dedicaverunt*, sententiam esse, positum quidem fuisse a Divitia sepulcrum, sed a filiis, cadavere patris eo statim condito, dedicatum. Si quando vero legatur

aliquem *vivum sibi sub ascia dedicavisse*, ut apud Gruterum semel iterumque, sic intelligendum, ut vivus monumentum extruxerit, & statim post moriens illatus sit, epigraphe ab alio posita. Si quaeratur cur in Lugdunensibus potissimum inscriptionibus *asciae* mentio fiat, respondet Mazochius, nusquam magis quam in ea provincia sepulcra violari consuevisse vel diruendo, vel inarando, vel alienum mortuum inferendo, praefertim si vel imperfecta essent, vel vacua & nondum usurpata. Itaque & *asciam* appingere, & formulam adscribere morem fuisse, ut sciretur eum locum jam esse religiosum, atque proinde non violandum. His ultro eruditiores arriserunt, & Mazochii ingenium admirati sunt, & quidquid attulit laudibus extulerunt. Muratorius de sua pristina sententia (\*) discessit plane Mazochio assentiens,

(\*) Hujusmodi ferme erat sententia Muratorii. Cum *asciae* figura, quae in lapidibus appingitur, saepe ligonis, aut securiculae formam referat, ait, putare se illud *sub ascia* continere hortationem & preces ad posterum, ut locum sepulcri purgatum servant, nec sinant stirpibus, herbis, vepribus horrescere & impediri. Facciolatus vero ita ferme proposuit sententiam suam. S. C. & decreto Pontificum cautum erat, ut post-

cujus rei nos certissima monumenta habemus . De Facciolato non audemus eandem rem affirmare , quamvis mirificus esset praedicator scriptorum Mazochii , in quibus tantummodo limatius quoddam scribendi genus & perpetuum aureae Latinitatis colorem desiderare videbatur . Qui vero invidiose judicare solent ad minuendam Mazochii gloriam , hunc minime novam<sup>o</sup> proposuisse sententiam , sed veterem Pitisci renovasse clamitabant (\*). Functus hoc labore , in quem perpaucos menses impendit , animum ad Biblica traduxit ,

quam mortui cadaver aut cineres in sepulcrum illati essent , liceret nemini locum illum religiosum factum attingere aut mutare , nisi a Praefide provinciae venia peteretur , & ad Collegium Pontificum referretur . Id cum provincialibus Roma longe distitis perincommodum esset , asciam sepulcris & formulam apponebant , ut significarent , aedificatum quidem esse sepulcrum et usui traditum , sed non exaedificatum , & extrema manu politum , & adhuc sub ascia positum , quo liceret domino aut heredibus mutare aliquid , addere , ampliare , aut transferre , tanquam inchoatum tantummodo & imperfectum .

(\*) *Vid. Explication de divers monumens singuliers qui ont rapport a la religion &c. p. 83.*

quam in rem multa seposuerat vel ab eo tempore, quo Canonicum Theologum, ut vocant, Capuae agebat, maiora etiam, ex quo munus interpretandi divinos libros in Neapolitana Academia susceperat. Quamvis in chartis Mazochii seges esset & materia gloriae singularis, quae tamen inde conflavit volumina modesto sane nomine *Spicilegia biblica* appellavit, quasi ipse quae ceteri praetermiserant ac reliquerant ut non magni momenti colligeret. Quod si ut amplissimum nomen consequeretur maxime effecit primum operis volumen, quod Carolo III. Hispaniarum Regi nuncupatum an. MDCCLXII. in lucem prodit, ut id non solum retineret, sed etiam augeret, aliis vulgatis voluminibus, elaboravit. Si vero universum hoc opus sacrae profanaeque eruditionis thesaurum dicam, minus quam debeam praedicabo. Ea est lectissimarum rerum copia, adeo pollet Auctor arte conjiciendi ac rem cum re comparandi, ut inficiat & flectat ut vult lectoris animum, etiam cum minus probabilia sequi videtur. Quis vero credat ex Homero, Hesiodo, Herodoto, Platone, ceteris-

que hujusmodi veteribus ac profanis scriptoribus, quod diurna nocturnaue manu verfabat Mazochius, adeo multa erui potuisse ad divinos libros explanandos accommodatissima? Qua de re glorians Cyprianicum illud usurpare solebat, *se ex Aegyptiorum spoliis Dei tabernaculum exornasse*. Addebat etiam se in *Silvas Phalegicas*, in quibus distincte & explicate de orbis divisione sub Phalego instituta agitur ad probandum non Italiam solum & plerasque Europae Provincias, sed etiam eas, quae, florente Graecia, Graeca lingua utebantur, Phalegicae sive Orientalis originis diu certa vestigia retinuisse, quas silvas ad calcem primi voluminis rejecit, omnem vim memoriae atque doctrinae effudisse; & is quidem erat Mazochius, ut ubi locum aliquem cogitatione sepsisset, nihil illud effugeret, atque omne, quod esset in re, occurreret atque incideret. Interdum fortasse nimia rerum copia officere videtur rectae distributioni, ordini, perspicuitatique; & cum in scriptis Mazochii flumen illud reconditoris eruditionis admiratus fueris, est tamen aliquid quod in eo desideres ad dif-

fluentia extra ripas coercenda. Hac doctrina, homo & industria omnino singulari vix poterat in una re separatim elaborare. Itaque cum in plura esset distractus, domesticum infortunium facile ab eo obtinuit, ut sacrorum Canonum interpretem ageret. Dominicus Francisci fratris filius in matrimonium se ducturum sponderat feminam libero & ingenuo homine indignam, idque invito patre. Re ad iudices delata, quod obstare viderentur patris voluntati Canonicae leges, facile ille ab Alexio fratre obtinuit, ut paterni juris defensor esset. Recusa itaque *dissertatione* Muscettolae Rosanensis Archiepiscopi *de filiisfamilias invito patre nupturientibus*, additisque commentariis ad illam confutandam, rem eo deduxit, ut non solum illo iudicio, sed & pluribus consequentibus, quod etiam posteriori lege sancitum fuit, praecisa fuerit filiisfamilias licentia ac libertas matrimonio se obligandi, parentibus ex aequo repugnantibus. Id enim non solum rei publicae, sed etiam Conciliorum sanctionibus consentaneum esse probat. Ne putemus vero mediocriter Mazochium in hoc forensi opere elaborasse,



raffe, cum ei necesse fuerit ex Ecclesiarum  
 monumentis, & veteri Christianae reipublicae  
 disciplina opus situm sane eruditissimum con-  
 flare. Qua in ré cum esset occupatus, forte  
 deteguntur in Basilica S. Jo. Majoris binae ob-  
 longae tabulae ex marmore, in quibus nomi-  
 na Sanctorum ex mensium ordine disposita in-  
 dicium faciebant Calendarium inibi esse inscul-  
 ptum, quo antiquitus Neapolitana Ecclesia  
 utebatur. Monumentum quidem aut omnino  
 singulare, aut oppido rarissimum. Quid de  
 eo sentiret respondere debuit Mazochius Spi-  
 nellio Cardinali, ut homini harum rerum cu-  
 rioso, & quamvis in detrectando onere ex-  
 plicandi illud copiosis commentariis pene om-  
 nem humanitatem exuisse videretur, ad  
 extremum tamen cedere debuit Archiepisco-  
 pi voluntati atque imperio. Quod vero hoc  
 proprium esse sapientis arbitrabatur ut nihil  
 faciat invitus, nihil dolens, magno atque  
 hilari animo opus sane multarum vigiliarum  
 aggressus est; nec putavit fas esse verbum ex  
 ore suo exire, quod non jucundum & ho-  
 norificum ad aures Spinellii accederet; ea  
 vero de ipso in ingressu operis praedicavit,

ut nihil addi posse hominis, quem ad Christianam rempublicam consilio atque auctoritate gubernandam natum dixisses, laudibus videatur. Non sua, sed typographi culpa contigisse ait, ne ea, quae chartis consignaverat, politius limare & ordinatius disponere potuerit, & id etiam doluit, quod saepe affligeretur valetudinis incommodis, & quod eo fieret tardior, quo plus sibi aetatis accederet. Nihilo tamen minus plurimum miraberis unum hominem sine anagnoste & scriba adeo multa percurrere legendo & colligere potuisse, quae non modo ad Calendarii explicationem, sed etiam ad ornamentum ac dignitatem universi operis pertinerent. Delectandi causa quandoque a proposito parumper digreditur, & tum vel quaestiones difficillimas solvit, vel non bene explorata confirmat, vel dubia illustrat. Acta Sanctorum, vetera Calendaria, Martyrologia, Sacramentaria & cetera hujusmodi volumina nullius unquam Scriptoris aequae ac Mazochii in potestate fuisse judicaveris, cujus mirum praesertim elucet acumen ac diligentia in separandis veris a falsis, quibus plerum-

que scripta illa mirum in modum abundant. Minime a me expectari arbitror, ut de rebus a Mazochio judicatis aliquid hoc loco exponam: id enim infinitum esset. In operis ingressu id sibi Auctor proposuerat, ut non omnia, quae ad Sanctorum historiam, sed quae tantum ad illustrandum Calendarium suum nominaque Sanctorum in illo signata certis temporum ac locorum notis a ceteris cognominibus secernenda pertinerent, ac pauca ejusmodi alia persequeretur; sed cum ad Fastos mensis Februarii pervenisset, mutavit sententiam, & in vetera acta inquirere coepit, & quaecumque sive indicta viris eruditissimis, sive secus dicta reperit, ea statim arripuit, & tanquam in possessionem vacuum irrupit. Itaque non tam magnitudo rerum, quam novitas ipsa ad legenda haec Mazochii scripta debet omnes excitare. Editum quidem an. MDCCXLIV. primum operis volumen fuit, quo in extremo, ut Neapolitanorum studiis citius satisfaceret, posuit acta S. Januarii Hieromartyris eatenus inedita. Biennio post secundum prodiit volumen. Dici satis non potest quanto cum plausu a doctis hominibus excepta fuerint. Erat

in Academia Lipsiensi Jo. Jacobus Greiffius, vir omni liberali doctrina politissimus & sacrorum librorum interpres, qui in se suscepturum onus spondit Saxoniam in linguam convertendi universum opus, si facta spes fuisset illud ad umbilicum iri perductum: nihil enim illo se vidisse eruditius, nihil ad noscendam antiquitatem, caerimonias, ritus, religionesque majorum in Deum, & exempla magnarum virtutum accommodatius affirmabat. Sed defuit ejus votis fortuna. Nam edito tertio volumine, quo priores sex Calendarii menses absolvuntur, de persequendo opere nihil amplius Mazochius cogitavit, quamvis maxime stimularetur a Dominico Antonio Malarbio, qui pro ea, qua abundabat doctrina, & pro summa, quae sibi cum Mazochio ipso intercedebat, amicitia, se adiutorem futurum pollicebatur. Praetermissa vero a Mazochio nemo absolvere ausus est, & vel eruditissimi hanc in re Ciceronianum illud usurpare se posse putarunt. *Nemo pictor est inventus, qui Veneris eam partem, quam Apelles inchoatam reliquit, absolveret.* Minime vero inconstantiae, levitaeque, sed potius necessi-

tati tribues, quod Mazochius susceptum onus deposuerit. Ea enim accidere, quae vim quamdam illi alio convertendi studia sua attulerunt. Acerrima sane exorta erat controversia inter Canonicos & Hebdomadarios Metropolitanae Ecclesiae Neapolitanae, de qua cum iudicium pronuntiandum esset Neapoli atque Romae, ut singulae partes suo iuri maxime confidebant, ita sibi doctissimos exoptabant patronos, qui illud ab adversariorum telis defenderent. Contendebant Hebdomadarii duas olim extitisse Neapoli Cathedrales Ecclesias, Graecam nimirum & Latinam, se vero in locum Latini Capituli, Canonicos in Graeci Collegii vices successisse; ac propterea parem in utrisque esse dignitatem: quod quidem plenissimum esse inscitiae atque intolerandae temeritatis & arrogantiae affirmabant Canonici. His recusare non potuit Mazochius & pro necessitudine Collegii, & quod vehementer etiam atque etiam rogaretur, ut causam Capituli toto animo defendendam susciperet. Sepositis ergo ceteris occupationibus, in *Dissertationem de Cathedrali Neapolitana semper unica incubuit*, quam tan-

dem fractis prope viribus edidit an. MDCCLV. Pars prior operis in eo versatur, ut probet Ecclesiam, quae nunc dicitur S. Restitutae, in locum successisse veteris Stephaniae, ejusque reliquias continere. Sunt autem hujusmodi argumenta, ut eorum singula miram non modo ad comprobandum, verum etiam ad demonstrandum vim habeant; simul vero conjuncta assensum vel invito extorqueant. Sed fortasse videbitur tibi Auctor in hac dissertatione tantummodo partes argumentandi confuse & permixte dispersisse, quam effecisse, ut, tanquam aliqua machina admotâ, statim expugnaretur lectoris animus, statimque intelligeret in tota illa causa quid res ipsa tulerit, quid error affinxerit, quid invidia conflarit. Sed usus est Mazochius illa deprecatione, qua sibi saepius utendum esse intelligebat, idcirco a se rerum colligationem ordinemque neglectum, quod ex thesauris suis nimis multa deprompserit; consuivisse tamen lectoris eruditioni ipsa rerum copia, neque vulgaria & pervagata, sed recondita atque abstrusa ad forensis causae ornamentum traduxisse. Ipse vero cum ad o-

pus accessit nihil suspicabatur minus quam suscipi a se laborem tantum debuisse, ut res tam salebrosas atque insuaves, tum etiam densissima obseptas caligine, nec ullius antea signatas vestigiis tentando experiendoque, & quibuscumque modis posset extundendo detegeret ac palam exponeret. Sed patientia usus incredibili dum causae servivit, ita historiam illustravit Neapolitanae Ecclesiae, eorumque, qui illam gubernarunt, ut ad legendum vel eos illexerit, quos nihil omnino cura illius controversiae tangebat. Retulit vero in appendicem operis *diatribas* usque sex, quarum prima est de insula Salvatoris & castro Lucullano a Constantino Magno Ecclesiae Neapolitanae dono datis altera de vocis *Squarastase* significatione, cum in monumento quodam legatur ipsum Caesarem inter cetera iussisse in eadem Ecclesia fieri Graecorum more *Facetias*, quae Latine dicuntur *Squarastase*. Putat autem Mazochius iis vocibus innui ritus quosdam, in quibus conceptis verbis dicebatur aut canebatur ultro citroque aliquid non sine aliqua gesticatione & corporis motu, atque huiusmodi ritus *ludi ac repraesentatio-*

num etiam vocabulo designari. Tertia est de Neapolitana Colonia, quam sub Domitiano Principe constitutam fuisse multis argumentis probare conatur. Sed nobilissimae urbis vices in extrema diatriba sic persequitur, postquam monumenta plura ad hanc rem pertinentia eruditissime explicasset. *Jam ab initio Graeca Resp. libera prorsus, & αὐταρχὴς erat: deinde Romanorum foederata respublica: postea lege Julia civitatem Romanam affecuta, inter municipia, opinor, Graecanica (cujusmodi ab eo tempore fuere aliquot in magna Graecia) numerabatur: postremo exeunte primo saeculo Christiano, ac facile sub Domitiano Principe Coloniae Romanae decus sibi peperit; quam demum nomenclaturam (tametsi sub Caracalla cum toto orbe jure civitatis communicato) Neapolis rata perhonorificam, adhuc IV. Christi saeculo, in marmoribus retinebat. Ac demum sub Constantinopolitanis Principibus suam adhuc reipublicae & libertatis speciem ostentabat; quam quidem libertatem eidem civitati Rogerius Rex asseruit; imo & pari libertate an. MCXC. adhuc utebatur, ut ex privilegio Amalfitanis ab eo Senatu, qui tunc huic urbi praeebat, concesso, potest in-*



*telligi*. Haec Mazochius. Non minorem eruditionis apparatus habent quae consequuntur diatribae, in quibus agitur tum *de Neapolitanae Ecclesiae Canonicis Cardinalibus*, quorum vel a S. Gregorio mentionem factam fuisse reperimus, tum *de ordine divinatorum officiorum*, qui antiquitus in *Fratriis Neapolitanis servabatur*, ac demum *de perveſto Athanaſiani hospitalis inventario* quodam, quod ad confirmandam recentem Hebdomadariorum originem opportunissimum judicavit. His alatis servile illud bellum (quis enim ignorat Hebdomadarios esse, & habitos semper fuisse *Capituli servos*? (\*)) esse desit, cum iudicium secundum Canonicos factum fuisset; quorum dignitati cum serviret Mazochius, quanquam magnam aliquam sibi propositam

(\*) Plures extant Romanae Rotae decisiones, quibus definitur *Beneficiatos reputari debere tanquam ipsius Ecclesiae & Capituli servos, & penes ipsos non imperandi esse auctoritatem, sed obsequendi necessitatem*. Vid. Rot. aoram Tanaria dec. 127. T. 1. n. 16. Non abſimilia docet Card. de Luca de Can. disc. 32. n. 11. quae commemoranda esse duximus, ne quis injuriosa Hebdomadariis nos protulisse judicet.

fuisse aerumnam conquereretur (1), animus tamen defessus facile collegarum precibus renovabatur. Ne requiesceret Josephi etiam Assemanii imprudentia (nolo enim de homine eruditissimo amplissimisque honoribus spectatissimo odiosius dicere) fecit, qui oblitus veteris amicitiae, quam cum Mazochio an. MDCCXXV. Romae hospitante apud Majellam contraxerat, & Mazochius ipse summis semper officiis coluerat, omnia argumenta ab hoc allata ad probandum unicam semper fuisse Neapoli Cathedralem Ecclesiam convellere est aggressus, & vel ea quae non possunt commoveri (2). Aegerrime tulit Mazochius huiusmodi factum, quo se & veri-

(1) *Nihil a me verius offerri potest (ita ille) quam me mihi met visum ad metalla damnatum, quo tempore ad hanc de Cathedrali nostra curam descendendum fuit. Sciunt non tantum collegae mei ornatissimi, sed & ii omnes quibuscum sermo incidit. Quid enim? Labor videbatur improbus, idem vero & inglorius &c.*

(2) In II. Tom. operis quod inscribitur *Iustitiae historiae scriptores ex biblioth. Vatic. collegit & illustravit Joseph Simonius Assemanus &c. Rom. an. 1751.*

tatem plurimum laesam arbitrabatur. Respondit itaque Assermanio ad singula, nec sine sale quodam ( quanquam cum omnibus ornamentis abundaret, illi defuisse mihi videatur facetiarum & urbanitatis lepos quidam ) & cum eruditionis & argumentorum copia, ut non immerito illum *χρυσῆα χαλκίων* respondisse judicatum fuerit: quod iudicium magni fuisse dictitabat ad levandas molestias, quas ex universo opere ceperat. Hac cura solutus non sperabat se liberum & otiosum fore: multi enim ejus operam requirebant, maximeque Spinellius Cardinalis & Carolus Guevara e Ducibus Bovinensium, quorum alter non modo expectabat ea, quae pollicitus fuerat *de Kalendario Neapolitano* absolvendo, sed etiam exigebat; alter Regis voluntatem proponebat, qui Heracleenses aeneas tabulas cum ampla & splendida explicatione, cui operi jam manus Mazochius admoverat, in lucem hominum prodire exoptabat. Unus certe homo minime poterat utrique satisfacere, & quamvis Spinellius praecoccupasse jam Mazochii operam dictitaret, reiue utilitatem prae se ferret, Regis tamen desiderio

cedere debuit; sed ita, ut saltem Mazochius Dissertationem contexeret, in qua recenserentur Sancti Neapolitanae Ecclesiae Episcopi, atque ii praesertim ornarentur, quorum nomina & sanctitas, quamvis publice coli desierint, per Calendarium innotescebat. Hanc Dissertationem bona cum Guevarae venia edidit Alexius an. MDCCLIII. & quamvis acceptissima illa fuerit tum Spinellio ipsi, tum summo Pontifici Benedicto XIV., qui sane prudentissimus erat hujusmodi operum iudex, habet tamen multa alia properantis & omnino festinantis scriptoris signa. Nihilo tamen minus non mediocris laboris fuisse judicaveris e tenebris in lucem vocare tot monumenta, tot chronologica, quae erant implexa, explanare, & litterarum lumen ad tot sanctorum virorum historiam afferre, sic ut per Mazochium compertum habeamus urbem, quam pulcherrimam, florentissimam potentissimamque Deus esse voluit, sanctitatis quoque laude adeo excelluisse, ut, una excepta Roma, nulli concederet. Studia vero Spinellii effecerunt, ut essent in honore Beati illi, quorum nomina in Fastis iis erant

inscripta; & cum plauderetur diligentiae e-  
 ruditionique Mazochii, hic totum id Spinel-  
 lio ipsi acceptum referri debere aiebat, qui  
 sibi princeps & ad suscipiendam & ad ingre-  
 diendam rationem horum studiorum extite-  
 rat. Hac cura exsolutus Mazochius diu no-  
 ctuque fatigare animum, ut fidem datam  
 Guevarae liberaret. Ex iis, quas diximus,  
 Heracleensibus aeneis tabulis, una Graece,  
 altera Graece pariter in adversa parte, at  
 Latine in averfa erant exaratae. Et Grae-  
 cae quidem inscriptiones ultima antiquitate  
 ( nam tertio ante Aeram Christianam sae-  
 culo conditae fuerunt ) se se commendabant;  
 Latina vero rerum gravitate praestabat: syl-  
 logen enim continebat legum Romanarum,  
 in quas populi, qui consequi civitatem Ro-  
 manam vellent, fundi pro more fiebant. Re-  
 pertae illae casu fuerunt in imo illo Ma-  
 gnae Graeciae recessu, qui Sinui Tarentino  
 imminet, ubi Heraclea, urbs olim clarissima,  
 sita fuisse creditur. Naetae vero possessorem  
 Guevaram, si fragmentum excipias in Bri-  
 tanniam adsportatum, unde Regis studio  
 tandem Neapolim rediit, tales judicatae fue-

runt, ut Regium Herculansenſe Muſeum exornarent. Verum antequam eo inferrentur, ſuam explicationem inchoaverat Mazochius, qui cognita rei difficultate amplitudineque dicere ſolebat: *ſi hae tabulae mihi, ver aetatis agenti expoliendae obtigiffent; profecto hoc unum colere, ceteris ſuperſedere voluiſſem*. Nihil tamen minus ea alacritate operi manum admovit, ut adoleſcens, cum plane grandis aevo eſſet; eoque, ut potuit, abſoluto, ſe mirari dicebat, quod tanto oneri minime ſuccubuiſſet, praefertim cum ſaepe affligeretur valetudinis incommodis. Tanquam magni aedificii veſtibulum eſſe voluit, quae non de Hera-clea modo, ejuſque vicinis Tarento, Meta-ponto & Pandofia, ſed etiam de Magna Graecia univerſa copioſe ſane diſſeruit, & quae perſecutus eſt de Dorica dialecto & hac veteri, qua conſcriptae illae tabulae eſſe videntur. Jam vero ſi quaeras, quid hae contineant, diſces ex iis quidem meſuram, limites, diviſionem, locationemque duorum agrorum, quorum alter Dionyſio, alter Minervae ſacer erat. Neque haec mediocriſ eſſe momenti putaveris Mazochio intetpre-

tante . Quot Graeca vocabula , quae aut plane ignorabantur, aut incertae erant significationis, nova luce illustravit ! Quot locos glossographi Hesychii depravatos ac prope desperatos restituit ! Illa vero , quae spectant ad geodaesiam , terminandique rationem , ad consuetudines quasdam proprias Heraclien-  
 sium , statumque eorum Reipublicae , quanta eruditione exponuntur atque exornantur ! Neque copiose minus illius aetatis ritus , sacra , leges , pacta , aliaque huiusmodi plura persequitur Mazochius, ut cum tot res, tantas, tam opportune in unum concluderet volumen , non erudire modo lectorem , sed etiam admirationem excitare voluisse videatur . Fortasse ipsa rerum copia officit ordini, & in eo jam consensisse videntur eruditiores, esse & haberi debere Mazochii scripta *αὐθιγὰ* . At si non bonam, at aliquam rationem ipse afferre poterat , quod nollet perire immensa illa omnia e reconditori eruditione hausta, quae in adversaria retulerat, Praeter quam quod cum ejus nomen non in universa modo Italia, sed etiam ultra montes & maria celebraretur, videbatur sibi gra-

vis adversaria constituta & parata, incredibilis quaedam expectatio, quam se sustinere, tuerique non posse putabat, nisi vim optimarum gravissimarumque rerum fudisset. Hinc mos illi ornandi scripta sua *prodromis, proloquiis, excursionibus, notis, diatribis, auctuariis, commentationibus, exercitationibus*, quae omnia satis ostendunt, ipsum magnifice magis, quam belle illa contexere voluisse. Sed ut ad tabulas Heracleenses redeam (nolo enim saepius longiusque digrediendo a proposito imitari Mazochium) quod pars earum erat aeneum fragmentum quoddam ex Italia in Britanniam, ut diximus, allatum a Brianno Fairfaxio, & illustratum a Michaelae Maittario, necesse fuit Mazochio hoc monumentum omniaque in eo contenta expendere atque explicare. Pertinet hoc ad illam tabulam, quam in utroque latere exaratam diximus, cum in adversa parte psephisma Graecum de Dionysiaco campo, in averfa quamdam legum Romanarum Pandecten Latino sermone expositam contineat. Nec ququam dubitabit, quin illa, quae scita fuere in populorum antiquissimorum institutis ac legi-



legibus magni momenti sint, magnamque sup-  
 pedient segetem differendi, prodendique no-  
 va & recondita multa, quod quidem sic  
 praestitit Mazochius, ut portentum & mira-  
 culum eruditionis ejus opus nonnulli appel-  
 laverint. Summa vero rerum in hac tabula  
 contentarum ad legem illam Juliam refertur,  
 qua lege, ut ait Cicero pro Cornelio, ita  
 civitas est Sociis & Latinis data, ut qui fun-  
 di populi facti non essent, civitatem non ha-  
 berent. Nec enim novos cives aliter quam  
 Romanis moribus vivere decuit; tametsi  
 iis indultum fuit, uti legum συγχωρῆν ad eos  
 ab Urbe delatam, ubi opus esset, augerent  
 atque corrigerent, ne a patriis institutis pe-  
 nitus desciscere viderentur. Lata illa lege  
 DCLXIII. maxima contentio fuit Heraclien-  
 sium & Neapolitanorum, cum magna pars in  
 iis civitatibus foederis sui libertatem civitati  
 anteferret; sed ii tandem, & fortasse omnium  
 primi in leges Romanas consenserunt, additis  
 aut correctis quibusdam, sicque Heraclien-  
 sis populus fundus factus est, ejusque municipi-  
 um fundanum evasit. Mira vero aequitate

ac prudentia ipsos fuisse in accommodandis sibi Romanis legibus, nihilque praetermisisse, quod ad bene gubernandam rempublicam pertineret, ipsarum legum capita satis ostendunt, quae sic interpretatur Mazochius, ut non magis antiquitatis quam juris consultissimus fuisse videatur. Multum etiam in enodandis ac inter se comparandis dicendi modis est versatus, ut non tam legum interpretationi, quam commodis utilitatique Latinae linguae studioforum serviret. Prorsus omnia, quae attulit, non videntur reperiri potuisse sine magna elaboratione atque operae consumptione; quare minime est mirandum, si cum ipse ad Regem venisset, ut typis impressum jam opus illi offerret, consurrexerunt omnes ii, qui propter generis praestantiam versari familiariter cum Rege ipso consueverant, ut seni jam fesso plauderent, animosque adderent. Spes enim erat fore, ut in explicandis rarioribus monumentis, quae postquam teterrimis Vesuvii montis eruclationibus per diu sepulta Herculanæi jacuerant, per illos dies detegebantur, elaboraret. In hac tam pretiosa suppellectile

magna erat papyrorum, seu librorum circum  
umbilicum convolutorum copia, quae in-  
struendae pene bibliothecae suffecisset. Ni-  
hil attinet dicere, quantam expectationem o-  
mnium eruditorum haec res moverit, seque  
Carolus Rex felicem putabat, non tam quod  
in totius Italiae parte beatissima collocatus  
a Deo esset ut regnaret, quam quod spes e-  
rat per se litteratorum rempublicam novis  
incognitisque veterum scriptorum libris au-  
ctum iri. Itaque mandatum Mazochio etiam  
atque etiam esse voluit, ut Herculanensium  
papyrorum fragmenta ipse describeret atque  
interpretaretur. Sed vidit statim Mazochius  
rem habere multum difficultatis & laboris,  
quandoquidem volumina, quae in humido  
solo jacuere, ferine contabefacta fuerant,  
quae vero in arido pulvere, sic obriguerant,  
ut vel minimum flexa in vitri modum dissi-  
lirent. Attamen singulari diligentia atque in-  
dustria obtinuit, ut non mediocre fragmen-  
tum Graece exaratum exscriberetur, & cum  
omnium judicio digne, ac merebatur, com-  
mendata fuisset Mazochii interpretatio, ve-  
hementius ipse commovebatur ad alia frag-

menta explicanda. Plura hujusmodi in unum colligere volumen meditabatur, & in vulgus edere cum hac inscriptione: *Herculanensis Bibliothecae spolia*; & cum de ultimis Herculaney ac vicinarum urbium antiquitatibus dissertationem jam vulgasset, quam tanquam operis vestibulum esse destinaverat, omnes mirabantur hominem confectum senectute & praepeditum valetudinis incommodis adeo multa non dicam conficere, sed vel cogitare potuisse. Ea in Dissertatione cum inquireret quae de causa mons Vesuvius appellaretur, hujus nominis etymon in voce Orientali, quae *ignem* denotat, invenit, idque perspicuam prae se gerere conjecturam ait, diu ante Titi Caesaris tempora, cum Orientis populi emigrantes domo in Italia confederunt, montem illum ignem evomuisse. Hanc commentationem, quam Franciscus Serra ex Latino in Italicum sermonem convertit, in lucem proferri jussit Carolus Rex, qui quidem non committendum putavit, ut in detegendis tot antiquitatis monumentis quidquam inconsulto Mazochio fieret. Tum excitatum est si non odium, attamen aut invi-

diae, aut odii non dissimilis offensio, fuit-  
 que tempus cum vir, cujus jam nomen &  
 honos inveteraverat & illi urbi & hominum  
 famae & sermonibus, tacite dolere debuit,  
 quoniam libere loqui non licebat, multa indi-  
 gnissime & omnino barbare fieri in illis Her-  
 culanensibus excavationibus. Ceterum Rex o-  
 mnibus testatum voluit quanto in pretio ha-  
 beret Mazochium cum ex regio aerario ei  
 quotannis pendi jussisset ducatos, ut vocant,  
 tercentos. Tum rogat Mazochius Regem i-  
 psam, ut in partem tantae munificentiae vo-  
 caretur Nicolaus Ignarra summa spe animi &  
 ingenii praeditus adolescens, quo familiarissi-  
 me, tanquam socio & adjutore studiorum, u-  
 tebatur. Admiratus Rex senis virtutem, ni-  
 hil ei detractum voluit, novoque beneficio I-  
 gnarram obstrinxit. Tantus ille vir tanti du-  
 xit hoc beneficium, ut saepe solet ante o-  
 culos adolescentium studiosorum ponere, qua-  
 si Rex signum aliquod ad bene de litteris spe-  
 randum sustulisset. His rebus gestis, cum sa-  
 tis diu gloriae & naturae se vixisse arbitrare-  
 tur, requiem animi & corporis unice quaerere  
 se velle dicebat; sed accidit res, quae certo

illum vehementissime pupugit, & quae ab eo nova scripta extorsit. Ediderat, quemadmodum supra retulimus, Mazochius in extrema parte I. voluminis de Calendario Neapolitano *Acta Hieromartyris Januarii*, quae quod e codice quodam Bononiae extante excerpta fuere, *Bononiensia* appellavit, ut esset discrimen inter haec & illa, quae in Vaticana Bibliotheca Romae adservantur. Haec autem Acta Latina, quamvis foeditate sua (mendis enim & lacunis abundant) deterere Mazochium debuissent, magno tamen in pretio habenda intellexit, quod ex quamplurimis Graecanicis scribendi modis conjicere se posse putavit ex antiquiore Graeco archetypo Latina facta fuisse ab homine, qui non solum faciendae & poliendae orationis imperitus erat, sed Graece Latineque parum sciret. Simplex est narratio rerum, nec habet in se quiddquam admixtum, quod ad stupidum detinendum lectorem scriptum videri possit, qua re sane non carent Vaticana Acta, quae propterea prudentioribus suspecta fuere. Tantum igitur commendationis Bononiensia Acta apud Mazochium habuerunt,

ut haec sola fide digna judicaverit, & in quibus castigandis, illustrandisque operam non mediocrem collocarit. Sed aliter visum est Jesuitae Stiltinghio, qui erat e Bollandistarum numero unus, vir sane non illiteratus & obscurus, ut nonnulli nimio in Mazochium studio ducti affirmarunt. Cum hic igitur Vaticana Acta defendenda suscepisset, studuit non solum diminuere, sed plane infringere auctoritatem Bononiensium, in horum defensorem sane inofficiosus, quem acerbè arguebat, quod non parum de sanctissimi Martyris laudibus detraheret. Nihil hac re homini Neapolitano injuriosius, nihil ad constandam ei invidiam populi impense, ne dicam aniliter, Martyri illi devoti magis idoneum. Itaque suae dignitatis minime esse putavit Mazochius Jesuitae temeritatem inultam impunitamque plane relinquere. Quare anno MDCCLIX. in lucem hominum emittit *Vindicias Actorum Bononiensium*, in quibus quidquid Stiltinghius arripuit ad reprehendendum, infirmatur atque diluitur, idque tanta argumentorum copia ac vi, tantoque ingenii acumine, & si vis etiam eloquentia, ut

affirmare non dubites ex adversarii injuria sibi gloriosam victoriam Mazochium peperisse. Illius vero inurbana dicta, quo facilius non solum sorbere, sed etiam concoquere posset, oculos a Stiltinghii scripto abstinuit, usus opera amicorum in noscendis iis argumentis, quae ille ad causae suae commodum trahebat. Quam moderationem cum nonnulli quasi irati increparent, ipse agebat: *nihil sibi difficilius quam irae motus compescere, seque oculis lacrymantibus ea cernere, quae aliquando in hujusmodi pugnis iracunde rabioseque exaravit*. Qua re non solum cum Assmannio, sed etiam cum Ludovico Sabbatinio habitas concertationes innuebat. Satis de Assmannio diximus; restat ut de Sabbatinio pauca dicamus. Videbatur quidem Mazochius cupide elaborare, ut esset & haberetur in studiis antiquitatis princeps, quare non facile sibi contradici patiebatur, & vel ea interdum pervicacius defendebat, quae prudentiorum judicio vacillabant & claudicabant. Nonnulla hujusmodi oppugnavit Sabbatinus, cum plura volumina de Calendario Neapolitano edidisset, quanquam nec Mazochium, nec



quemquam alium offenderet hominis moderatissimi oratio. Nihilo tamen minus aegerri-  
me tulit Mazochius exposita fuisse inviden-  
tium oculis quaedam a se minus fortasse ve-  
re prolata; additumque non parum huic ae-  
gritudini fuit, cum Sabbatinus, edita epistola  
ad Cardinalem Joachimum Besuzium, allatam  
a Mazochio interpretationem cujusdam inscrip-  
tionis Christianae per eos dies Romae in  
Coemeterio Pretextati inventae non confu-  
tasset modo, sed pene irrisisset. Occasionem  
disputationi dederunt formula illa in *Fide con-*  
*stitutus*, quam ad Baptismum trahebat Mazo-  
chius, & siglae quaedam, quas numerum  
annorum & mensium idem exprimere con-  
tendebat, sic ut ex illius sententia *Ilarus Fi-*  
*de constitutus* vixerit annos ante Baptismum  
LI. post Baptismum vero menses XXV. Con-  
tra haec protulit multa Sabbatinus non tam  
ut opponeret Mazochio, quam ut probaret Ilarum  
*fide constitutum*, id est Chrismate confirma-  
tum annos *plus minus*, quod sigla sane expri-  
mebatur, quinque supra viginti vixisse. Gra-  
via haec accidere Mazochio; & qui modera-  
tius responderi Sabbatinio volebant, diffici-

lem quandam temperantiam ab homine iracundo postulabant. Editus igitur est liber an. MDCCXLV. cum hoc titulo: *In causa Hilari Fide constituti Actorum recensio*, quem librum sub Philippi Mazochii fratris filii nomine, credo, ut liberius in adversarium invaderet Alexius, apparere voluit. Talis is est quidem, ut quicquid oppugnat ruere videatur, commendetque se se plurimum rerum varietate & copia. Si quis vero existimabit in explorandis rebus a Sabbatinio prolatis, non tam veritati quam iracundiae servire voluisse Mazochium, sciat ipsum postea poenitendo emendasse errorem suum, ut virtutem ex ipso errore ipse effecisse videatur. Cum vero se corroboravisset, ea de Sabbatinio loquebatur, quae satis declarabant magnam sibi de homine non tam doctrina & moribus, quam honoribus amplissimo opinionem esse; & quotquot exemplaria invenire poterat libri, quem supra commemoravimus, quovis pretio comparabat, ut in ignem conjiceret. Miror Jo. Lamium saepe in Mazochio pugnacem & quasi bellatorium stilum reprehendisse, quasi ipse neminem mordacio-

re dente adpetere soleret, & a se exemplum moderationis peti debuisset. Sed nescio quomodo in aliis facile reprehendimus vitia, quae in nobis minime videmus. Praeter quam quod nunquam Lamius effugit invidiae suspicionem, cum iudicia de scriptis Mazochii faceret. Merito etiam se ridere posse putavit, illas etymologias, quas in explicandis originibus multarum Etruscarum urbium ab Hebraica lingua Mazochius derivare solebat. Scripserat hic rogatu Caelestini Gallianii dissertationes quasdam *de Tyrrhenorum origine*, & quod ei erat multis de causis persuasum populos hosce ab Oriente in Etruriam primum concessisse, ad confirmandam sententiam suam plurimum momenti afferre putavit argumenta illa, quae ex Etruscae linguae vocabulis trahebat, quae omnia, atque illa praesertim, quae *propria* Grammatici vocant, Orientem redolere dicebat. Sed magnificus ille Hebraicae, Caldaeae ac Syrianae linguae apparatus, quem protulit Mazochius, non probabatur Lamio, qui se intelligere ac sapere plus quam ceteros in huiusmodi aliisque rebus multis arbitrabatur. Verum nihil

tam facile quam reperire argumenta, probabilitatesque quasdam in exponendis etymologiis, de quibus plerumque homines suo quodam sensu conjecturaque judicant. Sententiae quidem Mazochii si non semper sunt verae, sunt quidem acutae; & cum inquirat de statu totius Etruriae, aliarumque provinciarum, quae cum Etruria communem originem habere videntur, nova quidem multa a se feliciter excogitata in lucem profert. Ne putes vero unum opus totum atque perfectum absolvisse Mazochium *de Tyrrenorum origine*. Addidit Dissertationi cui-dam, quam ad Academiam Cortonensem primum misit, plures diatribas, quas magis adversaria, quam dissertationes dixeris, & quaedam etiam hujusmodi inseruit in Jo. Vossii *Etymologicon Latinae linguae*, cum illud anno MDCCLXII. Neapoli recusum est. Haec omnia simul juncta invenies in II. opusculorum Mazochii volumine, & si his plane contentus non eris, scias Mazochio ipsi in animo fuisse iisdem de rebus ornatius & uberius scribere; & multa sane hujusmodi in ejus scriniis inventa fuere. Sed qui haec

tractant vere mihi videntur in Tyrreno mari navigare scopuloso atque infesto, in quo etiam ipse Ulysses errasse dicitur. Quoniam mentionem fecimus opusculorum Mazuchii, non ab re erit hoc loco de iis etiam pauca dicere, nequid praetermississe videamur ad declarandam illius eruditionem atque doctrinam. Iis voluminibus binae orationes (\*) inclusae sunt, dedicationes, epistolae ad familiares plures, inscriptiones bene multae, carmina, & haec omnia Latine scripta, cum non nisi Latii sermone illi mos esset uti, quando eruditum quidpiam aggrediebatur. Si veterem urbanitatem requiris & elegantiam illam, quae facit, ut unumquodque pure, aperte & venuste dici videatur, & quae continuo quodam colore & succo delectat, meo iudicio minime adhibis Mazuchii scripta. Orationes illius non sunt indifertae, quam-

(\*) Altera est in funere Nicolai Card. Caraccioli Campanorum Archiepiscopi; altera in funere Clem. XII. Pont. Maximi; sed illa prior cum eloquentia, tum elegantia praestit, & magno argumento esse potest, Mazuchio Ingenium ad eloquentiam excolendam minime sane defuisse.

vis opimum quoddam & tanquam adipatae locutionis genus iis desit, idemque dixeris de epistolis quibusdam ad Carolum Regem, quas oratorio quodam genere perscripsit. Multi me desipere ac delirare affirmabunt, cum haec de tanto viro, cui innumeri pene Latini sermonis elegantiam concessere, & qui hac ipsa laude floruit apud suos, affirmare audeam. Sed ego ex sensu meo judico, quem aperire minime dubitavi, quod in eo neque invidia insit neque aemulatio. Quod ad carmina vero attinet, quamvis in ipsa pene fuerit natus Mazochius Latinarum Musarum schola, & laude haud mediocri adolescens multorum honori & meritis versus dedicaverit, vereor tamen, ut in iis aliquid posterri habeant, quo se oblectent, dignumque poetam judicent habitare in jugo,

*In quo tonanti Sancta Mnemosyne Jovi  
 Foecunda novies Artium peperit chorum.*

Plura alia ornabunt hanc collectionem opusculorum Mazochii, ob quae solemniter ei debetur gloria, quemadmodum non mediocriter

habenda est gratia viro perurbano & eruditissimo Cajetano Miliorio qui in iis colligendis edendisq̃ue elaborat. Mazochius quidem ipse plurimi facere videbatur, quae de Hebraeorum poesi aliisque rebus ad antiquitates Judaicas pertinentibus adnotaverat. Nam quamvis hujusmodi multa sparsisset in Spicilegia biblica, intelligebat tamen ea longiorem requirere orationem, & separatim esse tractanda. Neque nunc indicare singula, quae ipse reliquit, mens est mihi; verum ipsam vitam & mores hominis ostendere, qui non minus virtutibus, quam ingenio aeternam famam est consecutus. Quam esset laboris patiens, quam omnibus aliis oblectamentis dulces vigilias praeponeret, ex iis quae scripsit conjici potest. Quoties illum lux noctu aliquid describere ingressum, quoties nox oppressit, cum coepisset mane! Quam delectabatur cum opificum antelucanam vincebat industriam! Hoc enim remedio agebat se delinire vitae dolores, & levare etiam incommoda valetudinis, quibus saepe afficiebatur. Nam adolescens stomachi cruditate laboravit; sanguinem etiam evomit, capitis languores

frequentes patiebatur, & in senectute igne sacro medium corpus ambiente afflictus est. Quatuor supra septuaginta annos natus tri-duano ac molestissimo singultu pulsatus in vitae discrimen venit. Atque ejus extrema aetas in hoc infelicior, quod non solum rerum memoriam ipse amisit, sed etiam quod non satis mentis compos videbatur, idque miserabilius erat in homine, qui recta semper secutus erat, qui gaudebat officio, cui vivendi via considerata ac provisâ fuerat, quique honesta ac religiosa semper amavit, ad quorum cognitionem & usum jam corroboratus, natura ipsa praeunte, deducebatur. Nec res ulla erat, quae plus apud eum polleret quam culpae metus & peccati nomen. Itaque ii, qui aderant deliro, saepe joci causa religionem objiciebant, ni succensos carbones pro cibo sumeret; fecissetque non gravate, nisi ab iis ipsis, qui jusserant, prohiberetur: adeo perpetua illa Deo parendi consuetudo & voluntas, ubi animis inolevit, ne somniantes quidem deserit. Redibat ad se se interdum, idque indicabant dicta ab eo sapienter. Cum stulte a quodam beatus

ex eo



ex eo praedicaretur, quod ei, lectulo in bibliotheca strato, mediis libris indormire liceret: *Atqui beatus ille est, respondit, qui libris advigilat, non qui indormit:* & cum aliquando in scribendo tremor manus occupasset, eas respiciens; *ea quiescite jam, dixit, satis adlaborastis.* In hoc miserabili statu, quem sordes hominis vel recusantis lectum sibi sterni, barbam radi, atque corpus lavari, miserabiliorem reddere videbantur, perstitit ad annum usque MDCCLXXI. satis tamen robusto corpore, vividisque ad videndum audiendumque sensibus. Indicia proximae mortis fuerunt ciborum fastidium, & crurum, quae praeter morem intumuerant, exsiccatio. Postremo gangraena apparuit, quae eum bi-duo vita privavit. Aegro & morienti adfuerunt Nicolaus Ignarra & Philippus Mazochius, quos cum lacrimantes conspexisset, *ne mea causa, dixit, trepidetis, qui me Deus condidit, is mihi absenti prospiciet.* Iis etiam mandavit ut in Ecclesiae commentariis haec tantummodo scribi curarent: *Alexius Symma-cus Mazochius obiit.* Vel hoc extremo tempore a pluteo, ubi adfidere solebat, nun-

quam discessit. Vidisses haud secus quam venerabundus hominem tranquillo & quieto animo vitae finem opperiri, & ita caelum respicere, ut corpore laxatus eo tanquam e carcere posset evolare. Magnum enim ei afferebat solatium severissime exacta aetas, & non solum a cupiditatibus, sed etiam ab iis rebus, quas homines honesti facile sibi concedunt, remotissima. Ne alacritate futili gestiens deliquesceret pene iratus est Cardinali Quirinio, quem de se in Cardinalium collegium cooptando sermonem aliquando cum Benedicto XIV. habuisse comperit. Ex eo tempore ullius rei cum illo commercium habere recusavit, quod vehementer doluit Cardinalis, qui semper aliquid extorquebat a Mazochio, cui rei indicio esse possunt *Schediasma de antiquis Corcyrae nominibus*; & *Diatribae de diptycho Quiriniano ac Brixiano*, deque *Graeco Prophetarum codice Chifiano*. Nemo vero poterat suspicari cum Mazochius aut dignitates divitiasque contemneret, aut ingenii famam abjiceret, aut recusaret declarationes honoris, voluisse se aliqua simulatione hominum existimationi ma-

gis magisque venditare, etenim nihil in eo unquam fucatum, fallax, & eruditum artificio simulationis apparuit. Nihil ei carius erat quam delitescere, nihilque molestius, quam a quoquam domi non alia nisi sui vendendi causa se adiri. At homo verecundus & parcus in assumendis sibi laudibus, commendator erat effusus alienae virtutis; & cum ejus religio, auctoritas, laudatio magni momenti apud animos potentiorum esset, multis sane prodesse potuit. Laudavit saepe Spinellius consiliam Mazochii in sapientissimis viris ad Sacerdotia deligendis. Nemo vero ex iis, quae de Assermannio, Stiltinghio & Sabbatinio diximus, suspicabitur Mazochium aliorum injurias ferre minime potuisse. Quamvis extiterint qui non solum ingrate sed pene impie in eum debaccharentur, non solum rei indignitate minime commovebatur, sed satagebat juveniliter, ut ipse agebat, exultantes patientia omnino singulari mollire, & ad mentem revocare. Et perfecto is sapiens & haberi & dici debet, qui tolerantia rerum humanarum, contemptione fortunae, virtutibus denique omnibus, & iis prae-

ferim, quae religione continentur, ut moribus sepius neque vinci neque expugnari potest. Persuasum erat Mazochio multo magis esse secundum naturam celsitatem animi & magnitudinem, itemque modestiam, comitatem, justitiam, liberalitatem, quam voluptatem, ambitionem, atque divitias; itaque quoties aut amici, aut civis officioungebatur, naturae se obedire, & communi hominum utilitati se consulere existimabat. Hinc interdum invenisses eum vel in demississimis occupatum muneribus, praesertim quando consociabatur cum iis, qui in Ecclesiae castris militabant de communibus locuturus officiis. Nunquam deflexit, quamvis decrepitus, a pristina consuetudine quotidie per plures horas preces ad Deum fundendi; & certe nemo illo diligentior fuit in obeundis omnibus religiosi hominis officiis. Severe de se suisque actionibus judicabat, & quamvis ne momentum quidem temporis homo industria omnino singulari perire fineret, & nunquam fere avocaret animum a studio, saepe tamen fassus est se nihil scire, & in nihil agendo se totum esse occupatum. Inter-

dum ejus humanitas desiderari visa est in reprehendendis vitiis, linguae aut mentis erroribus, sed cum in senectute illa pars animi, in qua irarum existit ardor, non parum sedata atque restincta fuisset, naturali gravitati severitatisque comitatem, facilitatemque aspergebat, sic ut ejus admonitiones sine acerbitate essent. Atque ipse cum considerabat, quae esset hominis excellentia & dignitas, intelligebat quam sit turpe non modo diffuere luxuria, sed & molliter & delicate vivere, quamque conveniens & honestum parce, continenter, graviter, sobrie: cui sobrietati se praesertim acceptum referre dicebat, quod ad summam pervenisset senectutem. Quantum vero commodis suis detrahebat, tantum caritati in pauperes addebat, quibus quidquid ipse industria sua acquisierat, vel bibliothecam, non tamen multorum nummorum, testamento reliquit. Quamvis taciturnitate delectaretur, neque in familiari sermone eloquens, ornatus & suavis esset, ut verba magis in calamo quam in ore se habere diceret, interdum tamen hilarulus & ad jocum factus videbatur; se-

runturque adhuc quaedam ab eo belle & festive dicta. Ceterum illud Spinthari Tarentini de Epaminonda in ipsum quadrare multi affirmarunt; *se novisse neminem qui plura sciret, ac pauciora loqueretur*. Habebat animi caussa rus amoenum ac suburbanum, quo dormitum praesertim ab aestate media ad autumnii initia concedebat; & cum ibi soletet aut pullos pascere aut olera caedere, imitari sibi videbatur Laelium & Scipionem, qui cum rusticarentur ad Cajetam & ad Laurentum, conchas & umbilicos legere consueverant, & ad omnem animi remissionem ludumque descendere. Omnino mihi liber esse non videtur, qui non aliquando nihil agit. Ordo, constantia ac moderatio, quae in homine apparebant, & illa gravitas sine arrogantia, verecundia sine segnitie erant invitamenta ad illum colendum observandumque, extiteruntque ingenii & doctrinae laude florentes adolescentes, qui se beatos putarunt, quod familiarissime cum eo versari, ejusque domesticis rebus interesse potuerint. Sed diligentissimi omnium in colendo Mazochio fuerunt, Jacobus Fontana, Carmi-

nus Scatula & Nicolaus Ignarra, qui etiam  
 nulla non mortuo praestitit officia. Nam  
 praeter editum commentarium de illius vita  
 multum laboris consumpsit in colligendis or-  
 dinandisque chartae frustis ( neque enim a-  
 lius mos erat Mazochio in conficiendis li-  
 bris, quam plures hujusmodi plagulas a se  
 antea exaratas conglutinare ) ex quibus con-  
 stat III. volumen Spicilegii Biblici, quod  
 an. MDCLXXVIII. Neapoli vulgatum est.  
 Qui vero accedebant ad eum non poterant  
 non magnopere commoveri, cum cogitarent  
 hominem, cui nemo par ingenio fuerat, non  
 modo a memoria, sed pene a ratione deser-  
 tum fuisse. Sed in hoc etiam statu inter-  
 dum vis quaedam virtusque divina, ut su-  
 pra commemoravimus, apparebat. Quam ci-  
 vitati universae carus esset moerore funeris  
 indicatum est. Elatus publice ad S. Resti-  
 tuta sepulcri monumento donatus est, in  
 quo posita ejus effigies cum hoc titulo,

ALEXIO SYM. MAZUCHIO

ECCLESIAE NEAP. CANONICO

R. S. SCRIPTURAE INTERPRETI

QUI PHILOGORUM SUI AEVI PRINCIPIS

R b 4

392      ALEXIUS SYMMACHUS  
 OPINIONEM IN QUAM VEL  
 APUD EXTERAS NATIONES QUAMPLURIMIS  
 SCRIPTIS VOLUMINIBUS MULTIPLICI  
 ERUDITIONE PRAESTANTIBUS  
 MERITO FUERIT ADDUCTUS INTEGERRI-  
 MAE VITAE ET EXIMIAE PIETATIS  
 LAUDE CUMULAVIT .  
 VIXIT AN. LXXXVI. M. X. D. XXII.  
 OBIIT PRID. ID. SEPT. A. MDCCLXXI.  
 OPTIMO PATRUI  
 DE SE OPTIME MERITO  
 PHILIPPUS M. C. V. IUDEx P.  
 CANONICI LOCUM COLLEGAE B. M.  
 DEDERUNT

Marmoream Mazochii effigiem scalpfit Iose-  
 phus Sammartinius , cujus magnum nomen  
 extat apud Neapolitanos . At quam ille ad  
 vivum fabрили scalpfit , eandem oratione I-  
 gnarra expreffit . *Staturae juftae fuit appofitae  
 ad dignitatem, quanquam ob nimis maturatam hu-  
 merorum incurvationem nonnihil imminutae .  
 Itaque praefagium illud , quod Plinius ex Ari-  
 ftotele retulit , longae effe vitae incurvos  
 humeris in longaevo Mazochio confirmatum  
 eft . Capitis non exigua moles ac rotunditas ; la-*



*iffima frons plurimis rugis acque ac facies asperata; supercilium laevum altero elatius, & labium inferius non nihil pendulum evidenter eum a ceteris perspicueque distinguebant. Color, quamdiu ipse sub labore gemuit, pallidus, at cum vitio mentis cessavit, sanior atque etiam rubicundus. Latum pectus ac respirandi viae faciles libertimaeque, ut circa anxietatem loqueretur, etiam dum scandere festinasset. Brachia torosa; ac manus adeo crassae, ut pugilem aptius decerent. Ceterum tota oris species, habitus, incessus, vestimenta denique ipsa ad tantam erant composita dignitatem, ut externo etiam apparatu tueretur opinionem eam, quam apud omnes de virtute sua ac prisca severitate merito concitaret.*

## O P E R A E D I T A.

*In Mutilum Campani Amphitheatri titulum aliosque nonnullas Campanas Inscriptiones Commentarius Neap. 1727. in 4. Recudit Polonus Tom. V. Supplem. ad Grev. & Gron. Mazochius hunc commentarium postea plurimum auxit, & extant manuscripta ejus additamenta.*

*De Publicis & Publicis. Vid. Tom. V. Callogerianorum opusculorum. Venet. an 1731. p. 161.*

*Ad amplissimum virum Bernardum Tanuccium Regis nostri a secretis Epistola de dedicatione sub ascia. Neap. 1739. in 8.*

*Oratio in funere Nicolai Caraccioli Campanorum Archiepiscopi. Neap. 1728.*

----- *Clementis XII. Neap. 1740. Extant etiam binæ hæ orationes inter opuscula.*

*Dissertazione sopra l' origine de' Tirreni. Romæ apud Palearinos Tom. III. Dissertationum Cortonensium.*

*Francisci Mariæ Muscetolæ Archiepiscopi Rossanensis Dissertatio Theologico - Legalis de sponsalibus & matrimoniis, quæ a filiisfamilias contrahuntur, parentibus insciis, vel jussu invito. Neap. 1742. in 8. Iterum Neap. 1762. in 8. ac demum Romæ 1766. in 4. cum nova appendice Decisionum S. R. Rotæ.*

*De antiquis Corcyrae nominibus Schœdiasma. Neap. 1742. in 4.*

*In vetus marmoreum Sanctæ Neapolitanæ Ecclesiæ Calendarium commentarius Neap. Tom. III. 1744. in 4.*

*In Causa Hilari Fide constituti ætorum recentior. Neap. 1745. in 4.*

*De Diptycho Quiriniano & Brixiano Epistola, De Graeco Prophetarum Codice Chifiano Diatriba: De librorum bipatentium & convolutorum antiquitate Diatriba. Neap. in 4. Extant etiam in Calogerianis Tom. XXXIV. & XXXVII.*

*Dissertatio historica de Cathedralis Ecclesiae Neapolitanae semper unicae variis diverso tempore vicibus. Neap. 1751. in 4.*

*De Sanctorum Neapolitanae Ecclesiae Episcoporum cultu Neap. Tom. II. 1752. in 4.*

*Graecae Inscriptionis in poculi Pseudosocratici extremo labro exaratae explicatio: Epistola ad Felicem Sabatellum Neap. 1752. in 4. Extat etiam in opusculis.*

*De Mutilae Expugnationis historia ad Jacobum Castellum. Neap. 1753. in 8. Extat etiam inter Epistolas.*

*Commentarium in Regii Herculanensis musei aeneas Tabulas Heraclenses Paris. I. & II. Neap. 1754. in fol.*

*Actorum Bononiensium S. Ianuarii & Sanctorum martyrum vindictae repetitae Neap. 1759. in 4.*

*Spicilegium Biblicum Tom. III. Duo priora volumina edita Neap. 1763. in 4. pertinent ad vetus Testamentum, postremum editum an. 1778. ad novum.*

*Jo. Gerardi Vossii etymologicum linguae latinae cum etymologiis Mazochii ex Oriente petitis Neap. 1762. Tom. II. in fol.*

*Opuscula, quibus orationes, dedicationes, epistolae, inscriptiones, carmina, ac diatribae continentur. Tom. II. Horum voluminum alterum editum est Neap. 1771. alterum 1775. in 4. Haec volumina alia subsequuntur.*

## OPERA INEDITA.

*Prælectiones Biblicæ.*

*De Αὐτοκρατορικῇ Patriarchali, viniq; rudimentis.* In Tab. Haracl. p. 235. nominat hanc dissertationem *de Neachica vini inventione.*

*De Poesi Hebraeorum.*

*Commentarius in Psalm. CIII.*

*Dissertazione sul vaticinio di Giacobbe.*

*Rei Tabernaculariæ libri duo.*

*Commentarius in Evangelicam Harmoniam a Christi ortu usque ad ejusdem ministrantis initia.*

*Petri Subdiaconi de Agnelli miraculis commentarius cum Matzochii notis.*

*Dissertazione sulla Iscrizione de SS. Massimo e Fortunato.*

*Consilium de cultu SS. Neapolitanæ Ecclesiæ Antiquissimum.*

*De Capuæ reique Campanæ originibus.*

*Camilli Peregrinii Campania Felix cum notis Alexii Symmachi Matzochii.* Confidimus hæc propediem editum iri a Joanne Gravierio.

*Ad musæum Apſidis Campanæ.*

*Inscriptiones Campanæ.*

*In Ofca seu Etrusco-Campana quædam monumenta*  
*Dissertatio.*

*De Tyrrhenicis originibus varia præter edita.*

*De veteris Herculanei originibus.*

*Syntagma veterum inscriptionum.*

*Ad Inscriptionem Voconiae Saevrae apud Granitos in  
ora Leucosiae commentarius .*

*Diatriba ad tabulas Ignuvinas .*

*Latinarum vocum ex veteribus Lapidibus auctorium .*

*De Jove Fiazzo dissertatio .*

*De Leucosia Insula hodie Licosa .*

*De Juvenum varia in lapidibus & Auctoribus notione .*

*De Aelia Nicopoli .*

*De Exactoribus operum publicorum .*

*De Augustalibus .*

*De Voce Lanterna .*

*De nativa doli & doli mali notione .*

*De voce Italus .*

*Miscellaneorum Sylva, & Criticarum in aliquos Scripto-  
res Spicilegia .*

*Observationes ad Livium, Polybium, Ciceronem, Histo-  
riae Augustae Scriptores, Gruterum, Sponium & alia hujusmodi.*

*Incertum est num de notis NAT. PAS. DEP. dis-  
sertationem scripserit, quod se facturum promiserat.*

## I N D E X

RERUM NOTATU DIGNIORUM QUAE IN VIII.

VOLUMINE CONTINENTUR.

## A

- A** Cademiae Pisanae historia [124.](#) [244.](#)  
 Albizius Franciscus [126.](#)  
 Agnesia Cajetana [141.](#) [166.](#)  
 Alexander Natalis reprehensus [58.](#)  
 Algebrae origo & progressus [138.](#)  
 Almeloventius [121.](#)  
 Antonioli Carolus [68.](#) [112.](#)  
 Apesearum ortus & mores [304.](#)  
 Arsacidarum epocha [110.](#)  
 Aureliani historia illustrata [118.](#)  
 Ausonii consulatus [126.](#)  
 Averanius Benedictus de ejus eloquentia judicium [7.](#) 20.  
 vita [8.](#) & seq. catmina [11.](#)  
 12. 23. dissertationes variae [15.](#) almagestum interpretatur [17.](#) ejus munera in Academia Pisana [18.](#) mores [23.](#) & seq. mors [28.](#) opera [32.](#)

## B

- B** Aillius [298.](#)  
 Benedictus XIV. [69.](#) [63.](#)  
 115. [388.](#)  
 Bernoullius Jo. [195.](#) [208.](#) [214.](#)  
 Blanchinius [306.](#) [308.](#)  
 Bonaventurius Thomas [229.](#)  
 Bottarius Jo. [1.](#) [19.](#) [239.](#)  
 Brechmannus Henricus [247.](#)  
[251.](#)

## C

- C** Alendarii Gregoriani e-

mendatio [258.](#) [306.](#)

- Capycius [330.](#) [342.](#)  
 Capua ejus amplitudo [340.](#)  
 ingrata Mazochio [345.](#)  
 Caracciolus Nicolaus [337.](#)  
 Callinius Jo. Dominicus [295.](#)  
[308.](#) & [310.](#)  
 Causae finales earum usus in physica [179.](#)  
 Ceva Thomas [201.](#) [252.](#)  
 Contelorius Felix [122.](#)  
 Corfinius Eduardus ejus vita [76.](#) studia [77.](#) opera philosophica [79.](#) Jesuitarum ordinis ib. mathematica & hydrostatica scripta [82.](#) de Fastis Atticis [86.](#) & seq. horum causa cum Lamio disputationes [90.](#) agonisticas dissertationes vulget [93.](#) Graecorum siglas interpretatur [97.](#) munera in Academia Pisana [99.](#) [147.](#) Plutarcum illustrat [100.](#) monumenta antiquitatis explicat [98.](#) [103.](#) [104.](#) & seq. [107.](#) [110.](#) [113.](#) [117.](#) opera metaphysica [109.](#) orationes ib. [130.](#) munera in Sodalitate sua [11.](#) de Praefectis urbanis scribit [120.](#) morbi & mors [123.](#) [127.](#) mores [128.](#) & seq. opera [131.](#)

## D

- D** Anielus Franciscus [321.](#)  
 Dedicatio sub aetia [346.](#)

Dionysius Periegeta 59.

Dodwellus 90. 96.

**E** Loquentia quantum a natura adjuvetur 4. quam elocutionem requirit 16. ejus fors & vices apud Graecos 70.

Eustathii interpretatio 48. & seq. ejus commentaria in Dionysium Periegetam 59.

**F** Abrucius 124.  
Facciolatus Jacobus 349.  
Fasti Attici illustrati 86. & seq.  
Fixarum catalogus 300.  
Fontana Jacobus 390.  
Frisius Paulus 137.  
Fromondus Clavius 156.  
Froelichius 111.

**G** Alilaus 113. 113. 219. 220. 232. 234.  
Gorius Franciscus 57. 102.  
Grandius Guido ejus philosophandi methodus 182. vita 186. prima ejus studia 188. scripta 190. qua ratione in geometria processerit 191. ejus opus de demonstratione Vivianeorum problematum 193. in Pisana Academia doctor creatur 196. Hugeniana theorematum solvit 197. & seq. de quadratura circuli & hyperbolae scribit 204. de in finitis infinitorum ordinibus 209. cum Varignonio disputat 210. cum Portio,

Jordano, & Tambuccio 212. 214. cum Marchetto 218. cum Laderchio 244. cum Tanuccio 246. & seq. ejus opera hydrostatica 214. de resistentiis 22. de sectionibus conicis 235. alia geometrica 237. 254. de sonis 241. de rebus Camaldulensibus 189. 244. 246. de Pandectis Pisanis 247. de Calendario 258. dignitates ejus 259. mors 260. mores 262. opera 271.

Gravina Jo. Vincentius 10.  
Gregorius Jacobus 201.  
Gronovius Jacobus 18.  
Guadagnius Leopoldus 31.

**H** Arrachius Comes 143.  
Hebraeorum poesis 304. & seq.  
Heraclienfes tabulae explicatae 368.  
Herculanenses antiquitates 370.  
Hermannus Jacobus 201.  
Historia naturalis 305.  
Hugenii theorematum demonstrationes 204. 299.

**I** Aesonius Georgius 48. 58.  
Iacettasius Nicolaus 314.  
Ianuarii martyris acta vindicata 375.  
Iesuitae Academicis Pisanis infesti 352.  
Ignarra Nicolaus 373. 385. 391. 393.  
Iordanus Vitalis cum Grandio disputat 214.

**K** Eplerus 191. 198.

**L** Amius Jo. 56. ejus con-

- certationes cum Corfinio  
90 262. 378.  
Leibnizius ejus systema de cau-  
sis finalibus 179. 193. 206.  
208. 211. 234.  
Ludi Graecorum explicati 93.  
M  
Affacius Scipio 97. 101.  
106. 343.  
Majellus Carolus 335.  
Manfredius Gabriel 141. 156.  
----- Euthachius 203.  
226. 228. 301. 306.  
Marinius Cajetanus 122.  
Marchettus Alexander ejus di-  
sputationes cum Grandio  
218.  
Maraldus Jo. Dominicus 293.  
300.  
----- Jacobus Philippus  
ejus vita 295. labores astron-  
omici 297. & seq. histo-  
riam naturalem excolit 301.  
gnomonicam praebeat 306.  
ejus itinera ib. mors & mo-  
res 301. opera 312.  
Martyrologium Romanum il-  
lustratum 60.  
Mazinius 155. 162.  
Mazochius Alexius Symma-  
chus 330. ejus cura in pro-  
vehendis studiis 336. & seq.  
de Campano amphitheatro  
scribit 339. de Dedicatio-  
nibus 341. ejus munera  
344. opus de dedicatio-  
ne sub astra 346. biblica  
exornat 350. ejus opus de  
filiisfamilis, invito patre,  
nuplurientibus 353. tabulas  
Hieracientes explicat 369.  
antiquitates Herculanei  
370. cum Stiltinghio dispu-  
tat 375. cum Sabbatino  
376. de Tyrrenorum ori-

gine differit 379. ejus opa-  
scula 381. mores 383. ef-  
figies 392. opera 394.  
----- Philippus 378. 385.  
Mediceus Leopoldus Card. 13.

17.  
Meurii operum editio 56. 90.  
Miliarius Cajetanus 383.  
Monranarius 308.  
Muscettola ejus dissertatio 392.  
Muratorius Ludovicus 251.  
343. 348.

N  
Napolius Jo. Baptista 344.  
Narcissus ejus systema sono-  
rum 240.  
Narduccius Thomas 240. 256.  
Newtonus ejus de Grandio e-  
logia 203. 212. 234. 241.  
297.  
Norisius Card. 16. 196. 307.

P  
P Andeatarum codex quo-  
modo ad Pisanos venerit  
247.  
Parchorum Regum historia  
116.  
Perellius Thomas 255.  
Peregrinus Camillus 140.  
Politus Alexander de ejus e-  
loquentia judicium 35.  
54. vita 41. ejus opus de  
philosophia Peripatetica 44.  
de theologia 45. notae ad  
veteres scriptores 45. de  
patri in testamentis con-  
dendis potestate 46. Eu-  
stathium interpretatur 48.  
ejus munera in Academia  
Pisana 52. scripta ad an-  
tiquitatem pertinentia 56.  
de martyrologio Romano  
60. mores 62. opera 64.  
& seq.  
Portius Lucas Antonius ejus



disputationes cum Grandio  
213  
Præfectorum Urbis series 121.

**Q** <sup>Q</sup>uirinius Card 183.

**R** <sup>R</sup>ampinellius Ramirus e-  
jus vita 145. primi studia  
in Architectura militari 149.  
in geometria 152. in a-  
nalyfi 155. opera mathema-  
tica 261. hydraulica 169.  
mors & mores 172. & 163.

Robervallus 201.

S. Romualdi vita 182. & 146.

**S** <sup>S</sup>abbatinus cum Maxchio  
disputat 176.

Salvinus Antonius Maria 19.

Scatula 191.

Seraus Franciscus 172.

Slopius Josephus 292.

Spinellus Card. 137.

Stajas Benedictus 179.

Salpiciae Dryanellae nummus  
exolicatus 117.

**T** <sup>T</sup>heonis interpretatio 17.  
Trombellus Jo. Chrysostomus  
127.

Tarriconus Franciscus 137.

Tyrherorum origo 179.

**W** <sup>V</sup>aballathi imperium &  
origo 117.

Varignonius cum Grandio di-  
sputat 20. 121.

Verulamius Bico 183.

Vernaccinus Joseph 155. 271.

Vesuvius quare sic dictus 372.

Vivianus Vincentius 17.

102. problematum illius de-  
monstrationes 193. 232.

W illius 221.

**Z** <sup>Z</sup>eus Apostolus 246.  
343.



005270808

MAGL. 5.6.199

5270808

# ERRATA CORRIGE

|                  |                        |                             |
|------------------|------------------------|-----------------------------|
| pag. 7. lin. 19. | peccavimus             | peccaverimus                |
| 36. 24.          | singulo quoque momento | singulis quibusque momentis |
| 45. 19.          | Hufonius               | Hudsonius                   |
| 77. 20           | Guidom                 | Guidonem                    |
| 86. 24.          | Epistatam              | Epistatarum                 |
| 94. 14.          | Aclide                 | Elide                       |
| 228. 9.          | machinaio              | machinatio                  |
| 265. 23.         | incisic                | incidit                     |
| 337. 15.         | nec prece              | qui nec prece               |
| 345. 4.          | stipem                 | stipitem                    |

Rogandi sunt Lectores, ut in superiori Volumine corrigant  
 p. 182. *Parmensis* loco *Mutingsis* & p. 193. *quereris* loco  
*quereris*, quæ errata, ut & fortasse alia, diligentiam  
 nostram effugerunt,





$\overline{N}P$   $\overline{N}P$

$\overline{B}C$   $\overline{N}P$

$\overline{B}C$   $\overline{N}P$

$\overline{B}C$   $\overline{N}P$

